





Ex Bibliotheca
majori Coll. Rom.
Societ. Jesu

Ex Legem Mari Corini

Lib. 2-f-5

St. 4

2-6-E-3

~~*4-7-F-45*~~

82-3-10
82
E
16



ANTONI MARIA
GRATIANI

A

BVRGO S. SEPVLCHRI
EPISCOPI AMERINI

DE

BELLO CYPRIO
LIBRI QVINQVE.

Cum privilegio Summi Pontificis





ILLVSTRISSIMO PRINCIPI
F R A N C I S C O
C A R D. BARBERINO
VRBANI VIII. PONT. MAX.
F R A T R I S F I L I O
C A R O L V S G R A T I A N V S F.



LTua in tanto culmine facilitas, Illustrissime Princeps, & huius argumentum voluminis animosior me fecit: effecitque ut nullo mihi aditum molliente promerito, subitus intrarem ad te, hoc est in augustale publicæ benignitatis irrumperem. Quis enim istius conditionem dignitatis, in medio positam occupanti non putet, aut fastigij tui claritatem ac lucem esse non videat æquè radios effundentem in singulos? Nimirum quia tu fortunam tuam communem omnium facis fundum, audemus vniuersi partem aliquam ex ista felicitate tanquam ex publico delibare. Ipsa porrò libri materia, quæ temporis exacti memoria continet,

tur, & gestæ narratione rei vitam hominum admo-
nentis, haud alium velit dominum, quàm qui vete-
rum Annalibus institutus, in adolescentiæ flore ita
prudenter omnium penè populorum actiones at-
temperat, vt auitam ac translatitiam retinuisse pos-
sessionem imperij, non in nouam venisse videatur.
Candorem animi prorsus illæsum, æquabilem oculo-
rum ac vultus hilaritatem, suauitatem humanitatem-
que verborum constantem ac veram (qui magnitudi-
nis tuæ comitatus & familia sunt) hausisti cum lacte
nutricis, & quàm PATR VI perfectissimi Principis
exemplo, quàm institutione sapientissimi Patris auxisti.
Sed tantum in consultis actisq. iudicium, tantam re-
rum, siue præteritarum cognitionem, siue prouiden-
tiam futurarum, quantam ne in senioribus quidem
vsq. prouectis absque admiratione contueremur,
aliunde te duxisse non arbitramur, quàm ab humanæ
vitæ proscenio, ac totiùs thesauro vetustatis Historia.
Diuinitus enim uero hæc iniecta tibi mens est, vt
priùs illam æui præteriti speculam ascenderes, atque
in exemplorum omnium theatrum animo & cogita-
tione venires, quàm in Reipub. custodia collocareris,
& designator ac iudex in confessum ac spectaculum
committereris orbis terrarum. His autem splendori
tuo huius inscribendi operis causis, quas ego pro lo-
cupletibus atque amplissimis habeo, illud etiam ac-

cessit,

cessit, quod tibi commendari putabam optimè post-
humam authoris famam patrui mei, viri sapientis ac
boni; videlicet eius, qui, si tuæ gloriæ superfuisset, à
te, qui solas amare virtutes & sapientiam nosti, non
summopere diligi ornariq. non posset. In mea me
hallucinari causa non finit Commendonus Cardina-
lis, vir antiqui moris, ac doctrinæ multiplicis: qui,
cùm illum paulo plus viginti natum annos in suam
non modò gratiam, sed etiam familiam ac familiari-
tatem admisisset, capaci adolescentis ingenio dele-
ctatus & animo innocenti, Platonis eum philosophia
remotiori, & Aristotelis institutionibus, quæ de mo-
ribus, deq. Rhetoricis, ac Politicis sunt, ipsemet factus
ex domino Magister impensè ac diligenter erudiit.
qua disciplina fatis imbutum à secretis exinde, lega-
tionumq. suarum ad Cæsarem, ad Poloniæ Regem,
ad alios, non modò comitem semper habuit, sed penè
participem. Ac vita demum functus alumni sui propè
spem omnem humauerat ac studia: quippe qui ex de-
siderio tam bene meriti capitis, in latebris abditus ho-
minum lucem conspectumq. vitare postmodum ac
fugere decreuisset. Sed à Sixto V. velut ex fuga repre-
hensus, Latinisq. præfectus epistolis, & eo loco pul-
cherrimè stetit, & postea Cardinali Montalto adhuc
adolescenti, cùm reliquis in rebus, tum in tribus po-
tissimùm Pontificijs Comitijs sic indefidem fidelem-

que

que nauauit operam, vt non tam alieni monitor officij videretur esse, quàm author sui. Hominem denique tanta cum laude diu multumque spectatum in Vrbe Clemens VIII. Amerinum Episcopum fecit, ac tum ad cæteros Italiae Principes colligendi fœderis studio contra Turcas, tum ad Venetos in ordinario munere Nuntium allegauit. Tam multis, ac tam inter se distractis occupationibus interpellatus, aliquot præterea epistolarum volumina, libros de Commendoni Cardinalis vita quattuor, & Commendarium de casibus illustrium virorum accuratè descripsit; quæ fortassis aliquando lucem; quam iudicio multorum poscere videntur; aspicient. Interim satis habui, ex amicorum intelligentium authoritate hanc Historiam, diuturno iam tempore tenebris obuolutam, in libertatem publici Solis asserere, atque aduersus impotentiam interitus, tui nominis immortalitate communire. Excipies illam tu perbenignè, quoniam aliter excipere non potes ea, quæ deferuntur ad te: Neque solum hoc munus, verum etiam ipsum me, liberosq. meos in tua esse clientela & patrocinio patieris. Vale.

V R B A N V S

P A P A V I I I .



D E V T V R A M R E I M E M O R I A M . C ū m , s i c u t d i -
lectus filius Carolus Gratianus Nobis nuper exponi fecit, ip-
se opus quoddam de Bello Cyprio à bo: me: Antonio Maria
Gratiano Episcopo olim Amerino compositum, typis cudi
facere intendat, ac vereatur ne postquam in lucem prodierit,
alij, qui ex alieno labore lucrum quarunt, id ipsum opus de-
nuò imprimant, aut in ipsius Caroli praeiudicium imprimi
eurent; Nos eius indemnitati, ne ex impressione huiusmodi
aliquod dispendium patiatur, providere, illumq. speciali-
bus fauoribus, & gratijs prosequi volentes, & à quibusvis
excommunicationis, suspensionis, & interdicti, alijsq. Ec-

clesiasticis sententijs, censuris, & poenis, à iure, vel ab homine quavis occasione, vel cau-
sa latis, si quibus quomodolibet innodatus exiit, ad effectum praesentium duntaxat
consequendum harum, seriè absolventes, & absolutum fore censentes, supplicationibus
ipsius Caroli nomine Nobis super hoc humiliter porrectis inclinati, eidem Carolo, ut
decem annis proximis durantibus, à primæua dicti operis, dummodo tamen antea à di-
lecto filio Magistro Sacri Palatii Apostolici approbatum sit, impressione computandis,
nemo tam in Vrbe, quam in reliquo Statu Ecclesiastico mediâtè, vel immediâtè Nobis
subiecto opus prædictum sine speciali dicti Caroli, aut eius hæredum, & successorum,
vel ab eis causam habentium licentia imprimere, aut ab alio, vel alijs impressum ven-
dere, seu venale habere, vel proponere possit, & valeat, auctoritate Apostolica tenore,
praesentium concedimus & indulgemus. Inhibentes propterea vniuersis, & singulis
vtriusque sexus Christi fidelibus, praesertim Librorum Impressoribus sub quingentorum
ducatorum auri de Camera, & amissionis librorum, & typorum omnium pro vna Came-
rae nostrae Apostolicae, ac pro alia eidem Carolo, ac pro reliqua tertijs partibus accusa-
tori & Iudici exequenti, irremissibiliter applicandis, & eo ipso absque vlla declaratio-
ne incurrendis poenis, ne dictis decem annis durantibus opus prædictum, aut aliquam-
eius partem, etiam praetextu additionum, aut explanationum, tam in magno, quam in
paruo folio, ac tam in Vrbe, quam in reliquo Statu Ecclesiastico prædictis, sine huiusmo-
di licentia imprimere, seu ab alijs impressum vendere, aut venale habere, seu proponere
quoquo modo audeant, seu praesumant, ac mandantes dilectis filiis nostris, & Apostolicae
Sedis de Latere Legatis, seu eorum Vicelegatis, aut eorum Praesidentibus, Gubernatori-
bus, Praetoribus, & alijs Iustitiae Ministris Prouinciarum, Ciuitatum, Terrarum, & Lo-
corum Status nostri Ecclesiastici supradicti, quatenus eidem Carolo, eiusq. hæredibus, &
successoribus, seu ab eis causam habentibus huiusmodi in praemissis efficacis defensionis
praesidio assistentes, quandocunque ab eodem Carolo, & alijs prædictis fuerint re-
quisiti, poenas prædictas contra quoscunque inobedientes irremissibiliter exequantur,
Non obstantibus constitutionibus, & ordinationibus Apostolicis, ac quibusvis statutis,
& consuetudinibus, etiam iuramento, confirmatione Apostolica, vel quavis firmitate
alia roboratis, priuilegijs quoque indultis, & litteris Apostolicis in contrarium præ-
missorum quomodolibet concessis, confirmatis, & approbatis, cæterisque qui-

buscun que

buscunque. Volumus autem, quod presentium transumptis, etiam in ipso opere impressis manu alicuius Notarij publici subscriptis, & sigillo personæ in dignitate Ecclesiastica constitutæ munitis eadem prorsus fides adhibeatur, quæ presentibus adhibetur, si forent exhibitæ, vel offensæ. Datum Romæ apud Sanctam Mariam Maiorem sub Annulo Piscatoris, die x. Iunii, MD CXXIII. Pontificatus Nostri Anno Primo.

Loco † Sigilli.

V. Theatin.

Imprimatur, si videbitur Reuerendissimo P. Magistro Sacri Palatij Apostolici.

A. Episc. Hieracen. Vicefg.


Antonij Mariæ Gratiani Episcopi Amerini V. C. liber de Bello Cyprio, quem Reuerendissimus Sacri Palatij Magister Nicolaus Rodulfus mihi legendum tradidit, ea prudentia, grauitate, elegantia mihi scriptus videtur, ut dignissimum censeam, qui luce publica perfruatur.

Ant. Quæringus Vtr. Sig. Refer.

Imprimatur.

Fr. Vincentius Martinellus Magister, & Socius Reuerendiss.
P. Fr. Nicolai Rodulfij Ord. Prædicatorum Sacri Palatij
Apostolici Magistri.

ANTONII MARIAE
GRATIANI
A BVRGIO S. SEPVLCHRI
DE BELLO CYPRIO
LIBER PRIMVS.



Y P R V M insulam laudibus se-
runt ferè veteres rerum scriptores.
Nouem cepisse regna; tradiderè
singulis partibus, quantum vix uni-
uersis habeas honoris, tribuentes. Quà
se nostrum mare longissimè in Asiam
intert, media inter Ciliciam Syriam-
que emergit, Pamphilio ac Aegy-
ptio mari, & Issico sinu cineta. Quà Ciliciam aspicit, de-
xaginta millibus passuum à continente diuiditur, à Syria
nonaginta: vnde & abscissam olim vi pelagi memoria
proditum. lata quinque, & sexaginta, decem supra ducen-
ta millia passuum in longitudinem patet. Omnis insula
quingies centenis millibus passuum ambitur, atq; eo etiam
amplius. Quindecim nobiles vrbes tulisse olim memorant;
hodie vix frequentes quinque, Nicosiam, Famagustam,
Paphon, Imilson, Cerinè; reliqua pagi, vtiq; occupant.
numero ad octingentos quadraginta, in vndecim distribu-

Cypri in
sula de-
scriptio.

clxxxv
om. mar
s. 492

ti regiones, Paphiam, Andimam, Imissam, Massotam, Salinas, Mesaream, Crusocum, Pendagiam, Cerineam, Carpassream, Viscontiam. Capita hominum propè ducenta millia censebantur: adeo non par veteribus numerus, ut Dio Cassius in Traiani Cæsaris vita scriptum reliquerit, conspiratione Iudæorum ad ducenta & quadraginta Cypriorum millia vno tempore cæsa in insula fuisse. Cæterum hi in quatuor ordines distinguebantur, equestrem, plebeium, libertinum, & seruorum: postremini duo colendis agris, reliqui frequentandis urbibus erant. Addictos seruitio Cyprij agrestes habebant, usurpatione iuris paulatim coactos accipere iugum: sed pars maxima manumissorum erat; atque hos Francoimatos, illos Paræcos appellabant: vtrumq. genus infensum nobilitati, & Paræci magis, qui grauius premebantur. E libertinis milites fiebant, certo cohortium numero instituto. Hominum in vniuersum habitus corporis ab arenti cælo gracili, quàm opimo, propior; membris agilibus potius, quàm validis: colore fusco, ut ferè Græci, ac nigro capillo: ingenijs habiles aptique, sed omnes ab affluentia rerum corrupti luxuria, & conuiujs & vino dediti. Non copiosi erat, domestico instrumento uti alio, quàm argenteo: ne rustici quidem aliqua supellectili argentea carebant, poculo præsertim, & cultroꝝ capulo & cocleari & fuscina ad cibum ori ad mouendum. Nobiliorum splendor, regulorum magnificentiam æquabat: magnum ministrorum, ac seruorum circa se numerum, habebant onustos argento abacos, parem epularum, vestium, ædium ornamentorum apparatus: eundem in canibus, in equis luxum. Ijs aliquando delicijs fuerunt, ut fastiditis equis mulas alerent, hisque, seu per urbem obequitandum seu per insulam, insiderent, quo mol-

Cyprio-
rum mo-
res.

Ius exstaretur. Quae res vel senatus cura indiguit pro-
 pterea non tibi in nullo in insula equos fore: edictum inde,
 necare mulas necui liceret. ita res ad pristinum usum
 equorum rediit. Mulierum luxuria ac lasciuia. quanta
 fabula loqui praeberet potuerit, quam mari Venerem in
 Cypriam prius egressam, & Cypriam & Paphiam ab no-
 bilis ea urbe templo dictam. In magna rerum facundia
 re aquarum indopia saepe laborat: laus constat ex Cyprio-
 rum ad alibus delectam olim insulam ob siccitatem fuisse,
 ac decem & septem annos nunquam pluuisse. Nullam flu-
 men: torrentes aliquot, per hiemem aucti pluuijs rapidi
 canonicibus ruunt, aestate arseunt, iugibus pueris, topi-
 busque perennes scaturiunt aquae, quanquam & haec caloribus
 decrescant, cuiusvis ac saluberrima potu. Terra, ut nullis
 annis irrigetur, tamen heri sponte sua ac terra ferax
 frumentis: ex quo incolarum abundantiæ pars tertia su-
 peris hordei par numerus, atque idem animalium fru-
 gum praesentia. Vini & excellentia & copiam insignis
 valeuora ac magis generosa tota Graecia non gignuntur
 eorum praesentia allecsum ad inuadendam insulam. Seli-
 num tradant. Salis optimi vis ingens, prope trecenta mil-
 lia annuum aut eorum ex Cyprii salis vccigali ad Xenos
 singulis annis redibant. Bombycis, taccari angens, quæstus
 nec vilius ac feracior insula. Oleo item, melle, lino, spar-
 to, croco, cera, lana, serico abundat: medicarum her-
 barum, gemmarum, metalliq. ac omnium propè rerum,
 quæ terra aut fodiuntur aut gignuntur, mira fertilitas. Sed
 solo quam caelo felicior, quod graue ac infestum caloribus,
 ac multis locis pestilens breue tempus fruendis tot bonis
 satuisse habitatoribus videtur: corpora ferè ante senecti-

Cyprii
 soli in-
 ciliantur
 m. n. n. n.
 n. n. n. n.

Cyprii
 soli in-
 ciliantur
 m. n. n. n.
 n. n. n. n.

Terre
 facias

Cyprii
 soli in-
 ciliantur
 m. n. n. n.

Cypri in
sule Do-
mini .

P. Clo-
dus Cy-
pri Pro-
lemo co-
ripit .

Emericus
Lusigna-
nus pri-
mus Cy-
pri Rex

tem extinguens. Cyprum initio tyranni habuere: quibus erepta Aegypti regibus paruit. His P. Clodius Romanus iuuenis ademit, non genere quàm audacia, & expulsi Ciceronis inuidia nobilior. Is captus à Piratis, pretium ad se redimendum à Ptolemæo petijt, quod illiberaliter misum prædones ipsi aspernati, Clodium gratuito dimiserunt iratum regi, à quo tam paruo æstimatum se quebatur. Creatus Romæ Tribunus plebis legem pertulit, qua Cyprus Populi Romani prouincia esse iubebatur: & continuo missus est in insulam M. Cato, qui eam ordinaret, atque Romam asportaret regios thesauros: qui tantæ opulentiae fuisse dicuntur, vt eorum fama domini rerum populi cupiditatem sollicitare potuerit. Rex accepto iniuriæ nuncio indignatus, tantum vni in se ciui licuisse, mortem sibi consciiuit. Post interitum inde Romanæ magnitudinis Constantinopolitani Imperatores tenuere; donec Ricardus Britanniae rex anno millesimo centesimo nonagesimo cum magna classe Hierosolymam petens, prohibitus insula ab Isahacio regulo eam, victo ac expulso Isahacio, in potestatem redegit; ac paulo post inclytæ opibus ea tempestate Templariorum societati, accepta pecunia, tradidit. Qui ipsi Cypriorum seditionibus excepti eodem quo emerant, pretio Guidoni Lusignano tum maximè Hierosolymorum regno à Saracenis eiecto vendidere. Guido, translata in insulam fortunarum suarum sede, biennio post morbo interiit. Ei Emericus frater successit, qui rem Cypriam egregiè auxit, præmioq. accersitis in insulam multis familijs, longè quàm antea frequentiore, agris virisque opulentiorē fecit; ac missa Romam insigni legatione à Pontifice Maximo impetrauit, vt Rex appel-

lare-

laretur. Hugo deinde regnavit Emerici filius. Is Henricum creavit: is deinde Hugonem, qui admodum adolescens sine liberis decessit. Ita regnum ad alterum Hugonem, Apuliæ regis filium Isabella Henrici sorore genitum, est delatum: qui quò gravior Cyprijs fieret, paterno repudiato, Lusignani cognomen asciuit. Hugoni Iohannes, Iohanni Henricus successit. Is comitali morbo laborans cùm inhabilis regno videretur, ab Emerico fratre capitur, & custodiendus ad Aitonem Armeniæ regem, cuius soror in Emerici matrimonio erat, mittitur. cui tamen non diu scelus inultum mansit: nam in suo lectulo ab Simoneta quodam cubiculi ministro non multo post occiditur. Ita regnum Henrico redditur. Post hunc Hugo Guidone Henrici fratre ortus regnat. Is Petrum procreat, cui ob virtutem forti cognomen fuit. Eo rege, quantum nunquam antea, res Cypria floruit. instituto Famagustæ vicinarum gentium mercatu, magnas in insulam opes inuexit: magnam ipse vim auri coëgit. comparata deinde quinquaginta longarum navium classe, à Rhodijs soceroq. Hispaniæ rege adiutus Alexandriam cepit, regnumq. in Syriam extendit. His rebus gestis, cùm ad visendum Pontificem Maximum profectus Romæ abesset; Comes Rocasij, cui tutelam regni discedens reliquerat, regina in stuprum illecta regiam potentiam inuaserat. Quare cognita, Petrus propere in regnum reuersus Rocasium patrijs legibus apud suorum concilium maiestatis postulauit. Ille gratia, atque opibus suis, tum reginæ adnexus, deprauato iudicio, non solum absolutus est, sed delator eius Viscontius regiæ domus dispensator in exilium actus. Cuius dolore iniuriæ accensus rex furere in Cyprios, alios alijs criminibus circumuentos tollere, grassari stupris, coniuges filiasque

corum & sibi & suis subijcere , nec vllam pudicam pati. Nouum inde carcerem in foro,quò plus terroris incuteret , ædificare instituit. Ad id opus faciendum cum populum cogeret , fœminæ hortatu , coniuratione facta interficitur. Ea nobili orta loco , ferendis ad carcerem lapidibus à rege damnata , dum in opere versaretur , lineam quoque interiorem vestem , tanquam ne impedimento esset , supra genua ad fœmora extulerat . Rege illac transeunte cum magna omnis generis turba , mulier , veluti oblita pudoris , spectans ac spectaculum præbens , immota stetit : ad vnius regis conspectum collecta in pedes defecit , seque veste contextit . Eo prætergresso , rursus erecta ridiculo sequentibus ac nuda fœmora intuentibus fuit ; restantes alios , alios regressos ad spectaculum incessit cupido percunctandi , cur vnum verita regem , reliquorum nulla verecundia tene- retur ? Tum mulier , non solere , respondit , fœminas fœminarum oculos cauere , neque se in tanto agmine , præter regem , virum vidisse . increpitos inde , ac muliebres animos exprobraus ad coniurandum impulit . Occiso Petro , Petrinus eius filius regnum accepit . Is cum solennibus dapibus legatos Venetorum , ac Genuensium adhibuisset , orta inter eos , vtri loco atque genere præstarent , contentione , Venetos prætulit . Qua contumelia irritati Genuenses iuuenes , in regis necem conspirant . sed re prodita , correpti illicò , qui in regia deprehensi sunt , e summa turri in forum præcipitantur , collocatis militibus qui decidentes erectis hastarum cuspidibus exciperent . pari leuerrate omnes tota insula Genuenses interfecti sunt . Bellum regi ob eam rem à populo Genuensi est illatum , missuque cum classe in insulam Petrus Fulgosius , qui , prodente regis

Admiran-
dum Cy-
priæ faci-
nus .

Rex Pe-
trus à cõ-
iuratione in-
terficiuntur

Venerit le-
gati Ge-
nuensibus
prælati .

matre Famagustam , eò necessitatis Petrinum adduxit ,
 vt acceptis à victore legibus , amissa Famagusta , obli-
 gatusque Iacobo patruo ac patruelibus traditis , vecti-
 gal pendere Genuensibus sit coactus . A Petrino re-
 gnum ad Iacobum , qui Genuæ obses erat , rediit ; ab
 eo per manus traditum filio , cui quòd Genuæ natus es-
 set Iano nomen fuit . Is bello Mamalucorum petitus ,
 ad Visilopotamum commisso praelio victus , captusque
 in Aegyptum abducitur , anno millesimo quadringen-
 tesimo vigesimo sexto . Quem barbari , vix accepto ma-
 gno auri pondere , & imposito octo millium nummum
 aureorum vectigali , quod in singulos annos Aegypti
 regibus Cyprus penderet , in regnum dimiserunt .
 Id vectigal nunquam est dependi desitum , ne à Ve-
 netis quidem , postquam Turcæ occupata Aegypto in
 idem ius succedere . Ianus Iohannem filium regni hære-
 dem reliquit , imbellem iuuenem & vxori obnoxium ,
 ex qua vnicam filiam suscepit , Carlottam nomine ; quæ
 prius Lusitano cuidam regis stirpis adolescenti , dein-
 de , eo veneno sublato , Ludouico , Sabaudia Ducis
 filio nupsit . Is Iohanne mortuo non diu rerum est po-
 titus . Nam Iacobus concubina natus , quem Iohannes
 pater adolescentem Nicosiæ Archiepiscopum designauerat ,
 indignum ratus , externum sibi regem præferri , ab-
 iecta sacerdotali toga , ad regem Mamalucorum con-
 fugit , atque eius ope adiutus , Carlotta , viroque expulsis ,
 patrium regnum recepit , ac pari felicitate Famagusta
 Genuensibus erepta omnem insulam pacauit . Muniendis
 inde rebus , ad publicam cum Venetis affinitatem iungen-
 dam , legatos Venetias misit , qui vxorem à senatu Venetam

Catharina
Cornelia
Veneta
Cypri
Regina.

ciuem peterent. Delecta è principibus familijs Catharina Cornelia, Marci filia & publicè adoptata, in Cyprum ad regem est missa. Eam moriens, non multò post Iacobus, prægnantem reliquit, & cum nascitura sobole regni hæredem instituit. Natus infans intra annum morbo interijt: & hinc Turcarum, ac Syriæ regibus insulæ insidiantibus, hinc Ferdinando Neapolitanorum rege viduam reginam in filij nuptias sollicitante, commoti Veneti, iampridem eius insulæ dominatui imminentes, Georgium Cornelium reginæ fratrem in Cyprum misere, cuius oratione, ac precibus permota Catharina, anno millesimo quadringentesimo octuagesimo nono, post viri mortem decimo sexto, Regno relicto, ac Francisco Priolo Venetæ classis præfecto, qui senatus nomine accepit, tradito, in Italiam, atque Venetias nauigauit, donataque à senatû ignobili in Taruissinis collibus oppido, ibi molli in ocio contenuit. Hanc igitur insulam cum ob Imperij dignitatem, quòd præclarum esset, remp. integrum regnum in provinciæ formam redactum ipsa in Asia possidere; tum propter multarum rerum opportunitatem, & opulentiam vt semper plurimi fecere Veneti, ita obnoxiam Turcicis armis, atque vndique potentissimi regis finibus cinctam ac penè interceptam habentes, haudquaquam quietis animis eius possessione fruebantur: eoque maiori sollicitudine esse cogebantur, quòd præter Famagustam, nullum esset in insula oppidum munitum, quod inuadentibus barbaris moram modò victoriæ asserre posse videretur: et Selimum ipsum, à quo postea bello petiti sunt, Ciliciam prouinciam cum imperio administrantem, suspectum iam tum habere cœperant, multaque infensi eius animi signa collegerant. Itaque

Cyprus
ad Vene-
toastrâit.

quoad

Iulius Sa-
uornia-
nus in
Cyprum
mittitur.

quoad eius fieri posset, ad stabiliendas insulæ res, decreuit senatus, vt in Cyprum mitteretur cum magna potestate Iulius Sauornianus Hieronymi filius, vir claris maioribus ortus, & cum paternæ fidei memoria tum propria virtute, ac diuturnæ militiæ obsequio charissimus Reip. Ei permiscere Patres, vt in munienda insula suo iudicio vteretur; tantum appropere: volebant enim occasione vti, dum Solimanus rex ad longinquum profectus bellum, quod contra Maximilianum Cæsarem susceperat, in Hungariâ abesset. Hac accepta potestate Iulius, vt erat expedito maximeq. efficaci ingenio, naues conscendit: atque in Cyprum vbi venit, inspectis sine mora diligentissimè locis omnibus, rem hominum de se expectationi responsuram aggreditur, & Nicosiam ipsam communire, nouis mœnibus, nouis propugnaculis firmare instituit. Erat hæc regia ciuitas in medio insulæ posita, ad quatuor millia passuum in circuitu patens, frequentia nobilitatis, & ciuium opibus longè totius Insulæ princeps, & si tuta ab hostili vi præstaretur, commodissimum, ingruente bello, reliquis populis amplitudine sua perfugium receptaculumq. præbitura. Nec magnitudo operis sumptusque, quæ superiores duces ab ea cogitatione deterruerat, acrem & cupidum nauandæ rei animum Iulij remorata est. Vocatis ad se nobilitatis principibus, quantum eorum interesset, muniri oppidum, suasq. facultates, quæ essent aliquando Turcarum cupiditatem illecturæ, certa tutaq. in sede collocari, edocuit: esse magni negocij rem; sed si operam ipsi suam studiumq. quod patriæ ac reip. deberent, nauare vellent, ante sextum mensem se opus perfecturum. Principes, qui se, vxores, liberos, fortunas suas omnibus belli periculis maximè expositas esse sci-

Sauornia
niratio
ad Nobi-
litatē de
Nicosia
muniēda

rent,

sepe gratias. Iulio agunt, comprobataq. eius sententia studium ad eam rem suum, opesq. libenter proficiuntur. Nec mora, Iulius magnam operarum & seruorum manum Nicosiam conuocat, & excisus veteribus muris & vicinis muro edificijs, contractoq. ambitu tanquam nouæ urbi moenia designat, eaque ab omni a septentrione imminente, ac propè contingente veteres muros, quadringentos ferme passus remouit, complexus ipse suo circulo, (eam enim urbis formam, quæ puellatissima est, esse voluit) circiter tria millia passuum. Hunc omnem ambitum, undecim prominentibus propugnaculis confirmauit, quæ ita inter se dimensis æqualiter spariis distabant, ut alterum ab altero tormentorum verberatione subeuntes hostes facile arcere posset. Dispartitis deinde numeribus, singula propugnacula educenda singulis nobilitatis principibus attribuit, & quodque de illius familia nomine appellari propugnaculum iussit, qui negotio præfuisset. Hoc modo accepta inter principes æmulatione, dum nemo eorum aut sumptibus aut labori parcit, ut suam diligentiam studiumque patriæ ac reip. probet, ipseque Iulius admirabili assiduitate omnibus semper locis, hortator atque inspector adest, paucioribus, quam quicquam putauerat, diebus rem eò munitionis perduxit, ut exequens ad iustam altitudinem se erudis lateribus, et spithibusque, & ingesta terra muris, atque ingentifossa circumducta, breui, i. quauis, magis exercitus, vi defendi citius posse videretur. Huius munitionis fama, ut Venetis spem magnam lætænamque attulit, qui in minimo reip. impendio infiniti propè operis negotium, vnius viri solertia ac diligentiâ, breuissime perfecissent, ita Turcarum animos vehementer irritauit. Qui enim antea nobilem insulam inclu-

Nicosia
minimo
Venetorum
sumptibus
com-
munitur.

sam Imperij sui terminis Veneto nomini parere indignabantur, vel eorum armis atque iniuriæ maximè patentem, iam verò etiam muniri in ea vrbes, & belli arces in præcordijs suis se aduersum constitui, ferendum nullo modo esse, vulgò fremebant. Et ipsum Solimanum eam rem molestum habuisse constat, qui Venetos senectutem suam despexisse, tanquam non redituri ab eo bello, quod senex, iuuenili, excelsoq. animo Germanis intulerat, querebatur; & si vixisset, repetiturus armis Cyprum putabatur. Verùm eo in Hungaria ad Seghetum extincto, ab Mustapha vno ex Solimani ducibus, illius iræ, atq. indignationis hæreditas, ad Selimum filium, qui patri in Imperio successit, delata est, sua sponte eius insulæ dominatum, ob eas, quas infrà dicemus res, appetentem, atque illam ipsam munitionem in se maximè susceptam suspectantem.

QUONIAM ad Selimi Imperium ventum est, res postulare videtur, vt quæ de eius ingenio ac moribus tum ad nos fama perferebantur, exponamus, si priùs fortunam fratrum paucis edixerimus. Fuere Solimano quinque filij, egregia patris soboles, & qua haud minùs quàm victorijs suis felix videri poterat, nisi eum & familiæ Ottomanorum effera consuetudo, & dominandi libido ipsa natura potentior perdidisset. Mustapha, ex serua Circassa genito natu maximo, eminens in iuvene virtus & ex virtute summa ad omnes ordines gratia exitio fuere, cùm populorum omnium & maximè militum in eum fauor, qui perfundere lætitiæ sani patris animum debuerat, liuore sollicitasset, tantamq. suspicionem affectati Imperij fecisset, vt captatum Persici belli simulatione, atque in castra perductum crudeliter ab eunuchis necari se inspectante ius-

Imit.
Solima-
no filij
quinque.

Musta-
pha à So-
lim. pa-
tre neca-
tur.

Genghi-
rus alter
Solim. fi-
lius se ip-
se inter-
ficie.

Baiazet-
es prodi-
tus a Re-
ge Persa-
rum, oc-
cidit a
Patre.

Mahome-
tes obiit
adole-
scens.

Selimi
fortuna.

Selimi
mores.

Acoma-
tis, & Se-
limi in-
tempe-
ra in cō-
uiuio.

ferit. Ghenghirus, cui ab distorto corpore Gibbo erat cogno-
mentum, ex tam indigna cedis atrocitate ira atque dolore
percutus, cum execratione impij patris ferro se ipsum transfi-
xit. Baiazetem, ab eodem studio militum iam senis suspectum
coactumq. iniurijs, dignitatem suam armis tueri, acie victum
regno exegit: cumq. ad Tammatum Persarum regem con-
fugisset, ab homine terribilissimo, partim denunciatione belli
terrato partim ingenibus corrupto donis, patris carnifici
cum legatis in Persas missis ad necem est traditus. Maho-
metem immatura mors adolescentem abstulit. Hunc igitur
Selimum ex Roxolana vxore suscepit anno millesimo quin-
gentesimo vigesimo, quo tempore, mortuo Selimo patre, re-
rum potitus est. Is ex Ottomanorum disciplina institutus pri-
mum quidem Adrianopoli, deinde Cilicia in Mahometis
locum succedens, dum pater vixit, praefuit, Solimani libero-
rum, si fortunam spectes, felicissimus; quippe qui Imperi-
um ipsam ceteris sublati solus obtinuerit: si ingenium
moresque & imperandi artes, patri dissimilimus: nam ab
adolescentia non ullis belli studiis, aut magno futuro rege
dignis artibus delectatus, de genere animo, totum se volu-
ptatibus dedit, & contra Mahumetanarum superstitionis placita,
vini auidissimus eo se intemperantissimo replebat; nec Tur-
cica Ottomanicarumque imprimis familiae parcitate mensa-
eius, sed exquisitissimis epulis opipare apparatissimeque
extruebantur, quas pumilioes, mimi, & currae circumsta-
bant. Interdum & conuiuia adhibebat Acomatem, ynum
Purpuratorum, & salsum atque edacem hominem, & ex eo
charum imprimis, ac familiarem regi, tanto edendi, ac po-
tandi studio, ut prandia caenis continuat, caenas ad lucem
perducere, & e conuiuio cibo vinoque onustus, nec sui iam

compos vterque asportari à suis sæpe soleret. Atque hanc cibi, viniq; intemperantiam præferebat corpore ipso obarso, ac præpingui, & eximio cutis nitore, vt cum epulatus, sub-
 latis menfis, humili puluino, ex more gentis, contractis cru-
 ribus insideret, antiqui illius Bacchi imaginem referret, quem
 molliissimum, pinguiissimumque Poëtæ effinxere. cæterum,
 quod fieri necesse est, æquè intemperans esse ferebatur in re-
 liquis quoque corporis voluptatibus; interque lectissimarum
 virginum, ac matronarum greges, quæ Turcarum
 Regum more delectæ ex omnibus prouincijs, vt quæque
 forma insignes sunt, in Regijs septis Eunuchorum custodia
 asseruabantur; puerorum concubitu ita non abstinebat, vt
 eius nefariæ turpitudinis, vel apud Barbaros, quibus nullum
 fœditatis, aut libidinis genus est inconcessum, infamia fla-
 graret. Horum, qui aut flore ætatis conciliati, aut ingenij
 commoditate in præstanda opera gratiam promeruerant, do-
 mesticarum rerum ministerio utebatur, omnibusque Maho-
 meranæ disciplinæ, atque militiæ artibus institutos, vbi ado-
 leuissent, etiam ad magnos honores, stipendiaque proue-
 here erat solitus. Hos in regijs hortis, aut cursu, aut lagitta
 certantes, aut alijs se ludis ex disciplina exercentes, sæpe cum
 voluptate spectabat. ipse raro (quod supremæ Maiestatis Bar-
 bari putant) se dare in conspectum. Potius quàm vrbe obe-
 quitaret, in propinqua Asiæ littora nauigio aduectus, ve-
 nationi, aucupijsque, quibus delectabatur, studiosè vacabat:
 Ingenio, vt ocij, fruendique sine grauibus rerum curis, vo-
 luptatibus suis cupido, ita ne augendi quidem ambitiosè im-
 perij libidine elato; nam animus luxu, & adulationibus cor-
 ruptus, cuncta sibi subiecta, seque humanam supergressum
 magnitudinem rebatur. omnino partis maiorum labore de-

Selinus
 Bacco si-
 millimus

Maiestas
 Barbaro-
 rum.

Pialeius
infans in
sulco ex-
positus.

Mustapha
virtute
Selimus
Baiazet
superat.

Mahome-
tes cur
Selimo
gratissi-
mus.

coribus contentus, pacis, & quietis studia amplexurus, & maximi imperij potentia sine aliorum injuria fruiturus videbatur; nisi oblesus impotenti servorum gratia, alieno arbitrio regi contuisset. In quibus eminebant Pialeius, & Mustapha veteres Solimani Duces. Pialeium etiam Regia affinitas muniebat. Hunc Solimanus, cum ab expugnato in Hungaria Belgrado, victor domum rediret, infantem in sulco expositum, aut metu desertum, inter venandum à canibus forte inuentum suscipi iussit, delatumque Constantino-
polim in Regijs sepris liberaliter alendum, atque educandum tradidit; tantaque adulti indoles fuit, ut ei Solimanus neptem suam Selimo genitam matrimonio iungeret. mos est enim Turcarum Regum Regias filias servis collocandi. quippè genti nulla, nisi ex regio servitio nobilitas. Ceterum Pialeius, cum multis bellis sub Solimano inclaruisset, magnis inde classibus, exercitibusque præfuit, Mustapha nutritius Regis fuerat, cumque indulgenter, ac solutè habuerat: sed maximam gratiam promeruerat eo prælio, quo cum Baiazete fratre, viuo adhuc Solimano, de regno decertavit. Cum enim re inclinata, atque instante prope iam victore Baiazete Selimus fugam cepisset; ab Mustapha retractus in pugnam, coactusque consistere in acie est; atque eodem maximè adnitente, & acerrimè rem gerente Mustapha, victor ex ea pugna, fuso, ac profligato fratre, evasit. Verùm, & hos ipsos, & ceteros omnes longè anteibat & gratia, & dignitate Mahometes, qui Regem vno omnium maximo beneficio obnoxium habebat. Nam mortuo in Hungaria Solimano, admirabili constantia, atque solertia ita exercitum de supremo eius fato celavit, ut & Seghetum acrius, quàm eo viuo oppugnatum vi ceperit, egregiamque de Germa-

nis victoriam retulerit, & spatium Selimo dederit, ad quem celerrimos de patris morte nuncios miserat, antè Constanti-
nopolim aduolandi, ipsaque in sede Imperij considendi,
quam quisquam non modò commouere se, sed ne scire qui-
dem, decessisse Regem, posset. Quæ res haud dubiè Selimo
magni discriminis aleam auertit. Neque enim (quod Maho-
metem non fugiebat) in eum, tanquam voluptuarium, mi-
nimèque militarem Regem futurum, militum animi incli-
nabant, quem viuo patre contemnere, & per contumeliam
Iudæum appellare solebant, nec Ottomanorum sanguine
genitum, sed à Roxolana matre ementita partum, infantem
Iudæum suppositum: idq. ideo obijciebant, quòd Iudæorum
nationem apud omnes gentes scœnore, ac perfidia infamem
multis beneficijs ornauerat, eiq. in gratiam Ioannis Michesij
Iudæi hominis ex Hispania profugi, quò familiariter vte-
batur, à Solimano patre Urbem in veteribus Hebræorum se-
dibus habitandam, ac frequentandam, agrumque colendum
impetrauerat. Quibus de causis fiebat, vt plærique Amura-
tem eius filium viginti annorum adolescentem, qui præcla-
ræ indolis specimina præferebat, respicerent. Igitur Maho-
metis industria, sine certamine, regno potitus, Mahometi ipsi,
cui singularis beneficij gratiam deberet, magni insuper consi-
lij viro, magniq. vsus opinionem habenti, ac præterea gene-
ro (nam ei filiam non multò antè, nuptias conciliante Soli-
mano, in matrimonium collocauerat) continuò principem
gratiæ, & auctoritatis locum tribuit, Bassam Visserium, ac
regij sigilli custodem (quod est apud Barbaros supremæ di-
gnitatis, ac potentiae munus) creauit, & omnium consiliorum,
maximarumque rerum curam, potestatemque, amicus ipse
ocij, & vacui grauioribus cogitationibus animi, permisit.

Selimi
cœlepus
apud mi-
lites,

Mahometis
cali-
ditas.

Mahometes haud ignarus inuidiæ, magnæ semper potentiæ comitis, probeque sciens, commutabiles esse Regum animos, ipsisque grauiusimè solere offendi, quorum maxima beneficia haberent, quod eos tanquam creditores odere, & sublatos cupiunt, tolluntque plerumque, dum impiæ cupiditati iustam aliquam in speciem causam prætereendere possint: quique meminisset, & alios permultos, & ipsum Habraimum ex summo apud Solimanum honoris, & gratiæ fastigio vnus scæminæ dolis circumuentum, ne dicta quidem causa, crudeliter necatum esse; omni studio ad gratiam, opesque stabilendas, & communiendas suas se dedit. Primum quidem Regem ab curis, magnarumque rerum molestijs abhorrentem subiens ipse ultro, suscipiensque Regis onera leuat, eumque obrui voluptatibus suis patitur. Aemulos deinde paulatim, & quos aut minus beneuolos, aut obrectatores suspicatur, alios alia de causa amouet, eorumque loca clientibus, & amicis suis attribuit. Breui, hac ratione maris, terræque imperium eius nutu, voluntateque administrari est cœptum; cum omnes præfecti aut eius beneficium agnoscerent, aut reliquas suas spes in eius auctoritate, & potentia esse collocatas vellent. Hoc modo annus regni tertius est circumactus, quo tempore renouatis cum omnibus finitimis Regibus, cumq. Veneta Repub. patris fœderibus, conqueieuit ab omnibus externis bellis Turcarum imperium, & Rege tranquillatis, maximeque iucundæ, & amœnæ vitæ studia sectante, nullus armorum motus impendere videbatur. Hanc ingrati ocij segnitiam milites vicinarum gentium spolijs ditari soliti vehementer aspernabantur, & Mahometem dominandi libidine, vt solus rerum potiretur, corrumpere Regis animum querebantur: quem inuolutum voluptatibus, à maiorum,

patrisque inprimis, & Aui clarissimorum Imperatorum institutis, qui Turcarum victricia arma circumferendo, tot regna, latissimasque regiones imperio adicebant, auersum haberet, cum eorum exemplis ad virtutem æmulandam accendendus esset. Quid enim indignius tot gentium Domino, atque adeo Ottomanicæ stirpis Rege, quam & ipsum liquefcere voluptatibus, ac marcescentes otio milites habere? Hancinè esse disciplinam, qua Selinus auus, cuius ipse gereret nomen, tot prouincias bello victas sub ditionem redegit, & insignem bellica laudis gloria Mamaluccorum gentem deleuisset? Non fruendis partarum opum commodis Ottomanici generis Reges esse constitutos, sed vt continuatis victorijs orbem terræ Turcico nomini subigerent, & Mahometem diuum colere cogerent. Porro priuata fortunæ esse, sua retinere: regij animi, de alienis certare. Quāquam vt degeneri absit generosa cupido quærendæ per maiorum vestigia gloriæ; at ipsæ artibus tuenda esse magna Imperia, quibus acquisita sint: namque vt tractatu armorum, rerumque homines ad virtutem excitantur, ita tranquillitate, atque otio in desidiam abeunt. Non domi turpi inertia sedendo, & ventri, ac Veneri seruiendo a superioribus Regibus, sed lertendis foris, fortiterque gerendis bellis, immentas opes partas, & constitutas esse: & Turcarum, Ottomanorumque nomen ad orientis vsque Solis plagas, atque ignotas antea terras illatum esse: se denique ipsos, quorum fide, ac virtute res Turcica staret, ac floreret, quando solito noui Regis donatio auarè, & iniquè fraudati essent, cur etiā excludi illa spe, quam vnam inopiæ pellendæ in dextris, & in nauanda imperatori suo opera, haberent? scilicet vnius Mahometis gratiam maximo semper emendam, eius inexhaustam cupi

ditatem, assiduis, infinitisq. omnium gentium donis explendam esse. Erant ab initio Milites alienatis animis, quod regno inito Selimus, ut ipsi expectauerant, & superiores fere Reges fecerant, pecuniam Prætorianis honoris causa, nullam distribuerat, eiusque illiberalis consilij auctorem eundem Mahometem ferebant. Has militum querelas studiosè Mustapha, & Pialeius fouebant, quod ille euertere utrumque conatus erat. Et Pialeius quidem motus loco, atque exutus dignitate, ægre assiduis vxoris lachrimis, precibusque apud patrem pro viro deprecantis, ut restitueretur, impetrauerat. Et Mustapha cum aduersus incolas Maris rubri missus esset, eaque expeditio malignitate Sinami, qui Aegypto præerat, parum prosperè successisset; non solum administrati negligenter eius belli, sed initi cum hostibus occupandæ Aegypti consilij ab Sinamo, ut Mahometi gratificaretur, est accusatus. Et quia Mustapha, quo tempore Selimus Baiazetis filius, huius Selimi auus Aegyptum, interneccione Mamalucorum nominis, armis subegit, Tomumbei Regis filiam, tradente Selimo, adolescens in matrimonium acceperat, ex eaque filios habebat, haud vanus delator Sinamus videri poterat: & Mahometes prouum Regem ad accipiendam suspicionem, criminando, ostentandoque periculo, & celeri seueritate discutiendum, suadens, impulit, ut carnificem in Aegyptum mitteret, qui Mustapham occideret. Est enim Turcarum ea vis tyrannidis, atque ea Barbaris parendi disciplina, ut sine vlla causæ dictione, cum Regi libuerit, vel validis præpositi exercitibus, prouincijsq. seruo à Rege ad id misso ceruicem ferendam sine recusatione præbeant. Sed Mustapha, re ante per amicos cognita, non expectato, ac declinato percussore Constantinopolim magnis itineribus

Mustapha
& Pialeius
Mahometi
in-
fensi.

Turcarum
obedi-
entia.

aduolarat, ac per Amuratem maiorem natu filiorum Regis, qui egregium Ducem iniquissima oppressum calumnia conseruare cupiebat, intromissus ad Selimum, Si necari me (inquit) tu imperas Rex, haud inuitus necessitati parebo: sin fraude inimicorum tua bonitate ad aliorum perniciem ventium; innoxius tamen circumuenior; id certe assequutus fuero, quod tu ipse de me, non crudelissimi inimici iam statuent. Obiecta inde crimina ita refutauit, vt non salutem modo à Rege impetrarit, sed in Bassarum, quos Visirios vocant, collegium cooptatus fuerit. Hi igitur infensi Mahometi munia pacis omnia occupanti, bellum cupiebant, ex quo materiam crescendi, firmandiq. opes, aduersus potentissimum inimicum nanciscerentur. Et ipse Mahometes his militum vocibus excitatus, quæ iam liberius inter Prætorianos serebantur, auertendum erumpentis inuidiæ impetum, occupandosq. bello milites statuit, quorum voluntates, facultatem eorum cupiditati, prædæ, & rapinarum præbendo, esset recuperaturus, & simul aduersarios ab oculis Regis longè amoturus, & nouis periculis obiecturus. Igitur alij alio consilio, omnes bellum moliri. Erat Mustaphæ familiaris vsus cum Michæsi, quem supra acceptum in primis Regi demonstrauius. Is erat Michæsius genere Iudæus. Ea gens post immane illud occisi Christi piaculum, ira numinis eius omni exuta dignitate, & quò cæteris mortalibus ostentui esset, suis ciecta sedibus, vaga, atque egens, quæ lucri, vitæque tolerandæ spes duxit, omnibus se terris dispersa effudit, nusquam nisi pro ciuitatis quodam probro, ac dehonestamento accepta. Magna multitudo in Hispania confederat, perque omnes vrbes prompta dols, pecuniæque vias omnes callens, scenerabatur. Primò opportuna res

Mustaphæ
ad Selimum
oratio.

Mustaphæ
Visirius
creatur.

Iudæorum
sedes, sed
iusta con
dicio.

visa,

visa, tenuiorumque subsidium, paratos habere, à quibus expedita pecunia, cum quid necessitas imponeret, sumeretur. Et intertrimentum, vsuramque initio facile tolerabant. sed vbi in luxuriam quoque, inutilesque sumptus sumi est cœptum, tum iuxta plebs, primoresq. euerti fortunis, circumueniri, atque obrui scœnore. Id vbi animaduertere Reges Hispaniæ, quanquam magnam & ipsi pecuniam emungere ab scœnatoribus solerent, tamen pari iam prouentu, & opes, & sobolem fallacis, atque infidæ gentis, supra quàm tutum esset, auctas cernentes (nam præter omnes alias nationes procreandis liberis Iudæi student, dedecusque ingens ijs habetur, cælibem, aut sterilem esse; & quod alienarum concubitu abstinent, eò magis profusa inter suas libidine agunt) cum præterea religioni esset Regibus, pari tantum apud se Iudæorum coalescere, indiesque propagari, exigere Hispania Deo, hominibusque inuisum genus, & purgare ea labe regnum statuere, facta potestate manendi, habendique sua his, qui repudiatis patrijs institutis, in Christianam disciplinam transire vellent; reliquos excedere finibus suis iussere: pars maxima pecunijs, ac bonis suis illigati, exilij tædio conditionem mutandi veteres ritus subiere. Pulsos, Lusitani donis conciliati accepere, indicta lege, vt nisi ex eorum quoque terra intra præfinitum tempus abiissent, protinus pro seruis haberentur. Consilium ijs fuerat, inde in Mauritaniam trajcere: sed cum præstituta dies exeundi adesset, nec naues, quas Lusitani fraude auerterant, ad se, suaque transportanda vllas inuenirent, intra fines deprehensi, libertatem omnes amittere. Mortuo Ioanne Rege, Emanuel, qui successit, clementiæ laudem initio Regni captans, seruituti exemit. Idem paulo post, peruicacia ingenia malis domanda, non beneficijs

Iudæi
Hispania
pulsati
Lusitaniam
petunt.

Libertatem
amittunt.

existi-

existimans , acerbè , & crudeliter habitos relinquere paruos filios , vt Christiani fierent , coactos , abire Lusitania iussit . Ibi quoque eò plures , quàm antea in nostra sacra , moremque transferri se passi sunt , quò filios , quàm rem , amittere durius fuit . Neque consuetudine inde , atque vsu Christiani moris , quod crediderant Reges , flexi , ac molliori animi sunt . Nam obstinata fide imbutæ mentes , palàm simulare Christi cultum , nostramque imitari religionem , secretò pristinum in nos odium , suas cæremonias , & priorem Dei cultum retinere . Tum aduersus hos illusores Christianæ pietatis acrem Reges quæstionem instituunt , scelerisque compertos igne comburunt , damnatorum filios , posterosque omni publico munere , atque honore arcent . Ista quæstio , & seueritas eadem hodie quoque manet . Hinc crebra ex Hispania in alias gentes transfugia eorum , quibus vel in abdito hausta opinio insidens animis , & soli , in quo nati , atque sunt , & reliquarum rerum contemptum facit . Hos Hispani Marranos vocant . ex quorum numero Michæsius , cùm Venetias missus aliorum venisset , deque assignando Marranis loco , sedeque in aliqua Insularum Vrbi adiacentium cum Senatu egisset ; nulla re impetrata errando iam fessus , Bizantium se contulit . Ibi fortè prædiuitis scæminæ nuptijs ex abiecto , atque inopi , repente magnas nactus opes , longè primus ludæorum est haberi cœptus . His igitur fultus , & inde à pueritia omnes assentandi , atque aucupandi animos hominum artes edoctus , viuo adhuc Solimano , dum Selimus Ciliciæ præesset , exquisitis , & ad Regis ingenium excogitatis muneribus , ita se in eius gratiam , & familiaritatem insinuauerat , vt arcanis etiam sermonibus admitteretur : & homo callidus , multarumq. rerum , & Christianorum maxime , peritus , Regis animum

Iudæorum
pertina-
cia.

Marrani
quinam
sunt.

LIBRARY
OF THE
MUSEUM
OF
ARTS
AND
CRAFTS
LONDON

Mahome-
tes Seli-
mū inci-
tat ad in-
uadendā
Cyprum.

uarijs consilijs, aptisque captabat, insensus præcipuè Vene-
tis, à quibus, dum Venetijs fuit, illiberaliter habitum se-
querebatur. Itaque sæpe Regi vicinam Cyprum ostentando,
fertilitatem Insulæ, opesque, & vberissimi agri fructus, & præ-
stantia vina, quibus ille impensè delectabatur, prædicando,
eum in cupiditatem occupandæ Insulæ adducere studebat.
& vt cupidini ius quoque adderetur, dolo (dicere) Cyprum
à Veneris interceptam obtineri, cùm ad Regem Turcarum
pertineret, qui Aegyptum ipsam bello partam possideret,
cuius pars regni insula fuisset, & ex eo vestigiales, ac bene-
ficiarios Regis Venetos esse. Et cùm Cypri Prætores quotan-
nis vini, & iaccari, aliarumque rerum, quarum ferax est in-
sula, dona mittere Selimo consueissent, ea ipsa dona quæ
carpere Michæsius, ac deludere, vt parua, & angusto mer-
catorum animo, non tanto Regi paria, quæ allicere talium
avidum, vt sua, quàm aliena esse mallet. Ad hæc Venetos
criminari, tanquam pacem parum fideliter colerent, qui
hostibus Regis, pyratique receptum in suis portibus tu-
tum præstarent, ac, siqua naus aut ab Hispanis, aut à Meli-
tensibus per illa maria vagantibus capta esset, id criminosè
interpretari, Venetorum fraude fieri. ac, si Rex patiatur, breui
fore tam infestum pyratibus id mare, vt Turcæ omnes eius
commercio prohibeantur: quod Regi maiori famæ iactura
stare, quàm rei. Quid enim turpius tot regnorum, ac tam
vastæ potentæ Regi, quàm in intima imperij parte ab ad-
uenis prædonibus agi, ac ferri subiectorum res; & quod ad
religionem quoque pertinet, intercludi itinera, ac nauiga-
tionem ad Mecham Urbem, quò ad visendum Mahomeris
sepulcrum quotannis tot mortales adire pietatis causa sole-
rent? Quid, quòd ipsi Veneti per causam vlciscendi pyratas,

naues Turcarum toto mari infectarentur, tanta fundendi Turciei sanguinis auuiditate, vt lege cautum habeant, nequem Turcam viuum relinquant; deditosque sæpe, ac fidem fœderis implorantes, barbarâ crudelitate trucident? Assentando hinc potentia, ac, si pede terram pulsarit, exturbaturum illic ex Insula Venetos Regem, ratiocinando impulit Selimum iam ante Venetos despicientem, vt de Cypro illis eripienda cogitaret, profitereturque facturum, simul ac ipse paterni regni compos effectus esset. Quin Michæsum ipsum eius Insulæ Regem facere destinasse sunt qui ferant, auditamq. vocem illius in commestatione, cum multo vino incauisset, Michæsum Regem Cypri appellantis. Sed siue donaturus homini ludæo, ac vilissimo transfugæ Regnum (quod à vero, aut certè à consuetudine Turcarum abhorret) siue propria cupiditate, in hanc sanè cogitationem Finicæ vrbs portum contra Cyprum in Ciliciæ ora situm, vnde non longior sexaginta millibus passuum traiectus est in Insulam, negligentia collapsum, ac repletum, purgandum, reficiendumque curasse dicitur. Quæ res iam tum Venetis Cyprij belli suspicionem incusserat. Verum adeptus regnum, inter maximarum opum, immensique imperij gubernationem, affluentiamque rerum omnium, quasunque concupiscere animus posset, sua sponte ea cogitatio, mente effluerat, nec merfus tot voluptatibus, & à grauib. abhorrens curis, repetiturus videbatur. Cæterum Mustapha cum Michæsi Cyprij belli conflandi rationes noctes, diesque inter se coquebant, redituram rati pristinam Regi cupiditatem, si quis reuocaret omittant. Tentandum eius animum cum decreuissent, prius fremitum militum, vocesque bellum poscentium per fœminas quasdam decore formæ acceptas Regi, & Mahometis

Placuit
portu re
fieri curat
Selimus.

metis potentia aduersas, perferri ad eum curant; quibus motus Selimus, Mahometem consuluit. Ille probat, ut bellum geratur, eiusque occasionem praesentem offerri ait, quod nuncij ad se ex Hispania venissent à Mauris, opem aduersus Philippum orantes. Regi nouum id bellum videri, nec satis liquere, quæ seditio Maurorum, quæ vires, quæ belli futura ratio. Sic agitarum antè de Cyprio consilium sponte subiit; sed monente Mahomete iurisiurandi, ac fœderis nuper icti, ac negante, iustam vllam belli causam cum Venetis esse, dirempta tum cōsultatio est, ita tamen, ut apparet, minimè eum à bello Veneto religione absteritum iri.

Templi
sepulch-
re Regum
Turcarum.

Nobis-
mia, &
hospitia
prope ef-
plum.

REGES Turcarum: vnum ad posterorum famam maximè illustre monumentum, regni, nominisque putant, templum sibi pro sepulchrò condere; nec aliam ferè publici operis magnificentiam norunt. Innumeri in his lychni, lampadesque perpetuis luminibus collucent, praesertim eo tempore, cum ad itatas, solennesque preces conueniunt. Sunt sui templo Antistites, Sacerdotesque, ac Ministri Sacrorum. templum verò ipsum porticibus, atrijs, pauimentis marmoreis, rarisque è lapidibus magnificentissimè exornant, accitis ex ipsa Italia artificibus, quos & barbaris seruire auiditas lucri cogit. Neque id sumptuosissimum operis. addunt ædes pari magnificentia exstructas, in quibus humiliores, egentesque, agri praesertim, & affecta valetudine, vsque ad confirmationem aluntur, curanturque. Hospitibus tridui victus, tectumque præbatur, atque omnes sine discrimine accipiuntur, siue Christianus quis, siue Turca, siue seruus, siue liber, siue subiectus imperio, siue alienigena fuerit, neque numero, neque genere distincti hospitio vlli arcentur. Ad hæc magnus puerorum numerus victu, vesti-

tuque

tuque preſtito inſtituuntur. Appetebat hanc laudem Selimus, vt, quemadmodum Solimanus pater eo monumenti genere ſuperiorum Regum moles cū artificio atque opere, tū operis amplitudine antecellerat; ita ipſe patris in eo ſtudium, ac magnificentiam longē ſuperaffe videretur. Huc intentum, per Sacerdotem eum, quem Muphthium Turcæ vocant, admonet Muſtapha traditi à maioribus moris, id ſani genus non alia, quā capta de hoſtibus pecunia ædificandi: ita acceptum Deo vates ceciniffe. nec magis legitimos villoſe hoſtes, quā Chriſtianos, quibus nec Mahometes in cæleſtibus ducitur, & omnes ritus, cultusque Turcarum in profanis ſunt. Lætus hæc monentem Muphthium audiuit Selimus. nec alia re magis accenſum eius animum ad occupandam armis Cyprum, quā libidine ditandi ex opulenti Inſulæ fructibus cœptum ab ſe hoſpitale diuerſorium ferunt. Secundum hæc ipſe Muſtapha, cū diu captando tempus expectaſſet, opportunē ingreſſus commemoraffe dicitur perpetuum Ottomanorum Regum inſtitutum, regni initia bellico magno auſu, ac memorabili aliquo facinore commendandi, & ſupremi honoris dignitatem inſigni aliqua victoria condecorandi, quod à ſe etiam ipſis, non ſolū à ſummæ ſuæ amplitudinis iure, maieltatem tot nationibus, quibus imperant, præferrent. Sic Selimum auum, qui imperatorijs virtutibus omnes omnium gentium, atque omnis memoriæ maximorum regum, ac ducum laudes ſuperaffe exiſtimebatur, vixdum apprehenſis regni gubernaculis, de Iſmaele Sophio; claro ea tempeſtate Perſarum Rege, victoriam quaſitum in Perſiam vſque penetraſſe; ita vt in Calderanis campis, collatis ex æquo ſignis, victor, fugato hoſte, Taurim regiam urbem occuparit, atque ex eius præclare geſtæ rei

Idem

Idem
ex hoſtibus
mauſuſ
edem an-
dum.Quem
maxima
inuaden-
de Cypr
cauſa Se-
limo.Muſta-
pha ſu-
ſo de oc-
cupanda
Cypro.Iſmael
Perſarū
Rex ab
Selimo
alterius
Selimi a-
uo ſupe-
ratur.

Solima-
nus Bel-
gradū ex
pugnat.

Rhodo
potetur.

Venetis
multa co-
stipit.

ipse mi-
natur.

fama aditum sibi ad clarissimas postea victorias, & sui no-
minis immortalitatem aperuerit. Pari magnitudine animi
Solimanum patrem magis pia arma in Christianos, natura-
les Turcarum hostes, conuertisse, & aggressum magnis co-
pijs Hungariam, primo impetu Belgradum, antiquum, ac
firmissimum Pannonici regni propugnaculum, vnde Amu-
rates, & Mahometes Ottomanorum Reges olim re infecta,
acceptis etiam detrimentis repulsi essent, feliciter expugnasse,
Hungarosq. veteri sua bellicæ virtutis existimatione spoliaf-
se: atque eodem felicitatis cursu Rhodum Insulam fortif-
simā, & Turcico nomini infestissimæ Societati creptam, in
potestatem redegissee: exinde maximas res aduersus Venetos
gessisse, quos eò necessitatis compulerit, vt quā vrgente fa-
me, quā victoro Rege, Zacyntho, Cephallenia, atque ipsi
etiam Corcyra imminente, pacem, Nauplia, Epidauroque
munitis vrbibus remissis, ac tota Peloponeso cedentes, tam
turpi, quā necessaria pactione redimere coacti sint. & hos
nimirum esse hostes illustrandis Turcicis armis natos: qui-
bus cū nihil Turcico bello formidolosius sit, nihil contrā
Turcis victoria exploratius esse debere. Atqui ipsosmet op-
portunè nuper iustam bello causam præbuisse, qui arrogan-
ti decreto vrbes in stipendiario, ac vectigali Turcarum re-
gno communire sint ausi, tanquam defensuri armis essent;
quod Regum permissu obtinerent. Id Solimanum ipsum, si
vixisset, non fuisse passurum, importunamque gentem cie-
cturum armis ea insula, cuius possessionem munitionibus sta-
bilire, quā beneficio Regis habere maluerint, & se absen-
te, & Hungarico bello occupato, dolose, & quasi furtim com-
munire aggressi essent. Sæpe inuictum senem minaci in Ve-
netos vultu confirmasse, si victor Constantinopolim rediis-

set,

set, omnem belli tempestatem in eos immissurum, ac terra
 marique oppugnaturum. Hanc iustam patris iram ipsum
 cò magis suscipere debere, quòd eius principia regni vio-
 lasse, ac (si Deo placet) contempsisse Veneti videantur, qui,
 ex quo ad regnum peruenerit, & Euscocos prædones in fi-
 nes Turcarum quotannis immiserint, qui omnia circà latro-
 cinijs infesta terra, marique reddiderint, & Cyprum ipsam
 Christianorum pyratarum assidue Turcicis nauibus insi-
 dantium receptaculum, perfugiumque tutissimum fecis-
 sent. Itaque hanc esse tantò magis vindicandam contuma-
 ciam, quantò rem esset suscepturus parum laboris, pluri-
 mum gloriæ habituram? Quid enim & ad Christianorum
 terrorem, & ad omnium gentium famam illustrius fore, quàm
 cum Venetos Cypro expulisse, cum ipsi suis viribus fidere
 cœpissent? cum nobilem urbem in medio Insulæ, latè eius rei
 dispersa fama, firmis propugnaculis cinxissent? scilicet intel-
 lecturos esse Christianos, Turcarum virtuti omnia peruia
 esse: non eam murorum molibus, non vallis, fossisque, aut
 ullis omninò operibus arceri. Patrandi verò consilij & sum-
 mam facilitatem fore, & peropportunum tempus fortunam
 obtulisse, cum Christiani Principes nec vnquam satis con-
 sentientes, & tunc maximè religionum dissidijs disuncti,
 attritis domestico bello viribus, Venetos essent deserturi.
 Quippe Philippum hinc Maurorum bello, quod opinione
 maius in ipsa Hispania exarsisset, hinc pacandis Belgarum
 populis nouæ superstitionis contagione ad arma consterna-
 tis, distineri. Regem Galliæ & ætate inualidum, & intesti-
 nis seditionibus attenuatum, Turcica insuper societate obstri-
 ctum teneri. Maximilianum Cæsarem à concessa nuper pace
 non discessurum, cum semel virum suarum periculum im-

Eusebio.

Christia-
norū Prin-
cipū di-
scordiz,
quam ho-
stibus op-
portunæ.

Germani
propuisti
do, quam
inferendo
bello ap-
tiores.

Ocium, &
pax bel-
licas ar-
tes dedo-
cet.

prosperè fecerit, & nec ipse per se Turcico bello pares vires allaturus esset, nec incertis, & nunquam tempestiuè coeuntibus Germanorum auxilijs confideret: quæ gens ad propulsandum Turcicum bellum, quàm ad inferendum promptior esset. Nec verò Poloniæ Regem, qui patris sui consilijs innixus, cautus alieno periculo esse didicisset, vnquam temerè inueteratæ pacis fœdera abrupturum. Ita Venetos destitutos non solum Cypro, quæ prius occupabitur, quàm peritam Venetijs sciat,ur, exigi; sed, si cœptis aspi-ret fortuna, grauiori aliqua plaga affligi, ac prosterni posse. Quibus infractis, ac metu se non commouentibus, nullas porrò maritimas Christianorum opes fore. Hinc Italiæ ipsius inuadendæ optatissimam omnibus Ottomanicis Regibus facultatem præbitum iri. At ipsos obtundere, & profligare Venetos, quid tandem esse negotij? siquidem apud eos ab diuturna pace, tranquillitateque, quam Solimani patientia per annos triginta tenere, obsoleuisse omnes militiæ artes, iuuentutem ocio, luxuque languentem, insolentem in socios, timidam atque imbellem aduersus hostem futuram, senes non alijs, quàm pacis, & vrbanæ ambitionis studijs exercitatos, rudes ad belli consilia fore. Quotum enim quemque reliquum esse, qui postremi belli meminisset, nedum gerendis rebus interfuerit? Igitur impares ipsos, ab socijs desertos, quid esse spei habituros? Scilicet aut ignominiosæ pacis condiciones subituros, quibus, tanquàm compedibus illigentur, aut, quod maxime horrent, vniuersi Imperij fortunam periclitaturos; ac demum affectos, vt semper, magnis cladibus, ac rerum omnium difficultatibus circumuentos, vel impellente fame iugum accepturos: ac milites Turcas hostium spolijs locupletatos, captiuorum greges abducentes, Bizantium reditu-

ros,

ros, & fortunarum plenos Regem summa pietate culturos, ipsumque egregijs de Christiano nomine partis victorijs in aeterna gloria futurum.

SVPER has Mustaphæ, ac Michesij cohortationes, quibus Pialetius quoque haud levis auctor accesserat, intimus Selimi animus cupiditate stimulabatur, Cypri manubias instituto ab se operi perficiendo destinans, & vestigalia propinquæ, ac diuitis Insulæ, quæ templo addicturus esset, impensas in perpetuum suppeditatura existimans. Hinc Michesium extollentem vbertatem Insulæ, ac iniustis dominis adimendam armis, suadentem, cum assensu audiebat. Et erat Selimi animus ab Imperij magnitudine, ac fiducia virium, & quòd Reges à Turcis pro præsentis numine coluntur, in tantam vanitatem, gloriamque elatus, vt haud turò quisquam, quantisuis clatibus, exercitibusque sufficere regni eius opes, negasset. Hinc omnes longè infra se ducere Reges, & nihil spes suas morari posse, nihil, quod impetrasset, non perfecturos suos tantis subnixos viribus, opinari. Igitur Mustaphæ orationem secuta Regis voluntas: præcipitatumque illico bellum esset ab expertibus fidei barbaris, nisi Mahometes, qui auertere bellum à Venetis vehementer studebat: siue æmulos in maximè longinquam, dubiamque militiam amandare cupiens, ne parva de Cypri victoria (quam haud difficile fore existimabat) crescerent: siue magnis semper muneribus à Venetis cultus suæ fidei esse ducebat, pacem ijs præstare; obiecta religione tenuisset, vt Muphtius Sacerdos, ac fœderum, & iurispublici peritus consulereetur. Sed parum in Muphtio spei ratus, cuius responsum ad Regis voluntatem futurum non dubitabat; ostendere conatus est, præstare, Hispaniæ

Selimi e
lato ani-
mi.

Mahome-
tes bel-
lum a Ve-
netis auer-
tere cona-
tus.

Muphtius
Turcarum
sacerdos.

Mahome-
ces Regi
Hispani-
cum bel-
lum per-
suadet.

Mauro-
rum in
Hispania
vis, & co-
pia.

Galliar
Hispanis
infens.

bellum inferre, quod & vtilitatis, & causæ esset plus habi-
turum, si homines iisdem sacris, eodem cultu in Deum,
iniqua seruitute in hostili terra vexatos, eius nomen, auxi-
liumque implorantes tueretur, cum illi eius spe freri arma
cepissent, illatisque vltro cladibus, totam Hispaniam con-
terruiſſent. Hoc bello nec nouum vllum conciri ho-
stem (neque enim, vt Veneto Hispanicum, ita Hispanico
Venetum bellum accessurum) & Hispanum militem in alie-
na fortasse aliquem, in sua certè terra inermem, ac imbel-
lem, haud difficilem victoriam esse facturum: & ex victo-
ria in tantum propagari Imperium, vt orbem terræ ab orien-
te sole ad occidentem sit complexurum. Euerso enim Philip-
po, ac Hispaniæ Regno exciso, quod aliud præsidium, quo
fulciatur, rem Christianam esse habituram? Hispaniam
porrò subigere nec magni laboris, & immensæ gloriæ fore:
sexaginta millia Maurorum propè, par reliquæ Hispaniæ
robur dici in armis esse, haud minorem numerum in Ara-
goniæ, Valentiaq. Prouincijs intentos Granatensium euen-
tum, & quid ipse auxiliij ferat, expectare: cuius signa simul
ac in Hispania conspexerint, simul ac eius aduentare
classẽ, in eius se receptos fidem, audierint; illico in-
genti tumultu ad arma & ipsos consurrecturos. Accedere
Galliam antiqua æmulatione, mutuisque odijs, & aduerso
exitu bellorum exulceratam, semperque infensam Hispani-
is, ac Turcico nomini multis obstrictam, atque coniun-
ctam officijs: quam quis dubitet lætam inuasuram occasio-
nem premendi veteres hostes suos, atque aliquid ex eorum
naufragio rapiendi? Et huic tantæ gloriæ propè parem officij
laudem futuram, cum homines religione, cæremonijsq. con-
iunctos (quod maximum esset humanitatis vinculum) non

deſe-

deferuisset; eumque pia bella, nec ex vlla cupiditate, quæ in tantas opes cadere non posset, sed ex fide gerere, vel hostes prædicaturi essent. At si Mauris relictis, & tanquam Philippo ad supplicia proditis, bellum Venetis nuper in societatem, amicitiamque acceptis fecerit, etiam atque etiam consideraret, qui sermones hominum essent futuri, cum fama per gentes ferretur, desertos, qui per summam crudelitatem Mahometem eiurare cogerentur: eos bello petitos, quibus paulo antè data pax, ac sanctissimo iureiurando sancita esset. Hæc deliberatio aliquandiu tenuit, auctoritate magis Mahometis, quàm dubitatione Selimi, qui cupiditatem suam iusti vim, æquique trahere: & quod ei in mentem venisset optare, id non consequi, atque ad effectum perducere, indignum maiestate sua putabat: ac Cyprum maximè diuitem & opportunam Insulam, templo ab se cæpto, animo iam, & cogitatione adiudicauerat; qua vna re maiorum suorum gloriâ superare gestiebat. Sed extracta utique deliberando res esset cunctatione Mahometis, nisi noui ex Italia nunciij Michesij, ac Mustaphæ consilijs vim addidissent.

Anianus
Selimus in
uadend
Cypr.

ERAT annus nati Christi millesimus quingentesimus sexagesimus nonus, quo ingens tota Italia frumenti inopia annonæ caritatem tantam effecerat, ut cum in eadem frugum angustia versarentur reliquæ continentis ciuitates, Venetijs abrogata lege, qua pretium frumentarijs finiebatur, frumenti sextarium nummis aureis quinque vænierit; & iam nihil esset propius, quàm ut fames timeretur. Neque Patribus diligenter in eam curam intendentibus, facile erat huic malo certum inuenire remedium: nam pari difficultate vicini quoque populi afficiebantur. ita enim aduersus frugibus annus fuit, ut in ipsa Sicilia, atque Apulia vberri-

Ingens
annonæ
caritas in
Italia.

Venero-
rum ra-
tio anno
ne augen-
de.

Sulphurei
pulueris
cor res
Venetijs
noctu cō
flagrant.

Eius con-
flagratio-
nis impe-
tus ac sub-
secutus ter-
ror.

mis Italiae horreis, magna annonae caritate sit laboratum. Subleuauit tamen ciuitatem Senatusconsultum, quo aureum nummum in singula sextaria ijs, qui frumentum Venetias adueherent, ex publica pecunia Triumuii annonae curandae dono dare sunt iussi. allekti enim plarique & spe vberioris quaestus ex tam insigni caritate, & hoc Senatus munere, haud paruum frumenti numerum Venetias compor- tarunt. Ad hanc frumentariae rei difficultatem accessit aliud maius momentum concitandis ad bellum barbaris. Eodem anno Idibus Septembris media nocte in Reipub. naualibus turres, in quibus sulphureus tormentorum puluis ligneis in cadis asseruabatur, comprehenso igne conflagrauerant, tanto incendij impetu, vt ciuitas insolito fragore, ac sonitu excitata, stratis se eiecerit, & in fora, apertaue viarum, attonita metu, proripuerit. Cum enim maiori, quam terrae motu omnium aedes quatefactae horribili modo contremuissent, & caelum subitis fulgoribus coruscans nouae, atque horrendae rei speciem praebuisset, tantus omnium mentes pauor occupauit, vt alij supremum vrbs fatum, alij vniuersitatis interitum adesse trepidis animis suspectarint. tanta enim ignis, & erumpentis flammæ vis fuit, vt non ipsius modò vrbs fundamenta nutarint, nauigia per vias, perque aestua- ria tremuerint, sed vicinorum quoque oppidorum aedificia ea flammæ violentia concussa sint. Taruisij, Patauij, ac re- motioribus etiam in locis qui erant, nobis saepe postea nar- rarunt, se micantium fenestrarum, atque parietum tre- more, ac strepitu excitatos, magnum terramotum exti- muisse. At Venetijs vicina incendio domus, viris, scemi- nisque oppressis, omnes corruerunt. Exterrita tam vio- lenti casus metu ciuitate, cum cæli crepitus, & vis conti-

cesce-

cesceret, & desedisset iam pavor, insidiarum, & occulta
 coniurationis suspicio incelsit. In curiam Patrum, armata
 nobilitatis in forum fit concursus, custodiæ, excubiæque
 per urbem disponuntur. Comperto naualium incendio au-
 getur proditiōis metus: scilicet eam partem virium peti-
 tam, qua Veneta res maximè staret. Tum Paulus Tronus
 adire, atque inspicere naualia est iussus. Trepidatum pau-
 lum ad portam, quæ illo rerum concussu sponte patefacta
 erat, cum ex incondita turba Tronum sequuta, nemo se
 inferre metu auderet; & edidissent ridiculi timoris flagi-
 tium, nisi Tronus cum paucis nobilibus primus insilisset.
 Qui omnibus adiectis locis, Patribus renunciauit, solitudi-
 nem esse in naualium septis: turres, murosque, quæ Muria-
 num respiciunt, incensi pulueris impetu, intactis arma-
 mentarijs, nauibusque, dirutos, ac disiectos esse, atque
 vicinorum ædificiorum, ædisque, ac monasterij Cælestiæ
 fœdam stragem exposuit. Verùm intestini alicuius doli me-
 tus animos occuparat: pluresque postea dies custodiæ no-
 bilium in singulis vrbis regionibus die, noctuque sunt actæ,
 deductæque triremes, quæ foro, atque curiæ præsidio essent.
 Et quia apparebat, non fortuito excitatum, sed humana
 fraude constatum esse incendium, quod pluribus simul tur-
 ribus, & ijs longè distantibus ignis esset comprehensus,
 magna ijs præmia, qui, quorum id opera factum, indicas-
 sent, constituta sunt. & (vt postea fama vulgavit) haud
 dubijs indicijs compertum est, immisos fuisse à Turcis,
 Michesio authore, qui scelus patrarent. Facinus post ho-
 minum memoriam maximum, & atrocissimum immani
 barbarorum fraude esset admissum, nisi paucos ante dies
 ducenta librarum millia confecti pulueris, iussu Senatus,

Coniura-
 tionis su-
 spicio ex
 naualium
 incendio.

Michesio
 auctore
 in
 incendio.

munitionis causa Corcyram, atque in alias reip. insulas ex ijs turribus exportata fuissent. Si enim quadraginta librarum millia, quæ relicta erant, tantum ciuitati periculum creare potuerunt, vt tot dirutis, disiectisque ædificijs, vniuersam concusserint urbem; quid super his ducenta millia factura fuisse putamus? Fuere tum, qui existimarent, urbem ipsam eo incendio, atque impetu ignis euerti, atque ciuitatem omnium post conditum orbem clarissimam, & pulcherrimam, miserabili exitu, immanium belluarum scelere excindi funditus potuisse. Documento quidem Christianis principibus esse debuit, quàm feri, quàm etiam perhidosi, & fraudulentis nobis hostes impendeant. Perualit celeriter fama rei, recenti ciuitatis terrore, ipsa re maior, atque in imensum, vt fit, rumore aucta, deflagrasse Venetijs reip. naualia, armamentaria, naues, omne bellorum, & classium instrumentum igne absumptum, vsque ænea tormenta, quorum est in naualibus admirabilis apparatus, dissoluta, & colliquefacta interiisse ferebantur, cum re vera, præter pulueris haud multi iacturam, & inurorum ac turrium ruinam, quæ omnia subito resecta, ac restituta sunt, nullum magnopere damnum resp. fecisset.

Venetum
incendit
quos mo-
tus Bizan-
tij fece-
rit.

AT his Bizantium nunciatis, nulla iam arte, nulla auctoritate Mahometis sustineri ultra res potuit, prædicante Michesio, literasque ostendente Venetijs sibi ab ludæis scæneratoribus allatas, accisos eo incendio imperij neruos, prolapsam vnico casu rem Venetam, ne multorum quidem annorum ocio restitui posse. panes quoque Venetijs sibi ab eisdem ludæis missos ostendisse dicitur milio, non frumento confectos, quò fidem faceret, fame vrgeri

ciui-

ciuitatem. Enimuero exclamare cum Mustapha, vtendum fortunæ beneficio, neque omittendum tempus tam opportunè à Deo immortalī oblatum, non Cyprum solum regno adiiciendi, sed inſigendi Chriſtianis, & maxime Venetis, inſigne aliquod vulnus, cum eorum nauales opes, quibus aliquid poſſe videbantur, obtritæ: cum inopia frumenti circumuenti, non tam longinquæ tuendæ inſulæ, quàm depellendæ domeſticæ famis cura anxij, ſollicitique futuri ſint. Vnde enim eos commeatus in claſſem, exercitumque ſuppeditaturos, qui ægre ſeſe, ac vrbanam plebem alerent? Vnde porro claſſem ipſam habituros, incenſis armamentarijs, atque omni nauali apparatu igne abſumpto? At enim religionem, ſœdusque obſtare. quaſi vlla contra Deum religio ſit, aut vlla fides Mahometi parenti, ac conditori veræ pietatis gravior præſtari poſſit, quàm eos hoſtes internecino bello perſequi, qui eius ſanctiſſimum nomen non agnoſcunt: id ſciri è veſtigio poſſe, ſi ſacerdotes, atque interpretes ſacrorum conſulantur. Atque hæc, tanquam ſi nullam belli cauſam Veneti dediſſent, ab ſe dici: cum verò ipſi priores ſœdus violafſe argui poſſint, quid opus eſſe de iure ſœderum diſlerere? Proinde deſinerent, Venetos religione tueri, quibus quæſtui pax Veneta, quorum ſententia addicta pretio ſit. Nam quod de Hiſpanis, Mauriſque prætexitur, eòdem ſpectare, vt diſcuſſi Cyprij belli merces quammaxima exigatur. Quò enim nouum, maximèque longinquum bellum in occidente quærat, cum vicinum, atque opportunum inuadentibus, & quod ferendum non ſit, in intimo imperio regnum occupantem hoſtem habeant? & quid hoc conſilij eſſe, Hiſpaniam non ſuis tantum opibus, viris, armisque præualidam, ſed Ita-

liæ,

Mustapha rursus Turcas ad Cyprum bellum accendit.

Regni
proferè-
di ratio.

liæ, ac Germaniæ viribus succinctam, longè alio in orbe oppugnatum ire, ac imperium pari virtute, ac sapientia maiorum constitutum in discrimen tam ancipitis euentus dare: Cyprium, ac Venetos omittere, qui propè ante oculos quotidianis contumelijs iram Turcarum, armaque pro-uocare audent; de quibus, nec dubia victoria sit futura, & fructus victoriæ potior? proxima quæque, ac maximè factu facilia occupando, ditionique adiungendo, proferri firmariq. regna: eadem, si transiliendo ordinem rerum & locorum, longinqua atque aspera appetendo, arma & vires, quò cupiditas rapit, temerè transferas, destrui funditus, atque euerri. Maurorum defectionem, vt, quanta fama celebraretur, esset, opportunam distinendo Philippo, ne sociare consilia, studiaque cum Venetis possit; non Philippo ipsi, sedique imperij eius inuadendæ esse. Imperum igitur omnem in Venetos dandum, quibus debellatis, inie-ctoque iugo ciuitati existimatione maritimæ potentiæ Ita-liam, atque Christianos tuenti, tum facilem aditum in Hispaniam, & ad cæteras Christianorum prouincias fore. His rationibus incensus Selimus, ab insita vanitate facile in spem magnæ inuadendæ gloriæ erectus bellum aduer-sus Venetos decreuit. Et quò iustè, ac ritè susceptum vi-deri posset, interrogari Muphthium iubet: qui antè à Mu-stapha præparatus, vt cupere regem senserat, ita respon-dit. Tum Selimus accito Mahometi suum consilium aperit: ingressum, vt antè, dissuadere ita redarguit Rex, vt ira-cundia elatus Christianum (quæ barbaris grauissima est contumelia) Christianisque studentem appellarit. Ad quam vocem cum territus Mahometes terram intuens conticuisset, & Selimum acerbitatis tam atrocis maledicti

Turcis
Christia-
nos ap-
pellari
maxima
contum-
lia.

sup-

suppœniteret, quo perfidiæ insimulabatur ille vir, cuius dignitatem reuereri, cui regnum ipsum acceptum referre esset solitus, lenius appellatum; mittere frustra dissuadendo conari, quod sibi certum deliberatumque esset, & apparando strenuè bello incumbere iubet. ipsius enim partes erant, pro iure magistratus, quem gerebat, quæ fieri rex veller, imperare, & vt plenè cuncta recteque administrarentur, curare. Mahometes ictus ea oratione regis, neque tam lætus, quòd obiectum per iram probrum verbis mitigare conatus esset, quàm verens, nequa suspicio ab aduersarijs inculcata in eius animo resideret; ad eam abolendam factisque refellendam intentiori, quàm vnquam antea, cura insistit negotio, monito rege, vt cuncta silentio premi iuberet: sibi curæ fore, vt ars ad fallendum viribus addatur, & Veneti nec opinato bello turbentur: ac priùs Cyprus occupetur, quàm mitti Venetijs auxilia possint. Ergo magno simulationis artificio verba dare Veneto legato, & tanquam amico arcanum regis consilium prodens, componere Hispanicam expeditionem. Præterea enatum esse magnum in Aegypto bellum fingit, quòd Arabes, agreste ac ferum genus, creato ex sua gente rege, sumptisque armis à Turcis defecissent, & in Aegyptum irrumpentes, cæsis aliquot Turcarum turmis, qui se eis temerè obiecerant, magnum terrorem tumultumque in ijs locis effecissent. Harum rerum rumores dissipari crebris e mentitis nuntijs curat. quæ fidem eo maiorem habitura rebatur, quòd non omnino essent falsa, quæ diceret. Nam, quæ Aegyptus Arabici sinus oram attingit, gens seruitutis inscia, assueta raptui, & incertis sedibus, dura atque inops, vagari, Turcarum iugum excusserat. Verùm pacandi Arabes negotium præfecti

Mahometis
versus
regem ad
salutem
Venetos.

Arabes à
Turca de
ficiunt.

Belerbe
quona di-
cantur.

M. Ant.
Barbarus
Veneto-
rum lega-
tus apud
Turcam.

Crebro
Senatum
admonet
de munie-
re Cypro

Aegypti erat: neque ea res vllò ab rege conatu indige-
bat. Has Mahometes apparando bello causas prætendens
classẽm adornare maximam, naues ad equos transportan-
dos ædificare, remigẽs ad mare cogere, arma, pecuniam,
commeatus expedire, Græciæ, atque Asiæ præfectis (Beler-
beios barbari vocant) mandat, vt milites, equitatumque
paratos, quò rex iussisset, sine mora ducendos habeant. Tan-
dem Finicam Ciliciæ vrbe ad conueniendum edixit, &
Hispaniense adhuc bellum, Arabicumque simulabatur.

MANTONIVS Barbarus Bizantij repub.
procurabat: quem, cùm circumspectaret, atque
odoraretur diligentissimè omnia, & in eo nec pretio, nec
periculo parceret, nihil Mahometis consiliorum fugiebat,
senatumq. crebris ac vehementibus literis obtestabatur, vt
Cyprii rebus cauerent, insulamq. Italicis militibus firma-
rent: eos exclusum iti, si cunctarentur. classẽm à Turcis ma-
ximam instrui, milites, equitatusque Europa, Asiaque in
Ciliciam cogi, diligentiam curamque summam adhiberi,
conatum dissimulari: Mahometem ab se his de apparatus
appellatum magnopere confirmasse, ea contra Venetos
non parari, velleque regem in eadem amicitia fide perma-
nere, quam pater eius triginta amplius annis præstitisset:
illam classẽm copiasque ad Mauros vindicandos pertinere,
qui in Hispania iniurijs subacti, læui dominatus iugo ex-
cussõ, pro religione ac libertate arma cepissent. proinde
& se deponere omnem suspicionem iussisse, & ad senatum
sua interposita fide scribere, nequos susciperent metus, nè
sumptus apparanda classe facerent. Verum Turcica fraude
hæc ab fallaci homine dici, vt Patres à clavis curâ, mitten-
doq. in Cyprum Italarum militum præsidio auerterentur,

quòd

quòd intelligeret, insulanos per se, sine externis auxilijs, ne primum quidem belli impetum esse laturos. Itaque cunctandum non esse M. Antonius monebat, neque expectandum, vt comparatis rebus, palàm initium belli à Turcis fieret. quid enim esse absurdius, quàm ad inuadendam Hispaniam ituris, copias in proximam Cypro Ciliciam cogi? Sed harum literarum pleræque omnes à barbaris dedita opera omnibus eius nuncijs tabellarijsq., insidiantibus interceptæ, perlatae non sunt. Eò factum est, vt bellum priùs eruperit, quàm prouisi quicquam Veneti, expeditionis Hispanienſis vano rùmore decepti, habuerint. At Bizantij, vicinasque per prouincias, cùm omnia bello streperent, ac percrebuisſet, Cyprum ac Venetos peti, occultari res diutiùs nequibat. Itaque Mahometes M. Antonium ad se accersiri iubet, ei nunciat: velle regem, vt Veneti Cypro insula, in quam ei optimum ac peruerustum ius eſſet, cederent sibi, quando eam ipsi prædonum ac Turcici imperij hostium receptaculum fecissent: si sponte facerent, rei gratiam fore, vt tuta diu atque integra pace perfruantur. sin supra vires animos tollerent, & experiri bellum eligerent, haudquaquam victori Cypri concessione satisfacturos. Nec vltra regis verbis. At ipse legatum pro amicitia inonere, vt senatui auctor eſſet obtemperandi regi, & bello abstinendi, cuius ingruentem molem non eſſent diu toleraturi: viderent, ne vnus, & eius remotissimæ insulæ cupiditate in ancipitem casum suarum rerum se darent. M. Antonio indictum bellum magis, quàm indicatum fuit. cui cùm ne spes quidem rem præcipitatem constitutamque reuocandi vlla eſſet, moram modò quærebat, quò Patres spatium ornandæ classis, copias in insulam traijciendi, & firmandi præsidij

Intercep-
tatur à
Turcis
Intercep-
tatur
Senatum
missæ.

Mahome-
tes Vene-
tù legatù
d. Cypro
tradenda
alloqui-
tur.

M. Antonij consilium ad apparatum belli protrahendam.

Dalmatiæ, atque Illyrici fines habent. Itaque Mahometem rogat, ut recentis fœderis, & Dei fœderum vindicis admonens, regem abducere ab iniusto decreto conetur, siquidem nullo reip. merito hostilem derepente animum suscepisset. id si effecisset, sensurum, nunquam pati Venetos, se à quoquam beneficio superari. Negante Mahomete, nisi tradita Cypro, spem aut conditionem pacis ullam fore, M. Antonius haud aliud, quàm temporis dilationem moliens institit petere ab eo, ut, antequam hostilia pararentur, legatus Venetias mitteretur, qui regis postulata ad senatum deferret: sperare se, tanti futurum Patribus iura pacis non abrumpere, ut rationem aliquam quæsituri sint, qua regis voluntati satisfaceret. interim edicta sustineret, nequi motus in finibus existerent, quibus magis irritarentur utrinque animi. Ut enim non falsa essent, quæ Venetis crimini darentur, nihil certè obijci, quod bello dignum videri possit, & quo omnis armis Europa perturbetur. Haud fallebat barbarum Antonius: sed quia nihil ea res moratura per hiemem apparationem belli erat, & maiori cum dignitate regis ipsa in vrbe, atque ipsi Veneto senatui coràm indici bellum putabat, & ipse à priori studio auertendi in Hispaniam cum conatum, locum componendæ pacis quærebat: nec desperabat, Venetos, ut à se tantam belli tempestatem auerterent, pacem concessione Cypri redempturos; facturum, quod postularet de legato, respondit. Ad id munus eundem Abrahamum, qui paucis ante annis renouando fœderi Venetijs fuerat, delegit. Erat is genere Polonus perhonesti Strassorum familia in Russia natus, qui adolescens à Turcis captus, Christianæ fidei desertor, profanis Turcarum ritibus sese addixerat: exinde adscriptus in regis mi-

Abrahamus Venetias legatus designatur.

litiam

litiam, Chiaufiusque effectus, industria, ac nobilium linguarum intelligentia barbaris magno obeundis legationibus vsui fuit. Huic M. Antonius Aloysium Bontricium reip. scribam, spectata fidei, ac industriæ virum, & adolescentem filium adiunxit, specie, vt tutius legato Venetos fines ingresso iter foret: re uera, vt impuber filius instanti seruitio eriperetur, & senatus de omnibus rebus per Bontricium erudiretur. Abrahimo proficiscenti Bizantio mandasse Mahometes dicitur, vt expositis in senatu regis mandatis, daret operam per priuatorum colloquia, vt pacis mentio fieret, seque ei conciliandæ non defuturum polliceretur.

AT Venetijs Patres, cum crebris eorum literis, quos exploratum Turcarum motus plures dimiserant, tum frequentibus magistratuum nuncijs, qui Illyrici, ac Dalmatiæ ciuitatibus præerant, non parari modò, sed iam etiam geri bellum accipiebant, quod Turcæ audissimum prædæ genus, cognita regis voluntate, quotidianas in agros Venetæ ditionis excursions faciebant, & aliquot direptis, ac incensis pagis, terrore ac tumultu latè omnia impleuerant. Missa continuo sunt præsidia, quæ fines tuerentur, & audaciam barbarorum cohiberent: & Iulium Sauornianum laderam permunitum, ac frequens in illis locis oppidum, cui ob egregiam multarum rerum opportunitatem præcipuè Turcæ insidiabantur, proficisci, & curare in Dalmatia res iusserunt: & Hieronymum Martinengum è Brixianis principibus veterem reip. præfectum, qui suam ad eam rem operam senatui obtulerat, cum tribus millibus delectorum militum, exiguo aduersus tantam molem belli numero, nec tamen leue momentum sustinendis rebus, si incolumes

*Iulius
Sauornia-
nus in
Dalmatiam
mis-
sus.*

*Hierony-
mus Mar-
tinengus
in Cypro*

Marcin.
gus Sau-
orniano
impulsi.

Duplex
de ratio-
ne gerē-
di belli
sententia

Hierony-
mus Za-
nium Clas-
si præfi-
ciuntur.

peruenissent, in Cyprum dimiserunt, attributis ei quatuor onerarijs nauibus. Monuerat Sauornianus Patres, ne minus octo millibus peditum Italorum in Cyprum mitterent, paucioribus ægrè defendi posse ostendens. Sed Hieronymo, cui cum Iulio honoris, ac loci occulta æmulatio intercedebat, cupiditate nauandæ operæ prouecto, audere se illa copia Famagustam tueri, affirmanti, Veneti collaudato eius studio, assensu sunt. quippe remp. sæpe priuatorum animis administrant, & vt familiari rei, ita publicis sumptibus parcere pro disciplina habent. quam imbecillitatem magno reip. sterisse ferò, & nonnisi post acceptam cladem senserunt, qui tribus millibus hominum repelli posse vim potentissimi hostis existimarint. Referentibus inde magistratibus ad senatum de bello, deque eius gerendi ratione, quidam, præsidij per oppida dispositis, excipiendos hostium impetus, & sua ex tuto defendenda esse, censebant: aliis, deducta classe, quantam maximam conficere ciuitas posset, prælij fortunam, si vsus ferret, subeundam, videri. Atque hæc accepta sententia est; quæ præterquam quòd ad existimationem speciosior, fructu quoque utilior habebatur: & addebant animos spes ab Hispanis ostentatæ affirmantibus, regem eorum coactis vndique nauibus, magna classe subsidio Veneris venturum, atque vnà pariter id bellum gesturum: & Pium V. Pont. Max. ab eximia in rem Christianam pietate, studioq. pro certo habebant, reip. non defuturum. Igitur præcipua senatus cura in classem intendi, quando ea parte virium gerenda res publica esset. Hieronymum Zanium præfectum creant. Is est apud Venetos eorum, qui extra urbem geruntur, sine prouocatione, ac supremi imperij magistratus. nauarchos item singularum nauium ex media nobili-

Classis
Veneta
magnitu-
do.

Galeas
quid sint.

Hermolaus
Theu-
polus.

tate, acerrimum quemque iuuenum legunt, remiges ciuitatibus imperant, & ad urbem cogunt: longas naues nonaginta nouas decernunt, naualibusque deductas ornant: duas & viginti ædificari in Creta iubent, præter triginta sex, quas defendendis maritimis oris, pyratisque conſectandis inſtructas, egregièque exercitatas habebant. His addunt rectas & conſtratas duodecim: Galeatias ab magnitudine vocant, quæ remis impuſſæ velisque, firmitudine ac robore, & numero & vi tormentorum, inſtar magnarum arcium, mare perſumpunt, inuictæ aduerſus omnem vim tempeſtatis. Naues præterea onerarias viginti armant, inſtructasque comſueatibus & militibus, adiungunt alijs. Acceſſere his biremes, & minora nauigia aliquot, quibus Hermolaum Theupolum, virum impigrum præfecerunt. In huius apparatu claſſis, quo & celeritate, & copijs expectationem de ſe ita ſuperarunt, vt omnium mentes tantarum admiratione opum perſtrinxerint, cum magna frumentariæ rei difficultate afficerentur, Pij liberali ſtudio adiuti ſunt, facta poteſtate, è Piceno frumenta Venetias exportandi: pari quoque animo eos pecunia inuit, permiſſo, vt centum millia nummum aureorum ex annuis ſacerdotum prouentibus exigerent.

INTER hæc literæ Patribus à Bonricio ſcriba red-
duntur, quibus de legati aduentu, de regis poſtularis, de M. Antonij conſilio, ac de omnibus rebus certiores facti ſunt. Nam Bonricius Conſtantinopoli proſectus, cum comiſſum in ſinibus bellum intellexiſſet, veritus, ne à Mahometis filio, qui in Epiro rebus præerat, & paulo antè miſſos ad ſe cum muneribus à Catari magiſtratu in vincula coniecerat, Abrahamus redire Bizantium cogeretur, perſuaſit ei, vt

de suis aliquem Ragusium præmitteret, cui literas ipse Venetias inde subito mittendas daret, quò obuiam Ragusij nauem longam haberent, qua tutius, celeriusque Venetias deferrentur. Re probata, literas nuncio dedit notis conscriptas, ne legi ab alijs possent, quibus ordine omnia ad senatum perscripsit. Patres collaudata Bonricij diligentia, Franciscum Tronum cum quinqueremi, cui præerat, Ragusium miserunt, eique mandarunt, vt Turcarum legatum ad urbem deueheret, custodiretque, ne liberè, cum quibus vellet, colloqui posset. Haud multos post dies Venetias legatus applicuit. Patres urbem ingredi vetuere, ac Trono cum quinqueremi ad gemina castella, quibus vrbis aditus ab alto clauditur, opperiri iusso, Bonricium accersunt, à quo coràm eadem, quæ per literas, edocti; sequenti die paruo nauigio adduci legatum ad urbem iubent. Ad portas in vico D. Marci, quà curia cymbis aditur, descendit; tantusque populi concursus, cùm naui egredere-
tur, fuit, vt area, porticibus, gradibus, quà ad patres ascenditur, locis omnibus completis, ægre à summouentibus turbam via legato facta sit: hi verò vultus; hi oculi, fremitusque fuere intuentium belli nuncium, vt legatus iram, impetumque impotentis multitudinis, atque raptiores fœderum increpantis extimescens, apprehensa Bonricij dextera ei salutem suam commendavit. Introductus in senatum, paucis habitis verbis, literas principi à rege, ac Mahomete reddidit. In regis literis erat, Euscochos Christianam gentem, ac Venetorum sociam assidue incurfare Turcarum fines, & infesta omnia latrocinij facere, neque cohiberi, quin incitari à Venetis, atquè immitti solere: Venetos ipsos inusitata rabie in Turcas, qui pyraticeam face-

Franciscus Tronus legatum Turcam quinqueremi Venetias misert.

Venetorum furor in legatum Turcarum.

rent,

rent, ferri, eosque etiam captos ac deditos immaniter trucidare: sed quod ultra ferri non posset, insulam Cypri, receptaculum Christianorum pyratum illa maria late prædantium esse factam. Itaque cum imperio suo cuncta circum insulam parerent, sibi constitutum esse, eam pacare nauigationem. Proinde postulare, ut, si pacem, quam secum habuissent, reddi sibi Veneti vellent, quando fœdus ipsi multipliciter violaissent, Cypro decederent: Euscochos latrones coercerent; atque illam sœuendi in Turcas acerbiteremitterent. Hæc si obedienter præstarent, obsequij gratiam ab se inituros: sin per superbiam abnuerent, se quidem ea bello reperiturum, ac magno illam contumaciam ijs staturam. Mahometis deinde literæ lectæ, qui in eandem sententiam, qua Bizantijs cum M. Antonio egerat, senatum ad gerendum regi morem hortabatur. Antequam veniret legatus, decretum erat, quid responderetur. Principem ex scripto respondere placuit: Venetos vel iniurijs prouocatos pacem tamen cum fide semper coluisse: Euscochos, gentem inopem & latrocinijs latantem, prædas pariter à Turcis, Christianisq; agere: Turcas pyratas à præfectis Venetis iure belli cædi, idque per fœdus licere: Cyprium Venetos iure tenere; ac non modò perfugium in ea pyratibus nullum esse, sed quatuor longas naues dedita opera ijs prohibendis in insula haberi. Cæterum, si per hæc commenta abrumpere pacem placeret, ultorem falsæ fidei futurum Deum: Venetis, quod iure possiderent, etiam armis tueri animum esse. Hoc dato responso, reduci eodem nauigio ad quinquerehem, & protinus extra fines reip. reportari legatum iusserunt, nullo publicè officio, aut munere cultum. Vna M. Antonij vxor, quò ea humanitas Bi-

Venetis
ex scri-
ptis lega-
to Turca-
rum re-
spondet.

Veneta
impetus
ad bellu
ardor.

Pruden-
ter ne re-
iecta sit
a Venetis
mentio
paci?

zantij viro rependeretur , cum cibarijs varij generis , Cre-
tico vino, & serica veste, permittentibus Patribus , donauit.
Atque ita legatus nullum locum agendi de pace nactus
Constantinopolim redijt . tantus ciuitatem non , vt ple-
rumque antea, terror ex ea denunciatione , sed ardor ad bel-
lum inceserat . Nam iuuentus ira , atque indignatione tam
impudentis perfidia incitabatur: & regem diffluentem luxu,
ignauum, inertem, etsi præpotentem, despiciebant: & , nisi
Christiana res iusta Dei ira vrgeretur, etiam causæ fidebant.
Seniores , etsi temp. in tam disparem cum validissimo rege
dimicationem dare verebantur , tamen metus , ne , si tali-
bus postulatis semel cessissent, veluti nudata formidine ani-
mi , singulis deinceps annis aliquid deperdendum foret ,
atque inde hostibus pariter amicisque contemptui essent ,
præcípites in bellum egit , omni reiecta pacis mentione .
Quod decretum plus animi , quàm consilij quidam tum
habuisse arguebant, cum agendo de compositione sustineri,
aut certè tardari hostium impetus, atque interea vires colli-
gi, firmari præsidij Cyprus , & cuncta ad bellum præparari
posse viderentur , ac fortasse largitione & pecunia , quam
sæpe armis efficaciorum apud venales atque inhiantes
muneribus barbaros experti essent , ea omnis tempestas de-
clinari . sed cunctis insolita alacritate ardentibus , certatim
pro se quisque plebs , nobilitasque operam, ac studium reip.
profiteri . Et par ad continentis ciuitates ardor permana-
uit : publicè ab singulis legationes ad urbem venire pecu-
niam , milites , commeatus , pro suæ quæquæ ciuitatis fa-
cultatibus deferentes . Publicam ciuitatum pietatem amu-
labatur priuatorum studium . vt cuique opes , aut animi ;
confluere in urbem , nomen , vt in naues imponeren-

tur,

tur, dare, & plerique sua pecunia militaturi . in quibus erant nobilissimi lociorum tanta conscendendi contentione, vt Patres, ne nudarentur omni simul iuuetute ciuitates, collaudato eorum studio, lōgè plurimos remiserint domum. Haud minus in reliquis Italiæ populis alacritatis inuentum, sicubi tympani sonitus auditus esset, certamen illicò nomina profitentium. Nam diurnæ pacis ocio fessi, quibus aut ingenium ferox, aut aliqua belli consuetudo, religione insuper aduersus barbaros incitabantur. Hinc magnus tota Italia, atque ab externis quoque populis voluntariorum numerus Venetias concurrerat. His impositis, & edicto, quam ad diem omnes vndique naues Corcyram conuenirent, Zaninus præfectus Venetijs soluit, atque Iaderam venit, vt ibi potissimum, dum omnes milites cogerentur, expectaret, atque interea Dalmatiæ rebus prospiceret.

HIS rebus intenta ciuitate, Lauredani Principis obitus intercedit. longæuus nonaginta annorum senex senatu egressus, repentina morte extinctus est. Ne ambitione, & occupationibus comitiorum resp., gubernatoribus in tantis fluctibus rerum, quibus quotidie consulendum erat, spoliaretur; sanxit senatus, vt nequis eorum, qui magistratum eum gereret, cui in collegium veniendi ius esset, in quadraginta viros legi posset, qui inclusi curiæ conclauibus principem suis suffragijs creant. Et vir animo, & consilio par difficillimo reip. tempori, populi sermonibus postulabatur: intermitterique oportere inductam tranquillitate reip. consuetudinem, ineptissimum quemque, & regi quàm regere commodiorem eligendi. In competitoribus summi honoris eminebat Aloysius Mocenicus magnis, validisque affinitatibus, & prærogatiua ordinis nixus (erat enim ædis D. Marci pro-

Italorum
omni ad
belli cō-
tra Tur-
cas susci-
piendum
alacritas

Laureda-
nus Ve-
netiarum
Dux repē-
tē mori-
tur.

Aloyſius
Mocen-
ius de-
mortuo
Duci ſuf-
ficiat .

curator , quo ex collegio proximus eſt ad principatum gra-
dus) & ipſe omnibus honoribus , ac reip. muneribus haud
aduerſa fama functus , & ab elato ingenio haud expers
priſcæ ſeveritatis futurus putabatur . Hunc incluſi ſenatores
paucis diebus , haud multum variantibus ſuffragijs , princi-
pem renunciarunt . Qui confirmandæ ſpei de ſe , quo die il-
latus in curiam principatum cepit , apta oratione ciuibz
egit gratias ; quod id de ſe iudicium feciſſent , pollicitus ad-
nixurum ; vt nunquam delati honoris remp. pœniteret .

Epirotæ
deſedim-
nē a Tur-
cis polli-
centur .

Sopotum
oppidū .

CORCYRAM Sebaſtianus Venerius extraordi-
nario imperio obtinebat , ſenex exacta ætate , ſed
iuuenilis audaciæ . Huic viro ocij nescio nuntij clām miſi
ab Epirotis , qui Chimerium montem accolunt , venire ſi-
gnificantes , paratam gentem à Turcis diſcedere , & tranſire
in reip. partes , ſi in fidem receptam qui à barbaris defende-
rent , mitterentur . Inprimis poſtulabant , vt ad oppugnā-
dum Turcarum oppidum , cui Sopotum eſt nomen , iretur :
quo in poteſtatem redactō , maxima pars Epiri Venetos
eſſet ſequutura . Rem arripit Venerius , eaque per Mano-
lium Marmorium , qui Corcyræ Græcis equitibus præerat ,
& magnam apud Epirotas auctoritatem habebat , ſæpe agi-
tata , hdei oblides accipit primores gentis : & comparatis ,
quæ oppugnationi vſui eſſent , milites mille quingentos ,
equites ſeptuaginta in continentem traiecit . quibus ſine
impedimento expoſitis , oppidum adoritur opere , & magis
natura munitum , edito in monte ſcopuloſis rupibus impo-
ſitum ; vnde tormentis ex inferiori loco in arduum iacien-
tibus fruſtra appetebatur . tum ad inferendum terrorem , ſi
excluſi ſpe auxiliorum Turcæ de deditione cogitarent , Ma-
nolium ad occupandos in ſummo montis dorſo aditus , quā

ab interioribus Epiri aditur oppidum, cum valida Epirotarum manu misit, qui pulso haud sine certamine hostium præsidio, & fugientes vsque ad portas insequutus locum tenuit. & Turcæ, dum nostros bombardis è mœnibus petunt, & rem parum scienter administrant, effractis duobus tormentis, quæ æquo plus infarserant, tormentarium pulverem omnem incendunt. Hæ res animos fregere, maiores nostrorum copias, & totius Epiri defectionem suspicantium. nec tamen vlla de deditioe vox ab ijs missa; incertum, desperatione veniæ, an peruicacia. Venerius instandum timori, & admoendam vim mœnibus ratus, oppugnationem in diem sequentem edici, speciemque præberi magnæ apparationis iubet. Turcæ perciti metu, noctu se ex oppido eijciunt, præter admodum paucos, quibus decora mors ignominiosa fuga potior fuit: atque hi ab inferentibus se summo mane nostris militibus pugnando interfecti sunt: reliquos Epirotæ per nota viarum consecrati, omnes ceperunt. Venerius præsidio relicto, quod oppidum tueretur, ei Manolium præfecit. Ipse Corcyram re prosperè gesta redijt. Eò Zanius quoque adolescente iam ætate venerat, diu Iaderæ expectando moratus, dum omnes vndique naues Corcyram conuenirent, vbi auxiliares Pij, & Philippi classes opperiri decreuerat: quibus adiunctis tendere in Cyprum, ac prælio decertare cum hostibus, mandatum à senatu acceperat. Fuit tum multorum opinio, si Zanius cum ea classe, adiuncto Columna, nec expectatis Hispanis, in Cyprum perrexisset, liberari periculo insulam potuisse. Sed dum Auriam seu studio, seu necessariarum rerum apparatu morantem expectat, occasio è manibus elapsa abiit. Eodem quoque tempore M. Quirinus cum Cretensibus

Soporum
oppugna-
tur.

Idè defe-
cti a Tur-
cis, capi-
tur.

M. Quiri-
nus Ca-
relli Tur-
carū ex-
pugnat,
prædam
abducit.

De Mar-
garitio
oppido
tentando
consiliū.

quinque & viginti nauibus ad Zanium venit, castello in Peloponneso ex itinere de Turcis capto, ac viginti çneis tormentis inde abductis. Zanius, ne tempus Corcyræ ociosè tereret, Sfortiam Pallauicinum terrestrium copiarum ducem cum quadraginta nauibus ad tentandum Margaritium Epiri oppidum, quod propter opportunitatem firmo Turcarum præsidio tenebatur, misit. Is quinque millibus militum in terram expositis cùm ad oppidum accessisset, siue equitatum Turcarum veritus, quem ex omnibus locis accursurum celeriter ad opem ferendam rebatur, siue difficultate negocij deterritus, causatus longiùs, quàm putarat, à mari oppidum abesse, nec ausus in conspectum se dare hostium, ad naues redijt, Zaniumque consuluit, quid se facere iuberet. Qui cùm ei permisisset, Pallauicinus adhibitis Venetis nauarchis consilium habuit, & cunctis cupientibus ne res omitteretur, quòd magni referret, prosperis initijs incipi bellum; ab his petijt, vt tormenta mœnibus verberandis ad oppidum adducenda ipsi susciperent, quod maximè arduum fore videbatur: id verò præstaturos se Veneti cùm respondissent, Pallauicinus plus periculi in ea expeditione, quàm spei esse ostendens, impositas copias Corcyram reduxit. Nec deinde rei quicquam, dum classis Corcyræ fuit, est gestum: quanquam Pallauicinus recuperandæ existimationi (senferat enim, minimè experientis ducis opinionem se subijisse) redire cum maioribus copijs ad oppugnandum Margaritium frustra tentarit. Cùm ita per inertiam ducum exercitus magnam æstatis partem ad Corcyram torpentes ocio sederent, remigium primò, mox & miles morbis tentari est cæptus. Pluribus quotidie intereuntibus, & manante in dies latius contagione, ratus Zanius, salubriorem in

labore

labore & itinere exercitum fore, Corcyra cum tota classe profectus Cretam petijt. At seu Coinmeatus parum prouisi (nautici enim panis bis cocti neque copiam fuisse, & ipsum atrum & vetustate cariosum, querebantur) seu maris & nauigandi insolentia, siue vtrumque tabem corporibus inuexit, totamque funeribus classem funestauit, multæque pariter remige, nautis, milite nudatæ penitus naues sunt; quæ restitutæ, veluti noua materia grassandi morbo præbita, eadem sæuiente tabe, de integro vastabantur. Iacebant morbo, nausea, iactatione, & inde vitæ tædio prostrati: iuxta miles, nautæ, remiges occidebant, proijciebanturque nondum exanimis nauibus, ab similem exitum expectantibus: & mœror & mors omnium mentibus obuersabatur. Vbi ventum in Cretam, & loci grauitas, & æstus magnitudo auxit malum. absumpta supra viginti millia hominum pestilentia dicuntur. Quæ res Zanium in magnam difficultatem coniecit supplendi quos morbus abstulerat; ut coactis Cretenfibus remiges ac milites dare, abductisq. Zacyntho, & Cephalenia quot conficere insulæ potuerunt, ægrè eam superauerit: quanquam Quirinus, & Canalis legati, eius rei causa in hostium insulas dimissi magnum numerum captiuorum, qui subito remis admoti sunt, abduxissent.

VENETI statim ab initio belli auxilia petiit ad Pium V. Pont. Max. miserant. qui quanquam alienior ab ijs ad id tempus visus fuerat, quod & Pontificum ius usurpare sæpe eos, & hæreticos pestiferum genus hominum parum seuerè, atque interdum oscitanter vindicare solere, vir Christianæ pietatis vindex acerrimus, opinabatur; tamen Turcici belli nuncio haud secus, quàm summum

Lues grassatur in classe.

Eadē augetur in Creta.

Pius V. primò alienus a Venetis

Græuella
ni Card.
genus &
mores,

Græuel-
lani de
noniuan-
dis auxi-
lio Vene-
ris senten-
tia.

religionis antistitem, & parentem Christianæ reip. decebat, commotus Venetos suscepit: aduocatoque ea de re Cardinalium concilio, & participes eius nunciij habuit, & de auxilijs mittendis consuluit. Erat tum in eo ordine atque concilio Antonius Perenotus, cognomento Granuel-
lanus, cuius pater ferrario fabro apud Vefontionem in Sequanis natus, sua industria, & Caroli Cæsaris gratia ad ingentes opes in Belgis peruenerat, filiosque produxerat. Et Antonius cum copijs ac diuitijs, quas maximas & à patre acceptas & à se partas possidebat, tum Philippi magnitudinē, apud quem auctoritate pollere credebatur, tum verò etiam ingenij opinione, & multarum linguarum scientia, & magnarum rerum vsu, quibus propè à paruulo exercitus fuerat; magnopere eminebat, magnoq. in honore atque existimatione erat. Quibus ex rebus animus natura ferox & insolens, & imperijs assuetus tantos sibi sumpserat spiritus, ut sæpe immodicè atque impotenter efferrī soleret. Patribus igitur ad vnum omnibus, non deserendos grauissimo eorum tempore Venetos consentibus, solus ignauia ac formidinis incusatos, multis ac peracribus verbis eos, ut indignos, quibus quicquam ferretur opis, est insectatus, quam non ad bellum enixè ac strenuè gerendum, sed, quod superioribus annis fecissent, cum Carolum ipsum Quintum armorum socium haberent, ad pacis æquiores conditiones ab hoste impetrandas petere insinulauit: proindeq. debere Pontificem, dixit, sinere, prius id procedere paulum, & cruentari bellum, quàm ei se immiscere. tum enim veram opem imploraturos, cum aliqua affecti clade, & incumbentem exitio eorum hostem, & se sine alieno præsidio impares libertati suæ tuendæ esse sensissent:

quando-

quandoquidem fieret iusto Dei immortalis iudicio, vt qui antè aliorum pericula ex tuto semper spectare voluissent; aliquando aduersarum rerum socios quærere, atque implorare ipsi cogerentur. Mussantibus ad hæc cæteris Veneris Cardinalibus Cornelio, Amulio, Delphino, Philippi & Granuellani respectu; non tacitus tulit tam arroganter Italiae periculis, & patriæ suæ malis insultantem hominem Belgam Ioannes Franciscus Commendonus Cardinalis. studiosus vir boni æquique, & quem nec gratia nec metus auocaret ab officio, aut deterreret. Is sententiam Granuellani graui oratione refutauit: & commemoratis Venetorum reip. meritis cum vniuersè in rem Christianam, tum propriè in Pontifices Max. dubijs eorum temporibus, auxilia ijs nec neganda censuit esse, nec differenda, sed ipso statim initio iuuandos atque fulciendos, eorumq. ex recenti contumelia violati ab hoste fœderis, iram ardoremque ad capeffendum nauiter bellum accendendum, non debilitandum frangendumque esse: quod fieri necesse foret, si deferi se illi à Pontifice Max. Christianisque regibus intellexissent. Quod enim id consilium esset, vt priùs bellum sanguine imbueretur, expectare, se quidem non videre. nam qui integrorum, ac recentium constantiam in suspitione poneret, quid esse, cur perculsis aduersa aliqua re, & belli incommoda perpeffis magis fideret, aut firmiores & audaciores ad reliqua fore speraret? Sed nec Venetos dignitati suæ, ac reip. defuturos, si aduersus immanes, & non ipsis solùm graues, sed Christianis omnibus terribiles Turcarum vires, Pontificis Max. ac reliquorum studio atque ope regum subleuarentur. & qui in Italia nati Italiae incolumitati consultum cuperent, haud magis Ve-

Commen-
doni Car-
dinalis
virtus.

Idem pro
Venetijs
Granuel-
lano re-
spondet.

netis id bellum à barbaris , quàm sibi & toti Italiæ illatum esse , existimare debere : nec porro minori contentione , aut animo ad illud propulsandum consurgere . Postremò mirari se , dixit , superioris belli , pacisque cum Turcis initæ mentio nem fieri , cùm ita se Veneti tractatos à socijs eo bello quererentur , vt optandum esse videretur , vt eius commemoratione & alij abstinerent , & ipsos perpetua Venetos obliuio caperet . His magna approbatione à Commendono dictis , consensu decernitur auxilium .

A C C E P T O S à Venetis duodecim longarum nauium alueos , atque Anconam deductos Pius ornavit , adiectisque ijs Melitensium tribus , & Sabaudiensibus quatuor item longis nauibus , omnibus M. Antonium Columnam principem tum Romanæ nobilitatis , ac spectatæ virtutis & consilij virum præfecit . Is ab eximia facundia ita se per obsequia in Pij gratiam insinuauerat , tantamque opinionem industriæ ac scientiæ rei bellicæ differendo apud talium rudem fecerat , vt , eum honorem appetentibus multis Italiæ principibus , Columnam omnibus prælatum imperatorem eius belli declarauerit . Qui expectationi de se Pij , & pacis & belli artibus plenissimè respondens meruit , vt ei quotidie charior , acceptiorque euaderet , eiusque dignitatem , cui maximè Hispani aduersabantur , multisque artibus labefactare studebant , non solum defenderet Pius , sed etiam longè augeret . Renuerant initio Veneti Columnam ducem , quòd eum haud dubiè partium Philippi esse , & , quia in regno eius aliquot oppida possideret , obnoxium imperio fore Hispanorum dicerent . Sed Columna ipse ita dexterè se Venetis , suamque fidem probauit , vt breui publicè priuatimque acceptus ciuitati ,

M. Ant.
Columna
Pontificis
Classis
Præfatus

Columna
Pontifici
Pio par-
carus .

Magnum
gratiam
inuit apud
Venetos

vnus maximè ab ijs imperator eius belli expeteretur. Eodem quoque tempore Pius Aloysium Torrium, vnum è septem quæstoribus vrbani, in Hispaniam misit ad regem, simul oratum, vt suam classẽ subsidio Venetis mitteret, simul de societate cum ijs incunda, quam antea sæpe rex concupiue- rat, admonitum: non enim solùm operam & auctoritatem suam in eam rem interpositurum, sed se quoque ijs belli so- cium accessurum. Idem Romæ cum Michaelẽ Soriano Ve- netae legato egit. Rex, dilato de fœdere responso, classẽ quinquaginta nauium missurum, promisit: eas primo quo- que tempore conuenire in Siciliam, & duce, quem Pius de- legisset, parere iussurum. Hæ classes, vt opinio multorum fuit, studio cunctantibus Hispanis, antequam in Cretam, vt Zanio coniungerentur, venirent, ætas exacta est, tem- pusque omissum laborantibus Cyprijs subueniendi: nam & Columna regias naues diu expectauit, & Ioannes Andreas Auria, qui eas ducebat, Iulio mense Messanam cùm venis- set, negauit, posse se inde iniussu regis discedere, & Colum- nam ipsum reuocare ab ea profectiõne conatus est: Qui cùm ea de re Pium fecisset certiore, missi continuò ab eo summa celeritate sunt in Hispaniam, qui regem promissi admonerent. Sed illi vix ante Idus Augusti redire potuerunt. Profecti igitur Columna, & Auria post idus Cretam duo- decimo die tenuere. Zanius vbi sociæ classes aduenere, quan- quam à senatu, adiunctis auxilijs, extemplo ad eripiendam periculo Cyprium vadere, & si se Turcica classis obiecisset, prælio decertare iussus erat, tamen, quia autumnus suberat, neque ei debilitata morbis classẽ satis animi ad tantum rerum discrimen erat, consilium suorum de profectiõne ha- buit. Erant ei à senatu legati ex ciuitatis institutõ, ne nimia

Aloysius
Torrius
in Hispaniam
misit
Pius misit.

Antonius
Canalis,
Iacobus
Celsus
Zanio
Confilia-
rij.

Sfortia
Pallau-
cinus.

Celsi &
Pallauici
si de non
adeunda
rum Cy-
pro sen-
tentia.

potestas vni committatur, Antonius Canalis, & Iacobus Celsus. Hi sicut imperio præfecti subiiciuntur, ita statuere ille de summa rerum, nisi alter eorum eius sententiæ assentiatur, nihil potest: His, quia pari iure (quod nemini, qui ciuis Venetus non esset, ante eum contigit) Sfortia Pallauicinus accesserat, placuit vt, si diuina inter binos sententiæ forent, ei staretur, in qua præfectus ipse fuisset. Quod tum contigit. nam Celsus & Pallauicinus negabant, in Cyprum eundum esse, quòd autumnales tempestates imminerent, quòd magna pars nauium nouo remigio parum apta, ac ne milite quidem satis instructa: & vt à classe paratissimi essent, bene gerendæ tamen rei quam spem ostendi? cùm Turcæ, seu pugnæ sese offerrent, instructas affatim terrestribus copijs naues in aciem ducturi, & multis nauigijs milite completis, caesis fusisque suis integros assidue summisuri essent: siue detrectare certamentum mallent, in propinquos Ciliciæ portus recepti, loco se defensuri, atque inde nullo negotio nostras naues, quæ diu consistere in illis locis iam non possent, prohibitori. Præstare igitur, subsidio insulæ aliquot onerarias cum militibus & com meatibus mittere, quàm vniuersa classe, qua publica salus contineretur, periclitari: posse vtilius, ne frustra tantæ coactæ in vnum vires essent, aut Sestum, Abydum ad angustias Hellepontis tentari, aut ad Eubœam insulam appulsâ classe Chalcidem repentina vi atque impressione oppugnari. Si enim Turcæ in obsidione Cypri permanerent, capi Chalcidem ac totam in potestatem redigi Eubœam posse, quæ haud minoris esset, quàm ipsa Cyprus: sin ad opem ferendam suis venirent, & Cyprum dimidia parte periculi leuatum iri, & exæquata tum pugnæ conditione, victoriæ spem penes ipsos fore. Hæc Za-

nus probabat magis, quàm dicebat. Sed Canalis, nisi præceptum id à senatu esset, & natura comparatum esse, inquit, sua prius quemque defendere, quàm aliena oppugnatum ire: & ad propulsandum à Cypro bellum missos, si cunctentur, serò opem oppressis iam esse laturos. quid enim tandem onerarijs cum milite mittendis, vt secundissimis ventis, quod præstare tamen nemo posset, in Famagustæ portum incolumes inferrentur, consecuturi essent aliud, quàm vt Famagustæ ipsi firmiori præsidio consuleretur; Nicosia, in cuius custodia insulæ totius salus vertitur, nihilominus premere-tur? At tempus, instante autumno, nauigandi in Cyprum atq; succurrendi obsessis non esse. At quo pacto idem tempus ad longinquiore in Hellespontum nauigationem, oppugna-tionemque vrbiũ in oculis regis & Constantinopolis sita-rum, aut Eubceam insulam, Chalcidemũ in insula occupa-ndam, superesse? vbi non milites modò, sed tormenta bellica, quod sine magno molimine non sit, in terram exponenda, & idoneis locanda locis essent. in Cyprum Etesijs ventis, qui tum maximè secundi flarent, quarta die peruenturos, & Au-stro, qui flare ineunte autumno solet, redituros: Cyprum belli sedem causamque huius esse; eam qui aut defenderit aut ceperit, non qui alia per occasionem inuasit, victoris famam esse laturum. Ad id ergo euocatas tanto studio, tanto maris interuallo Pij, & Philippi classes, & æstatem ipsam ces-sando expectatas esse, vt tum demum consultaretur, an Cypro succurrendum sit, cùm auxilia ea causa implorata venissent, & vires congregiendi cum hostibus essent? qui si cessissent, & declinato certamine portibus se tenerent suis, præterquam quòd Nicosiæ subuentum esset, num expressam timoris confes-sionem parui referre ad famam existimationemq. lociorum,

Canalis
cesset
Cyprum
statim
adeunda.

hostiumque? Si verò, quod credibilis sit, in aciē prodirent, communem quidem belli martem fore, sed se ipsos iustam victoriæ spem secum laturos, & Deum immortalem ipsi, & causæ fidentibus præsentī numine adfuturum; & si non numero nauium, genere certè superiores fore: centum octuaginta naues longas, & duodecim Galeatias, quæ ipsæ iustæ classis instar sint, in aciem deducturos; cui præterea multæ onerariæ munimento essent futuræ: Turcis centum & sexaginta longas naues, biremes circiter quinquaginta esse; reliquum numerum impedimento magis, quàm vsui futurum. postremò vinci satius esse, quàm desertorum sociorum infamiam subire. quī enim sustineri Christianorum populorum voces & querelæ possent, si propè in conspectu tantæ classis vastari nobilem insulam ac subigi à barbaris patiantur? At contrà, vt cætera aduersa caderent, ipsam senatus fidem in socijs tuendis cunctos ad renouandos conatus excitaturam, cum constiterit, eam Veneti senatus pietatem esse, vt de suo imperio periclitari, quàm suorum saluti deesse malit. Sibi igitur videri, antiquissimum senatus iussum esse habendum, eò magis, quòd auctoritas consentanea rationi ne excusandi quidem locum relinquat. Zanius ea oratione per-motus, ne in se vnum omnis inde rei omisæ inuidia incumberet, in Canalis sententiam ijt, seque senatui obtemperaturum pronunciauit. sed noua eum disceptatio excepit, cum eadem de re ad Columnam ipse, & Auria conuenissent; quamquam Columna quidem petenti Zanio senatus verbis, vt ad hostes liberandamque Cyprum iretur, haud cunctanter est assensus, atque eum Pompeius item Columna, & Aluarus Bazanus, qui Neapolitanis triremibus præerat, secuti sunt: sed Auria acrius disserendo quæ à Pallauicino, & Celto dicta

in Venetorum consilio erant, vehementer contendebat, non esse Veneras naues extenuatas & exhaustas morbis, obijciendas instructissimæ omnibus rebus hostium classi: & de Columna querebatur, quòd Venetis per ambitionem gratificando, regis classem in certum discrimen conijceret. Sed cùm Columna, vtilius, non solùm honestius regem eam classem in prælio amissurum, quàm tantæ publicæ causæ atque omnium gentium expectationi defuturum, diceret, nec attinuisse, eos in Cretam vsque tantum viæ marisque procedere, excitata per Christianos populos ingenti eius auxilij fama, si ad aliud nihil, quàm obuiam nuncijs cladium, quæ Cyprios manerent, nisi ipsi subuenissent, venturi erant, ad augendam Turcarum victoriam, segnitie ac detrectatione sua (neque enim minus Turcis gloriosum fore, cessisse retrò Christianas classes non ausas hostem aspicere, quàm Venetos paucis diebus Cypro expulisse) cumque inde ostenderet, quibus auxilium laturo venissent, eorum iudicium esse debere, quò potissimum eo vterentur, præsertim qui non spectatores, sed socij ac principes eius periculi, quod proponerent, essent futuri: & adijceret postremò, hanc esse Pij voluntatem, diserteque sibi ab eo præceptum, vt ad hostes vaderet & rem prælio decernendam daret, sibi que stare, nihil ex eo, quod Pius iussisset, & ex fide sua & dignitate Christiani nominis esset, mutare; Auria, ne pertinaciùs negando aut timoris, aut malignitatis suspicionem incurreret, reliquorum tandem non tam auctoritati, quàm consensui cessit. quanquam eam ipsam gratiam mox corruptit, breuius sibi ad manendum tempus finiendo, quàm res postulare videbatur. Cùm enim tempus extractum deliberando esset ad Idus Septembris, Calendis se Octobris, vbicunque gentium essent, discessurum

Auria à
Cana
dissentit.

ab ijs, quod præmonitos vellet, denunciauit. Et cum magnopere optarent, vt singulæ tam Hispanæ, quàm Venetæ, ac Pontificiæ naues aliæ alijs interiectæ mixtim, non separatim in acie locarentur, quò partitus ex æquo inter omnes labor & periculum esset, & æmulatio virtutis vbique accenderet animos; negauit se aliter in pugnam descensurum, quàm vt sua cum classe dexterum cornu teneret. Id verò Venetis non molestum modò, sed etiam suspectum fuit: quærere altum, vt, cum vellet, cedere acie & euadere sine vulnere posset, opinantibus. Erat Auria non solum Genuensis ciuitate quamuis longè tum infra Venetorum magnitudinem delapsa, tamen memoria veteris æmulationis & mutuarum eladium aduersa Venetæ potentiæ, sed domestico etiam odio inuisus infensusque Venetis, quippe Andreae nepos illius, quo duce queruntur Veneti malè rem gestam ad Ambraciam anno millesimo quingentesimo trigesimo sexto, & vitatam de industria pugnam esse, cum & non dubiam victoriam, & inclusam Ambraciæ sinu hostium classem tenerent. Sed & Venetos hæc dissimulare tempus tum cogebat, & post ab Auria facilè contemnebantur eorum querelæ: quin eis culpæ vertebat, quòd cum tanta eorum res ageretur, tantumque apparatus nauium ostentassent, eas inanes militibus, à remigibus & ab omnibus rebus imparatas haberent. Nam id quoque postulauit, postquam è Candia (quæ caput Cretæ nunc est, vnde nouum insulæ inditum nomen) Sitiam venere, vt singulæ naues recenserentur, ipse Venetas, Veneti Hispanas inspicerent. Qua lustratione, cum ipse egressus portu in alto constitisset, & scaphas in naues recipi ex disciplina iussisset, ne ex vna in aliam nauim transmitti clam milites posset, Venetos aiebat suas

Auria
non fide-
rent Ve-
neti.

Candia
Verbs toti
insulæ no-
mē fecit.

in portu

in portu puppibus terræ applicatis ostendisse , ac ne ita quidem occultare potuisse, quin omnes intelligerent , mancas ac debiles esse . His rebus contentionibusque vndeuginti diebus consumptis , tandem duabus triremibus ad explorandum præmissis , ad XIII. Cal. Oct. Sitia soluerunt . At ne iter quidem sine offensione fuit . cùm enim ex nautico more sola imperatoria naus noctu lumen in summa puppi elatum, quod cæteræ naues sequantur, gestare soleat, & Venetus præfectus, honoris Columnæ causa, sine ea luce nauigaret; Auria , quò Columnæ æquari videretur, idem in sua naui per noctem lumen ardere voluit . Quod etsi non arrogantia fieri ab se, sed metu tempestatum , vt suæ classis naues, vbi earum dux esset , non ignorarent, dictitabat; tamen Columnæ animum tam contumax dignitatis suæ contemptio incredibiliter vrebat: quanquam eam iniuriam insigni moderatione rei publicæ condonare se, Venetis rem accusantibus , respondebat .

FINIS LIBRI PRIMII.



ANTONII MARIAE
GRATIANI
A BVRG O S. SEPVLCHRI.
DE BELLO CYPRIO
LIBER SECVNDVS.



T apud Cyprios ad primos belli nuncios cum ingens pavor & trepidatio, tum varius pro cuiusque generis studijs animorum habitus: agrestes, ut quique grauiori seruitute premebantur, passim letari, & cuiuscunque, dum nouæ, fortunæ spem fouere. His enim Cyprij pro seruis utebantur, & acerbè crudeliterque habebant. quem illi dominatum ita non abiecto animo ferebant, ut ad eum excutiendum sæpe cum Turcis prodendæ insulæ consilia miscuerint. Et peregissent aliquando facinus, si validum auctorem inuenissent: qui usque eò illis defuit, ut proximis superioribus annis didascalum quendam infimæ sortis hominem secuti, eum regem facturi viderentur, nisi, antequam cum Turcis, in quorum se clientelam ille dedebat, transigeret, detecta coniuratione eum magistratus Venetus supplicio subito affecisset. Verùm nobilitas, ut pro

Agrestes
Cyprij
prodicio
nem ali-
quando
medita-
ti.

salute patrię & captura haud segniter arma, & strenuam operam reip. nauatura videretur: tamen, cùm nullum esset in insula imperium, cui reliqui magistratus parerent, præfectorum dissidio & æmulatione nihil pro præsentem tempore administratum est. Primis ineuntis anni diebus, qui annus fuit nati Christi CIO.ID.LXX. de Turcarum deque belli denunciatione literæ Bizantio missæ à M. Antonio Legato in insulam perlatae sunt. Præerant tum, Nicosiæ Nicolaus Dandulus prætor, qui Laurentio Bembo legato incommodissimo tempore reip. morte subtracto, sine vlla senatus auctoritate translati eius in se munere, imperium concessio maius vsurpauerat, homo arrogantia insigni, nec vlllo vsu earum rerum, in quarum procuracionem inuaserat; Famagustæ Laurentius Theupulus, & M. Antonius Bragadenus: Theupulus iurisdictioni, Bragadenus custodiæ vrbis, partitis muneribus intendebant. Militibus præerat Astor Balionus, vir gnarus militiæ, & quem nec hostium fama terruisset, nec ei, si obsequium & vires ad resistendum habuisset, regendi animus aut artes deerant. Acceptis M. Antonij literis, consultatur Nicosiæ, quid facto opus sit: adhibitisque principibus ciuitatis, ijs primùm imperatur, vt ex agris frumenta in urbem comportanda curarent: idque est sine mora administratum. At in perficiendis munitionibus & firmandis mœnium propugnaculis, quæ prima cogitatio incessit, Dandulo, ad quem ea cura redierat, neque vsus satis neque consilij fuit. Nam, cùm decretum esset, vt partes ex Sauorniani instituto iisdem, à quibus dictæ erant, principibus distribuerentur, quò negocium certatim atque eò studiosius omnibus simul locis perficeretur, Dandulus, eò magis distrahi publi-

Nicolaus
Dandulus
Prætor
pro lega-
to Cypri
admini-
strat.

Lauren-
tius Theu-
pulus, M.
Ant. Bra-
gadenus
Famagu-
stæ præ-
positi.

Astor Ba-
lionus mi-
litiæ dux.

cam pecuniam, dictitans, quò pluribus committeretur, suam se rationem secuturum ait, nec cuncta simul propugnacula, sed singula muniturum. Cumque constituisent, ut plura hominum millia ad opus faciendum adhiberentur, res ab eo per paucis operis acta est. Nec reliquis rebus intentius prouisum. nam ut percrebrescebat aut residebat de classe rumor, ita intendebatur aut remittebatur belli cura; ut, cum vulgata temerè fama esset, non exituram eo anno Bizantio Turcicam classem, tanquam depulso periculo segniter omnia incuriosèque administrarentur: monentibus sæpe, & superuenturos imparatis repente hostes, clamantibus Astore, & quibus aliquis militiæ usus erat. Tunc Eugenius Syncliticus Rocasij Comes ex Cypriorum principibus, Venerijs ad tuendam patriam missus, & equitatu à senatu honoris causa præpositus aduenit, certus belli nuncius opis nihil afferens. Quæ res vehementer omnium spem fefellit. nam hominem Cyprium de insulæ statu, de paucitate militum, de inopia armorum, maximè sclopetorum, quibus propugnatores armandi erant, quæ cognita ipse hæcebat, senatum edocturum, neque Venerijs sine aliquo subsidio, quod suis ciuibus afferret, discessurum existimauerant. Quæ ille propter imbecillitatem animi præfecturæ honore immodicè lætatus omiserat. Itaque suam frustratione Cyprij haud taciti ferebant: scilicet tanto instante bello in patriam redeuntem nihil præter inanes honorum titulos, quibus per superbiam abuteretur, attulisse: licuisse ei, Venerijs in sinu Italicæ vxoris ex luxu & copia suæ patriæ periculum spectare: quid enim sibi eo duce opus esse, qui specie modò imperij delectaretur, rem ipsam negligeret? Atque hæ voces à Iacobo Nores Comite Tripolis

Eugenius
Syncliti-
cus Equi-
tatu præ-
positus.

antiqua æmulatione Rocasio inimico, & tum eius honori obrectante fouebantur. atque huius erat ab egregia virtute magna in nobilitate auctoritas: hinc odium, & mox etiam contemptus ducis. Quæ res ipsorum etiam præfectorum animos debilitauit, eo genere imperij nihil salutariter aut consultum aut gestum iri reputantium. Cum sæpe in consilium coacti nulla de re conuenirent, & Rocasius, & Dandalus, & ut quisque belli rudior plus sibi arrogaret, & à suis sententijs non discederet, agebantur omnia perperam & inconsultè. Atque per has maximè contentiones hiems exacta est.

ADVLTO iam vere certamen inter Nicosiæ, & Famagustæ magistratum est ortum, vter eorum ex Messarensi agro medio inter vtrumque oppidum, & præcipua fertilitate, frumenta in suam urbem deportaret. In his dissidijs optimum visum est, ut locus diesque diceretur, quem ad locum quamque ad diem omnes magistratus, præfecti militum, & aliquot præterea nobilitatis principes conuenirent, ac de tota ratione belli decernerent, & suæ cuique partes tribuerentur, quò omnes scirent, quid sibi curandum efficiendumque esset. Aschiam ad constitutam diem conueniunt, & cohortati inter se, ut depositis contentionibus coniunctis animis rei publicæ & communi saluti consulerent, decreuere, ut frumenta Messarensis agri inter Famagustam, & Nicosiam ex æquo diuiderentur, & quæque ciuitas ex proximo sibi agro frumentum desumeret. mandatum præterea vtriusque ciuitatis magistratibus, darent operam, ut, vbi maturefcere in agris fruges cœpissent, in oppida comportarentur: quæ aut longius abessent, aut percipi non possent, ut corrumpere non possent.

Dissidia
inter Ni-
cosiæ, &
Famagu-
stæ com-
positum.

Astōr Ba-
lionas Fa-
magustæ
tuenda
preposi-
tus.

Verum postea referuari eas placuit in spem aduentus Christianæ classis, quod, constrictis omnibus molis vsui hostibus non esse futuras, duces dictitabant. Atque ita Turcis, qui sibi omnia ex Cilicia subuehenda existimauerant, præter spem accidit, vt egregiam frumenti copiam in insula inuenirent. Actum de Astore Baliono, vtram urbem defendendam susciperet: ac decretum, vt Famagustam, quam primum hostes aggressuri credebantur, obtineret, dum Hieronymus Martinengus, quem Venetijs cum tribus milibus militum profectum acceperant, in insulam veniret, atque ei ex Cypriorum militia, quæ libertinis constabat, tria millia militum attribuerentur: totidem Nicosiam mitterentur, nouique agrestium delectus haberentur & reliquis adiungerentur. populo vtriusque ciuitatis arma tribuenda, describendumque in cohortes, atque ijs nobiles iuuenes præficiendos censuerunt. Ducta deinde ratione, quem quæque vrbs hominum numerum esset captura, eos ex reliquis oppidis vicisque Nicosiam ac Famagustam demigrare iusserunt: reliquam omnem multitudinem ex tota insula cum liberis & coniugibus & suis rebus omnibus in montes siluasque abdere placuit: missique continuo, qui loca inspicerent: ac negotium ducendi omnes ac deponendi in saltus Ioanni Sulomino industrio homini est datum, atque eodem pecora armentaque abigi iussu. Cerines in littore, quod Ciliciam aspicit, haud ita munitum oppidum, vt hostium impetum sustinere posse confiderent, dirutis mœnibus, bellicisque tormentis Nicosiam abductis, vacuum relinquendum censebant. verum contradicentibus nonnullis, placuit de eo senatus voluntatem expectari. Postremò magnis dissensionibus actum est, an

hostibus

Astoris
sententia
de occur-
rendo ho-
stibus.

hostibus in terram egredientibus occurrendum, an, quia prohiberi nequirent, vt exponerent sine molestia exercitum, permittendum. In hac erant sententia Rocasius, & Dandulus fatali pertinacia optimis semper consilijs aduersari soliti, tanquam ab his, qui opinionem bellicæ scientiæ haberent, dissentiendo laudem ipsi sapientiæ quærent. Contrà vehementer disserebat Astor, & illam arcendi ab insula hostes desperationem detestabatur, nullam clamans fortibus ausis pestem capitaliorem, & sæpe desperando fieri, vt desperandum sit, solere: se percunctationibus comperisse, multò plures in Cyprio esse equos, quàm homines opinarentur: sperareque, si diligentia adhibeatur, ad octo equorum millia contrahi posse. horum bonam partem hastatum equitem laturam, reliquis sclopetarios imponi oportere, quorum ad id, quod conarentur, egregius esset futurus vsus. Hoc equitatu, adiunctis delectorum tota insula militum cohortibus, cur desperaretur, prohiberi exscensu hostes posse? At præterea plus viginti quinque millibus hominum confecturos, quibus armatis & in proximis salinarum collibus collocatis, si nihil aliud, id certè præstituros esse, vt hostibus speciem magnarum copiarum præbeant; qui profectò haud temere se in littus eijcient, si cum iusto exercitu sibi depugnandum esse prospexerint. At verò id esse in vtramque partem tutum consilium: siue enim egressu in terram hostis prohibeatur, periculo se insulamque liberaturos; siue arceri nequeat, magnam ei de insulæ viribus & consensu opinionem esse facturos. Postremò id belli rationem postulare, præstareque irritum conatum suscipere, quàm contra militiæ disciplinam in ipso belli initio & hostibus contem-

ptionem

Dandalus,
& Rocas-
sius ab
Astore
discutiunt.

Astoris
contra
oratio.

prionem sui, & suis hostium metum facere: quod quantam in bellis vim habeat, neminem, cui vsus modo aliquis militiæ sit, ignorare. Hac ab Astore habita oratione, cum idem nobiles Cyprij qui aderant, probarent, seque paratos ostenderent, nullum laborem officiumque quod eis imperaretur, recusare, nihilominus Dandalus, & Rocasius resistere, &, duas modò ciuitates defendendas esse, contendere, quibus conseruatis sua sponte excessuri insula barbari essent, neque diu in castris magnitudinem æstus & cæli grauitatem toleraturi: & Rocasius, hanc Venetijs fuisse Sfortiæ Pallauicini sententiam probatam Patribus, adiecit: & sibi pluris senatus & Clarissimi Ducis auctoritatem, quàm vllius speciosam rationem futuram. Hic eius sermonem interpellans, &, Quem mihi, inquit Astor, senatum, quem Sfortiam narras, si nos oculis hæc atque vsu multò melius, quàm illi auditionibus cognita explorataque habemus? Non consilia Venetijs nobis, sed auxilia mittant Patres: nam nequid per metum aut imperitiam, sed omnia ex disciplina atq; vsu belli fiant, cordi nobis erit. Atq; ita contentione est elatus, vt diceret, si ceteri sequi recusarent, se vel cum solis clientibus & familiaribus suis iturum neque admissurum, vt hostes sine impedimento, tanquam tradentibus ipsis, in possessionem insulæ venirent. si prohiberi, quin descendant, non possint, noceri certè ijs magnopere posse, si cum equitatu & sclopetarijs, qui equo vtantur, in applicantes impeditosque impetus fieret. Ecquid ipsos de se dicturos hostes, quod iudicium facturos? id ipsum scilicet, quod res ipsa indicaret; Venetos metu perterritos ne dare quidem se in conspectum ausos fuisse. Nihil ob hæc de sententia mutantibus Rocasio, & Dandalo, ne

Astor

Astor quidem celsit, seque cum ijs equitibus, qui se sequi voluerint, hostibus occursum est professus, illorumque vires, genus, numerum copiarum exploraturum, ac certè non passurum, existimare eos, in tanta insula fuisse neminem, qui aspectum modò eorum ferre potuerit. Cùm illi in sententia perseverarent, &, passuros quidem se, eum uti suo consilio, dicerent, verùm id aut probaturos vnquam aut auxilio futuros pernegarent, ac, siquid aduersi ei accidisset, senatum se de tota re edocturum Dandulus denuntiaret, Astor haud ignarus Venetorum moris legatis suis maiorem, quàm præfectis fidem præbentium, & cauta consilia fortibus faciliè anteferentium, etsi sententia non destitit in præsentia, apparuit tamen, eum nihil temerè contra Danduli voluntatem esse facturum. Atque ita conuentus est dimissus, & omnes ad ea, quæ constituissent, exequenda discedere sunt iussi.

HIS rebus constitutis, & querentibus omnibus, neminem vnum esse in insula, ad quem imperij summa respiceret, naues onerariæ tres, quæ Hieronymum Martinengum cum militibus à senatu in Cyprum missis sustulerant, Famagustam appulere, militesque expositi tristem nuntium de ducis sui morte attulerunt. Nam Hieronymus & maris iactatione & gravitate cæli grauis ipse annis vehementer conflictatus in morbum incidit, quem cùm neque commodè curare posset, nec institutam navigationem intermittere vellet, eius vim non sustinuit. Auxit de eo dolorem, quòd militum eius pars eodem, quo ipse, morbo in itinere absumpta erat, & qui peruenere, affecta valetudine non magno, vsui futuri videbantur. Eius mortem incommodissimò tempore reip. accidisse omnes fate-

Hieronymus Martinengus moritur.

bantur.

bantur. Cùm enim Astori Famagusta defendenda obtigisset, quòd eam ante omnia oppugnatos Turcas existimauerant, Nicosiæ militare imperium ad Rocasium redierat, quem cum Dandulo nihil pro ratione belli facturum intelligebant. Quam ob causam Ranconium, & Palatium veteres tribunos Nicosiam ire placuit, vt eorum consilio illi, si vellent, vti possent. Nam etiam post concilium Aschiæ habitum frigidè omnia agebantur, quòd omnes ea opinio peruaserat, non discessuram eo anno Constantinopoli Turcicam classem; vt in ipsis etiam munitionibus res lenè admodum ac remissè procederet: ipsique duces, tanquam eo solatio reliquos confirmaturi, bono animo esse eos iubebant; fore enim, vt Turcæ in sequentem annum Cypriam expeditionem differrent, atque ipsis spatium communiendi sui darent. Atque eò amentia sunt progressi, vt militibus Cyprijs, quos ex libertino genere describi in militiam suprà memorauimus, Nicosiam cùm præsidio tùm perficiendis munitionibus antè euocatis potestatem in suas domus discedendi facerent, quòd vxores suas reuiferent, &, si vellent, in urbem adducerent.

Turcica
naues
præmissæ
in Cypriam

NONDVM ea copia domum redierat, cùm trepidi nuncij Nicosiam afferuntur, viginti quinque naues Turcarum Paphi esse visas. Itaque adesse omnem classem rati, ipsi inprimis duces sua spe decepti vehementer perturbantur, ciuitas trepidatione ac tumultu repletur. Præmiserant eas naues Turcæ cum Scirocco præfecto, atque ei imperauerant, vt exscensione in Cypro facta, interceptisque quos ei fors obtulisset, insulæ itatum, vires, & consilium hostium exploraret; quo facto ad se celeriter rediret. Sciroccus expolitis ad Laram (id loco est nomen,

quò

quò appulerat) quingentis militibus, imperata facere satagit: captisque aliquot agrestibus hominibus, direptisque & incensis eorum ædificijs, dulcedine prædæ longius progrediebatur. Sed equitum Epriotarum turma, quæ stationem in illis locis habebat, cum eo congressa non solum impetum barbarorum repressit, sed eos in fugam dedit atque in naues compulit, vndecim eorum interfectis, duobus captis, & signo militari potiti, quod Randochius equitum præfectus cum captiuis, & casorum capitibus equitum hastis superfixis Nicosiam misit. Ab ijs cognitum est, Turcicam classem ad Finicam esse, omnium quas vnquam Constantinopoli eduxissent, maximam & pulcherrimam, magno nauium omnis generis numero, tormentorum apparatu, com meatibus, rebus omnibus ornatissimam: ducem imponendis equis militibusque operam dare, breuique adfuturum. Tum demum, qui periculum in sequentem annum reijciebant, sibi que omnia læta fingeant, repentino metu perculsi conciderunt. Dandulus, ac Rocasius hilares atque elati incedere ac volitare per urbem soliti, tum consilij inopes ne dissimulare quidem timorem animi demissi atque conturbati poterant, imperfectis munitionibus, infirmo præsidio, nulla copia armorum, dimissis libertinis, infidelibus seruis: & super his bonos maxime angebat imbecillitas ducum, quibus nec scientia rei militaris, nec auctoritas aderat. Dimissæ extemplo literæ, quibus libertini Nicosiam reuocabantur. sed & ab hominibus agrestibus ægre impetratum est, vt se reduci in urbem paterentur, & maxima pars eorum dilapsa in montes se siluasque recepit, vbi tutiores, aut certè liberiores fore se arbitrabantur; vt ex millibus septem, qui descripti fuerant,

Prædabā
dos Tur-
cas Epi-
riote re-
pellunt.

circiter

Edictum
de seruis
libertate
donan-
dis.

Turcæ
Copias
in terrâ
exponit
sine ullo
certami-
ne.

circiter duo millia & quingenti Nicosiam redierint. Tum quoque serò actum est de seruis libertate donandis. quod munus maturatum infensi generis animos reip. reconciliare potuisset: in summam atque apertam necessitatem dilatum illi neglexerunt. Nam, cum edicta essent proposita, quibus pronunciabatur, prætorem reliquosque Venetos magistratus ex auctoritate senatus iubere, omnes, quicunque in insula serui nati essent, liberos esse, tantum eos hortari, ut fidelem ac fortem operam pro eo beneficio reip. præstarent, & quibus ætas, atque animus belli patiens esset, Nicosiam Famagustamque ad communis salutis arces defendendas sine mora conuenirent; pauci, qui vicinos urbibus agros incolebant, paruere, reliqui se suaque montibus credidere. Atque hæc circiter Non. Iunij acta cum essent, ipso die Calendarum Iulij vniuersa classis ad insulam vela faciens conspecta est. Turcæ, cum ad Paphum accessissent, vnum ibi diem in anchoris morati, biduo post ad Imisum appulere, & paucos ibi explorandi causa in terram emisere milites, cum quibus Epirotæ equites congressi, aliquot eorum occisis, reliquos ad classem repulerunt. Inde Salinas petiere, in sinumque illati omnes suas copias, contra quam opinati fuerant, nemine impediente, exposuere. Nam Astorem obtestantem, ne tantum dedecus admitteretur, ac se cum paucis obijcere hostibus conantem Dandulus deterruit, qui cum Rocasio equitum duce, ut Astoris consilio obsisterent, omnem equitatum contraxerant secumque habebant: & siue pertinacia animi siue quod receprui timerent, spectatores modò egredientium in terram Turcarum esse voluerunt. Ea res Mustaphæ, imperitia aut metu nostrorum ducum animaduerso, magnam

victoriæ

victoriæ fiduciam fecit, & vulgò Turcæ spem eandem concepere. Applicuere insulæ nauigijs omnis generis circiter quadringentis, in quibus erant naues longæ, triremes, & quadriremes centum & sexaginta, biremes circiter quinquaginta: reliqua omnis multitudo ferendis modò oneribus, com meatibus, & militibus transportandis comparata erat, ad pugnam congressumque inutilis; sed ad speciem terroremque nostris inferendum, qui pæne ipsum mare, quantum oculis longè latèque prospicere poterant, hostili classe constratum cernebant, magnopere valuit: tantusque applicantium clamor & lætitiæ significatio fuit, vt nostri, tanquam tristi omine perculsi, mœsti tacitique se reciperent: Rocafius, & Dandulus cum Epirotis equitibus Nicosiam, Astor Famagustam, ad quam oppugnandam venire hostes, omnibus & captiuorum & transfugarum indi-
 cijs confirmabatur. Exercitus omnis fuere armatorum millia septuaginta, præter lixarum & calorum turbam, quibus numerum centum millium impleſſe dicuntur: in quibus prætorianorum, quos ipsi Ianizeros appellant, & quorum virtuti maximè fidunt, nouem millia. Equorum traduxere ad duo millia, totidem iumenta ac mulos sarcinis ferendis, quibus postea, detractis clitellis, ephippia accommodauerunt, ijsque pro equis vsi sunt: atque omnes partim onerarijs impoluerant, partim longis nauibus singulis binos quaternosue traducendos attribuerant. Hæ autem copię omnes duobus com meatibus traductæ sunt, quibus Mustapha ipse huius belli concitator præerat. Huic exercitus, & terrestrium copiarum, maris & classis cura Halijo permissa erat, cui Turcarum more Pialeus ex Basarum numero maiori cum imperio additus erat. Qui quidem de

Turcica
classis.
quanta
fuerit.

Exerci-
tus, & ar-
matorum
numerus.

Equorũ,
& iumen-
torum.

Musta-
phę exer-
citus: Ha-
lijo, &
Pialeio
classis cu-
ra com-
missa.

classiarijs militibus suis neminem in terram exposuere: ne, si cum Christiana classe, quam venturam auxilio nostris existimabant, congregiendum foret, imparati ipsi immunitique offenderentur.

CONSVMPTIS in exponendis repetendisque militibus, exercituque reficiendo aliquot diebus, Mustapha, quid hostes virium quid animi haberent, explorabat: & consilio, quo profectus Bizantio erat, insistens, quæ ad Famagustam oppugnandam opus esse intelligebat, diligenti cura apparabat, cum noui de Nicosia indices mutare sententiam coegerunt. Græci homines duo Nicosienses ciues, inspectis omnibus munitionibus vitijsque, & quæ imperfecta & infirma erant, diligenter animaduersis, noctu egressi oppido ad hostes profugere: deductique ad Mustapham, si egregiæ in rem Turcicam fidei iusta præmia sint, habere se dicunt, quæ eum magnopere doceant. Et ut non solum odio nostri, sed religionis studio transisse ad Turcas viderentur, & ea re cum plus gratiæ inirent, tum plus fidei eorum orationi esset, repudiato Christi cultu, Mahometis sacris procurari se ac in Turcarum ritus disciplinamque ascitici velle profiterentur. Tum interpretibus tantum adhibitis Mustapha dicere, quid venissent, iubet. illi exploratam, si se audiat, victoriam asferre præfantur: ac deinceps omnia de Nicosiæ statu, quæ comperta habebant, Mustaphæ enunciant, multa de imperitiis & contemptu ducum, de paucitate defensorum, de armorum inopia, de nobilibus Rocasij imperia detrectantibus, de imbelli ac pæne inermi populo & ad ipsum Turcarum nomen contremiscente, de munitionibus imperfectis ac multis locis imperitè adauctis. Quæ omnia partim vera erant;

Transfuge duo ad Nicosiam primo aggrediendam Mustapham impellunt.

partim

partim ab ipsis, quò indicij gratiam augerent, affingebantur. Postremò ciuitatis opulentiam diuitiasque & magnitudinem prædæ ostentant: illis includi mœnibus vniuersam nobilitatem, & quicquid opum, quicquid auri argentitæ in insula esset: ea expugnata vrbe, quo nihil esset facilius, totius regni sine certamine potiturum. Proinde, omissa Famagusta, quæ & ab firmitiori præsidio, ac à peritiori duce obtineretur, & in qua tantum neque momenti ad vniuersam victoriam neque spei ad prædam esset, exercitum Nicosiam duceret: se secuturos, atque omnes aditus omnes penetrandi in urbem vias commonstraturos. denique, se victoriæ tanquam obsides vt recipiat, orant. Motus ea oratione barbarus protinus à priori consilio discedere in animum induxit. transfugas collaudat, præsentibus muneribus & pollicitationibus confirmat, & in magno honore palam habet. Postero die, quæ ab ijs acceperat, cum Pialeio adhibito, classis præfecto, communicat. Ille omnia transfugis credenda negat, nec temere à priori consilio oppugnandæ Famagustæ recedendum esse ait: id & tutius videri & antè Bizantij ipsi regi probatum fuisse: eam vtriusque viribus terra marique eodem tempore oppugnari posse. quibusnam militibus Christianos duplicem oppugnationem esse laturos, qui vix pauculas armatorum cohortes in mœnibus essent habituri? qua expugnata vrbe, interclusoque auxilijs aditu, ne Nicosienles quidem dubituros, quin victoribus cedant. Nicosiam mediterraneam urbem esse, nuper à Venetis magna vi curaque permunitam: hoc ipso, quòd in eam omnis nobilitas, omnes insulæ facultates collatæ essent, minùs similia vero videri, quæ de munitionum ac præsidij infirmitate transfugæ detulif-

Pialeij
de Famagusta
primi
mœnibus
oppugnanda
sententia.

sent. vt alia ijs desint, ipsam nobilitatem pro sua dignitate, pro liberis, pro coniugibus, pro patria, pro rerum omnium incolumitate vsque ad vltimum calum strenuè esse dimicaturam: atque ipsum ad eam oppugnandam dimidia parte virium esse cariturum: neque enim se naues militibus nudare debere, ne à Christiana classe, quam periclitantibus suis opem laturam dubitari non debeat, opprimeretur. Hæc Pialei sententia fuit; siue ita sentiret, siue in Famagusta victoriæ societatem appeteret. Verùm Mustapha, cum, quæ edixerant transfugæ, captiuorum quoque indicia tormentis supplicijsque expressa confirmarent, totum se animo ad nouum consilium conuerterat. Hoc constituto, ad fallendos hostes tria millia peditum Famagustam antecedere iubet, eisque præcipit, vt iter cautè faciant, neque temerè se in vrbs conspectum dent, ne Astor, quem Famagustæ esse sciebat, suo loco cum ijs committere prælium posset: tantùm obsessis vijs infestum iter, quod Famagusta Nicosiam ducit, præstent & commeare illac patiantur neminem. ipse monachum Cyprium inter captiuos nactus literas ei ad procures insulæ perferendas dedit, quibus barbara vaniloquentia cum opes ac dignitatem Selimi cum cælestium vi ac maiestate æquasset, ac non Venetorum modò sed Christianorum omnium vires vanissimè obtriuisset, vrbeam sibi atque insulam dedi postulabat, libertatem fortunasque omnes, & sacrorum iura mansura ijs promittens. Cyprijs ad ea nihil respondere est visum. Itaque Mustapha silentium pro responso accipiens incendi ac diripi latè agros iubet. Primi omnium Leiparum pagum qui colunt partim veriti populationem vastantium cuncta Turcarum, partim odio veterum dominorum, non solum Tur-

Mustapha Nicosiam aggredi prius ita tuic.

Idem literas dat ad Cyprios Proceres,

cæ se dediderunt , sed accepti ipsi benignè auctores idem faciendi alijs pagis fuerunt . Ad quorum vlciscendam perfidiam , exemplumque alijs statuendum missæ à Nicosiensibus duce Demetrio Lascari , cognomento Meduca , cohortes , cum intempesta nocte obrutos somno oppressissent , ad vnum omnes interfecere , iniectisque ignibus pagum ipsum funditus deleuere . Quo terrore agrestibus iniecto , fides eorum magnopere in posterum sancita est .

Leiparū
pagū Ni-
cosienses
funditus
deiecit ,
quod de-
fecisset
ad Tur-
cas .

MVSTAPHA , reliquo exercitu cum impedimen-
tis bellicisque tormentis subsequi iussu , cum duo-
bus millibus equitum & parte copiarum ab Salinis profectus
sextis castris Nicosiam peruenit , & millia passuum quatuor
longè ad oppido confedit . Erant Nicosiæ milites Italo-
rum mille quingenti , nobilium cum clientibus mille , libertino-
rum duo millia quingenti ; ex omni genere ad duo millia :
ex populo ad duo item millia quingentos confecerant : pe-
dites Epirotarum ducenti , equites quingenti , mille è no-
bilitate equites : seruorum quoque quot colligere potuerunt ,
armauerant . frumenti ex antè conuecto copia ingens vel
diurnæ obsidioni suffectura : & in montes receperant se ,
præter imbellem multitudinem , supra viginti millia ho-
minum , qui ferre arma potuissent ; haud contemnendus
numerus , si , qui regerent , ac arma , quæ eis darentur , fuissent .
Palatius Fanensis tribunus , quem supra attributum Dandulo
& Rocasio , vt ejus consilio iuuarentur , narrauimus ,
moris militaris haud ignarus vehementer suadebat , vt
equitibus omnibus , & parte peditum oppido emissis impe-
tus in tendentes hostes fieret : posse illa imprellione graue
aliquod aduersarijs incommodum inferri , antequam om-
nes copiæ superuenirent . Huic consilio idem Rocasius &

Nicosiæ
qui nume-
rus fuerit
bellato-
rum .

Annanz
copia .

Castrame-
tatur ad
Nicosiam
Turcæ.

Obfidetur
Nico-
sia.

Dandulus, etsi Palatio multum tribuere erant soliti, tamen ex instituto suo restitit. Postero die, qui fuit VIII. Cal. Augusti, reliquæ omnes copiæ superuenere. Mustapha ipse tabernaculum suum in planitie proximi collis, cui Mandiæ est nomen, collocauerat, castris inde ad ædem usque Demetrii extensis. Et quia compererat, omnes circa aquas à Cyprijs veneno infectas esse, effodi terram novosque puteos fieri imperauit, & ubere passim reperta aqua nostrorum opinionem longè sefellit, qui aut venenum hausturos aut in arido loco aquæ inopia laboraturos hostes, putauerant. Primis aduentus sui diebus Mustapha cum equitatu circumire urbem, simul speculandi causâ munitiones situmque ciuitatis, simul ut nostros ad certamen eliceret: quos Dandulus & Rocasius diligenter intra oppidum continebant, ægerrimè id ferentibus Epirotis equitibus, & nobilibus Cyprijs, qui periculum sui facere cupientes pugna prohiberi se magnopere querebantur. Mustapha sæpe obuersatus mœnibus, ubi certamen detrectare nostros & facultatem sui non facturos apparuit, metum ijs & Græcam mollietiem exprobrans, conuersus ad suos, Hi, inquit ridens, illo aggere se tutos fore arbitrantur; atque inde operibus munitionibusque circumfidere, atque propius accedere urbem instituit. Primum opus in colle, qui S. Marinæ vocabatur, noctu haud multum impredientibus nostris celeriter perfecit loco edito & ab propugnaculo, cui Podocatero erat nomen, passus circiter trecentos distante. ex eo muros & proxima muris ædificia tormentis verberabat: verum propter longinquitatem nostris parum nocebat. Pari ratione alteram quoque munitionem ad ædem Georgij instituit; tertiam in tumulo, cui Margaritæ erat

nomen;

nomen : quartam in Mandiano colle : quibus ex munitionibus tormenta , quæ nostri suis locis propugnandi causa collocauerant , deijcere conabatur . sed cum parum proficeret , produxit opus ad veteris vrbis muros , atq; inde protinus fossis altissimis propius se ad oppidum Turcæ insinuant . Ibi instituta ratione , passus circiter centum & quinquaginta à muris contra quatuor vrbis propugnacula , quatuor ipsi munitiones excitant . Ea sic vocabantur , Podocateri , Aulæ , Constantij , Tripolis . Hæc sunt eorum , qui perficiendis ijs propugnaculis à Iulio Sauorniano , vt initio tradidimus , præpositi fuerant , cognomina . Eo opere celeriter effecto tormentisque productis Turcæ ferreis globis sexaginta pondo quatere muros magna spe deijciendi aggrediuntur . quod cum dies quatuor summa vi continenter fecissent , neque nocere se muro intelligerent , quòd globi in nostras munitiones illati cæspitibus hauriebantur & sine detrimento hærebant , eo incepto destitit . Veneri duces de eruptione cogitare nunquam ausi procùl tormenta in munientes hostes explodebant , & prohibere eos ab opere conabantur , multosque quotidie eorum interficiebant . Illi , omiſsa mœnium verberatione , qua parum se proficere animaduenerant , fossas agere & appropinquare muris pergunt ; ac ne certis nostrorum ictibus peterentur nullam ex mœnibus finem collineandi ac iaciendi facientium , fossis non directis sed sinuosis progrediebantur , terramque contra nostrorum petitiones eiciebant , seque ea ratione contegebant : ac ne meridie quidem in feruentissimis caloribus cessabant , & noctu multò efficacius tutiusque in opere versabantur . Itaque breui eò se intulere , vt oppidi fossas sua munitione contingerent : vbi aliam ipsi fossam ma-

Aggre-
diuntur
Turcæ op-
pugna-
tio-
ne vrbis
sed initio
conata.

Muni-
endi
se & ap-
propin-
quandi
muris ra-
tio.

gnæ altitudinis perfecerunt , cumque locum quâ lunatis quâ quadratis spatijs altissimè effosis totum ita communiuerunt , vt tormentis ex oppido noceri ijs non posset : & in illis spatijs sclopetariorum manipulos collocauerant , qui continenti plumbearum glandium procella nostros consistere in mœnibus non patiebantur . tum in ipsas oppidi fossas , nequicquam repugnantibus Cyprijs , opus perductum est : nam neque à fronte nocere eis erat facile , quia vt quisque nostrorum se in mœnibus ostendebat , multis simul sclopetariorum ictibus appetebatur , & ipsi à lateribus se effossa terra protegebant , cui quidem terræ fascibus , quos equitatus etsi longè petitos abunde conferebat , interiectis vallum ita sustulere , vt inutiles ictus tormentorum ex oppidi propugnaculis reddiderint . Neque nobiles Cyprij equites ad impediendum , ne hostium equitatus tam liberè comportandis fascibus commearet , à ducibus impetrare potuerant , vt oppido emitterentur . Erat in dies grauior atque asperior oppugnatio , & fortissimo ac acerrimo quoque militum aut interfecto aut vulnerato , defensorum vires magnopere attenuabantur . Nam hostes , qua abundabant multitudine nullum ad oppugnandum tempus idque pluribus simul locis intermittebant , semperque fessis ac laborantibus suis recentes subsidio erant . Iamque in oppidi fossa pæne turò versantes conuellere ac subruere propugnaculorum aggerem incipiebant . neque ei malo , quo penitus in oppidum penetraturi erant , occurrendi aut facultas nostris aut consilium erat . Tum animaduerso periculo , concurrunt ad Dandulum Rocasiumque : in quanto discrimine res sit , ostendunt : rogant atque obtestantur , vt ciuitatis saluti consulant , vt ne capi urbem tam inerti

Acerrime oppugnatur Nicosia .

defen-

defensione , neu se , veluti pecora inclusa septis , mactari in dies velint . si pereundum sit , id saltem solatij capere eos paterentur , vt virorum fortium more pugnando caderent potius , quàm lenta obsidione paulatim , veluti tabifico morbo , conficerentur : darent facultatem refringendi crescentem in dies hostium audaciam , cominusque cum ijs congreendi , vbi vera virtute certatur . Nam è longinquo pugnantium nec ignauus à strenuo discernitur , & timidi ac inertis manu plerumque fortis atque audax occiditur . Hostes propè iam mœnibus positos esse , & nisi munitionibus illis pellantur , instare supremum exitium ; nec ausum ad impediendum prodire quenquam , timori non consilio tribui . ita fieri , vt & Turcis augeatur , & frangatur obsessis animus : vnam esse salutis viam , si , antequam minuantur magis vires , & barbari in propugnacula inuadant , eruptio-
ne pugnetur . His vocibus precibusque excitati duces , & rem ita se habere , quemadmodum illi monebant , intelligentes , ægre tamen adducti sunt , vt ad erumpendi consilium descenderent , quòd dicerent , vix quingentos milites Italorum superesse , quibus amissis quid sibi spei reliquum fieri ? libertinos agreste genus neque animo neque exercitatione vllam fortem operam polliceri . Porro oppidanis armorum nedum pugnarum insolentibus ciuitatis salutem committas ? atqui horum ipsorum , quadraginta dierum tam crebris oppugnationibus , magnopere imminutum esse numerum , & magnam præterea multitudinem morbis absumptam esse , qui ob magnitudinem ætus ciuitatem inuaserant . Rê multum diùque agitata cùm omnes , aut summouendos omni conatu à mœnibus hostes aut pereundum , dissererent , dant tandem Rocasius & Dandulus

Obsessio-
rū oratio
ad duces
vt se cru-
pionem
facere
patiantur.

Cur Du-
ces nol-
lēt emir-
ti vrbe
militem.

querelis

Delibera-
tio de e-
ruptione

querelis ac fremitu omnium victi manus . decernitur , vt duo militum delectorum millia oppido emittantur , atque eos Epirotæ equites subsequantur . Aegerrimè Cyprij equites tulere ; illa se expeditione arceri , quæ pro patriæ suæ salute susciperetur : vehementissimeque à Dandulo contenderunt , vt ire se cum Epirotis pateretur , neque tot fortissimos iuuenes vitam pro patriæ incolumitate profunderè cupientes ea ignominia afficeret , vt aut fidei aut animis eorum diffidere videretur . Verùm Dandulus , vt erat sententiæ suæ tenax , ne omni simul præsidio ciuitas spoliaretur , edixit , nequis eques præter Epirotas oppido exiret . Sequenti die deliguntur ex omni genere militum duo millia : ijs Cæsar Piouenus præficitur ; cui addunt se socios Albertus Scottus & Gregorius Panteo , & Veneti iuuenes Nicolaus Gradenicus & Zanetius Dandulus ; quibus omnibus imperatur , vt acri impressione facta deiectisque loco hostibus , tormentis eorum potiri conarentur , clauisque foraminibus , quibus ignis ad explodendum ad-mouetur , confixis inutilia redderent ; quo vno perfectò facinore longè maximum Turcis incommodum essent illaturi . Cæsar curare corpora milites , & meridie ipso ad portam armatos atque paratos animis conuenire iubet . Id autem patrando negotio tempus aptissimum est visum , quo animaduersum erat , Turcas propter calorem intolerandam vim plerumque ab opere discedere , & umbras frigoraque captantes humi stratos passim conuiuiscere . Et quanquam rei agendæ ordo seruatus non sit partim Græcorum culpa , qui ante acceptum signum adorti proximam stationem hostes intempestiuè excitabant , partim inuidia quorundam , qui Cæsari à Dandulo subiecti inuiti imperio eius parebant

Tempus
eruptionis
aptis-
simum .

pro-

prosperique euentus gloriam æmulo acquiri, liuore animi deprauati nolebant; tamen Cæsar cum ea manu, quam ipse ductabat, egressus oppido haud longo ambitu circum oppidi fossas via occulta ad hostium munitiones, nemine sentiente, ducit, ac nullo edito clamore, vt antè negocium patraret quàm tumultus ad castra perferretur, magno animo munitiones inuadit. Turcæ re subita nec opinata oppressi maiorem vim adesse veriti primo impetu vndique pelluntur. Fit magna cædes: victoresque nostri duobus locis hostes munitionibus exturbant: illi vsque in castra fuga feruntur magnumque tumultum totis castris efficiunt: nostri successu elati ac spe propinqui auxilij audacter insequuntur. Sed Dandulus, excidio clarissimæ vrbis à Deo nobis merito nostro insensò datus, leui casu vehementer offensus Epirotas in oppido continuit. Edixerat is, vt suprà docuimus, vt nequis alius præter Epirotas eques pugnandi causa oppido exiret. Quod cum nobiles Cyprij iuuenes grauitè ferrent, eorum aliquot, duce Ioanne Falerio ciue Veneto, Epirotico armatu galeisque clausis, Epirotarum equitibus se immiscuerant. sed Falerius, dum se studioliùs occultat, à Dandulo (qui, nequis contra edicti sui voluntatem egrederetur, in porta obseruabat) agnoscitur, grauitèq. corripitur: cum ille, posse se & audere vitam pro rep. ponere, respondisset, percitus ira Dandalus, ocludi portam & Epirotas reducere equos, imperat. Accedunt optimi quique, orant vt iræ moderetur, & ob paucorum adolescentium ex nimia pugnandi cupiditate delictum ne in conspectu suo trucidari optimè de communi salute meritos milites, quod fieri nisi equitum auxilio subleuarentur necesse erat, velit. Ille reiectis omnium precibus, Percant

Inuadit
nostri mu-
nitiones
Turcarum.

Cyprij
eques
egressi
nim ex
oppido
tentant.

Dandalus
ira percitus,
neq;
Epirotas
egredi
patitur.

omnes,

Extrus e-
cupcionis

omnes, inquit, dum mea imperia ne illudantur. atque ita milites, quorum virtute ciuitatis salus continebatur, vnius hominis furore atque amentia deserti cædique obiecti sunt. Interea illi pulsus Turcis eorumque munitionibus positi duobus locis tormentis clauos infixerant: sed ira atque impetu elati, ea omissa re, summos hostes longius persequi insistant, qui effusa fuga ad ipsum vsq; Mustapham terrore pertulerant. Emitteritur ab eo subito equitatus qui nostrorum impetum excipiat; & barbari, ubi se ex timore collegerunt, in prælium redeunt: Veneti, quod ex constituto adfuturos subsidio mox Epirotas rebantur, acriter resistunt. Pugnatum magna contentione: Turcas ignominia amissarum munitionum & indignatio, tantulas copias aggredi tantum exercitum esse aulæ, stimulat: nostri victoriæ gloria & spe equitatus sustentantur. Ad extremum, cum pro sua paucitate diu vim multitudinemque hostium sustinuissent, aduentu equitum perturbantur: dein veriti ne circumuenerentur, in fugam vertuntur. Insecutus hostium equitatus multos eorum interfecit. reliqui exclusi porta, quam aperiri Dandulus vetuerat, ne eodem impetu hostes in urbem penetrarent, interuentu noctis tecti per fossas occultis munitionum ostijs diuersi in oppidum recipiuntur. Cecidere eo prælio Turcarum supra mille quingentos: nostrorum ducenti desiderati, in quibus ipse Cæsar sæpe respiciens quæ venturi Epirotæ equites erant, proditumque se ac desertum querens fortiter pugnando interfectus est, & cum eo Albertus Scottus & promptissimus quisque militum. Insignis perterritis hostibus clades ea die inferri potuit, si, ut erat constitutum, equitatus noster parta iam victoria esset subsecutus, neque hostibus colligendi ex timore animos spatium

esset

esset datum. tanta enim perturbatio in Turcarum castris fuit, vt multis locis initium fugæ factum sit; vt ipsi post victoriam Turcæ fassi sint, si nostri territis institissent, solui ea die obsidionem potuisse, vtique si (qua maximè de re emissi erant) tormenta clavis obstruxissent. Acceptum vecordia & pertinacia sua incommodum Dandulus maiori pertinacia sarcire statuit: neque cuiusquam postea hortatu aut prece peruiinci se passus est, vt ad pugnam perturbandosque in opere hostes ullus peditum equitumque prodiret. At Turcæ periculo suo edocti suos armatos excubare, alios in opere esse iubebant, & ne magnitudine ætus conficerentur, partita tempora habebant, vt ad quietem alij discederent, laborem vicissim alij subirent: & quia multitudine abundabant, hac ratione consequerentur vt & tutò milites in opere essent, & ea laboris vicissitudine minùs fatigarentur corpora, & opus celerius perficeretur. Iam estosso & conuulso aggere propugnaculorum pectora ruebant, Turcisque gradus aditumque scandendi mœnia efficiebant. quod ne fieret cum prohiberi à Venetis non posset, aditum introrsus propugnaculorum obstruunt & fossa valloque communiunt, vt, si hostes propugnacula conscendissent, ipsi tanquam è nouis muris pugnarent. Turcæ muris dirutis in dies acrius oppugnationes instaurabant, & propè certam spem fouentes opulentissimæ prædæ ad laborem & virtutem accendebantur, & modò ad vnam oppidi partem modò pluribus simul locis magno conatu inuadebant. Quanquam autem oppidani sæpe hostes cum magno detrimento à muris repulissent & magnum eorum numerum interfecissent, tamen ipsorum vires quotidie attenuabantur. Iamque ad paucitatem defensorum res peruenerat, & consumptis telis,

Turcæ
post eru-
ptionem
cautus
versatur
in opere.

H

ignibus,

Obsessio-
rum in
defensio-
ne con-
stantia.

ignibus, tormentorumque pulueribus, ac imminuto mili-
tum numero vehementer de salute timere cogebantur.
tantum tamen animorum spes maturi auxilij & Christianæ
classis, quam quotidie adfore ad eos obsidione liberandos
sibi persuaferant, faciebat, ut, cū à fortuna à ducibus
desererentur & tanto periculo premerentur, ac sæpe à
Mustapha literis, quas Turcæ sagittis alligatas in oppidum
conijciebant, nunc minis nunc adhortationibus, quibus se
à capienda vrbe miseratione eorum abstinere ostendebat,
quā duces quā populus variè sollicitarentur; nemo tamen
vocem de pace aut conditionibus ab hoste petendis mittere
ausus sit: seu stupor ducum hic, seu constantia militum,
siue insidens animis omnium spes maturi auxilij fuerit.

Missæ ad
Astorem
literæ
interci-
piuntur.

Baptista
Scolumbanus ad
Astorem
peruenit

MITTUNTUR Famagustam ad Astorem lire-
ræ, ut, si posset sine graui incommodo rei publicæ,
subsidio Nicosiæ veniret. eas notis conscribunt literas, ne
interceptæ ab hostibus intelligantur: magna præmia per-
ferentibus proponuntur. Obsessis omnibus vijs, missi inter-
cipiuntur, nostrisque à barbaris ostentantur & omnibus
cruciatibus in conspectu necantur, quò ab simili ausu cæ-
teri deterreantur. Tum Baptistam Scolumbanum, stre-
nuum ac solertem hominem, qui ducentis militibus præ-
erat & magnam locorum illorum notitiā habebat, om-
nes rogant, ut pro communi salute periculum ne recuset,
& mandata ad Astorem perferat. Ille rem suscipit & egres-
sus noctu, occultissimis itineribus Famagustam peruenit:
Astoremque de periculo Nicosiæ edocuit orans atque obte-
stans, ut vrbi in summo salutis discrimine positæ & ma-
ximè ab imperitia ducum laboranti subueniret. Ille ea
copia quam habebat, & relinquere Famagustæ præsidium,

quod

quod necesse erat, & auxilium Nicosiensibus ferre non poterat. Tamen ne aut periculum defugisse aut defuisse suam opem implorantibus videri posset, decrevit, quoniam non passuros suos arbitrabatur, clam ipse Famagusta discedere ac eodem Baptista duce, si posset, Nicosiam penetrare; quod maxime optari ab omnibus tum Cyprijs tum praesidiarijs, eoque imperante animum militibus accessurum ac nihil quenquam recusaturum quod ipse iniunxisset, Baptista aiebat. & ipse Rotasij & Danduli inscitiam ac temeritatem cognitam habebat, quos defendendae urbi non esse intelligebat, qua amissa ne Famagustae quidem conseruandae magna spes erat. Haec agentem, cum consilium eius prolatum esset, circumfistit vniuersa multitudo vel vi retentura ducem, si preces non valerent: & Bragadinus & Theopulus partim orando partim deterrendo peruicere, ut maneret. Responsum a Bragadino est ex omnium auctoritate, non videri e re publica esse aut inde discedere Astorem aut minui militum numerum, ne eodem tempore & ille in discrimen veniret & spoliata praesidio Famagusta praedae hostibus relinqueretur. & quanquam hanc ipsi retinendi eius causam negligerent, tamen ne esse quidem potestatis eorum illum dimittere, quod & milites praesidio abituros, si ab duce defererentur, & ciues populumque Turcis portas aperturos, nec amoto custode ciuitatem in vltimi casus periculum daturos, aperte denunciarent. Cum hoc responso Baptista Nicosiam redijt. Obsecrati ea spe deiectionis nuncios ad eos, quos initio belli in montes siluasque concessisse memorauimus, mittunt oratum, ut delecta ex omni numero manu sibi subuenirent: & in quanto periculo res sit, demonstrant. Ij quoque intercepti nuntij nostris ostentantur, ut

After Pa
magusta
Nicosia
ire prohi
betur.

omni desperata spe ad deditionem tandem descenderent.

CETERVM Mustapha, ubi intellexit neque promissis neq; minis moueri obsessos, & è suis magnum quoridie numerum morbis interire (quòd vel valida corpora intoleranda vis caloris prosternebat) & multos præterea ipsa oppugnatione absumi; ne diuturnitate rei simul copiarum minueretur & sui ad pugnam milites segniores efficerentur, statuit summam vim experiri ac totius exercitus conatu urbem oppugnare. Iuuit hominis consilium fortuna. nam fortè crebri illis diebus nuncij allati erant, detineri Christianam classem ad insulam Cretam impeditam valetudine: tantamque luem inuasisse corpora, ut extinctis amplius viginti millibus hominum nec ipsa suffectura esset insula his sarcendis damnis; & serò Venetijs supplementa ad classem esse ventura. Itaque ad Pialeium scribit, ut, quando periculum à Christiana classe iam nullum sit, quæ implicita morbis sollicita de sua salute magis quàm de ferenda alijs ope esset, expeditam lanizzerorum & classiariorum militum manum ad se mitteret: patefacto in muros Nicosiae per ruinas ascensu haud dubium quin ad societatem victoriæ venturi essent. Ipse Halijus detractis è singulis nauibus militibus cum magnis copijs venit, & multi spe prædæ excitati sponte sequuntur. Horum aduentu auctis viribus Mustapha in diem tertium, qui dies fuit V. Id. Sept. oppugnationem pronunciat: quæ ad rem gerendam necessaria sunt, intento studio apparat, milites arma animosque comparare iubet, eosque per præfectos hortatur, ut reuocent pristinam belli virtutem, quam si eo die præstiterint, finem præmiumque adesse laborum: urbem oppugnaturos, cuius munitiones ita perfregissent, ut à forti atque audente milite

Dicitur
dies op-
pugnatio-
ni.

Suasio ad
oppugn-
dum scri-
bitur Nico-
siam.

euadi

cuadi in muros nullo negotio possit : cum ijs hostibus dimi-
caturus, qui concussi metu, debilitati vulneribus, in aliena
ope quam quotidianis nuncijs implorant, non in propria
virtute spem salutis habeant. Itaque de victoria idem ipsi
quod oblessi iudicarent, certamque sibi eam, si viri essent,
pollicerentur : & vnus quidem vrbis mœnia atque ea semi-
ruta & patentia oppugnaturus, verum in vna vrbe vni-
uersi regni fortunis posituros. Ibi esse omnem Cypri nobi-
litem, quam vnus diei conatu seruam sibi essent effecturi,
ibi diuitias, quantas multorum seculorum pax in summa re-
rum omnium affluentia ad Græcorum luxuriam & super-
biam congregare & accumulare potuit : haud profectò sine
causa contra se id oppidum tantis refertum opibus tanto
opere Venetos munire conatos esse. sed irent ipsi & osten-
derent Venetis, fide Turcarum quàm mœnium munitione
tutiores eos fuisse futuros. Addit promissum, qui primus in
muris constiterit, eum se ad Sangiacatus ordinem promo-
tutum : secundis item tertijsque præmia proponit. His ex-
citati sermonibus tanquam ad exploratam prædam instru-
ctis ordinibus quadripartitò prima luce ad mœnia ducun-
tur. Vt suprâ demonstrauius, quatuor locis Turcæ opera
effecerant ad quatuor vrbis propugnacula. Igitur eodem
tempore Caramanus Bassa Podocaterum, Mulaferus Con-
stantium, Halijus Auilam, Tripolim ipse Mustapha ingen-
ti clamore ac tympanorum & tubarum strepitu inuadunt.
Nostri, etsi multarum rerum affecti difficultatibus propè
sine duce rem administrabant, tamen rati, Turcas aduen-
tu Christianæ classis vltimum conatum tentare, ac si is
non successisset, relicta obsidione ad mare redire decreui-
se, consistunt audacter in mœnibus, seque forti animo ad

Oppugna-
tur totis
viribus
Nicolla.

Noſtri e-
gregie ſe
defendūt

deſenſionem comparant, in eius diei euentu veri commu-
nem ſalutem intelligentes. Italicos milites, qui ſupererant,
inter ſe (id enim roboris habebant) diſpartiuntur: tormen-
ta idoneis locis diſponunt, quibus miſſæ ferreæ pilæ hoſtes
ſubeuntes arceant: tela, ignes, miſſilia omnis generis in mu-
ros conferunt. His inuadentes ſummouent barbaros eo-
rumque impetum adnixa vi refringunt, & cum magna cæde
à mœnibus repellunt. His prælijs vt multo plures Turcæ
quàm oppidani caderent, tamen multitudine hominum
illi abundabant, viresque Halij & clafſiariorum aduentu
auxerant. Itaque recentes ſeſſis vulneratiſque aſſiduè ſum-
mittebant; noſtris nullum quieſcendi tempus permitteba-
tur. Hoc modo complures horas continenter dimicatum
eſt. Nam Barbari quòd non continuò vicerant victoriam
deſperare incipiebant, & ſegniùs iam murum periculumque
ſubibant: oppidani quòd ſupra omnem ſpem hoſtes repuliſ-
ſent, ceperant animos. Quod cùm Muſtapha cæterique du-
ces animaduertiſſent, coactis circa ſe vndique viribus in-
crepitiſque militibus, quos ab rudi militiæ populo atque
agreſtibus tironibus, ſe dirutis & captis propè iam mœnibus
prohiberi, non puderet, prædæ ſpe denuò oſtentata ſuos
quiſque in muros impellunt. Tum noſtros multo iam la-
bore deſeſſos atrocior quàm antea oppugnatio excepit, ſe
tamen ipſi non deſeruerunt: & qui reliqui erant Italici mi-
lites ac Cypria nobilitas cum familijs clientibuſque ſuis in
caſu eius diei conſiſtere ſalutem libertatemque tuam cer-
nentes confirmabant ſeſe, vt aut incolumes patria deſenſa
cum gloria inde diſcederent, aut infamem ſeruitutem de-
cora morte præuerterent. Itaque qui propugnaculum, cui
Conſtantio erat nomen, tutabantur, quod Baſſæ Muſaſero

oppu-

oppugnandum obrigerat, audaciùs irruentes barbaros in fossas proturbant, & ex pluteis, quos pro munitione idoneo loco Iohannes Sufominus excitauerat & tormentis scienter instruxerat, effusa glandium procella magnam stragem hostium edunt. Idem faciunt quique ad Auilæ, quique ad Tripolis propugnacula curabant: elatique successu laceſcebant vtrò & ad conscendendum hostes inuitabant.

FRANGI ea die spes hostium poterant defensione haud dubiè vrbs eſſet, nisi ad Podocateri propugnaculum, quod Rocafius defendendum ſuſceperat, Carmanus Baſſa cæteris non tam virtute quàm fortuna præſtitiffet. Nam Rocafius ne illo quidem ſupremo rerum discrimine ſui diſſimilis fuit. reiectis primo incurſu hoſtibus cùm pugna paulùm remiſſiſſet, ipſe in vrbem diſceſſerat, eumque & nobilium & militum multi erant ſecuti; quorum diſceſſus ſtationem illam magnopere nudauerat. Itaque maiori vi renouato impetu Turcæ in muros euadunt, noſtrosque area, quam accipiendis militibus rebusque miniſtrandis propugnacula habent, multis interſectis depellunt. Illi ex nouo muro, quem, vt ſuprà oſtendimus, in oſtio propugnaculi effecerant, pugnant; ſed inſiſtunt victoriæ Turcæ, & area poriti inque eam magno ſuorum numero recepto noua quoque munitione noſtros deiiciunt. Tum clamorem barbari tollunt ſuisque victoriæ ſignificationem faciunt. Quæ res propugnantium animos deiecit, & libertini locum timore deſeruerunt ſequæ præcipientes in fugam dederunt. Nobiles & pauci Itali milites generis ſui haud obliſi fortiter pugnando ceciderunt. Tum clamoribus ac tumultuoſis fugientium nuncijs reuocatus Rocafius accurrit, ac teneri ab hoſtibus muros cernens con-

Rocafij
culpa
Turcæ in
muros e-
vadunt.

Italorum
virtus.

globalis

Rocafus
& Pala-
tius in-
terficiun-
tur.

Nicofia
expugna-
tur.

Ioannes
Falerius
pretio re-
dimis se.

globatis qui cædi supererant quosque secum traxerat, im-
pressione facta reijcere hostes conatur: vbi nihil proficit,
amens dolore ruit in mediam pugnam atque ibi cum Pala-
tio & fratribus propinquisque suis interficitur. Illudum eius
cadaueri est à barbaris; nam infartum sulphureo tormen-
torum puluere machinæque impositum subiecto igne in su-
blime disiecerunt. Vbi nemo superfuit qui resisteret, om-
nem suorum multitudinem prostratis munitionibus Turcæ
in urbem admiscere, ac protinus intento cursu ad Constantij
propugnaculum, vnde hostes oppidani acriter repulerant
& vbi ingens certamen accensum erat, bipartitò pergunt.
Nostri intenti pugnae atque ignari suorum, repente ablate-
re per mœnia vadentem ad se infestis signis hostium glo-
bum conspiciunt: simul ab tergo vis & trux vlulatus bar-
barorum adoritur: & Musæferus eodem tempore occasione
non deest, suosque euadere in muros compellit. Hoc mo-
do miserabiliter circumuenti, cum anceps vndique terror
circumstaret & nescirent in quos potissimum hostes impe-
tum inferrent, omnes trucidati sunt. Eadem Auila & Tri-
polis propugnaculorum fortuna fuit; quibus in locis pro-
pè vniuersa nobilitas interijt, & quicquid roboris in vrbe
fuit occisum est. Randochius cum Epirotis, qui supererant,
per auersam portam se in fugam proripuit. Ioannes Falerius
Venetus, qui centum equitibus præerat quos Franciscus
Contatenus Paphi Episcopus priuato sumptu confecerat, ne
inultus caderet, in hostes erupit ac primo impetu magnam
stragem dedit, deinde multitudine obrutus atque equo de-
iectus cum diu inter cadauera sanguine ac vulneribus fœ-
datus iacuisset, viuus repertus atque agnitus à Mustapha
potestate facta pretio se redimendi est dimissus. Episcopus

ipse,

ipse, qui toto eo bello Nicosiæ multa pietatis officia militibus ciuibusq. præstiterat, atque temp. suis facultatibus iuuerat, ab ignaris, quis esset, inter ignobilem plebem est occisus. Pugnatum inde passim per viarum angustias sine ducibus, sine ordine, sine cuiusquam imperio, ut quæque pars multitudinis armata hostibus occurrebat. Sed his paruo negotio aut interfectis aut in fugam coniectis, barbari ad eandem discurrunt. Ac primò quidem recenti ira sine ullo ætatis aut sexus discrimine, quoscunque furentibus per urbem fors obtulit, ferrum hausit: nec ullus aut formæ aut auri respectus irruentium impetum remoratus est.

HORRIBILIS facies florentissimæ nuper urbis erat: cuncta ploribus, stridoribus, ciulatribus quàm morientium quàm mortem deprecantium personabant. Prosiliebant nobilissimæ matresfamilias ad templa diuum arasque tendentes: per vias paruos filios aliæ trahebant, aliæ victorum aduolutæ pedibus veniam non sibi, sed liberis nutu, vocibus, plangoribus poscebant. Nonnullas memorant, ne fœdæ Turcarum libidini subicerentur, se ex altissimis ædium partibus præcipitasse: alias filiabus suis mortem intulisse, ut earum corpora à seruitute ac impuritate barbarorum vindicarent. Inter quas præteriri silentio non debet nobilis matronæ facinus. Ea cum teneri ab hostibus urbem accepisset, iamque trepidatione ac tumultu cuncta perireperent, proripit à domo, ut quæ fortuna viri, quæ trium filiorum quæ pater secum in pugnam adduxerat, cognosceret: ad mœnia ipsa vadentem refugientium impetus domum retulit. Hic comperit, virum filiosque egregiè pugnantes pro patria mortem occubuisse. Tum præceps dolore & strepitu ingruentis in urbem tumultus alie-

Capit. v.
bis alpe-
tus.

Nobilis
matronæ
actum fa-
ctum.

nata propè mente domum irrupit . Ei impuber filius eximia forma, quem vnice diligebat, occurrit : quem complexa mater diu osculo inhæsit, mox furiali percita pietate, Egòne , inquit, te, fili , tam sœuis hostibus vile mancipium relinquam ? tu iamiamque complexu auulsus meo barbarorum libidini ludibrium ibis ? Simul hæc dicens pueri iugulum cultro transfixit, seque insuper tribus vulneribus in pectus adactis interfecit . At Mustapha urbem ingressus per trucidata passim corpora perque fluentes vias sanguine in forum ubi venit , eius iussu est impositus finis cædibus , & dictumq. vt inermibus & se deditibus parceretur . Ad id edictum abiectis armis omnis se multitudo victori permisit . Dandulum, qui cum multis in regiam se receperat , dum suos ponere arma & Turiū Constantium, qui salutem impetraret , ad Mustapham ire iubet , Turcæ extractis portis irruimpentes ipsum & qui cum eo erant ad vnum trucidarunt . Postremus omnium Hector Podocaterus, qui domum Iacobi Comitæ Tripolis , cuius sororem in matrimonio habebat (nam ipse Iacobus paucis antè diebus, dum acerrimè mœnia tueretur, occiderat) cum armatis tenebat , hosti se dedit patet non salutem solùm omnibus , sed etiam vt coniuges viris , liberi parentibus inuiolati relinquerentur , omnibus copia redimendi se pecunia fieret , prædaque diuitis domus & multis pretiosis refertæ rebus Mustaphæ esset . Sed data in has conditiones fides nulla apud barbarum fuit .

Dandulum, & alij
que, dandulum.

Fides apud
Turcos nulla

CONVERSVS inde ad prædam miles omnia crudelitatis, libidinis, auaritiæ exempla in miseros edidit, atque urbem opulentissimam momento diripuit. tantæque in vna ciuitate repertæ opes, vt rapinæ auidissima gens expleri pæne potuerit. Mustapha, vt apparet,

parci

parci deditis, non misericordia sed vtilitate imperasse, vbi inutilem turbam infantum senumque à reliquis captis segregasset, in forum deductos ac in medium conuectos & coaceruatos circumdatis ignibus immaniter cremauit. Cæterum ea die numerus viginti millia excessisse dicitur; cum quibus feliciter actum dicebant qui viui in hostium potestatem venire, non eò solùm quòd excidio patriæ non superfuerunt, sed quòd mala seruitutis infinita miserasq. morte effugere cernebantur enim sequentibus diebus totis campis captiuorum greges longis ordinibus eadem catena victorum: sub dio atque humi cubantes brutorum more pascebantur macie, illuue, squalore, deformes: & cum in pari calamitate coniuges, liberos, parentes aspicerent, mutua miseratione conficiebantur: ac in eadem seruitute ne idem quidem dominus matribus filijsque contigerat, quò solari ac opem ferre inuicem possent. Auellebantur veluti à suis membris in contrarias amandandi terras sine spe ampliùs coeundi, omnia acerba atque infanda in eorum oculis passi, vt multi quotidie superante ærumnas dolore deficientes in ipsis catenis exanimarentur. Præter captos Nicosiæ, viginti millia hominum varijs locis ab Turcis abducta in seruitutem sunt: qui omnes postea in Syriam Ciliciamque deportati vaniere. Octo dies egerendæ prædæ atque vrbi exhauriendæ sunt dati. sed prædæ fructum vnus fœminæ facinus Mustaphæ auertit. Duabus maximis nauibus pretiosissimam quamq. rerum, multam vestem, & magnum argenti pondus, bellica tormenta, nobiles captiuos, delectarum fœminarum ac puerorum ingentem numerum simul partis bello opibus spolijsque ostentandis, simul victoriæ munera regi mittens Constantinopolim deuehenda imposuerat. Hæ naues dum

Mustaphæ execranda crudelitas.

Cæterum numerus expugnationis die.

Captiuorum miseria.

captiui sub quoque

Cypriæ memora bile factus.

coniun-

coniunctæ nouis vsque rebus infarciuntur, ventosque ad proficiscendum expectant, vna captiuarum, vt sese ciuesq. ab illa foeditate morte eriperet, ei loco vbi sulphureus puluis in vsum tormentorum asseruatur, ignem admouit: cuius vi incensa ac diffracta naus flammæ etiam in aliam, quæ proximè stabat, transtulit. atque ita omnis incendio corrupta & absumpta præda est: nec ex eo numero præter paucos nautas, qui nando ad littus applicuere, quicumque euasit. Capta Nicosia & miserabiliter direpta, qui se in montes receperant & ducibus Scipione Carraffa, & Paulo Synclitico vagantibus per insulam Turcis sæpe detrimenta intulerant, iisdem auctoribus nuncios ad Mustapham miserunt, & pacta salute victori se tradiderunt.

Cerines
oppidum
se Turcis
dedit.

CERINES antiquæ munitionis oppidum nobilitatum Carlottæ reginæ constantia diuturnam in eo Iacobi fratris obsidionem passæ, vbi, quia Ciliciæ est obiectum, milites Itali & multi libertini generis in præsidio erant, nec sine magno conatu capi videbatur posse, quòd eò tormenta pertrahere difficilis negocij erat; territo, qui præerat, Ioanne Maria Mudacio, misso ad id recipiendum Cilicum præfecto portas aperuit. Mustapha, relictis vrbs munitionibus dirutisque ac repletis operibus, quæ ipse in oppugnatione instituerat, arma deditis adempta in urbem comportauit. Paphum, Imissum, ac Salinas, qui præessent, dimisit. Nicosiæ Giasferum præficit: atque modico ibi relicto præsidio XIV. Cal. Oct. cum exercitu ad oppugnandam Famagustam profectus est. Præmiserat captiuum seruum nullis cum mandatis, nisi vt caput Danduli deferret ad duces, id oratione efficacius ad terrendos Venetos ratus. Nihil ea species nostros mouit, qui Dandulum

Itur ad
oppugnandam
Famagustam.

exiguam partem cladis eius esse ducebant, cuius causa ipse fuisset: sed tradito ad sepulturam capite ipsi se in ultionem confirmant. Cum ad urbem accessisset, quâ occidentem aspicit, consedit: & ut vno tempore terrestris maritimæque oppugnationis metum incuteret, eodem Pialeium cum classe transire iubet. Sed misso qui oppidanos hortaretur, ut fidem potius quam vim Turcarum experirentur, cum, fretos duce præsidioque & mœnibus dicta aspernari, qui missus erat retulisset, & instaret iam hiems, ostentato tantum terrore in hiberna concessit.

HAEC ea ætate in Cypro gesta sunt à Turcis, dum Christianæ classes discordibus & animis & consilijs, neque imperio neque viribus satis firmæ ad opem ferendam, vix ægrèque se expediebant. Duces ad XIII. Cal. Oct. ut suprâ docuimus, Creta profecti Castrum Rugium (id loco est nomen medio inter Cretam Cyprumque) cum venissent sub noctem, inualecente vento applicare & capere portum diuersi coacti sunt. Zanius paulo infra oppidum, Columna ad Calamatam, quò Auria quoque, etsi negarat tutam stationem esse, se intulit: sed post mediam noctem non admonito Columna egressus altum tenuit, & Columnam per epistolam certiore tempestatis imminentis sui que consilij fecit, addens, si ventus vehementiùs vrgeret, Italiam se repetiturum. Quæ res non tam Columnam offendit, quam insidentem Venerorum animis de Auria voluntate suspicionem confirmauit, ut palàm ferrent, nihil Liguri illi fidendum: nec tam eius sperandam iam opem quam vitandam fraudem esse, inter se fremerent. Sed sequenti die prima luce egredientibus portu Aloysius Bembus, quem ad explorandum præmiserant, captam Nicosiam potitosque

Auria
spectus
Veneris.

Accepto
capte Ni
colis nu-
cio iter
a duci-
bus clas-
sis in co-
silium.

præter Famagustam tota insula Turcas, nunciauit; quæ ille intercepto Rhodio nauigio Cyprijs spolijs onusto cognouerat. Eo nuncio accepto, Auria ad Columnâ redijt, ad quem & Zanius & Veneri duces consultaturi, quid fieri oporteret, eodem tempore conuenerant. Habuerat antea consilium suorum Zanius, & iisdem Pa'llauicino & Cello Cypriam profectionem damnantibus cum Canalis quoque post nuntium de Nicosia accessisset, quanquam Venerius & Quirinus & cum his Franciscus Duodus, qui Galeatijs præerat, & Sanctus Tronus, tum porro maximè eundum, censerent, hostemque occupatum præda, & victoria solum aggrediendum; tamen, quia horum sententiæ par ius non erat, trium voluntas apud idem cupientem ducem magis valuit. Itaque cum coacti in consilium ad Columnam plerique, redeundum in Cretam censerent, silentio assentiente Zanio decretum fuit, vt omissa Cypro aut Chalcidem in Eubœa aut aliam opportunam urbem ex itinere oppugnatum iretur: nec tamen præ turba, quò potissimùm eundem, decernitur, sed extemplo solutis nauibus cum tumultu ac festinatione, vt cuique commodum, nullo seruato militiæ ordine abierunt. neque disiectæ ventis priusquam Cretam attingerent classes vsquam coiuerunt. Ad Carpathum tempestate delati duces fortè conuenere: cumque omnes in Zani nauem transiissent, ijs Auria, incommodo anni tempore longius sibi instare iter dicens, nec sui vsum iam vllum fore, nunciauit velle se in Siciliam redire. Zanius veritus ne Turcica classis vbi audisset, Christianos non aulos suis opem ferre à Castro Rugio retrò abiuisse, ad insequendum præstò esset, vehementer ab Auria contendit, ne locios quibus auxilium laturus venerat, in medio periculo desereret,

quando

Columna
cum Au-
ria alter-
cacio.

Auria
classem
in Sici-
liam, se
in Hispa-
niā trā-
fert.

quando ne mansurus quidem esset ultra id tempus quod sibi ipse præstituerat. Idem Columna postulabat: admonuitque Auriam, quàm ea res offensura Venetorum animos & à rege alienatura esset. Illo nihilominus in sententia permanente, nec se docendum esse, dicente, quid regis sui rationibus conduceret; Columna, quam cuique eorum potestatem rex mandasset, meminisse eum arbitrari, dixit. cum ille, meminisse verò, respondisset; Columna, Sicut ipse, inquit, iussus alteri parere non fuisset recusaturus, ita ne te quidem grauatè mihi dicto audientem esse decet. Auria, non subiectum se eius imperio à rege, sed sequi eum atque adiutare iussum esse quem Pont. Max. classi præfecisset, respondit. Tum Columna asserri regis literas allatasque legi imperauit, postulauitque ab eo, si contraria vtrique mandata rex dedisset, ea ut proferret: negante Auria, sibi rationem potestatis suæ alteri quàm regi reddendam, à consilio per altercationem esse discessum: & Auria, cum in suam nauem se recepisset, continuò sublati velis abire perrexit; nec tamen pudore deterritus ante in Italiam rediit, quàm iterum in Cræta expectatum Venetum præfectum adiisset, quo salutato classem in Siciliam reduxit, protinusque in Hispaniam cum duabus trirēmibus ad regem abiit. Hæc Aurie duritas, & ut Veneti interpretabantur, callida auxilij ratio earum suspicionum origo fuit, quæ nouis subinde auctæ offensionibus magnum ad reliquas res & constituendas & gerendas impedimentum postea attulere.

ZANIVS & Columna agitati tempestate seriùs in Cretam venire, magna parte nauium in itinere relicta, quæ ob paucitatem remigum æquare reliquarum cursum nequiverant, aliquot etiam amittis, quæ magnitudine

Zanius &
Columna
Corcyra
se cum
classe re-
cipiunt.

æstus in litus eiectæ & comminutæ sunt. Nec tutos se in Creta existimantes si Turcica classis eos assequeretur, iusso Pallauicino relictas naues excipere, subsidiumq. Famagustanis mittendum expedire, & Quirino cum xxv. nauibus ad custodiam insulæ manere, Corcyram ipsi itinere simillimo fugæ contenderunt; quò Pallauicinus quoque haud multò post cum reliquis nauibus superuenit. Haud quisquam eorum inficiabatur, si Turcæ celeriter insecuti eos adepti fuissent, quin deleri tota classis paruo negotio potuerit. Sed Pialeius post captam Nicosiam Famagustam transierat, si duplici metu incusso oppidani ad tradendam urbem impellerentur. Id agenti nunciatur, Christianas classes è Creta profectas ad opem ferendam aduentare. Quod cum præter ipse & omnium iam opinionem accidisset, magna trepidatio fuit cum prædam captiuosque, quibus onerauerant naues, in terram exponentium, tum conscendentium militum ac se inuicem impredientium. Sedato tandem tumultu se in altum explicuit aciemque constituit: & Mustapha in littore copias quotidie instructas habuit quò suis animos adderet, si nauale certamen committeretur. Verùm haud multò post, cessisse retrò Christianos ac reperere Cretam, affertur. Tum fugam metumque nostris obijcientes & si non partam, concessam certe naualem victoriam, clamoribus gratulationibusque celebrantes recepta iterum præda Rhodum traiecere. Hinc Pialeius cum centum delectis nauibus insequi Christianos institit: sed benignitate Dei illam à nobis cladem auertentis vehementi repulsus vento redire Rhodum coactus est; atque inde Bizantium se recipit: increpitumque vehementer à rege ferunt, quòd tantam è manibus extinguendæ Christianæ clavis, ac pro-

fligandi

figandi belli occasionem emisisset. Columna & Pallauicinus cum Coreyra, relicto ibi Veneto præfecto, soluissent, pæne obruti tempestate periere. & quidem cum Columna adnixus remis ægre se in Catari sinum inieciisset, repente malus nauius eius fulmine ictus conflagrauit, nauemque ipsam ita incendit, vt vix appulsi littori homines, tormenta que seruata sint. Inde Ironi naue conscensa quem subito ad se euocauerat, vbi ira maris defauisset, profectus, noua veluti insidijs orta procella, tantum non absorptus fluctibus paulò infra Ragusium ad terram impulsus nauem fregit: omnibus tamen incolumibus in littus cum euasisset, ingenti discrimine, si naufragium eius Turcæ qui illa loca tenent persensissent, eam noctem transegit in ædícula, quam forte nactus pro tempore comunicerat. Mane summo missis à Ragulio equis urbem est ingressus, quò Pallauicinus quoque pari agitatus periculo eodem tempore venerat. Ita eadem persequente ac defendente fortuna, naufragio incendioque defunctus Columna Romam, Pallauicinus Venetias rediit.

EODEM tempore quo hæc gerebantur, triremes duæ Venetæ, quæ Catari ad custodiam vrbis sinusque relicte erant, negligentia præfectorum à Turcis Castellonouum in aduersa sinus ripa obtinentibus occupatæ sunt. Qui, eo præsidio hostibus detracto, armatis aliquot nauigijs omnia circum rapinis & excursionibus infesta habebant, & Catarum ipsum pæne obsessum inopia rerum tenebant. Itaque coacti Veneti sunt eò Hermolaum Theupulum cum quatuor triremibus ad tuendos socios mittere. & repressit quidem Theupulus hostium audaciam tutamque Catarensibus frugum perceptionem præstitit, sed relictas inde ab se triremes tanta pestilentia inuasit, vt breui extinctis omnibus homini-

Columnæ
ne Pallauicini
for
tuna

Turce præ
sidiarias
Catari
naues eri
puit.

Alijs pari-
ter nau-
bus po-
siuntur .

Priolivi-
tus , &
mors .

bus naues subductæ atque desertæ sint. Magna quoque oneraria naus, quæ Venetijs profecta Corcyram petebat, com-
meatus, pecuniam, vestimenta ad classem ferens, aduersis
uentis in eundem Catari sinum illata cum contra Castello-
nouum tranquillato repente mari resedisset, multis tormen-
torum ictibus ex oppido petita, metu perterrita contrario
littori applicuit, & omnibus se militibus nautisq. in terram
eijcientibus, insperata Turcis præda cessit, qui re animad-
uersa, vbi verum metum eum, non dolum esse intellexe-
runt, quatuor nauigijs aggressi desertam nauim ceperunt,
onustamque insigni præda abduxerunt. Duæ item trire-
mes, quarum alteri Franciscus Priolus alteri Angelus Soria-
nus præerant, à Zanio speculatum missæ in quinque Tur-
carum triremes inciderunt. Sorianus conspectis hostibus
celeriter in fugam euasit: Priolus, vbi se propius depre-
hensum sensit quàm vt effugere posset, cohortatus suos, vt
decoram mortem turpi seruituti præferrent, incitatis remis
in aduersas naues inuasit, nec ante pugnae finis fuit, quàm
suis ferè omnibus interfectis Priolus maximè cruentam
victoriam relinquens hostibus cecidit. Multa & in Dalma-
tia accepta incommoda sunt, cum Turcæ equitatu pollen-
tes ex omnibus agris Christianos in oppida compulissent,
demeisisque aut corruptis frugibus in magnas frumentariæ
rei angustias redegissent. Quæ omnia & si grauias, in ipso
præsertim rerum initio, Venetis acciderent, tamen auersis
omnium animis in cogitationem clasis, in qua summa re-
rum agebatur, eius spe sustentabantur. Igitur amissam Ni-
cosiam & se possessione insulæ pullos, turpemque Zani &
aliorum fugam amissasque varijs casibus duodeuiginti na-
ues tantò dolentiùs accipere, quantò magis infinito sumptu

compa-

comparata classe, Pij & Philippi auxilijs suffulti, non propulsari solum à Cypro, sed navali quoque prælio vinci posse Turcas, crediderant; eiusque rei paulo antè falsum gaudium & ipsi perceperant & alijs impartiti fuerant, cum constans rumor Venetias pertulisset, pugnatum cum Turcis prosperè esse, victores Christianos fugatis hostibus insulam periculo liberasse; ut sibi ipsi ridiculi viderentur, qui temerè vulgatam famam pro re certa Pio regibusque nunciassent.

TOT aduersis percussa rebus ciuitas vix in reliquum tempus consilia explicabat: hinc tanto imminente hoste, qui in viscera iam imperij inuasurus esset, hinc resistendi spe imminuta, cernentibus aut lera Hispanorum auxilia, aut calliditate præfectorum parum vtilia fore. Sed & vniuersa Italia cum tot mœsta funeribus, tum anxia præpotentis hostis auctu Auriam quidem & Hispanos incusabant, qui, debilitari rem Veneram ac periculoso detineri bello, impiè lætarentur, verum in Venetos ipsos magis inuehebantur, qui nec Cypro pro magnitudine impendentis belli satis prospexissent, insulam sine duce ac sine exercitu habuissent, & ipsi classi, in qua omnes spes tuendæ dignitatis suæ locauerant, nec idoneum rectorem dedissent, & tanta vbique ob multitudinem peculatorum commeatus inopia fuisset, ut miles noxijs altis cibis morbos contraxerit, quorum contagione tanta clades accepta esset. Querebantur præterea, superbè ac iniuriôsè à Venetis nauarchis ciuibisque habitos ac sæpe ita contemptim tractatos, ut si cum remige ac ministro Venetæ cymbæ, cui generi domi imperitare illi assuescent, non cum liberis atque ingenuis res fuisset, Vnde non ille modò ardor, qui initio fuit, ad bel-

lum refrixerat, sed plane defuturi, qui militare ijs ampliùs vellent, videbantur; vt coacti ipsi sint rerum capitalium damnatos exulesque reducere, qui aut milites fierent aut remiges darent, statuto pro cuiusque noxa, quamdiu quotq; cum hominibus eam operam reip. præstarent. Sed his vocibus quæ in curiam quoque senatumque peruenerant commoti, quò abesse publicam fraudem omnes intelligerent exempla in posterum statuerentur, & scirent Veneticiues, ita foris imperia exercenda, vt domi interrogandi eos legibus reosque agendi vel humillimis potestas futura esset; quæstionem Patres decernunt de his, qui priori anno reimp. administrarant, qui aut dissolutè imperasse aut negligerenter imperata fecisse, qui militem naualemve socium aut vllum omnino hominum iniuria contumeliaque affecisse, qui publicam pecuniam auertentes mandatis muneribus minimè satisfecisse dicerentur. Triumuiros, qui huic quæstioni præsent, principes senatorum Iohannem Mocenicum, Federicum Valaresium, Nicolaum Contarenum creant, atque in huius locum, qui statim magistratu inito mortuus est, Gasparem Ranerium sufficiunt. Triumuiroi quæstione habita ipsum Zanium præfectum classis euocare ad causam dicendam statuunt. Is Corcyram cùm redisset, sentiens quàm aduersa fama laboraret, quod futurum rebaratur, anteuertit postulare vt successor sibi mitteretur. nec eius postularis vlla à senatu mora facta est. Creatus in eius locum Sebastianus Venerius absens effusa in eum ciuitatis gratia, quòd Sopotum initio statim belli cepisset, quòd Cypriam legationem, defugientibus alijs, nihil terribus tanta mole belli, cùm excusari ætate posset, non abnuerat, quòd denique post Nicosiæ casum eundi cum classe in Cy-

Zanio sufficitur Sebastianus Venerius

prum auctor fuerat. Præferoci atque animi nimio senî (& septuagesimum excesserat annum) moderatorem Augustinum Barbaricum legatum addidere, virum in quo grauitas & prudentia & in rebus obeundis dexteritas paria erant. Hic absente Venerio, qui incertum erat an in Cyprum profectus cum subsidio esset, summum apud classem imperium obtinere iubetur. Cum eo missus lictor à triumuiris qui Zanium in vincula coniectum Venetias deportaret, ratis, arrepto tam insigni reo, & cæteris plus terroris, & iustitiam senatus ac seueritatem clariorem apud Italiae populos fore. Crimini dabatur, quòd exercitum licentia solutum nulla disciplina continuisset: Venetis ciuibus cuncta per ambitionem indulgendo additam magis arrogantiam aduersus milites sociosque, quàm repressam ab eo esse: publica potestate ad priuatum quæstum abusum, nec animo nec consilio parem mandato honori fuisse: & quo grauissimè premebatur, senatus iussu eundi cum classe in Cyprum, tubornatis legatis qui contradicerent, elusisse. Zanio dignitate & inuidia proximus fuit Iohannes Legius Dalmatiae legatus, quem Iustinianus ad cognoscendas res in Dalmatiam missus iussu prouincia decedere apud triumuiros, adiuuante Iulio Sauorniano, vehementer accusauit, tenuitque, dum iudicium de eo perfectum esset, reus in carcerem mitteretur. Huic actum per ludum ac luxuriam omne tempus obieciatur: grauem socijs, contemptui hostibus fuisse: non interuertisse solum publicam pecuniam, sed à ciuitatibus cepisse arguebatur: sæpe militibus pro stipendio coemptum ab se frumentum caro mensum esse: vestimenta quoque pari cupiditate ac sordibus in mercatoris magis quàm legati morem vendidisse: & ab imperitia & vanitate ma-

Augustinus
Barbaricus
Venerio
additus.

Obiecta
Zanio
Crimina.

Iohannes
Legius
item ac-
cusatus.

Zanius
Legatus
carceris
concedi.

Verque
qua ra-
tione sit
absolu-
tus.

Zanius
moriatur
eiusdem
elogium.

gnum Sauorniano ad res gerendas impedimentum attulisse, acceptaque eius culpa graua incommoda in ea prouincia esse. Concusserant metu omnium animos duò ciuitatis principes (& maximè Zanius in tanto nuper imperio conspectus) in publicos carceres conditi; ac, si recenti ira obiecti triumuirum iudicio essent, haud dubiè secutura damnatio fuit. Sed amici atque affines eorum, prolatando atque extrahendo, rem eò perduxere vt prius triumuii magistratu abirent (nam in annum modò creati erant) quàm iudicata causa esset. Senescente deinde inuidia ac mollitis iam animis in XL. virale iudicium adducti, ambitione ac respectu pristinae dignitatis non solum Zanius sed Legius quoque, qui liquidò nocens habebatur, defensu atque absolutus est. Sic illa noua constituta quaestio expectatione quàm terribilior euasit. Sed Zanius absolutione sua non expectata, dolore animi ac diuturnae custodiae molestia antè mortuus est, quàm è carcere mitteretur. Vir curiae quàm castris aptior, & in mercatura quàm in imperio felicior. A parente tam tenue patrimonium accepit vt gloriaretur, praeter pictam tabulam nihil se paternae hereditatis adiisse. Profectus in Syriam adolescens tanta industria in negocijs prius alienis deinde suis versatus est, vt domum rediens in locupletissimis ciuibz sit habitus, mox etiam in principibus; tanto enim splendore forum est ingressus, ea comitate officia ambitionis obiuit, vt ad summos honores euolasce videretur: eo ciuitatis fauore, vt in petitione principatus à Mecenico non tam gratia quàm factionis & affinitatum opibus superatus sit. Euectus inde ad praefecturam classis, qui est supremæ & extra urbem regiae potestatis magistratus, felicitatem suam non cepit.

P I V S interea post reditum Columnæ, cū Chri-
stianorum fortunæ indoluisset, ad temp. tanto affli-
ctam vulnere subleuandam conuersus Philippum Vene-
tosq. (rem priore anno cœptam) impensius iam in socie-
tatem sollicitabat. In Venerorum senatu diu diuersis senti-
tijs certatum fuerat, & ab aduersantibus nouo & antè parum
prosperè inito fœderi, celebrata postrema morientis oratio
Hieronymi Grimani grandis natu & clari ea tempestate
senatoris, qui, cū Venetias ad indicendum bellum lega-
tus a Turcis venit, propè animam agens consultus à cir-
cumstantibus amicis de bello, Nunciate, inquit, Patribus,
aut cedant impotentia tyranni & pacem quacunque con-
ditione retineant, aut si (quod honestius est) bellum magis
placet, abstineant implicare se Hispanico fœdere: tuo ipsi
marte, edito supremo virium conatu, maturent cum hoste
configere, Cyprumque ante omnia valido præsidio fir-
ment. Nec Pont. Max. ijs deerit: & Philippus ipse ad tuen-
dam Christianæ pietatis opinionem non commiserit, vt sine
eius auxilijs in certamen de summa rerum descendatur: &
voluntariam opem tantò promptius feret, quantò minùs in-
digere nos sentiet. & senatus solutus fœdere suarum rerum
arbiter erit, & ex eius maximè auctoritate, non semper ali-
eni ducis imperio, bellum administrabitur. Hæc quanquam
moueant, tamen & infamiam apud omnes Christianos
odiumque, si pax fieret, prodita barbaris rei publicæ magis
verebantur: & cernebant, superbis hostibus tanto inde con-
temptui fore, vt breui tota decedendum Græcia, aut bel-
lum alieniore tempore patiendum. Ad has causas cum as-
siduæ Pij cohortationes accederent, inclinarunt ad socie-
tatem animi.

Hierony-
mi Gri-
mani de
fœdere
iugendo
sententia.

Fœderis
ab Hispani-
is incho-
di cū Ve-
netis dis-
cussio.

Suasio.

NE C minùs regi Hispaniæ deliberatio in ambiguo fuerat, cùm de fœdere in consilio amicorum retulisset, contendentibus quibusdam, nullo omnino fœdere opus esse aduersus Turcas, qui longè alio orbe dominarentur: ac tueri parta, non noua quærere regna regem debere, præsertim in ijs terris, vbi plus negocij quàm fructus vel latissimè propagatum imperium esset allaturum. Quòd si tanti sit proferre fines, cur suam occasionem rex omitteret Africam inuadendi, dum Veneto bello Turcæ distinerentur, in qua simul importunos Hispaniæ vexatores Algerienses prædones esset vlturus? At fœdere illigati maximam partem virium Venetis accessuram illorumque militaturam commodò. ipsos denique Venetos nec animis nec facultatibus pares, quod antè semper fecissent, sine vllò pudore desertis in medio bello socijs repentè cum hoste pacem renouaturos. Ad hæc periculosum esse, aiebant, implicito intestinis seditionibus quæ Maurorum vixdum à recenti defectione satis quiescentium, quæ Belgarum quotidie magis inualescentium, classem omnem exercitumque in Græciam & Asiam vsquè amandare; infensis præterea Germanis, infidelibus Gallis & consilia cum Aurangio miscerentibus. Hæc ferè, qui tantùm Hispaniam norant. At quibus rerum maior vsus scientiaque erat, negare, vllam in partem id vtile consilium esse. primùm enim, si Veneti deleantur, ijs cedentibus & succumbentibus Turcarum potentia, videndum esse, ne in Hispaniam omnis inde belli tempestas vertat, cùm de eo deliberatum magnis contentionibus inter Purpuratos Bizantij esse constet. Deinde, si tantæ vires Venetorum sint, vt vinci ab ijs Turcæ possint, regem victoriæ eius expertem esse non oportere: sin Veneti aut

bello

bello superati, aut data à victore pace subacti concidissent, tanta eius rei inuidia laboraturum esse regem (qui fœdere negato non Venetis defuisse, sed publicam Christianæ fidei causam prodidisse feretur) vt, Christianis populis alienatis, offenso grauissimè Pont. Max. auctis noua victoria Turcarum opibus, vix defendendæ Italiæ spes, nedum Africæ frænandæ satis explorata futura sit. perpaucis horis trajicere Turcas ex Epiro copias Hydruntum atque in Italiam posse maiores quàm quantæ obijci eis possint, si oppressi Veneti se commouere non audeant. tum Gallos Germanosque timendos esse: non cùm opulentissimam ciuitatem atque ipsum Pont. Max. cuius auctoritatem omnes Italiæ principes sequuntur, & verentur extera quoque nationes, societate coniunctos rex haberet: quis enim pio intentum bello, aut tot luccinctum suis sociorumque viribus lacessere audeat? Quin ei accipiendam esse vltro oblatam facultatem augendi famam & opinionem Christianæ religionis, qua maxime eius imperium nititur, & nulla sua cum impensâ gerendi nobile bellum. nihil enim regem à Pio propagandæ, non solum tuendæ Christianæ reip. cupidissimo huius rei causâ non impetraturum, & eo iubente, quantam vix bellum absumat, ex ditibus Hispaniæ sacerdotijs pecuniam erogaturum: & siue perseuerent in bello ac societate Veneti, fructum ex eo regem capturum, siue inhonesta pactione cum hoste componant, eorum inuidiam in gloriam regi fauoremque versuram. Philippi animus etiam religione & studio Christianæ pietatis tangebatur, ad quod cùm vtilitas quoque, maximum ad mouendos regum animos momentum, accederet, detinendos Turcico bello Venetos, decernit: atque accersito Pij legato respondit, sibi quidem

Philippi
Regis de
fœdere
delibera-
tio.

impedito domesticis motibus nihil eo fœdere opus esse quod arma longè ab domo in Orientem transferret ; sed tamen ut, quanti sibi Pontificis Max. maiestas sit, & quàm omnia non sua utilitate, sed Christianæ reip. commodo metiri ipse soleat, omnes intelligerent, statuisse se à Pontificis auctoritate non discedere, literasque Romam Granuelano & Pacieco Cardinalibus & Iohanni Zunigo legato suo daturum, ut fœdus in quas maximè condiciones Pius iussisset cum Venetis ferirent.

QVAE mandata cum allata Romam essent, & eadem Venetorum quoque legatus multò antè ab senatu accepisset, cœptum est agi de fœdere, cuius conciliandi negotium Pius sex Cardinalibus dederat. Fuere hi Iohannes Moronus eius ordinis princeps, Petrus Donatus Cæsius, Carolus Crassus, Iohannes Aldobrandinus, Michaël Bonellus cognomento Alexandrinus, & Hieronymus Rusticucius : quibuscum legatis Philippi ac Venetorum ad se conuocatis, orationem habuerat plenissimam dignitatis & summi in Christianam remp. studij. Exorsus à Deo, eum offensum iratumque nobis merito nostro, precibus, ieiunijs, cultu Christianæ disciplinæ placandum inprimis docuit : atque in commemorandis Christianorum populorum delictis, quibus quotidie magis cæleste à nobis Numen alienatur, vnde tot debilitata malis resp. tot plagis afflicta ac deformata iacet, ea dicentis religio pietasque enituit, ea commotio animorum ipsius cæterorumque fuit, ut nemo tenere lacrymas potuerit. Commendatos deinde prudentiæ laudibus cum, quantum in ipsis positum esset ad salutare negotium ex sententia & è re publica conficiendum, admonuisset, vehementer hortatus atque obtestatus est, ut non

Cardinales sex fueri com-
ponendo
prepositi

Ad eos
& ad le-
gatos vij
oratio.

viribus quàm animis iungendis magis intenderent, & publicam agitari salutem in eo consilio eorum commendatam fidei cogitarent. tum maximè maturato opus esse ostendit, quò insula Cypri, expulsis ex ea barbaris, retineretur cum alijs utilis rebus, tum opportuna repetendis Hierosolymis & locis, vbi Christus Deus humano indutus corpore mysteria salutis nostræ operatus est. Postremò seipsum obtulit paratum neque ætati neque vitæ parcere pro Christiani nominis gloria, siquem vsum sui eo bello fore censuissent. Ab hac oratione cum Pontifici actæ ab omnibus ingentes gratiæ essent, postulatum à Granuellano est, vt conditiones fœderis proponerentur: quod Pius sequenti die facturum se ostendit. Sic, multis habitis inter legatos de ratione gerendi belli sermonibus, concordibus animis ea die discessum est. Erat in speciem factu facile, sed tractatu arduum ac spissum negocium. neque enim idem utrique propositum habebant. Hispanis sicut non utile erat, latius in Græcia atque Illyrico propagari Turcarum opes; ita attenuari in Italia Venetorum potentiam cupiebant. hinc propulsari vim quàm inferri, & bellum quàm victoriam malebant. Venetorum longè alia mens: trahi bellum pro exitio putabant, cum neque sumptus diu ferre resp. posset, & cogendis ciuitatibus pecuniam conferre ac remiges dare alienabant sociorum animos: & agrorum cultus subtraçtis operis omittebatur. ita omnium simul rerum difficultatibus circumueniebantur. Quare decertare præoptabant, quò citò aut victoria aleretur aut pace finiretur bellum. Ex his causis variantibus ac in diuersa tendentibus consilijs, tantæ contentionis de singulis rebus fuerunt, vt sæpe dirempta & abiecta res esset, nisi Pij constantia ac studio sustentata ac

Hispano-
rum, &
Veneto-
rum di-
uersa bel-
li consi-
lia.

Pij con-
stantia in
fœdere promo-
uendo.

sæpe restituta fuisset, nunc ininis nunc precibus quâ Hispanos quâ Venetos continentis. Cùm satis in alijs concordēs in alijs conuenire nullo modo possent, vtrisque rem ad sua consilia trahere & accommodare nitentibus, statuūt, vt fœderis formula in Hispaniam ad regem ac Venetias ad senatum mitteretur, eorumq. voluntates expectarentur: interea fama in vulgus perculsi fœderis ederetur. Id quidem regij magis non negarunt petentibus Veneris, quàm præstiterunt: famam iunctæ societatis captare eos suspicati, quò tolerabiliore inde conditiones pacis ab hoste auferrent.

SED Veneti ea accepta formula, in qua aliquot erant capita quibus ciuitatem obligari prorsus nolebant, irati Soriano legato, quem non satis constanter refellere regionum postulata, nimiumque bello ac fœderi studere inimici accusabant; collegam ei Iohannem Sorantium creant subitoque Romam proficisci iubent, hominem auersum à societatis consilijs, & cui nec satis vsus & confidentiæ plurimum erat. Eius aduentus æquè rebus incommodus & Pio molestus fuit, qui vsque adeo ab hominis ingenio abhorruit, vt prohibiturus eum aditu ac discedere Vrbe iussurus fuerit, nisi veritus esset, ne ex eo Soriani inuidiam oneraret, quem ob eximiam prudentiam & integritatem, & non vulgarem, vt in Veneto homine, diuinarum rerum doctrinam mirè charum acceptumque habebat, ac pari fide industriaque rem ab eo publicam esse gestam prædicabat. Ipso statim initio aduentus sui crebris Granuellani ac reliquorum interrogationibus vexato ac exasperato Sorantio, & Soriano ab indignatione morbum, ne consilijs interesset, simulante, abire cuncta in deterius; vt Cardinales, quos Pontifex conciliatores inter regios Venetosque constituerat, sæpe

Iohannes
Sorantius
Soriano
legato
collega
additus.

Sorantius
legatus.

despe-

desperatio ceperit rei ex sententia perficiendæ. Sed, Pio ipso incredibili assiduitate ac perseverantia omnibus semper incommodis occurrente, post infinitas altercationes ad extremum compositis conuentisq. alijs, vnum modò restabat, quod rem distingere videretur. Contendebant magnopere regij, vt eius belli imperatorem Philippus daret, qui maximam partem sumptus sustineret. Id Veneti prorsus recusabant. cùmque tribueret hoc Pius dignitati regij sanguinis, vt Iohannes Austrius (erat is regis frater ex pellice natus) in eo honore cæteris præferretur, id quoque ad Columnæ dignitatem impediendam petebant Hispani, vt eidem Iohanni ius esset, quem vellet, legatum sibi cum imperio substituendi, quoties abesse à classe belloque ipsum contingeret: hac scilicet via (quod aperte ausi non essent) Aurix aut Aloysio Requesentio Zunigæ fratri nauale imperium struentes. Veneti, etsi id quidem maximè nolebant, tamen quia ea re Pontificis auctoritas minui videbatur, ipsumque per se retinendæ dignitati suæ esse intelligebant, quasi nihil eorum interesset, totum id ad Pium reijciebant. qui se Iohanni, si bello interesse vellet, imperium traditurum libenter ostendit: eo excepto ne auribus quidem alium, quàm quem ipse imperatorem iussisset, admittebat. Perseuerantibus nihilominus abnuere regijs, & regem ipsum consulendum, dicentibus, Pius iuris sui vir retinentissimus exemplo tabellarium magna celeritate in Hispaniam misit, qui literas regi ferret ita acribus scriptas verbis, vt Philippus cedendum eius voluntati ratus suis mandarit, ne rem ultra morarentur: & quò ab se editus præter Austrium alius quoque imperator videri posset, simul vt ea re Pij gratiam iniret, præter Auriam & Requesentium (quos ad eum ho-

Pius iur.
ris sui re
tinentissi
mus.

Iohannes
Austrius
belli to-
tius Im-
perator
& Colu-
na pari
cū impe-
rio absen-
ti suffe-
sus.

Cur Sa-
baudig
Duci im-
perii bel-
li deman-
datum
non sit.

norem commendabat) Columnam ipsum nominavit . Fuit omnino Pij in susceptis rebus , quæ æquitatem habere viderentur , maximè in quibus Pontificia maiestas verteretur , tanta vis tantaque animi constantia , vt frustra se quivis regum accenso eius studio obiecisset . Reddidit Pius Philippi obsequio gratiam , Austriumque non classis solum ac navalium rerum , sed terrestrium quoque copiarum ac totius belli imperatorem creavit , dum ipse gerendis rebus interesset : quo absente Columnam pari honore potestatem succedere illi iussit .

AGITATVM est de Emmanuele Filiberto Sabaudia Duce ei muneri præficiendo , quod & Veneti cupiebant , & Pius eum Columnæ haud grauatè præferebat eminentem non magis generis ac dignitatis amplitudine , quàm bellicæ scientiæ opinione . Sed nec ipse regnum , vnde pater expulsus fuerat , haud multò antè à se receptum temerè relicurus videbatur , & Hispani præpotenti regulo & quotidie incrementa capienti tantum armorum ac belli arbitrium non dissimulanter committere negabant . Illa inde controuersia tenuit , quòd regij Africam spectantes , non in Turcas solum , sed aduersum omne Mahometanum nomen id esse fœdus , cupiebant . Negarunt Cardinales , aqua eos postulare : regem enim Persarum , qui Mahometanus esset , non solum hostem iudicari (quod eo capite fieret) non debere , sed etiam conandum esse omni studio , vt in eandem armorum societatem traheretur . Et Veneti , nisi vis omnis belli in Turcas atque in Græciam intenderetur , nihil sibi fœdere opus esse , apertè denunciabant . Ne regij quidem minùs præcisè fœdus abnuebant , si eo Tripolis , TUNETUM , ALGERIUM Africa vrbes non comprehende-

rentur ,

rentur, negantes, aliter Hispaniæ populis, quorum maxime ope gerendum id bellum esset, fieri satis posse. Simul illud quoque tentare consilium sunt aggressi, vt arma Turcis non inferrentur, quando ijs pares esse ipsi non possent, sed vis tantum eorum arceretur. Id verò à Venetis perinde est acceptum, ac si manifestò deprehensæ insidiæ in se Hispanorum essent. Itaque Pius, cum nullum avertendi atque contendendi finem fieri videret, Pompeium Colognam spectatæ virum industriæ, nec bellicæ modò rei, sed ciuiliū quoque actionum prudentem cum literis ac mandatis in Hispaniam misit. Per eum cum demonstrasset Philippo, frustra piam bonamque ipsum mentem habere, si voluntatis eius interpretes ac ministri tam longè ab præclaro eius in rempublicam studio abessent, extorsit ab eo, vt imperaret suis, vt inanibus contentionibus abstererent, darentque operam, vt fœdus feriretur. Sed monuisse Pium Philippus dicitur, cauere, ne Veneti simulando de societate agere, pacis interea consilia coquerent, fœderisque nomine ad æquiores condiciones impetrandas abuterentur: nam, occultos inter ipsos Turcasque commeari nuncios, sibi compertum esse. Tandem conuenta pactaque omnia erant: & Pontifex rem diuinam factururus, & iunctam inter se & Philippum regem Venetosq. aduersus Turcas societatem populo ac aliorum regum legatis, qui in curiam accersiti aderant, pronunciaturus regios Venetosque legatos ad se, antequam ad sacra prodiret, vocari iusserat, vt fœderis capita de more vniuscuiusque chirographo consignarentur. Tum consurgens Granuellanus negat, eo anno præstare regem, quæ ipsi pepigissent, vllō modo posse, quòd prouecta ætate, tempus ad ea comparanda non esset habi-

Papeius
Columna
in Hispaniam
misit.

377
378
379
380
381
382
383
384
385
386
387
388
389
390
391
392
393
394
395
396
397
398
399
400

Granuel-
lanus fe-
riegulum
sua fœdus
impedit.

turus:

turus: petere, ut Veneti, quibus nauium naualiumque rerum apparatus promptus expeditusque esset, ea socijs accommodarent: regem militem daturum impensamque omnium rerum præstiturum. Inde ab initio cœptæ rei decretum inter eos erat, uti, dum de legibus fœderis ageretur, præpararentur perinde omnia, ac si perfecta res esset, nequid gerendo inde bello moram afferret. Itaque isti re noua Veneti legati, & execrantes tam perfidiosam ludificationem, cum paulum secessissent, respondent, nisi pactis conditionibus stetur, senatum se consulere veile. Ea res Pij animum vehementer offendit, & maximè à Granuellano alienauit, quem ad omnia euertenda veluti insidiatum publicæ causæ, grauissimis verbis obiurgatum ab se repulit, quanquam omnia sibi voranda statuerat, ne salutatis negocij actio abrumperetur; & consolatus Venetos legatos ad senatum scribere suis verbis iussit, curæ sibi fore, ut legibus fœderis satis à rege fieret.

Veneti
de paci-
ficcdo et
Turcis
delibe-
rant.

Veneti
mercato-
res Bina-
tij, Tur-
ci Venetis
belli
tempore
in custo-
dia habi-
ti.

AT Veneti, ubi ea acceperunt, incessantibus Hispanorum perfidiam perpetuis orationibus Mocenigo Principe & senioribus patrum, qui leuare tam ancipitis belli cura ciuitatem aliqua pacis conditione cupiebant, animum à belli consilijs ad paciscendum cum hoste conuertere: cuius rei hæc tum fortè facultas oblata erat. M. Antonius Barbarus legatus, post indictum bellum cum Bizantij domi suæ non arctissimè custodiretur, audito Nicosiæ exitu, locum agendi de pace aliquem quærebat, quam vniam esse viam, & remp. periculo tam imparis dimicationis eximendi, & seipsum in libertatem restituendi putabat. Venetijs, quod Bizantij factum acceperant, negociatores Turcas in vnâ commigrare domum iussos in custodia habe-

bant,

bant, & cum his Amutum, quem legatum in Galliam euntem Venetijs exorto bello deprehensum arctiori custodiæ mandarant. M. Antonius igitur nactus Salomonem quendam Iudæum medicinæ scientia Mahometi charum, qui ventitare ad se solebat, per eum cum Mahomete egit de captiuis permutandis, ac simul de pace mentionem iniicere Iudæum iussit: quam vbi non aspernare Mahometem sensit, in præsentia quidem petijt impetrauitque ab idem cupiente, vt certum hominem è suis Venetias mittere liceret. Is tum fortè Venetias appulerat Patribus literas ac mandata M. Antonij ferens, cùm de Granuellani ac Hispanorum nec opinata recusatione præstandi eo anno, quæ ex fœdere debebant, est allatum. Itaque decemviri, cuius magistratus summa est in ciuitate potestas, & maximè belli pacisque iura eius arbitrij sunt, neque in eum nisi senatorum principes, qui ætate ac prudentia antecellunt, leguntur; re cum senatu, quò occultior esset, non communicata Iacobum Ragazonium expertæ solertiæ ac prompti consilij hominem & assuetum Turcis, apud quos diu mercaturam fecerat, Constantinopolim misere, præter ea, quæ palàm de senatus sententia data erant ad captiuos permutandos, occultis instructum mandatis conficiendæ pacis in eas condiciones, quæ ipsi & M. Antonio magis è rep. & è fide eorum visæ fuissent.

Ragazonius Bizonantium mittitur ad agendum de pace.

EA legatio vehementer Pij sollicitudinem ac suspicionem auxit, ne, id quod res erat, simulatione captiuorum pacis consilia à Venetis agitarentur. Hac æger atque anxius cura vocari ad se Commendonum Cardinalem iussit, cui, ob eximiam prudentiam ac religionem & animum ab omni partium studio integrum, fidere consuevit plurimùm. Cum

eo egressus in Vaticanos hortos miserari fortunas Christianorum, & publicis ingemiscere malis cœpit, consilium, maximè ad confirmandos Venetos, ne præcipientes in pacem irent, exquirens. Nam, ex communi opinione hominum & ex remisso iam studio legatorum, fœdus pro deplorato ac deposito haberi Romæ est cœptum. Hortari tum Commendonus eum, vt, nequid prætermissum ab se, quod experiri posset, videretur, Columnam ipsum Venetias mitteret: haud paruum momentum sustinendis Venetis futurum in eo viro tractandi animos hominum omnibus instructo artibus: & profectò moturum aliquid, qui idem rei hortator & dux futurus esset. Nullum consilium toto illo negotio auidius arripuit Pius vir Christiani nominis, quàm qui vnquam maximè, amore flagrans. Itaque dimisso Commendono Columnam extemplo acciri ad se iubet eique demonstrat, velle se, vt ipse Venetias proficiscatur: Venetis tum superioris anni incommodis fractis, tum malitiosa & illiberali Hispanorum ratione alienatis animos addendos esse, ne diffidentes sibi sociisque ad noua consilia conuerterentur: ipsum, lenire eos & confirmare verbis suis, iubet, atque omnem inde operam dare, vt salutaris res ad exitum perduceretur; nec, quia plenum difficultatum negotium plerique putarent, spem ipse perficiendi abijceret: Deum causæ rei publicæ adfuturum, aditumque, quem non viderent homines, aperturum: iret, atque eius fiducia omnia sibi facilia crederet fore. Columna ab vrbe profectus, cùm Venetias per dispositos equos celeriter venisset, quanto ipse acceptior publicè priuatimque ciuitati erat, & quanto plus honoris ea sibi legatione habitum Veneti censebant; tanto eius aduentus ingrator principibus, quorum animi ab armis abhorre-

bant,

Columna Pius
Venetias
mittit.

bant, tuit: cùm intelligerent, non solum dignitati, sed etiam gratiæ eius viri multum esse tribuendum, qui & auctoritate apud Pontificem pollebat, & si bellum necessitas imponeret, aut cum Austrio præcipuas imperij partes gesturus, aut sine illo propè solus imperaturus esset. Columnæ oratio nihil speciosi ad eloquentiæ ostentationem ab inani verborum apparatu habuit, sed naturali facundia de rebus ipsis ex usu disserendo, quæque in rem essent, pollicendo mouere senatus voluntatem studebat: ante omnia Pij egregiam mentem ardoremque ad id bellum & ad rem Venetam tegendam veritlimè prædicabat: hunc intueri Venetos debere, qui & auctoritate perducere ad æqua Hispanos posset, & retractantes præclarè vleisci: sed & eos in Pontificis Max. potestate futuros, & illum, quò magis sibi obnoxios beneficio faceret, quæ ad eam diem regis accuratissimis precibus pernegasset de pecuniarum exactionibus ex Hispaniæ sacerdotijs, ea omnia in Venetorum gratiam huius belli causa concessurum: ipsum verò Romanæ Ecclesiæ facultates huc omnes collaturum: pecunia, militibus, commeatu, & quibuscunque rebus posset, rem Venetam adiuturum: è Piceno, è Flaminia frumenta exportari Venetias passurum: eorum præfectis educendi e Romanis prouincijs conductos precio milites, quot vellent, potestatem facturum, & in præsentia, sua pecunia conscripta tria millia peditum in Dalmatiam missurum, quibus, donec classes in Græciam conuenissent, ad tuendos reip. fines Veneti vterentur: quinas decumas, quas postulassent, conferre eis sacerdotes Venetæ ditionis iussurum: nulla denique eis re, nullo officio virum ardentem Christianæ pietatis studio defuturum, cui insigne communis omnium

Columnæ
ad Venet-
os ora-
tio.

paren-

parentis nomen non magis ex fastigio honoris, quàm ex animo in remp. verè paterno deberetur. Ad hæc omnem daturum operam, vt in eandem fœderis societatem Cæsarem quoque Germanosque, & equitatu validam Polonorum gentem, & alios item reges adduceret, legatis ad id amplissimis viris è Cardinalium collegio missis. Hispanis (his enim infensi ac exulcerati tot iniquitatibus animi placandi atque leniendi erant) non esse, cur plus æquo irascerentur; nam & præteritæ ætatis moram in adducenda classè ijs culpæ verti non debere, cùm errore factum sit, vt aut Pij voluntatem rex parum perceperit, aut mandata regis non rectè sui intellexerint: & pacta fœderis in eum annum quò minus præstent, non tam recusare eos, quàm petere, vt naues longas, quarum implendo numero ipsi tempore excluderentur, Veneti, quibus id commodum promptumque esset, armarent plures quàm ex fœdere deberent, atque vt ijs eum sumptum rex seu frumentis seu militibus, quorum illi indigerent, rependeret: ita futurum vt, quarum cuique rerum copia suppeteret, earum in commune plus conferret: regem tamen longas naues egregiè instructas LXXX. daturum, quas, se scire affirmabat, paratas habere, seque ipsum ad eas colligendas, si Austrius non venerit, celeriter excursurum pollicebatur; nec dubitare, quin ante Cal. Iun. quò essent iussæ, omnes conuenirent. His, præter Pontificias duodecim, accessuras Genuenses duas, Sabaudienles quatuor, totidem Melitenses, quæ Pij auctoritatem sequerentur: ipsos præter Galeatias & onerarias, supra centum & quinquaginta longas naues, quibus ferè superiore anno vsi essent, habituros. Hanc fore classem & genere & numero nauium maiorem ac validiorem, quàm

vnquam

vnquam antea Christiani aduersus Turcas eduxissent ; vt , siue hostes copiam pugnandi facerent , dubitari de victoria non posset , siue declinando certamen possessione maris cederent, exscensionibus in Eubœam insulam aut in Peloponnesum factis, acceptum in Nicosia incommodum ijs referri. Tres in ea classe duces futuros : hos in consilium coituros & è duorum consensu proditura imperia , vt , publicum Christianorum non priuatum cuiusquam id bellum esse , apparet : non Austrio non cuiquam vni , pro libidine aut omittere quod è re publica visum fuerit , aut ducere quò non expedierit , potestatem fore . se vnum ex illis ducibus futurum , aut alium Pij iussis pari fide obsequentem : huic arbitrari cum Veneto præfecto semper conuenturum : ita res eorum maximè arbitrio gestum iri. At ne ipsum quidem Austrium, in quo adolescente magni animi specimina cernantur , occasione defuturum : nam & eius interesse , prima militiæ rudimenta quàm maxima laude ponere , & ipsa imperatorij nominis atque honoris dulcedine ad maximum quodque ausum iuuenem excitatum iri. His propositis haud dubiæ victoriæ firmamentis , intolerabiles sibi auribus incidere voces de pace , quam ipsi moliri clàm cum Turcis dicantur . Enimuero id sibi ita non è rep. eorum videri , vt , cum falsò ferri pro certo habeat , tamen dissimulandum sibi non fuerit , vt illi vel suspicionem tam ignominiosi atque adeo perniciosi consilij omnem auerterent : sentire enim se , quanta ijs inuidia vel rumore eius rei confletur , & (quod negocij maximè intersit) hominum ardorem ad bellum pacis metu atque mentione deferuescere. Vtrum enim iniquissimo bello petitis , tot quotidie iniurijs affectis vltro petenda pax , & veluti in voluntariam seruitutem concedendum ,

an aliquando defendenda armis non libertas modò, pro qua vel mortem oppetere pulchrum ducitur, sed etiam dignitas est? quam vltque eo sibi obnoxiam rex barbarus fecisse videtur, vt tanquam seruis cedere regno centum possessorem iam annos non vereatur. reputarent animis, quæ ciuitatis conditio futura esset, si Cyprio ad nutum tyranni tradita confiterentur, neque in ipsis spem tuendi imperij neque in Christianorum regum societate præsidium vllum esse. Sed nimirum & se, à tam fracto & abiecto animo longè abesse eos, scire: & orare, vt occasione, quæ offerretur vlciscendi tot clades ab illo hoste acceptas, incumberent, & Pontificem Max. ducem se aduersus communes hostes offerentem sequerentur. Quem enim locum depellendi imminentem eorum libertati pestem, si hunc prætermiserint, esse habituros? Sed vt animo & consilio, ita maturo ac minimè perplexo responso opus esse; nam & appetere ætatem, vt trahi deliberatio diu non possit, & cunctationem eorum pro repudiato fœdere homines esse habituros; in qua opinione quàm multa incommoda sint, malle se tacitum eorum cogitationibus relinquere, quàm commemorando aduersi quicquam ominari.

ERAT Columna haud bellicis laudibus quàm ciuilibus artibus instructior: mira homini comitas & multæ blanditiæ, sermo promptus & facundus magnaque rerum notitia; vt paucis diebus & à iuuenture, quam totam sibi officijs & humanitate deuinxerat, mirè coleretur, & senes ipsos prudentiæ & eloquentiæ commendatione teneret. Itaque hæc non in curia solùm apud Patres, sed omnibus sermonibus congressibusque assiduè inculcando, quotidie plures in suam sententiam perducebat. Decemuiris nec fœ-

dus placebat, nec impetrandæ pacis explorata spes: & retinendus utique Pij animus erat, in quo magnum ad omnia momentum ponebant, & Columnæ oratione ac præsentia auctoritate accendi ciuitatis studia ad bellum sentiebant. Cùm distraherentur ancipiti deliberatione animi & totos dies consultando nihil explicantes fatigarentur (neque enim Pio solum & Columnæ, sed ipsi etiam senatui verba danda, & consijs, ad pacem petendam misisse, bellum cupientium oratio ad utrosque componenda erat) Paulus Theupulus vnus è decemuiris, cui non probabatur, summum ciuitatis consilium de re tanta celari ac de eo, in quo reip. summa verteretur, non consuli; auctor fuit collegis, de pace belloque referendi ad senatum eiusque iudicio vtendi. Quem enim hunc esse morem, eosdem homines aliud secretò ab alijs agitare atque adeo decernere de rep. aliud pro sententia in senatu dicere, & pacis inter se consilia coquentes senatum ipsum, tot amplissimi ordinis ciues simulando de bello consulere, ludibrio habere? At rem esse tantam, quæ periculosè plurium conscientia committatur: at multò periculosius paucorum arbitratu statui, quod omnium incolumitatem attingit, & vt fieri à paucis facilius, ita subtilius æstimari atque expendi à pluribus posse. Quosdam collegarum rem exemplo tuentes, quòd anno CIO. ID. XXXIX. pax à decemuiris incio senatu cum eodem hoste confecta esset, Theupulus admonendo, in quantam inde offensionem omnium incurrissent, ac principes ciuitatis omnibus honoribus deiectos diu in illius facti inuidia iacuisse, tenuit, vt ad senatum referretur. Ea relatio & res plurium iam suffragijs voluntatibusque commissa, ac paucorum senum arbitrio erepta, quorum effecti cum cor-

Theupulus collegis auctor est omnia referendū ad Senatum.

Theupu-
li pacem
dissuadē-
tis ad se-
natū ora-
tio.

poribus animi essent, Columnam illico causa superiorem fecit, & ipse Theupulus, vir magna in senatu gratia, primus omnium ad dissuadendam pacem processit: ac si, quarum rerum deliberatio sollicitam & suspensam ciuitatem haberet, paxne cum hoste facienda an foedus cum Pio Philippoque ferendum esset, earum utriusque ita potentem Deus senatum fecisset, ut, utram vellent, in eorum manu esset; neminem, arbitrari se dixit, fore qui certam pacem vel speratae victoriae nedum difficili atque dubio bello non praeferebat. Quem enim non videre, exinaniri sumptuum magnitudine remp. socios tributis remigibusque conferendis auerti, nec Pij animum viribus nec Philippi promissa rebus respondere? sed cum ab his amicitia societasque offeratur, quibus adiunctis utique bellum multiplicatis viribus gesturi sint, à Turcis pacis impetrandae spes nulla ostendatur, nisi in accipiendis quas superbus barbarus ut victis condiciones dederit; magni rem sibi consilij ac deliberationis videri. Ac imprimis considerari oportere, an impositus ex usu maximè hostis (neque enim aliter poterit) bello finis, si non honestam, tutam saltem ac stabilem pacem allaturus sit: nam, si neutrum horum istam belli redemptionem sequatur, & aequè inde incerta spe metuque fluctuaturi essent, quò eius pacis iugum subire vellent, qua nihilo ab infesto atque infido hoste tutiores, & ei ipsi & Christianis insuper regibus, & maximè Pio inuisi atque despectui forent? Quibus ocium ita placeret ut omnia bello potiora haberent, optare, ut ij secum animo reputent, quæ res tam facile & superiores reges, & hunc ipsum Selimum, hominem alioquin imbellem & luxu perditum, contra iurisiurandi religionem violata foederis

nuper

nuper isti fide, adduxerit, ut bellum reip. faceret: id quidem, constare, præter insitam barbaris superbiam trium rerum causa fieri; quod Venetis parum animi ad bellum gerendum, quod ipsos per se impares viribus, quod aliorum auxilijs nihil fidere posse putarint. Vtrum ergo hanc de se opinionem Veneti ipsi confirmare, & tanta laceffiti iniuria, post datum magno atque elato animo responsum ac ne solitis quidem appellationibus dignatum regem, vixdum plane accenso bello, veluti ad primum armorum sonitum pauentes, ultro supplices pacem petitem ire vel-
lent; an aliquando adniti, ut intelligant barbari, nec constantiam Venetis in tuenda dignitate sua nec vires deesse, & quoties velint atque opus sit, reliquorum quoque Christianorum opem societatemque promptam habere? ut eruatur hic tandem hostibus error, deficere Venetos ad Turcici belli nomen, ac, si modò ab Constantinopoli arma increpuerint, ad nullas eos impetrandæ pacis condiciones non illico compulsum iri: qua imbibita ac penitus concepta sententia, quid Venetis despectius quid abiectius fore, quid barbarorum infinitæ cupiditati magis obnoxium? ut non solùm assiduo belli metu in ipsa pace torqueantur, sed regis mancipijs ludibrio semper sint, qui, quoties libuerit, intentato belli terrore quantamvis pecuniam ablaturus ab eis se sperent: ita ipsos emunctos ac vexatos precariam pacem ac libertatem in dies precio mercatam habituros. Quid si, tradita per metum Cypri, Cretam insequenti anno dedisti sibi tyrannus illectus hac ipsa imbecillitate eorum postulare? an parituri singulas carpenti insulas essent, vel paratiores ad eam defendendam futuri, iure iam à Christianis regibus sprete ac reiecti? Sed, ut nullum in petenda pace

damnum existimationis fieret (quod fieret certè maximum) quem præstare posse, regem passurum ab se impetrari, vt de compositione agatur? & qui integris Venetis tam impudenter abrupto iureiurando bellum intulerit, is confirmata ex ipsa re opinione, nunquam inter se Christianos societatem coituros, partæ iam victoriæ pacem prælaturus putetur, & inflatus Cypri successu & sua sponte inanis ac tumidus, ipsamque sibi Italiam debellandam destinans vix delibata dulcedinem gloriæ in medio cursu deserturus? Nam de Mahometis studio quæ prædicantur, quanti tandem esse, aut quid vnquam ab eo factum vel maximis culto donis pro Venetis contra regis rem ostendi? quin intellectum esse, quàm perfidiosè M. Antonium tractarit, quem, maxime ad iniuriam incumbens, simulatione Hispaniensis belli consopire ac fallere conatus sit. Quid verò leuius aut quid alienius sua prudentia ipsos esse facturos, quàm si ex mendacis & fraudulentis hostis spe de summis rebus consilium ceperint? cur illud potiùs non cogitarent, quod & credibilius esset & à moribus hominis ac barbarorum perfidia non abhorreret, id illum moliri, id agere hac intempestiuæ pacis ostentatione, vt restinguantur & elanguelcant ciuitatis animi, vt apparatus rerum minùs intenti insistant, vt à sollicitandis asciscendisque in belli societatem Christianis auertat, quò faciliùs incauti nec pro magnitudine hostis muniti opprimantur? Quæ illi haud vana fraus erit, si ipsi, cunctando ac dilatando, fœdus cum Pio ac Philippo sancire distulerint. Nam & Columnam ipsum, quam in partem interpretaturi sint homines eorum procrastinationem, non obscurè inieciisse; vt verendum sit, ne & ipsi apparatus atque curam belli ea pacis cogitatione remittant,

& qui

& qui nunc fœdus amicitiamq. pollicerentur, indignantes, oblatam vltro opem eos aspernari, non solùm timidos ac diffidentes deserant, sed graui pressis inuidia etiam periculum in continente creent. Proponerent sibi animo illud tempus, cùm neque fœderis vllius viribus fultos, neque ab seipſis satis paratos Turcæ inuaderent. Quæ ratio insulas ab hostili vi tuendi, quæ Dalmatiæ oram futura esset? quò se Veneta classis omnibus rebus impar reciperet, quò se abderet, quis eam portus tutò caperet? vt, quæ præsidio tot populis comparata esset, vix effugium habitura videretur. Quid si hostem impetus caperet ad ipsam Venetiarum vrbe[m] caputque rerum vadendi? quæ tum trepidatio, quæ fuga imbellis atque inermis plebis, quæ desperatio sociorum? quibus ne irasci quidem iure possent, si, defendente nemine, instanti ac præsens excidium ferenti hosti concederent. Quæ maiestatis ruina quæ dignitatis, si, pro salute, pro patria, pro tectis suis, non iam pro imperio pugnare Venetos, fama per populos ferretur? Id eò acerbius esset futurum, quòd & Christiani merentibus ea accidisse prædicarent, & Turcæ, non magis armis victos quàm dolo ac fraude captos ab se Venetos, gloriarentur. Hæc, quæ dicere abhorreret animus, non solùm ne euenirent, sed euenire ne possent, prouidere, sapientiæ eorum esse: nec viam his ex scopulis explicandi consilium cerni aliam, quàm fœdere percussio, iunctis primo quoque tempore classibus ire obuiam hosti ac dare operam, vt ad conferendas manus perliciat: quod apud sibi fidentes & elatos tot secundis rebus barbaros haud difficile esset futurum. Philippi LXXX. longas naues, Pij XX. futuras, temp. nec minorem quàm superiore anno, & remigio ac milite longè validio-

rem classẽ esse habituram . At tum additis LX. modò auxiliaribus nauibus non pugnatum esse , adhuc ciuitatem irasci pœnasque eius rei à ducibus expetere ; nunc duplicatis propè auxilijs, & tota classe egregiè instructa de victoria quenquam dubitaturum ? At pacta promissaque Hispani non præstabunt . Primùm ita contendisse eos de singulis rebus , vt faciliores futuri fuisse videri possint , si alieno ab implendis , quæ ex legibus fœderis deberent , animo essent . Deinde , vt Hispanis parum credatur , Turcis certè minùs credi oportere , quibus nec fidei par ratio & fallendi præcium maius . Tum , si non steterint conditionibus Hispani , iustam Venetis causam pacis faciendæ futuram : nec in eo parum momenti esse , si à socijs proditi , non metu ac sponte cessasse hostibus dicantur , à quibus ipsis tum armati ac tantis fœderatorum viribus circumsepti pacem æquiores , quàm nunc metu subacti impetrabunt . Sibi igitur placere , ante omnia Columnam postulatorum compotem dimitti ad ea , quæ Pius polliceretur , conficienda : simul ad M. Antonium & Ragazonium Constantinopolim scribi , vt pacis quidem mentionem non aspernentur , si eò Mahometem inclinare cognouerint , pacem ipsi nec petant nec nisi consulto priùs senatu transigant ; vt neque de eo agendi facultas præcidatur , si ita vsus feret , neque ipsi vltrà , quàm vt integra omnia senatui sint , progrediantur . ita futurum , vt aut infidelem ac inutilem Christianorum societatem experti , Deo hominibusque approbantibus ad pacem redimendam mox vertantur , aut adnixa suis sociorumque viribus amissa bello recuperent , & hostium audaciam in perpetuum reprimant . Vt enim ad gratiam famamque hominum turpißimum maximèque odiosum reip. esset , eo-

dem tempore pacem Byzantij fieri ac Venetijs fœdus feriri ; ita nihil exitiosius ciuitati accidere posse, quàm si ipsi, dum neutram rem sui arbitrij faciunt, vtraque excluderentur .

MOVIT Theupuli sententia vniuersum senatum præter eosdem illos senes, qui pacis mittendique Byzantium cum mandatis Ragazonium auctores fuerant . Hi rem inclinatam cernentes Nicolao Pontio ætate inter eos, & dicendi laude præstanti negotium refellendi Theupuli orationem dedere. Qui, commemoratis Aurix, Granuellani atq; Hispanorum aut gestis insidiosè aut dictis contumaciter in remp. eorumque artibus fraudis ac perfidiæ plenis cum odio atque immanitate Turcarum comparatis ; vix sani nedum sapientis esse, ostendere conatus est, victoriæ spem in ijs socijs repositam habere, quibus, frangi Venetorum opes quàm crescere, vtilius esset . Monuitque inde grauissimis verbis Patres, ne crederent, eadem vera esse quæ magnificè dicerentur : nèue Granuellanum, fallaci fœdere conteri remp. & segni ac diuturno confici bello, cupientem audirent, Mahometis consilia respuerent pacem ac finem cladium offerentis ; quem vt nihil integra fide agere suspicarentur, certè infestiores ac fraudulentiores hostes Hispanos cum priori fœdere tum hac ipsa fœderis tractatione expertos esse . scilicet Granuellano credant, qui nihil sanctum nihil religiosum, nisi quod commodum sit, ducere inde à paterna disciplina didicerit: qui, dum Philippi opes augeat vnde ipse gratiam ineat, pensi nihil habeat . Proinde ne se Hispanorum astu per speciem amicitix exitium Venetæ rei molientium, ac ea euerfa imperium Italiæ sibi struentium induci ac decipi, paterentur . Nam, obstringi religione ac iure fœderum eos posse, putare, nimis simpli-

Nicolai
Pontij pa-
cem fœ-
deris pre-
ferentis
oratio .

citatis esse: quippe fidem à potentioribus vtilitate non officio pendì. Ne se eo bello pergerent implicare, cuius onere iam tunc ita oppressam ciuitatem viderent, vt appareret, etiamsi cessaret hostis, bello ipsi succumbere eam necesse esse: pacem amplecterentur, qua reip. quies ociumque redderetur, quò se comparare in eos casus possent, quos tempus ipsum excubantibus in occasiones aperturum esset amissa recuperandi. nec dubia nec vana spes pacis impetrandæ sit, quæ & Turcas ea cura liberet, quam vnâ habere posse viderentur, Venetos à societate Hispanorum disiungendi: & concessa Cypro, quam rex non tam addere imperio quàm sua ipsius libidine templo, quod instituerat, consecrare appetisset; cui dubium esse, quin cupidè à bellis curis ad quietis & voluptatis studia rediturus esset? scilicet verendum esse, ne petita pax timoris confessionem habeat: quasi turpe futurum eis sit, illius hostis arma extimescere, quem propè terrarum orbis reformidet. At enim fœderis viribus eius arrogantia & vis reprimetur: se verò timere ne mox, cùm Turcæ, quàm fracta ac sine effectu societas sit, intellexerint, grauiiores ac intolerabiles pacis conditiones ferant, vt non tam feriendo fœdere, quàm ferendi speciem præbendo pacem æquiores consecuturi esse videantur. Ergo Pium Columnamque agendo de conditionibus fœderis tamdiu detinerent (quod facturi sine suspitione essent) donec ab Constantinopoli nuncij redirent: tum, si pax non conuenisset, fœdus demum acciperent. Tutius id consilium, aliorum speciosius esse. ipsi, vtrum præstaret, ita eligerent, ita in suffragium irent, vt meminissent, nunquam antea rem maiorem, quàm quanta hæc esset, eorum potestati subiectam fuisse.

PLVS animorum in senatu , quàm auctoritatis in Pontio ac senioribus fuit . Itaque omnium suffragijs reiecta pace , sequenti die Columna in curiam accito , decretum recitari iussere , & Princeps (quod Pio , socijsque ac Christianæ reip feliciter verteret) foedus accipere senatum renunciauit . Columna , collaudatis Patribus , atque affirmatis , quæ antè Pij verbis pollicitus erat , eadem celeritate , qua venerat , Romam hominum spe , quæ deposita iam erat , feliciter superata plenus gloriæ redijt . Pius , accepta Venetorum voluntate , ad VIII. Cal. Iun. anno CID. ID. LXXI. vocatis in curiam Cardinalibus reque ad eos relata , approbantibus cunctis , foedus in has maximè leges percussit . Societas , amicitiaque inter Pium Pont. Max. Philippum regem Hispaniæ , ac Venetorum remp. perpetuò sit , communeque bellum ab his Turcarum regi gentique terra marique fiat . Id bellum CC. nauium longarum , centum onerariarum classe , peditibus LM. mixtis Italis Germanis Hispanisque , equitibus quatuor millibus & quingentis geratur . Hæ copiæ omnes in Græciam quotannis Aprili mense cogantur . Quod siquem sociorum hostis adortus fuerit , ad eum defendendum aut iustum præsidium mittatur , aut , si res poscat , omnibus viribus subueniatur . Singulis annis autumnino ineunte , Romæ ex auctoritate maximè Pontificis legati sociorum decernant , quò & quantis copijs ad rem gerendam insequenti anno vluri sint . Belli totius impenſa in sex diuidatur partes , quarum tres Philippus , duas Veneti præstent , Pont. Max. XII. longas naues militibus rebusq. omnibus ad bellum instructas , ac tria millia peditum , CCLXX. equites conferat : reliquum sextæ partis Veneti Philippusq. suppleant . Id enim ita æquum est visum , quando vtrisque

Senatus
decretū
de fœde-
re acci-
piendo.

Fœderis
leges à
Pio latæ.

Ponti-

Pontifex magnam pecuniam ex sacerdotum vestigalibus, quæ iuris sui sunt, in id bellum tribueret. Veneti XII. longas naues Pontifici de suis, si petierit, commodent; quæ si interierint, eorum damno sit: sin reduces fuerint, reddantur. Quarum rerum cuique facultas maior fuerit, eas contribuant inuicem & compensent. Frumenta commeatusque ex sociorum terris exportandi, precijs solutis, ius potestasque sit, si tamen prius incolis dominisque locorum prouisum abunde fuerit. Portoria nec noua imponantur, & vetera usitataque pendantur. Quiescente in Græcia Turca, si ab Algerio, Tuneto, Tripoli Philippo negocium fiat, Veneti L. longas naues auxilio regi ad eas expugnandas vrbes mittant. Idem Venetis rex præstet, si quod Turcarum oppidum cis Apolloniam in sinu Adriatico oppugnatum ierint; ita tamen, ut utrique maiorem, quam quæ auxilio mittitur, classem habeant. Siquam partem Pontificis Max. ditionis hostes terra mariue inuaserint, tum ad prohibendos eos tuendamque Pontificis dignitatem omnibus viribus socij accurrant. Summa imperij penes vnum neminem sit, sed tres trium classium duces de communibus rebus in consilium cœcant: quod duo eorum decreuerint, id qui imperator declaratus fuerit, cum fide exequatur. Si Iohannes Austrius Philippi frater bello interfuerit, imperatoris nomen qua dictum est potestate teneat: eo absente, pari iure ad M. Antonium Columnam redeat. Nemo imperator suo vexillo sed communi sociorum, quod Pius dederit, utatur. Maximiliano Cæsari, regi Galliæ, ac cæteris regibus ac principibus Christianis, suus, si accedere huic cœderi voluerint, locus maneat: quos Pius Pont. pro supremæ dignitatis iure ad bellum simul capeffendum legationi-

bus adhortetur. Diuisio subactarum prouinciarum, urbium, agrorum ad caput illud referatur, quod est in fœdere anno CID. ID. XXXVII. iſto. In eo cauetur, vt, quæ loca antè in fœderatorum alicuius ditione fuiſſent, ei redderentur. exceptum, vt Tunetum, Algerium, Tripolis Philippo accederent: reliqua præda pro cuiusque impenſa partiatur. Ragusiſorum reip. caueatur nequid in eos eorumue agrum, urbem, oppida ab ſocijs hoſtiliter conſulatur, niſi ſecus meriti Pontifici Max. viſi fuerint. Siquid controuerſiæ hiſce de rebus inter fœderatos exiſteret, de eo apud Pontificem diſceptetur, eius arbitrio iudicioque ſtetur. Pacem aut inducias cum hoſte paciſci, ſocijs non conſultis ac non probantibus, nemini liceat. Ita fœdus Chriſtianæ reip. ſalutare tum iunctum atque ſancitum eſt, cum ſpem eius omnem maxime abieciſſent homines; ingenti gloria Pij, cuius id vnus fuiſſe, cuiusque ſtudio, curæ, labori, aſſiduitati deberi, omnes veriſſime prædicabant.

FINIS LIBRI SECVNDI.



ANTONII MARIAE
GRATIANI
A BVRGIO S. SEPVLCHRI.
DE BELLO CYPRIO
LIBER TERTIVS.



CELEBRATO fœdere vna cura Pontificem tenuit, vt classes primo quoque tempore ad res gerendas in Graciam conuenirent. Et ne tempus ipse ornanda classe terneret, XII longas naues de Cosmo Medice Hetrurix regulo mercede conduxit mœstrui stipendij quingenos nummos aureos in singulas pactus; quæ ferè quinquereemes erant, egregiè armis, milite, & omnibus rebus instructæ. Quibus adiecit Melitenfes quatuor, ac totidem à Sabaudix Duce acceptas; cum quibus omnibus incunte Iunio proficisci ab Vrbe M. Antonium Columnam & iungere se Venetorum clauis iusserat, vt, si Hispani, quod apparebat facturos (ita segniter ab ijs cuncta agebantur) abire gerendæ rei tempus sinerent, ipsi temp. tuerentur. Consenserat cum Venetorum voluntate Pius, vt protinus, postquam coniunctæ fœderatorum classes essent, peteretur hostis, nec vlla

pugna

pugnæ mora fieret. Nam & Veneti quocunque modo finire bellum festinabant, cuius oneri ferendo non erant, nec aduersæ pugnæ vulnus lethalius sibi quàm ipsum bellum, si traheretur, ducebant: & Pius, partim cælestis opis fiducia partim metu, ne non diu illa duraret societas, æquè, rem decernendam prælio dari, cupiebat: idque ante omnia proficiscenti ab Vrbe Columnæ imperauerat. Qui, militibus classique die ad centum cellas conueniendi dicta, inde Id. lun. cum soluisset, tertia die Neapolim tenuit. Ibi paucos moratus dies sarcendis Melitensibus nauibus, cum XX. triremibus Siciliam petijt. Et quia suspectum iter erat tenente iam mare Turcica classe, exploratoria nauigia duo præmisit: ijs imperat, vt custodias turrium, quæ speculando propugnandoque aduersus prædones per Calabria oram sunt constitutæ, adeant, singulis idem præcipiant, vt intente obseruent mare: si pauciores XX. naues conspexerint, signum vnico igne edant, sin plures vsque ad XXV. binis ignibus: ac sic deinceps ignes augeant pro magnitudine conspectæ classis. Die tertia, quàm profectus Neapoli erat, Tropeæ appropinquanti nunciatur, ad LXX. triremes, quas Turcicas rebantur, conspectas esse. Sequenti die cum speculabundus progredieretur, obuiam habuit duas Venetas triremes, quibus præerant Catharinus Malipierus & Nicolaus Lipomanus. Ab his cognouit, Venerium cum Veneta classe in Siciliam venisse, atque ad Spartiuentum socios expectantem stare. Messanam applicans Columna ad Venerium misit, vt, si ei videretur, Messanam transiret, vbi & rerum copia maior & de communibus rebus commodius colloqui poterunt. Aduenientem perhonorifica obuiam itione acceptum Messanam deduxit; atque vnâ ha-

Pœfisteig
classis ut
peris ra-
tio.

Dyrrhachium à
Venerio
frustra te-
ratum.

Venerio
clausis
litter.

bito consilio Iohannem Austrium, etsi nondum Hispania profectum constabat, ibi adhuc expectare constituunt. Venerius accepto in Creta nauali imperio Corcyram redierat, atque cupiditate rei gerendæ prouectus haud satis prouisis rebus ad Dyrrhachium oppugnandum subitus accesserat. Id oppidum cum opinione sua firmius inuenisset, tentata tantum oppugnatione, re infecta Corcyram redijt; atque acceptis de perculso fœdere nuncijs ibi socias classes expectaturus confederat. Ad Corcyram cum LX. nauibus opperienti, Turcicam classem Byzantio progressam in Creta esse, nunciatur. ille veritus, quia haud satis tuta sub oppido statio nauibus videbatur, ne à Turcis impediretur, simul ut præsens ipse Hispanorum profectionem magis vrgeret, Siciliam petere decreuit. Id agenti commodum à senatu scriptæ literæ eadem iubentes, & à Columna Neapoli idem consilium afferentes venere. Dimissis igitur Sancto & Francisco Tronis & Daniele Molino cum singulis triremibus, quibus præerant, ac Sancto medio itinere, reliquis dextrâ sinistrâque per Adrianum sinum Venetias dirigere cursum, atq; obuias naues, quibus ut Corcyram conuenirent dictum erat, ne incautè in hostilem se classem induerent, excipere & in Siciliam auertere iussis, ac misso item in Cretam Iohanne Baptista Benedicto Cyprio cum sua trireme, qui Quirinum & Celsum cum LX. nauibus, quas habebant, ommissis omnibus alijs rebus ad se venire iuberet, ipse in Siciliam profectus est, quò paulo ante Columnam, ut demonstratum est, appulerat.

P IVS dimisso Columna, nequam partem officij sui non impleret, aduocato senatu duos legatos è Cardinalium numero creauit, Iohannem Franciscum Commen-

donum

donum & Michaëlem Bonellum Alexandrinum. hunc ne-
 pte sua genitum, institutum in Dominicanorum disciplina
 ipso petente & commendante senatu inde à principio initi
 Pontificatus in summum ordinem cooptauerat, iuuenem
 tum quidem vsus non magni, sed qui amplissimæ fortunæ,
 ad quam repentè efferebatur, & animo & ingenio par fore
 videretur. Commendonus multis præstantibus viris è Car-
 dinalium collegio eam operam rei publicæ præstare cupien-
 tibus absens prælatus est: non solum quòd in eo magnæ ani-
 mi & consilij laudes cum pari fide & religione coniunctæ
 emerent, verùm quòd ea ætate nemo aut pluribus aut
 maiori gloria gestis legationibus clarior erat. & cùm omnes
 Europæ reges, omnes prouincias nationesque trium supe-
 riorum Pontificum misso obiuerat, tum maximè Germa-
 niam & Poloniam perlustratas notasque habebat, & mul-
 tæ ei institutæ cum principibus earum gentium amicitia
 atque hospitia erant; ac ipsorum præterea regum ingenia
 sensusque exploratos atque vsu cognitos habere, magnoque
 apud eos in honore & gratia esse credebatur. Hic igitur ad
 Maximilianum Cæsarem & ad Augustum Poloniæ regem,
 quos maximè Pius in eius belli societatem adducere cupi-
 uisset: ille ad Philippum & ad Sebastianum regem Lusita-
 niæ est missus.

C V M ab Vrbe profectus per infestam latrocinij
 hæreticorum Galliam magna adhibita cautione
 ac diligentia, vno etiam è Principibus Gallia iussu regis
 prosequente, incolumis in Hispaniam Alexandrinus pe-
 netrasset, Philippum accuratissimis adhortationibus accen-
 dere ad Turcicum bellum, pactaque fœderis præstanda Pon-
 tificis Mæx. verbis institit, ne Veneti, dum parum consuli

Card. A-
 lexandri-
 nus in Hi-
 spaniâ, &
 Lusita-
 niâ. Cõ-
 mendo-
 nus in
 Germa-
 niam, &
 Poloniâ
 legatur.

Alexan-
 drini ad
 Philippũ
 oratio.

eorum reip. ab rege suspicarentur, ipsi sibi magno communis rei publicæ incommodo consulere, & ciuitas natura abhorrens ab armis ad pacis consilia reuolueretur: quemadmodum enim alacres tum toto pectore ad bellum incumbere omniaq. in victoria posita habere viderentur, ita, si trahi bellum atque cludi artibus vim fœderis sensissent, præcipites in pacem ituros: quibus seu bello fractis seu pacis iniuræ, & ex superbi hostis arbitrio compositæ vinculis, constrictis atque subactis, haud mediocriter verendum esse regi, ne omnis inde moles Turcici belli in seipsum verteret. Proinde salutari negotio incumberet, & quando tam longè à bello abesset, neque discedere Hispania aut propius accedere ipse posset, virum fide & sapientia præstantem deligeret, cui summam consiliorum suorum mandaret, Romamque magna præditum potestate mitteret: dum enim de singulis propè rebus, quæ in disceptationem veniunt, ipse ex tam longinquo à legatis suis consulitur, tempora atque opportunitates rerum ipsarum elabi ac præterire, in quo plerumque omne rei publicæ momentum vertitur. Ante omnia daret operam, ut classes classumque duces ad præfinitam ex fœdere diem locumque præstò adessent, ne mora atque cunctatione eorum inanes tot sumptus apparatusque sociorum atque irriti quotannis euaderent. His mandatis monitum adiecisse Pium ferunt, ut non omnia suis rex crederet, & veluti defugiens ipse curas cuncta ad amicos reiiceret, quorum consilia non semper rectæ probæque menti eius responderent.

SEBASTIANVS, adolescens audis laudis & in primis religionis cupidus, magna proposita gloria, si rem Christianam tam necessario tempore iuuisset, ut

fœderi

foederi adiungeretur, hortandus Alexandrino fuit, & eius interesse, ostendendum, retundi Turcarum potentiam, quos ipse graues accolat in Orientalibus plagis; ubi late à maioribus propagatum imperium obtinet, pateretur. Postularum quoque ab eo est, vt legatos in Persiam mitteret ad conciliandam in Turcas eam gentem, quæ Sebastiani finitima regnis amicitia & societate inter se attinebantur. In eandem sententiam cum utroque rege Antonius Theopulus Venetorum legatus egerat. Idem utrique à Philippo responsum: nihil in se passurum desiderari; quod sibi aut dignitas sua & perpetuum in Christianam remp. studium aut fides initi foederis imponeret; Pontificisque auctoritatem antiquissimam semper habiturum, quæ tanti esset sibi, vt haud minori cupiditate parendi gratificandique Pij voluntati, quam reip. quod deberet, præstandi consulendique teneretur. Sebastianus iuuenili nec satis consulto ardore laudis elatus non in sensus modò Turcis Maurisque erat, sed armis eos persequendi cupidine flagrabat. Ergo, quantas posset, nauales copias magna voluntate vel vltro consociaturum fuisse, respondit, nisi Hugonorum insidias vereri cogeretur (hoc nomine Gallie hæreticos appellant, qui licentia religionis tantum opum collegere proximiis annis, atque ita seditionibus armisque cuncta miscere sunt aggressi, vt scelere atque audacia perciti vexandam sibi Christianam remp. desumpsisse videantur) hos non solum infesta classe regni sui oras populabundos circumuehi solere, sed Mauros Africam contra Lusitaniam incolentes in se sollicitare: se tamen in Pij potestate futurum, suasque vires ei foederi, quod pro Christiana religione contractum esset, haud dubitanter sequenti anno adiuncturum; nam tum

Philippi
responsum

Sebastiani
responsum

Hugonorum
hæretici

quidem

quidem ad classem ornandam satis ætatis non superesse .
 quam quidem classem in Græciam ne mitteret , an per se
 circa rubri maris oras bellum cum Turcis gereret , atque ita
 eorum distineret vires , cum ipso Pontifice consilium ha-
 biturum : eaque de re mandata legato suo , qui esset Ro-
 mæ apud Pium , daturum , omniaque ab eo ita fieri , quem-
 admodum maximè Pius vellet , iussurum . De legatis in Per-
 siam mittendis facturum , quod Pius postulasset , ostendit ,
 quanquam exiguum spei in Persis , propter ignauiam ac se-
 nium regis , intelligeret esse ponendum .

Veneto-
 rum lega-
 tio ad re-
 gem Per-
 sarum.

Tammali
 regis in-
 ercia.

MISERANT & Veneti initio belli ad Tamma-
 funi regem Persarum Vincentium Alexandrium ,
 qui per Germaniam ac Poloniam itinere facto , Molda-
 uiamque inde emensus ad Moncastrum nauem conscen-
 derat , traiectoque Euxino mari Sinopi in terram egressus
 inde per Armeniam regionesq. hostium , Turcico cultu ac
 Turcicæ linguæ gnarus eoque tutus inter barbaros , Taurin
 regiam Persarum urbem peruenit . Sed à rege inertissimo
 ac foeminis simillimo , in quarum gregibus vitam agebat ,
 pæne sine responso dimissus nihil inde spei Venetias retule-
 rat . Nam Tammalus patre natus Ismaële , cui Sophio co-
 gnomen fuit , clarissimo eius gentis rege ac Turcis infestis-
 simo , adeo Turcarum formidabat arma turpi ocio & pe-
 cuniæ deditus , vt Ismaëlem filium , virum acrem & belli-
 cosum , & vt nominis ita odij in Turcas auiti hæredem vir-
 tutisque æmulum , degener ipse complures annos in dili-
 genti custodia habuerit verens , ne ferocia eius Turcicum
 sibi bellum conflaretur . Præter hæc de bello atque fœdere
 iungendo , egit cum Sebastiano Alexandrinus ex auctori-
 tate Pontificis , vt Margaritam regis Galliarum sororem in

matrimonium acciperet. Quæ res antea agitata perducere ad exitum nequiverat, quòd Sebastiani animus ab omni nuptiarum mentione abhorrens nullis suorum precibus euinci potuerat, ut in speciem propagandæ stirpis de coniugio cogitaret. Sed Pius eam Sebastiano puellam tradi cupiebat tum ut Lusitanis gratificaretur, tum quia, peti illam Henrico regi Navarrae adolescenti Hugonotorum opinionibus factioneq. imbuto, intellexerat: idq. ut auerteret, quo magnopere fulciri Hugonotorum in Gallia res videbantur, vehementer Sebastianum est hortatus ut duceret ipse eam uxorem. Qui quidem adeo in auctoritate fuit Pontificis, ut diceret, non morem modò se Pio paratum gerere, sed ne ullam quidem aliam à rege Gallorum dorem postulare, quàm ut Turcis amicitiam renunciaret, & cum reliquis Christianis regibus bellum aduersus barbaros pro Christi cultu atque religione capesseret.

EX Hispania ut transiret in Galliam, Alexandrino imperatum est, & cum quoque regem ad societatem belli adhortari, non tam spe mouendi quicquam (nam & regi cum Turcis amicitia manebat, neque Galliæ intestinis Hugonotorum bellis ac seditionibus attritæ is status erat, ut Turcas ex amicis hostes faceret) quàm honoris regis causa, ne vnus præteriri videretur: & simul fidei exigendæ, nihil eum Hispanos longè ab domo pio bello occupatos interpellaturum. Ea enim multorum opinio erat, non quieturos Gallos, vsurosque occasione in nudatum armis Philip-pum Hugonotorum impetum ab se auertendi, impellente Gaspare Colineo Ammiralio, quo tum capite Hugonoti utebantur homine callido & ad omne facinus, quo eius augeri opes possent, prompto intentoque, &, magnam

Sebastiani regis Lusitanie petas, ac religio.

Alexandrinus Gallie regi adit.

Gaspar Colineus Hugonotorum caput.

sibi

Galliarū
regis re-
spoſio ad
Alexandri-
nū Card.

sibi creſcendi materiam pateſceri ex regum diſſidio, cernen-
te . Rex (vt mos eſt inter ſe potentum fictis ac ſpecioſis re-
ſponſis ludificari) ſi reliqui quoque reges, & inprimis Ma-
ximilianus Cæſar ei fœderi acceſſiſſet, ſe & Pij auctoritatem
& maiorum ſuorum exempla ſecutum pari ſtudio conatuq.
in partem eius belli venturum eſſe , reſpondit . utique ab
ea pace atque amicitia , quam cum Philippo haberet , noua
etiam tum affinitate confirmata (duas ſorores Maximiliani
filias duxerant) non diſceſſurum , prolixè affirmavit . De
ſore in matrimonium Sebaſtiano tradenda reſpondit, de-
ſponſam eam ab ſe Henrico regi Nauarræ eſſe . Id verò cū
Alexandrinus vehementer reprehenderet , eaque affini-
tate ipſum regiamque labefactari , muniri ac firmari aduer-
ſariorum opes , oſtenderet , & Pij verbis ab eo , ne ſororem
ſequæ ac regnum in diſcrimen daret, contenderet, omnique
ratione ab illa neceſſitudine eum deterreret ; commotus
rex legati manu apprehenſa, Nunciato, inquit Pio, hunc eſſe
Henricum, cui ſororem meam trado, miti iuuenem ingenio,
nec mihi , eum ad ſanitatē atque cultum veræ pietatis
reducere , difficile fore : detracturumque meis inimicis du-
cem hac coniunctiōe , non validiorem facturum . cæte-
rū haud aliam mihi nunc viam expeditiorem relictam vl-
ciſcendi eos , quorum fraude ac ſcelere regnum tot tumult-
ibus ac ſeditionibus vexatum ac debilitatum habeo . His
acceptis in Hiſpania Galliaque reſponſis , & vbique à regi-
bus magnis honoribus cultus Alexandrinus Romam redijt.

COMMENDONVM longius & operoſius ne-
gocium excepit ; vt uarijs exortis rebus caſibusque
ultra biennium in ea legatione retentus fuerit . Proſciſcen-
ti duabus maximè de rebus mandata à Pio data ſunt . Illud

ſcilicet

scilicet primùm, vt, quantum posset, vi atque arte orationis, qua præcipuè laude ille commendabatur, Maximilianum contenderet in societatem belli perducere. Alterum haud minus graue de Cosmo Medice Florentinorum Duce. Hunc adolescentem, occiso Florentiæ Laurentini gentilis sui insidijs Alexandro Duce, cùm ciuitas nec vnquam satis potens libertatis, & tum in exitium præceps nisi se vni commississet, è priuato loco principem ac rectorem reip. legisset; tantæ indolis ac tanti mox animi atque consilij vir euasit, vt & statim maiora, quàm quæ offerebantur, cum amplecti animo apparuerit, & motam de illo spem breui prosperi rerum euentus approbarint. In nouo regno inquietaque ciuitate priuatis se consilij & publicis opibus munientem crebræ nobilium secessionibus ab urbe exiliaque & coitiones, & secutum mox bellum exceperet. Sed hæc omnia illi intento excubantique rebus suis, pariterque & à fraude coniurationum & à vi atque armis tuto, in potentiam vertere. Nam inimicorum alij acie aut exilio, alij iudicij ac damnationibus absumpti; reliqui ciues beneficijs eius capti atque obnoxij honoratam seruitutem, & diuitias obsequio partas in gloria atque inopi libertate potiores habebant; & sociæ atque subiunctæ ciuitates magistratuum avaritiæ, & singulorum superbiæ pertaxæ vnius imperio magis lætabantur. Ita ille paulatim senatus, populi, legum munia ditionis suæ faciens, vanis modò sine re magistratuum relictis nominibus, omni abolito iure libertatis, cuius nec cupidior nec impotentior vlla vnquam ciuitas fuit, omne in se vnum transtulit Florentinorum imperium. Postremò etiam Petro Strotio, viro forti atque audaci, quo Florentini exules Galorum armis fulti duce ad repetendam patriam utebantur,

Cosmi Medici fortuna, & magna in doles.

fuso atque Hetruria pulso, Senas validam atque opulentam urbem sub potestatem suam redegit: atque inde, duplicato regno multisque ornato atque firmato munimentis, longè inter Italiæ principes opibus & auctoritate eminere cœpit. Sed more ingenij humani ex præsentium prouentu ad altiora vsque tendentis, aucta cum dominatu ambitione, nec contentus Ducis nomine (quo hodie, in ciuitatibus suis regnum qui obtinent, vocitantur) siue ut vi atque armis possessa iure quoque addito in posterum magis firmaret; ad regis appellationem animum adiecit, ut, quem honorem potentia impleret, eius quoque vocabulo insigniretur. Rem suo molimine grauem, sæpe frustra tentatam, nunquam prorsus depositam ex aliqua parte à Pio obtinuit. Conuersus enim ad eius sibi animum conciliandum diligenti religionis cultu, & acribus aduersum hæreticos quaestionibus institutis, quibus rebus maximè Pium senserat capi, ita obsequijs demulsit deuinxitq. sibi, ut anno CIO. IO. LXX. quod regiæ dignitati proximum est visum, Magnus Dux Hetruriæ appellatus ab eo sit: ac Romam frequenti nobilium virorum comitatu venientem Pius cum duorum Cardinalium occurſu hospitio benignè accepisset, in solennibus sacris ei diadema imposuit. Enimvero Maximilianus ea re imminui dignitatem suam ratus, quòd, Cosmum in fide ac ditione Cæsarum esse, diceret, neque Pontifici in subiectos imperio Cæsarum ius vllum esse; quanquam negaret Cosmus, vlla se Cæsari clientela fidèue obstrictum esse, tamen ei honorem hunc abrogauerat, questumque ea de re Romam legatos miserat. Cum & Pius factum tueretur suum, & Cosmus ea appellatione nequaquam respectu Cæsaris abstineret, de ea sedanda & componenda controuersia

Magni
Ducis ap-
pellatio-
nem qua-
ratione
sibi com-
parauit
ait à Pio
Cosmus.

quæ

quæ agitata magnam flammam datura videbatur, Com-
mendono negocium est mandatum. Qui apud Maximili-
anum de Cæsaris iure atque Pontificum Max. potesta-
te deque præcidenda tam alieno tempore exorta contentio-
ne, quæ Maximiliano ipsi minimè utilis futura esset, cum
sepe accuratè disseruisset, redargutum ac lenitum Cæsarem
adduxit eò, vt, legatum ipsum rationes quærere viamque,
qua non rescisso Pij decreto suum ipsi quoque ius saluum
maneret, iusserit. Impositusque tum finis rei foret, nisi,
cuncta omittere & protinus in Poloniam magnis iti-
neribus contendere legatum, Pius iussisset, vt Augusti regis
conatibus se obijceret, quem ignobilis puellæ amore captum
occulta consilia repudiandi Catharinam coniugem (ea
Maximiliani soror erat) agitare didicerat.

CETERVM de fœdere explorauerant antè Ma-
ximiliani animum Veneti misso ad eum Iacobo So-
rantio legato, qui pertentatis Cæsaris amicorumque eius
sensibus exiguam spem Venetias retulerat: nam Cæsa-
rem, transacto tempore induciarum, quæ sibi cum Turcis
essent, tum demum, siquæ tibi à fœderatis conditiones of-
ferentur, ex ijs consilia esse habiturum, respondisse: nec
se, cum omni studio contendisset ab eo, vt promeret quas
ipse conditiones optaret, exprimere vnquam potuisse.
Nam Maximilianus, quemadmodum eo bello impensè læ-
tatus erat, & quò diuturnius esset, iungendæ societati eni-
xè fauerat, ita se ei miscere vllam in partem incertis adhuc
rebus nolebat: quippe cum corpore inualido atque imbelli
esset, tum ingenium eius haud ferme vllius magni discrimi-
nis capax, arte & consilijs, quàm arinis, certare aptius prom-
ptiusque habebatur. nec ipsi satis virium tanto gerendo bel-

Maximi-
lianus
fœdera
iungendo
alienus.

lo, nec mouendis Germanis satis auctoritatis erat, qui obiectos Turcis fines tueri, quàm proferre, malle putantur. nec præterea Venetorum constantiæ satis fidebat, verebaturque ne ab ijs in medio bello desereretur, cuius omnis inde impetus in se vnum ingrueret, vsu doctus, infirmas solutasque fœderum ac plurium societatis vires esse solere. Et Philippus, qui vnus & suppeditare ipsas vires & impellere ad conandum posse videbatur, retrahebat. Ergo fictè omnia ac simulatè agebantur. Philippi legatus palàm Maximilianum accendere, hortari, non desuturum ei regem, polliceri: secretò, ne se in præcipitem rerum suarum dimicationem daret, monere. Cæsar speciem cupientis bellum ferens alere Pij ac Venetorum spem studebat. Ad hunc ita affectum Commendonus cùm venisset, missum se, ait, à Pio non tam adhortatum eum, vt secum & cum Philippo rege ac Venetis bellum aduersus Turcas susceperet, quàm vt sciret, si capesseret impigrè arma, omnia sibi expectanda ab eo esse, quæ à parente in filium proficisci in tali re possent. Etenim si ad id, quod & Imperatoris nomen munusque & suum ipsius ac rerum suarum tempus ei imponeret, ac res ipsa perspicua atque ante oculos posita posceret, sua sponte non ferretur, ne alienas quidem adhortationes satis efficaces fore apud eum, quem tot proprij stimuli non mouerent. Pium quidem, in cogitatione imminentis Christianæ reip. à præpotente ac inter necino hoste periculi, cùm ad conciliandos inter se pro communi salute reges mutuis odijs suspicionibusque laborantes humanis consilijs destitueretur, inde ab inito Pontificatu sæpe intimis animis precatum esse Deum, vt ipse nobis viam sua sacra, suam religionem vindicandi, imma-

Commen-
doni ad
Cæsarem
oratio.

nisque

nisque belluæ vim atque impetum refringendi atque coërcendi aperiret. Haud irritas fuisse preces videri, nisi nos exitio inlittimus nostro. Tyrannum barbara vanitate atque arrogantia elatum, eundem voluptatibus vino luxuque confectum ex illo superbiæ ac luxuriæ folio vltro bello aggressum nos esse: ac, non Cyprum modò se Venetis adempturum, sed Italiæ bellum illaturum, minari. Hanc adeo mentem atque hunc illi obiectum à Deo furorem, credere Pium, vt, quod à Christianis regibus ius ratioque impetrare ad id locorum nequiuir, id aliquando necessitas exprimat, & pudor, si ab tam turpi, ebriosoque vincantur. Et id esse bellum huiusmodi, quo obrui dormientes atque in pristino languore dissidioque manentes facilè possimus: erectis animis & consociatis viribus occasionei incumbentes victoriam in manibus esse habituros. Quantæ enim cunq. sint Turcarum opes, imperante ignauissimo mortalium, desidiaq. ac mollicitia fluente rege nullas profectò futuras: quin ipsæ se, vbi impulsæ fuerint, magnitudine collident ac frangent, vt naus, quæ vel egregiè viris armisque instructa si imperito gubernatori pareat, ad primum tempestatis impetum euertatur, necesse est. Atqui huius victoriæ nec fructum maiorem ad vllum peruenturum, quàm ad ipsum: nec tam exploratæ spei, communis auertendæ pestis reique Christianæ erigendæ, deesse quenquam minùs debere. Quippe ipsum & dignitate honoris omnes anteire reges, & eius maximè officij esse Christianum tueri nomen: vt, si cessaret hoc tempore Pius, partes ipsius forent suscipere publicam causam, & reliquos excitare reges atque ad gerendum pariter bellum adhortari. Non se commemoraturum inlietis parenti suo sibi que à Turcarum gente clades, ne com-

munia cum re publica familiæ suæ vulnera refricaret, ac ne assiduas quidem iniurias atque incursiones, quibus in ipsa pace ab rapacissimis atque insolentissimis barbaris quotidie carpitur. Neque enim incitandum eum esse aduersum illum hostem, à quo Vngariæ pulsus regno inducias infidelissimas quotannis grandi pecunia emere cogatur, quem ne sic quidem satis arcere paterni imperij finibus possit. Vnam Turcis opprimendi Christianos viam, singulos disunctosque aggrediendi: eandem nobis cladum causam semper fuisse. Dum enim quisque, alterius damna ad se non pertinere, existimat, omnibus simul par periculum esse contractum. scilicet præsentī ocio gaudentes, peti nos per sociorum clades, prauis excæcati studijs non sentimus. Nunquam terra simul marique à Christianis bellum cum ea gente gestum, quo eorum distineri vires potuerint: aut, quiescentibus Venetis, maritimo metu vacuos in Vngariam incuuisse, aut, compositis Vngariæ rebus, tutosque ab terrestri bello impetum in Venetos auertisse. Societatis inter Pium ac Philippum Venetosque iunctæ eas facultates esse, vt, si ipse sibi rei que publicæ non defuerit, haud dubiam spem præcipiant homines, eueriti Turcarum opes, aut certe accidi atque eneruari tyrannidem posse. Classẽ CCL. lon- rum nauium fore, quantam ne hostes quidem essent habi- turi: ad hoc LM. peditum, quinque equitum: vnde, si ipse adiunctis Germanis paulum modò connixus impressio- nem in Vngariam fecisset, vnica profectò expeditione non modò recepturum regnum vnde pater ipseque exacti essent, sed hostes imparatos immunitosque in Thraciam vsque summoturum, atque Byzantio ipsi terrorem iniecturum. Non Pium sociosque, non denique vllum regum princi-

pumæ Christianorum hæc conanti defuturum. Ne Polonos quidem, inelytam bello nationem atque equitatu polentem, quicquam dubitatuos, quin Pontifice. Max. auctore, Cælare duce in communem causam descenderent; quibus adiunctis, non fugere eum, quanta accessio virium futura esset. ut si hanc vnam oblatam diuinitus occasionem elabi cunctatione aut socordia nostra pariamur, tum astimare sit, iratum Deum mentem nobis consiliumque eripuisse.

HAEC sæpe agentem Commendonum Maximilianus cum assensu audiebat: sed, cum animus ad conandum deesset, aliquot diebus deliberando extractis, responsum in hanc sententiam scriptum tradit: Vinci Turcas, nemini aut opatius aut utilius esse quam vni sibi, qui pestem illam lateri suo adhærentem habeat; sed infensio animis, & adiuuare pium bellum armisque vrgere perennem hostem cupienti inducias cum tyranno manere, quarum cum tempus non exisset, fide se ac iurisiurandi religione obligatum teneri. Ad id, cum maximè omnium periculo obiectus esset, ne in se temerè bellum irritaret, expectandum esse sibi, quid rex Poloniæ, quid ceteri principes de eodem bello statuerent. Præposteram verò consilij viam ingressum, dicere Commendonus: nam vtros tandem incitare alios ac præire exemplo debere? qui perpetuis vexatus iniurijs propè faucibus hostis premeretur, an qui longè terrarum ab eo disiti nullo præsentis discrimine vgerentur? Non ipsi aliorum expectanda de publico bello consilia decretaue esse, sed suam alijs auctoritatem quam sequantur præferendam: & qui cæteros reges honore præfulgeat, eum ducem & rei & consilij, non comitem esse oportere.

Maximilianus Cæsaris responsum.

Commendonus subiectio.

re. Quem, si ipse cunctetur, aut hunc ardorem ad reliquos
ciendos habiturum, aut, si maximè habeat, tanti apud sua
sponte retractantes futurum? An ab seipso Pij verbis cum
Polonis alijsue populis agente non idem omnes illico
quæsituros, Quid Cæsar? quæ consilia, quos apparatus
belli habet? quibus si, secuturum eum aliorum conatus,
narret, iam nunc intelligi posse, quid spei esset relaturus.
Sed quid aliorum, quiescente eo, inanes spes agitet? Ipsos
Venetos, ubi scripta eius hæc responsa legerint, ubi irri-
ta promissa accendentis nuper eos ad arma esse, ubi cum
integrali & omnes vires in vnum nauale bellum conferente
hoste sibi certamen fore, senserint; falli eum, si eadem
constantia perseueraturos in bello, qua initum est ab ijs,
putet. Succumbent dimicationi, cui, nisi terrestris ipse ab
Vngaria hostis accedat, pares esse diu non possunt. Proin-
de, si vndeque concedi Turcis tradique victoriam ante
bellum placeret, atque illud tædus dissolui, quo nunc vno
veluti obiecto clypeo tegi viderentur; pergeret his responsis
non solum se fractum infirmumque fateri, sed aliorum
quoque deterrere ac debilitare animos. Nam, de inducia-
rum fide quod prætexuerit, superuacaneum esse refellere:
ipsum enim sæpe apud se questum, sæpe in Germanorum
consilij professum esse, sibi induciarum nomen cum Tur-
cis, re continens bellum manere. Et barbaris non vllò Dei
metu, sed libidine animi stare fidem, & pacis iura ab his
non incursionibus modò in suum regnum, sed oppidorum
expugnationibus quotidie violari ac proteri. Itaque vide-
ret, ne, in quo vniuersa proditur ac deseritur religio, in eo
Cæsarem nimis religiosum esse, Christiani populi prædica-
rent. se quidem, quòd officij atque fidei suæ sit, non vltra

dilatatu-

dilataturum quin Pontificem de omnibus rebus faciat certior: quam ea in partem & Pij ipsius & maximè Venetorum animos motura sint, ipsum pro sua prudentia cogitare debere. Hæc ab se liberius vt agantur, & suam fidem & magnitudinem rei & suum quoque vetustum in Cæsarem ipsum studium cogere: orare eum, vt æquo animo & acciperet, & reputaret: quippe occasio vbi præterierit, seram pœnitentiam fore.

HIS percussus sermonibus Maximilianus, verens ne hæc Romam Venetiasque nunciata, quod facturum extemplo Commendonum videbat, vehementer consilia belli ardoremq. restinguerent, spatium nouæ deliberationi anxius postulat: in qua adeo ancipiti cura tortus & distractus est (cùm neque implicari graui & periculoso bello vellet, neque recusando societatem dissoluere, neque viam elabendi, vndique vrgente atque instante legato, cerne-
ret) vt sequenti die vixdum orta luce ad Commendonum epistolam manu sua scriptam, anxij ac perplexi animi indicem, miserit; quam nos ipsi tum legimus: & quò magis perspicuè omnia pateant, exemplum eius subscribere placuit: Maximilianus Cæsar Commendono Cardinali. In-
somnia hanc noctem ab hesterno sermone egi: ita multa animum distinuere ac sollicitum habuere meum. summa enim res est, neque ad me solum sed ad vniuersam rem publicam pertinens, de qua deliberamus. Ad extremum adiutus cælesti ope videor mihi id cepisse consilij, quod tibi, vt spero, & Pio facile probabitur. Sed abs te per amicitiam peto, vt Romam certi nihil scribas antequam col-
cuti vnâ fuerimus, quod dabo operam vt ante biduum fiat: interea paruum hanc responso moram molestè ne feras.

Maximi-
liani epi-
stola ad
Commē-
donum.

Maximi-
liani de-
liberatio

Rurſus di-
ſceptatio
cū Com-
mendōno.

Triduo igitur in ea conſultatione conſumpto, ad extremum accito legato, futurum ſe in Pontificis Max. poteſtate, reſpondit. Ceterum, nequa vis ab repentino hoſte in ſe ingrueret, & iuuari ſe ſociorum ope æquum eſſe, &, quorum auxiliorum fiducia in tanti diſcrimen belli deſcenderet, exploratum ſibi cognitumque prius eſſe debere, quàm conſilia emanarent. Edendum igitur Pio ſocijsque eſſe, quas ad ſe copias peditum equitumque in id bellum miſſuri eſſent. Commendonus, facturos verò ſocios vt valida ei auxilia mittant, confirmavit: ſed, ea definire, illius, dixit, eſſe qui poſtularet. Negante Maximiliano & in eo perſtante, vt ſocij, quæ ſibi auxilia daturi eſſent, priores ederent; At ſic quidem in eaſdem reuolueris ſuſpiciones, inquit Commendonus, quas nouo decreto vitare voluiſti: cui enim non appareat, moram ac dilationem quaeri, vt ſi res ad ſocios reiſciatur, cum è tam diſtantibus locis conſulendi ſint, tempus gerendarum rerum antè elabatur, quàm eorum voluntates cognosci, nedum inter eos conuenire poſſit? qui, ſi, quod tribui tibi æquum cenſes, ſimpliciter prompſeris, ſine reculatione omnia ſis impetraturus. Quæ enim cupias quæuè opus habeas, & vnus proſecto optimè noſti, & ea, verius eſt, à te ipſo dici quàm iudicari ab alijs. Cum diu contendiſſet Maximilianus, demum Commendon oratione victus ceſſit, ac ſi XXM. peditum, quatuor equitum ſibi à fœderatis mitterentur, quorum pars dimidia Germanorum eſſet, his auxilijs, copijs quas ipſe eſſet effecturus additis, acre ſe bellum in Vngaria Turcis facturum, dixit.

HOC expugnato reſponſo Commendon uſcùm omnia, vt acta erant, cum cura ad Pium perſcripſiſſet,

certo

certo homine qui celeriter literas Romam perferret misso , ipse in Poloniam non tam ad sollicitandum ad idem bellum regem , quàm à præcipiti cupiditate repudiandæ vxoris reuocandum protinus abiit . Eò cùm hieme summa superatis per Morauiam atque Silesiam niuibz venisset , regem vulgaris scorti amore implicitum , corpore ægrum , animo prauis inuolutum cupiditatibus ac minimè belli consilij opportunum inuenit . Cæterùm de diuortio quod clàm coquebat , dissimulare , ac rem in legati discessum differre statuerat . Sed Commendonum per amicos (mirè enim ab illa gente & publicè & priuatim colebatur) cuncta explorantem nihil , quod agigaretur , fugiebat . Castigato atque apta oratione correpto rege , qui coniugium , rem inter Christianos sanctissimam , qui sacratarum legum veneranda iura dissoluere ac rescindere posse speraret , quod præter insignem labem , quam nomini suo aspergeret , ne sine magno quidem motu rerum effecturus fuisset , rem in præsentia discusserat , exorituram iterum , nisi reginæ mors illis ipsi renuntiata diebus omnem iam mentionem eius oppressisset . Ea ab viri dissidio cum remota geniali lecto sepositaque neglectui diu fuisset , per speciem visendi suos egressa regno Lintij in fraternæ ditionis oppido iniuriæ dolore , cuius nemo ultor extiterat , periit . Rex de belli societate appellatus rem ad gentis concilium , quod indictum Varsouiam tum maxime cogeatur , reiecit , suorum sententijs à quo ipse abhorreret excusaturus . Sed fortè Valachi , gens finitima Poloniæ , ac Turcarum vectigalis , expulso per seditionem Bogdano rege , alteri e popularibus suis Turcarum gratia atq; armis subnixo regnum detulerant : & Poloni restituere Bogdanum conati Turcas offendere . Ea res metum

Augustus
Poloniæ
rex di-
uortio
audet.

Corripitur
a Commendon.

Reginæ
obitus .

Valachi
Bogdanum
regem ex-
pellunt.

iniecerat

iniecerat regi Turcici belli, cui decernendo paratam in senatu factionem sentiebat. Nam plerique Principum Commendoni familiaritate & beneuolentia illigati postulatis eius enixè fauebant, & ipsi occasionem augendæ potentæ ex bello quærentes. Rem commodè procedentem regis moribus ingrauescens interpellauit, in id vnum ab reliquis rebus auerlis omnium curis, quòd neque regi liberi, nec regiæ stirpis, qui succederet, erat: & ipso Commendono vehementer ei cogitationi intento ac sollicito, ne hæretici, audax genus ac facinorosum, quorum & in senatu & apud multitudinem haud negligendæ opes erant, ad regnum corporis sui aliquem, quod ingentibus studijs senserat agi, pertruderent. Sine vllò operæpretio sua sponte soluto concilio rex Varsouia Chiniscinum in Lithuania fines est profectus. Ibi cùm amore perditus nec intemperantiæ modum sibi faceret, & curationi suæ, alijs summotis, sagam animum salutem cantionibus ac beneficijs pollicentem adhibuisset, paucis diebus morbo intabuit. Mortuo rege accensì ingenti certamine procerum animi, non spe potiundi regni (nullius enim ita opes eminebant) sed contentione trahendi ad se quisque gratiam delati honoris. Cum extractum in annum interregnum esset, postremò comitijs apud Varsouiam habitis Henricum regis Galliaë fratrem, deiectis quos hæretici multa ambitione arteque producebant, regem crearunt. Atque hæ res Commendonium in Polonia tenuerunt.

Regis miseramors

Henricus
regis Gal
liæ fra-
ter, re-
gno Polo-
niæ succe-
dit.

INTEREA dum Christiani iungendis fœderibus altercandoque de singulis tempus terunt, Turcæ ingenti confecta classe Venetorum insulas orasque immaniter vastabant. Incunte Aprili Halyus cum LXXX. nauibus By-

zantio

zantio egressus supplementum militum ad exercitum in
Cyprum deportavit: relictoque ibi Arpagmato cum XXX.
triremibus ac multis nauigijs, qui Mustaphæ rem ad Fama-
gustam gerenti, quò vsus posceret, præstò esset, ipse cum
reliquis nauibus Rhodum atque inde prateruectus Cretam
in Eubœam redijt: huic nunc insulæ Nigroponti est no-
men. Ibi cum tota classe è Byzantio Pertaus aderat: is Pia-
leio ad nauale imperium successerat. Pialeium ipsùm rex
Byzantiij retinuerat siue iratus ei, quòd superiore anno oc-
casionem profligandæ Christianæ classis vti nesciuiſſet, siue
filix indulgens, viri desiderium nimis fracto animo mulie-
brique ferenti. Venerant ad classem ijsdem diebus duo no-
biles archipiratæ Vlucialis & Caracossa, vterque Italus ge-
nere, is in Piceno, illè in Calabria natus. Vterque seruitu-
tem apud Turcas seruiuerat, exque ea, ciuratis Christia-
nis factis, in libertatem asciti audacia atque industria ad
magnas sese opes extulerant; vt Vlucialis in Africa procu-
rationem regni Algerij concessu Turcarum obtineret. Is
naues longas nouem, minora nauigia tredecim, Caracos-
sa XL. naues ferè biremes adduxit: ac magno vterque in
honore ab Halijo & Pertao ob virtutem habebatur. Erat
omnis Turcica classis CCC. nauium, quarum CC. longæ,
C. minoris generis erant. Cum hac classe Eubœa protecti
Tinem Venetorum paruam insulam ex itinere depopula-
ti sunt: adoriri oppidum aut operæpretium non rati, aut
non ausi discessere. Nam & in colle edito atque ascensu
arduo situm erat, & Paruta Venetus præfectus armatos in
mœnibus cum fiducia virium hostibus ostentauerat. Tine
Cretam dirigere cursum Pertaus iussit: noctu ad insulam,
ne videri à speculantibus longè posset, accessit, ac repen-

Pertaus
Pialeio
successit.

Vlucialis
& Cara-
cossa pi-
ratæ.

Turcicæ
classis
summa.

Sudæ Per-
caus in-
cendit.

tinus Sudæ portum per amplum & in multos ac tutos cur-
uatum sinus intrauit. Ibi expositi milites capto oppido
flammâs iniecere; progressique longius, magno agrestium
numero oppresso, aliquot vicos incendere. Effusè ferro
atque igne grassantium impetum Lucas Michaelius Caneæ
magistratus cum octingentis militibus Corsis, qui cum lu-
stiniano nobili Ianuensi eorum præfecto commodum Ca-
neam appulerant, addita oppidanorum manu obuiam
egressus repressit.

Res à
Turcis in
Creta-
ge.

VLVCIALIS inde cum L. triremibus latus insulæ,
quod Aquilonem aspicit, circumire ac tectis ignes,
populationem agris inferre iussus: illum imperata impi-
gre facientem etiam fortuna iuuit. Erat Rhetimus fre-
quens nec ignobile oppidum, sed intuitum atque oppor-
tunum inuadentibus, neque mœnibus firmum æque mili-
te munitum. Itaque ad famam stantis ad Eubœam hostium
classis commoti Barocius ac Hieronymi Iustinianus &
Sagredus Veneti magistratus à Marino Caballo legato
summis precibus postularunt, vt I.D. saltem milites mitteret
ad se, qui urbem à repentino exscensu hostium tuta-
rentur, metuque perterritos Rhetimatium animos eo sub-
sidio sustentarent. Quibus negatis, quòd Caballus tanto
impendente discrimine minui Candia præsidium, quæ
caput rerum erat, nolebat; tantus terror oppidanos inces-
sit, vt, cum pauentes ad singulos nuncios sollicitum il-
lud omne tempus egissent, ad primos appulsæ ad Sudam
Turcicæ classis rumores omnis se ciuitas, nequicquam re-
tinentibus magistratibus, in fugam effuderit tanto pauore
atque tumultu, sine vlla cura suarum rerum, corpora tan-
tum sua liberorumque ac coniugum à seruitute ac cæde

Rhetima-
tium ini-
gnis pa-
uor.

cripere

er pere properantes, in montes se ac loca tuta proripuerunt. Quos ad extremum ipsi quoque magistratus publica pecunia tabulisque ab atis, & magno calati argenti pondere, quod est priuatorum adibus raptim comportari iusserant, in profundum inmerso puteum, secuti, oppidum deseruerunt. Vlcialis igitur cum exultis late agris per inopem ac miseram rusticæ suppellectilis, ac vilium mancipiorum prædam peruasisset Rhetinum non tam tentandi oppidi, si paratos modò ad defensionem vidisset, quam iniiciendi terroris causa, vacuum hominibus repertum diripuit, prædaque ingenti ac magni precij ditato milite, oppidum omnibus fortunis exhaustum incendit & diruit. Ferunt, barbarum effusum in risum & Christianorum ignauitæ illudentem, anum, quam vnâ in deserto oppido inuenit, conseruatam ac suis donata rebus reddere ab se gratias, iussisse, Rhetimatibus pro tam opimis muneribus sibi relictis. atque inde onustis præda nauibus ad classem redijt.

EA populatio, & Rhetimi indignum excidium agrestes & montanos homines, antè obtribata & exactos acerbius remiges alienatos, & tum ex Cretæ cladibus perditas Venerorum res interpretantes, ad spem nouarum rerum conciuir: ac, si Turcæ paulò diutius in insula morati essent, vt ad externum terrorem intestina quoque fraus accederet, listi Cretensis res non posse videbatur. Saluti fuit maturus hostium ab insula discessus. Erumpentem eam defectionem nobilis iuuenis, pulsato per lasciuia ac licentiam eorum sacerdote, accelerauit. Arreptis veluti in vltionem contumeliæ armis, concursu vndique ex agris facto, non solum ipsum iniuriæ auctorem occiderunt, sed

Vlcialia
diripit
Rhetima
tum in
uic.

Agrestis
sea con
secutiq.
supplicia

fratres parentesque eius immaniter trucidarunt, domumque in scelere cumulum diripuerunt: atque eo incitati facinore nobilium cædem faciunt, fortunasque eorum velut iusto raptas bello inter se diuidunt. Literas inde ad Pertaum scribunt, seque in eius fidem dedunt. Missus qui literas ferret classem ad Sudam non inuenit; quo renunciato, percussis omnibus metu suppliciorum, plerique domum dilabuntur: alij ad legatum mittunt fidem in lex menses purgandis criminibus petentes. Caballus quantò magis eum motum timuerat, tantò promptius ultro venientibus ad se cuncta concessit. Verùm, cùm insula excessisset hostis, misso in ea loca Petro Auogaro cum mille peditibus, adiuuante Matthæo Calergio nobili Cretensi, quem magna amicorum & clientum manus sequebatur, coacti ponere arma, quæstionibus subiecti meritis pœnas reip. dederunt. De multis supplicium sumptum, plures in naues longas ad remum damnati.

T V R C A E è Suda profecti, cùm Canæ iniecturi terrorem ad scopulum, cui Turluro est nomen, accessissent, sæua tempestate vexati tres naues amifere, nouem afflictæ littori ægre seruatae sunt. Inde relicta Creta Cerigum (Cythera hæc veteribus fuit) petiere, populatique agrum ab oppugnatione oppidi abstinuerè. E Cerigo Zacynthum Pertaus inuasit: & quia oppidani in arcem egregiè tutam sese receperant, in ædificia atque arbores sæuitum. Maxima clades vinearum fuit, cæsis latè vitibus quibus tota consita est insula. nec minor doliorum; quorum ingenti numero incenso, vbi insequentium annorum vina recondèrent, non habuere. Pertaus inde Cephaleniam traiecit, maiorem insulam & agri fecundioris: eò

præda vberior hominum pecudumque fuit. Ea vastata insula Corcyram petere classem iubet. Facturum id, antè præuiderant Aloysius Georgius & Franciscus Cornelius, qui Corcyram administrabant, atque, ad se oppugnandum venire Pertaum rati, non omnia solùm ad defensionem cum cura comparauerant, sed perceptis maturè frugibus cuncta in oppidum comportari, ac demigrari ex agris iusserant. Itaque in terram cùm exscendissent Turcæ, nulla inuenta præda, incendijs grassari: non arborem non ædificium ferro atque igne intactum reliquerunt. Veneti milites vt non temerè cum pluribus congregiebantur, ita palantes passim Turcas excipientes multos eorum occiderunt, aliquot etiam viuos ceperunt: ex quibus, non eo consilio Corcyram venisse Turcas, læti cognouerunt, vt oppidum præcelso atque tuto loco situm aggredierentur. Quod indicium mox ipsa res comprobauit: nam inde profectus Pertaus ad Sopotum recipiendum classem auertit. Id oppidum initio belli, vt suprà demonstratum est, Veneti non tam vi quàm metu ac fuga Turcarum ceperant, eiusque custodiam Manolio tradiderant, quo maximè auctore ea suscepta expeditio fuerat. Qui in præsidio erant Itali milites, tantæ clauis fama appulsuq. territi, pari flagitio oppidum deseruere, atque anno superiore à Turcis relictum fuerat; seq. per auersam portam præcipientes fugè mandarunt; tanto maiori cum dedecore quàm Turcæ, quòd Manolius ipse, cui præcipuum periculum ab infenso hoste impendere videbatur, cum Epirotis quos circa se habebat, fidem ad vltimum reip. præstitit, ac, donec vires suffecere, hostium impetum audacia magis quàm spe sustinuit. Postremò, superante hostium multitudine, cum oppido in Turcarum potestatem peruenit.

Al-yfij
Georgij,
& Fraci-
sci Cor-
nelij pro-
videntia.

Turcæ so-
pota re-
cipiunt.

Res in Il-
lyrico, &
Dalmatia
gestæ.

Theupuli
virtus.

Præclara
ocasio
Donatili
uiræ co-
labitur è
manibus.

IN Illyrico ac Dalmatia, ne quieta quidem acta hieme, vbi ver appetijt, omnia Turcarum excursionibus infesta erant. Et Sibiricenses, quibus longius ab oppido molendum triticum erat, ad magnam sæpe inopiam sunt redacti. Hermolaus Theupulus in illis locis cum quatuor longis nauibus stationem habebat: is, quò Sibiricensibus tutum ad molas iter præstaret, Scardonem vetustam ac propinquam urbem, vnde Turcæ in circumiectos agros Venetorum quotidie incursabant, noctu aggressus cepit, direptamque flammis iniectis euertit. Idem Theupulus diu insidiatus aliquot hostium nauigijs, cum quibus ex Narenta amne erumpentes nihil tutum in ea ora patiebantur, aliquando ea assecutus compulit in terram: vnde ad mille homines egressi in littus sclopetis armati tueri nauigia, atque arcere eminus Venetos conabantur: sed maioribus tormentis è longis nauibus petiti relictæ classe in fugam vertuntur. Theupulus exhaustas naues incendio consumpsit. Eodem tempore magnæ rei oblata facultas Venetis erat, nisi socordia eorum, qui negocium administrabant, corrupta fuisset. Occulti à Turcis nuntij ad Alexandrum Donatum Antibari præfectum venerant deducti ab Epiroris, qui miscendo colloquia cum barbaris, aliquot eorum ad voluntatem prodendi Scutaram, permunitum oppidum & caput regionis eius, perduxerunt. Ij ad Donatum de præmijs suis deque agendi negocij ordine miserant. Magnitudo rei leuem Donati animum perstrinxit. Extemplo literas ad senatum dedit, non tam auctoritatem eius aut opem quarens, quàm gloria elatus, vt se Patribus ostentaret delectum ad tam insignem laudem. Iussus communicare consilium cum Zacharia Salomonio Catari prætore, indignatus, laudis sibi so-

cium

cium dari, dum ægre senatui parens sese ut in patrato facinore immodicè iactat, rem palam facit. Ita Turcæ, oppressis proditoribus, urbem tuta custodia in potestate habuere. Sed Veneti Donati literis excitati non solum ei octingentorum militum præsidium cum Annibale Æmiliano Foriuliensi miserant, sed in spem occupandi omnem Epirum Iacobum Malatestam cum IV. M. peditum Catarum proficisci iusserunt. Id oppidum super pestilentiaæ damna omnibus belli incommodis vexatum ac propè captum ab hostibus fuerat, prodente Turcis portam, cuius custos erat, Siculo centurione: quem Salomonius, cuius vigilantia eius urbis salus debetur, re cognita strangulatum altero pede è mœnibus suspendit. Verùm res ingenti expectatione suscepta tristi Malatestæ exitu in Venetorum cladem vertit. Cum enim Turcæ vicum haud longiùs ID. passibus à Cataro repentino incursum diripuissent, inconsultæ ferocia iuuenis, & ut manu promptus ita immodicus ira, sub urbis ipsius mœnibus atque in oculis propè suis agi ac ferri res Catarensum, dedecus suum ratus; quos assequi ea die nequisset hostes, ad eos opprimendos quò se recepisse acceperat sequenti die ducit: ac, præmissa terrestri itinere militum parte, ipse cum delectis naui ad eum locum est deuectus. Conscenso edito monte pagum quidem ipsum, hostium receptaculum, nemine repugnante cepit atque abducta præda incendit, hostes ipsos non inuenit: qui cognito eius aduentu cum inde aufugissent, nuncijs dimissis undique suos è vicinis locis conciuerant: ac magna coacta manu descendentem à monte Malatestam ex superiori loco adoriuntur, saxisque quæ ingentia in subiectos deuolvebant, atque omni telorum genere abeuntes incessunt, & nec opinata pugna

Catarum
pene pro
ditione
captum.

Prodicto-
ris pœna

Audax,
& infelix
Malate-
stæ faci-
nus.

ac iniquitate loci territos in fugam conijciunt. Malatesta, dum suos retentat & conuersus in hostes sese audaciùs infert, magni lapidis ictu contracto crure decidit, & cum magna suorum cæde capitur. Quem Turcæ Constantino-
polim inde misere, nec nisi biennio pòst, petente rege Gal-
liæ, est dimissus.

Olehi-
nienium
virtus,

CETERVM ea res Epiri spem cogitataque euer-
tit: & Turcæ Scutaræ periculo ac defectione aliquot
circà populorum commoti Acòmatem, vnum purpurato-
rum, eò proficisci cum magnis copijs peditum equitumque
iussere. Is Epirotis, qui à rege defecerant & aliquandiu
Olchiniensem agrum audacter tutati erant, tandem pu-
gnando intra mœnia compulsi, exercitum ad oppugnan-
dum Olchinium admouit. Verberatis continenter per plu-
res dies muris, ac multis impressionibus ad ruinas factis,
sæpe inde cum suorum iactura est repulsus, acriter defen-
dentibus Epirotis & audacia sua & natura loci fretis, quòd
oppidum in edito colle atque vndique abrupto situm in
peninsulæ modum mari vndique alluitur, nec nisi peran-
gustum ab vna parte à terra aditum habet, quà quicquid
roboris in oppido erat hostibus obijciebatur; donec Cara-
cossa cum XIII. longis nauibus Turcicam classẽ antece-
dens eò inuectus maritimum quoque terrorem ostendit.
Tum Olchinienfes in magnum salutis suæ discrimen ad-
ducti despondere animum. & aperuissent ab illo metu
portas, nisi paulo antè Herimolaus Theupulus & Nico-
laus Sorianus Sciarram Martinengum Malatestæ successo-
rem Catarum cum ID. militum supplemento deportantes
ab eo impetrassent, vt oppidum ingrederetur. quod ille
cùm fecisset, rebus inspectis denunciavit Veneris, nisi tri-

duo,

duo, quæ ad defendendam urbem necessaria erant, conuexissent, se præsidio excessurum. Sed aduentu Pertai, qui à Soporoto protectus eò appulit classem, desperata defensione pacti, ut ciues incolumes in fidem acciperentur, militibus cum suis rebus abire liceret, oppidum Pertao tradidere. Sed hæc Turcica fide seruata sunt: nam Acomates indignatus, ad Pertaum potius quàm ad se factam esse deditionem, ingressus urbem crudeliter diripuit. Pari perfidia Pertaus milites in catenas contexit, præter Sciarram ipsum ac Hieronymum Venerium oppidi præsidem, & aliquot præterea centuriones, quos spoliatos atque exutos armis abire permisit.

Olchinio
deditur.

CA P T O Olchinio direptoque, Antibarim ducta clauis. Sita est urbs in tumulo media planitie eminente tria millia passuum longè à mari, & ipsa loco ac mœnibus valida & firmum intus præsidium habebat, & præsidio efficacius promptum atque alacre consentientium ad defensionem patriæ ciuium studium. Hæc omnia Æmiliani præfecti & maximè Donati consternata mens euerit, non auctoritate solùm, sed etiam imperio coactis ciuibz aperire victori portas. Ne Antibarenlibz quidem pactorum seruata fides à barbaro: militibus in vincula traditis, oppidanorum, quos abituros cum suis rebus (sic enim pepigerant) comperit, vxnire iussit. Iohannem Brunum Antibarensum Archiepiscopum, spectatæ religionis virum, quod eius permagnam tota Epiro gratiam auctoritatemque esse accepit, interfici iussit. Donatum ac Æmilianum, quod auctores deditionis ad se faciendæ fuerant, abire permisit. Qui veriti domi iudicium iramque ciuium, voluntario exilio, damnationi sese meritoque supplicio exemerunt. Re-

Antiba-
ris urbs
dedita
Præfectorum igna-
ua.

Buduā à
Pertaus,
diruta.

Legatum
fruita ad
Cataren-
ses Per-
taus mije-
cit.

lieto Antibari modico præsidio Pertaus profectus inde Pizanum frequens castellum solo æquauit. Pari crudelitate Buduam desertam habitatoribus diruit. flexit inde retrò classem, & Catarum tentaturus Barbatum Epirotam, quem captum Olchinij, quòd affinem suum cognouit (inde enim ipse ortus erat) in honore habuerat, præmisit, qui magistratum ad dedendam urbem hortaretur: quod si obedienter fecissent, & milites, quòd vellent, incolumes sua secum ferentes abituros, & ciuitatem liberam suis legibus vsuram: sin expectare vim mallent, denunciaret, nullam cladem victis abfuturam. Barbato frequenti militum populique concione audito responsum est à Zacharia Salomonio de reliquorum sententia, custodiam urbis sibi à senatu mandatam esse: potiùs quàm fidem deserant, vitam amissuros. Pertaus cum tota classe in sinum Catari inuectus, satis credens, Venetos Antibaresium atque Olchinensium exitu territos oppidum tradituros, vbi Barbatus nihil pacati ad spem eius retulit, ipsum negans officio syn-cera fide functum, onerari catenis iussit, classemque sub Castellonouum de Cataro consultaturus recepit. Eam oppugnationem qui in præsidio Castellonoui erant Turcæ vehementer suadebant, nec difficilem, & magni momenti esse, prædicantes. Id consilium Pertaus animo magis quàm oratione aspernabatur, cui nec satis preparati quicquam ad validam oppugnandam urbem esset, nec sibi tantum in capta gratiæ apud regem, quantum in incepto irritò offensionis fore, cerneret. causatus, quærendam tum sibi ad prælium Christianam classem esse, rem in hiemem reiecit.

D V M ibi aliquot dierum statua haberet, Vlucialis & Caracossa cum parte nauium prædas petitem

vicinas

vicinas in insulas Venetorum proficiscuntur. Curzolan, quæ prima occurrit, seruauit mirabilis casus. Antonius Balbus, qui præerat, ad primam classis famam muliebri percitus meru clàm aufugerat: & secuti eum habitatores oppidum, quod insulæ nomen habet, deseruerunt. Vxores eorum domi relictæ portas clausere; & sacerdos quidam Antonius Rosoneus nomine, qui, cum retinere ab timida fuga ciues Balbumque nequisset, in oppido permanserat, auctor ijs fuit, vt virorum ornatu armisque sumptis in muris consisterent, fore ostendens, vt illa armatorum specie procul visa hostis ab oppido tentando abstineret. Non fefellit hominis astum fortuna: & vna mulierum virilis audaciæ, cum Turcicam classem applicantem vidisset, bombardam, quæ fortè in mœnibus loco idoneo constituta erat, igne admoto in hostes explosit. vnde excussus ingenti sonitu ferreus globus in nauem illatus malum perfregit. Turcæ, fiduciam virium eam esse & firmo præsidio teneri oppidum, rati, nullo militum in terram exposito, discessere. Gratum Venetis tam felix ausum scæminarum fuit; adeo vt, cum finito bello propè vltima inopia frumenti Curzolani laborantes Venetias ad opem petendam venissent, ac senatores aliquot de suis rebus adiissent, responsum tulerint, non ita eos de patria deque rep. meritos esse: facilius impetraturos, si ab vxoribus suis legati venissent, quarum virtute incolumem patriam haberent. Turcæ Lesinam inde petunt: egressi in terram omnem insulam peruastant: oppidum vi captum ac direptum incendijs absumpsere, ac senibus & inutiles turba occisis reliquos in seruitutem abduxere. Multis inde, quæ adiissent, euastatis locis ad Perræum rediere: cui à Castellonouo profecto literæ à rege reddun-

Miro fa-
emore
Curzola
seruatur.

Antonij
Rosonei
astus.

Lesina in-
cenditur
a Turcis.

tur cum mandatis, Catarum oppugnandi. Remiſſis extem-
plo nuncijs, qui, eam expeditionem differendam in aliud
tempus, regi oſtenderent, Corcyram repetijt. Cùm ipſe
è naui exſcendiſſet in terram, VIIM. peditum, CCCC.
equites è proxima Epiro tractos expoluit: congreſſusque
cum noſtris, qui ad impediendam hoſtium exſcenſionem
temerè ex oppido decurrerant, trepidos intra mœnia com-
pulit, illatusque in ſuburbia, flammis in ædificia iniectis,
ſpeciem oppugnaturi oppidum præbuit. Sed glandium pro-
cella tormentis emicantium ab arce petitus, multis ſuorum
deſideratis, vulneratis pluribus inde ſe in tutum recepit,
ac milites ad depopulandam inſulam dimiſit. Qui cun-
cta peruagati, ſuccis omnibus arboribus quæ à priori
populatione ſupererant, paſſim incendijs ruinisque graſ-
lati nulla cum præda ad naues rediere. Tredecim in-
de dies ad Corcyram nihil agentem tenuit expectatio
nunciorum, quos ad regem miſerat, ita ſecurum de
Chriſtiana claſſe, vt propè negligentius in hoſtili terra,
quàm ſi in pacato eſſet, verſaretur; gementibus, qui, quan-
tum militum remigumque & morbis & varijs caſibus in
ſingulis nauibus deperditum eſſet, cognitum habebant; vt,
ſi Chriſtianorum claſſes opportunè coniunctæ maturaeſſent
iter, opprimi Pertaum in eo loco deprehenſum paruo ne-
gocio potuiſſe, affirmarent.

Securitas
Turcicoꝝ
claſſis ab
noſtris
claſſis
ignaua.

VENETIIS cùm ſolenni ceremonia, adhibitis
amicorum regum legatis, fœdus celebraſſent, vt
ſpes ex eo erexerat animos, & ciuitatis ſtudium ad ornan-
dum ſtrenuè bellum acuerat, ita in apparandis rebus ſum-
ma pecuniarum difficultate afficiebantur. Re ſæpe in ſena-
tu agitata, cùm, vt à ſocijs conferretur, conueniret, dux

ſenten-

sententiæ Patres distinuerant. Alij decumam, quæ in agris exigeretur, omnium rerum decernebant: alijs, pro modo agri quem quisque possideret statutum in singula iugera precium conferri, placebat. Atque hæc ad extremum accepta sententia est. Id verò Senatusconsultum ubi in continentem perlatum est, tantum motum animorum fecit, ut fremerent omnibus foris cœtibusque, & mox incitante indignatione etiam cohortarentur inter se, ne onus acciperent: cui si semel, veluti iugo, caput submisissent, nouis subinde exactionibus oppressum sese ac laceratum iri. Quem non videre, nouas quotidie corrogandæ pecuniæ, sociosque absumendi atque exliccandi exquiri & adinueniri vias? quot vectigalia instituta, quæ non erant? quid terra gigni, cuius portorium non sit? Nihil vñire, nihil verò agi iam contrahique inter homines, cuius non aliquod vectigal exigatur. Qui antè non dabantur, dare coactos remiges: eorum tantam multitudinem abductam, ut propè solitudo sit in agris: pro ipsa nunc terra, quam vix qui colant supersint, tributum esse pendendum. Id scilicet agi, ut socij exinaniti atque inopes non tollere caput, non mittere vocem audeant: cuncta patrij è publico rapta habeant. At verò conferas pro alieno dominatu pecuniam, detrahas tuo liberorumque cultui, quod non tam bello impendatur, quàm superbis dominis diuisui sit. Vixdum procedere bellum, & decreta consumendis socijs fieri; tanquam vereantur, ne expilandi tempus amittatur. Promerent ipsi prius conditos ærarijs suis thesauros, quàm ad sociorum sanguinem exsugendum properarent. Sed animus modò abnuendi sit, non defuturum consensum reliquarum ciuitatum, cui ipse quoque senatus cessurus esset. Ab his vocibus, quas recens ira subiiciebat,

Conque-
stiones
Vrbis Ve-
netis sub-
duarū de-
pendenda
pecunia.

cum

cùm, castigatis qui licentiùs locuti videbantur, à senioribus coërcita libertas fuisset, non vltra tamen processum est, quàm vt legatos pro se quæque ciuitas mitteret. Horum numero cùm plenum quotidie forum Patres cernerent, introductas singulas legationes, dicere, quid venissent, iussurunt. Varia, vt cuique ingenium erat, legatorum oratio fuit.

Legatione
ne Urbis
Venerias
ad Sena-
tum.

Alij propalam atque apertè negare, quicquam se extraordinarij atq; noui tributi collaturos, qui veteribus ægrè sufficerent: mitiùs alij tantum illam collationem sunt deprecati: omnes tamen idem denunciarunt, ei senatusconsulto audientes ciuitates non futuras. Mori magnopere Patres sunt tam præcisa, tam concordi recusatione: ingensque cura animos incessit, cùm nec bellum sine pecunia, nec pecunia sine tributo confici posset: & haud paruo initio minui dignitatem suam cernebant, si, quod semel senatus censuisset, id coacti rescindere viderentur. Diu ancipiti deliberatione anxios vicit metus, ne, si vltra tenderent, is motus aut in aliquam seditionem exardesceret, aut (quod periculosius esset, tam infidelibus circa regibus) sociorum animi penitus abalienarentur. Cùm decretum abrogassent, reuocatis in curiam legatis ex præsentì tempore reip. potiùs, quàm maiestate ita responderunt: Et antè inuitos se grauareque ad id decretum descendisse, quod oneri socijs fore, ne ipsi quidem qui facerent ignorabant: & nunc cognita ciuitatum voluntate sedulò ac libenter fecisse, vt illud idem antiquarent. Hanc ipsam facilitatem incitamentum ijs fore adiuuandi pro suis facultatibus enixè remp. & sperare senatum & meritum esse; cuius vigilantia curaque quinquagesimum iam annum illi pace latissima tutissimaque fruerentur. Quo longius à periculo, cladibusque præsentis belli abessent,

Respondit
Patrum.

quoque

quoque diutiùs in illa tranquillitate fuissent, eo æquius videri, maritimis locijs, in quos omnis tempestas belli ingrueret, studiosè largèq. ab ijs subueniri. Aut enim tradendam hostibus victoriam, & (quod dicere nefas sit) imperio immanium barbarorum parendum, aut pecuniam in stipendium militibus classibusque æquè ab omnibus conferendam esse. Nec dicto audientes sint, nisi ipsi inprimis Patres, quod socijs iniunctum volunt, idem in se priùs suosque atq; ipsam adeo urbem Venetiarum, in qua rerum regimen sit, statuerint. Cui igitur grauis vlla impensa videatur, ex qua plus, quàm pro virili parte, ipsi sibi auctores desumant? Alios Italiæ populos, vbi serua omnia atque vnus subiecta cupiditati sunt, circumspicerent: quid esse, quod ab ipsis grauissimo tempore reip. rogetur, præ acerbissimis illis exactionibus, quibus ij in media pace emunguntur? si, aut cum quo hoste aut quanta belli moles sit, reputauerint, si, quàm placido moderatoq. imperio ab ipsis habiti semper fuerint, in mentem reducerint, gratiam pro merito reip. reddituros, senatum non dubitare. Irent ergo, referrent ciuib. suis, plus in voluntate eorum animisque spei, quàm in rogatione iussuque senatum posuisse. Hoc responso delinitis ac missis legatis, datoque per ciuitates præsidibus negotio in eandem sententiam demulcendi benigno alloquio principes, haud multo pòst sine vllius querela tenuerunt, vt ex censu tributum trecentorum millium nummùm aureorum, quamdiu bellum cum Turcis maneret, quotannis penderetur.

EO motu moderatione & humanitate senatus discusso, longè maximus terror ciuitatem incessit, alijs super alijs nuncijs afferentibus, classem Turcicam Creta,

Zacyntho, Cephalleniaque peruaſtatis non ceteris modò inſulis imminere, ſed protinus territabundam Venetias ipſas peruaſuram. Patres, quanquam & ſitu vr̄bis ab omni repentina vi tuto ſatis fidebant, nec, vnde Turcæ ab ſingulis inſularum oppidis repulſi potiundæ Venetiarum vr̄bis ſpem cepiſſent, cernebant; tamen, quia morantibus Hiſpanis nulla clafſis erat quam hoſti obijcerent, nequid ſubito pauore ac tumultu detrimenti acciperetur, paratique ad omnes caſus eſſent, & in populo imbelli ac tantum quæſtui mercaturisque intento nequa fuga tumultusque ad primum conſpectum hoſtilis clafſis heret, obſepire atque communire à mari aditum vr̄bis decreuerunt. Venetias ab terra tutas ſtagnum ab omni parte circumfuſum paludeſque faciunt, quā niſi paruis admodum nauigijs adiri non poteſt, quorum eſt in vr̄be infinitus propè numerus: ab alto iter ſingulis modò nauibus patet, quæ ipſæ non curſu inuectæ, ſed antè explorato vado, quod nouum ſemper nunc hoc nunc illo loco agitati efficiunt fluctus, ſenſim inductæ fauces ingrediuntur, quas obiecta vtrinque caſtella egregio opere permunita tuentur. Adiecere in ipſo ore portus ferream ingentem catenam, quæ ab vtroque caſtello religata, ne ipſum in medio pondus in profundum traheret, pertuſis traiecta lignis quæ crebra aquis ſupernabant, continebatur. Ante oſtium tres in ſtatione galeatias à Pola, vbi reſiciebantur, adductas collocarunt; quibus vim magnam tormentorum impoſuerant: nec longè ab his ad Malamocum tres onerarias naues, quæ aditu arcerent, pari ratione ſtatuerunt. Ipſum quoque litus quod continenti iungitur, ne vſquam egreſſus in terram pateret, magnis operibus, foſſa, muro, propugnacu-

Venetias
metu Tur
eic claf
ſis com-
muniunt
Patres.

lis castellorum instar communiunt. Ea omnia tormentis ab
 naualibus eductis affatim, prout vsus erat, instruunt. Eò
 XM. peditum ex eo numero, quos oppidatim descriptos
 habent, transire iubent: eòdem equitatum grauis armaturæ
 omnem cogunt. His omnibus Iulium Sauornianum præ-
 fecerunt, accersitum paulo antè Iadera tum ad idipsum opus,
 tum vt virum peritum belli quem consulerent, vbi res posce-
 ret, penes se Patres haberent. Legatum quoque Vincentium
 Maurocenum tori negotio cum imperio præesse iusserunt,
 additis ei adiutoribus Aloysio Grimano, Alexandro Buono,
 Andrea Bernardo, Laurentio Sorantio, Marco Iustiniano,
 Francisco Michaëlio. Hæc intento studio curaque cum
 fierent, subiit cogitatio animos hominum, eòne rem Ve-
 netam recidisse, vt timere ipsimet vrbi, & tanquam de pa-
 tria non de imperio dimicandum iam esset, ita se munitio-
 nibus operibusque circumuallare cogerentur?

HI S vulgò anxios trepidosque Famagustæ amissæ
 nuncius perculit: nec, quo tot aduersis concussæ mœ-
 stæq. rebus ciuitatis opes niterentur, erat iam aliud, nisi vt
 naualis pugnæ fortunam, in quam se omnium cogitationes
 intenderant, expectarent. Nuncius de capta Famagusta, sine
 auctoribus vllis ex vano manasse rumore compertus, sicut
 suspendit potius quàm dempsit ciuitatis curam, ita veluti
 triste omen in veram mox cladem vertit; quod tradere
 nunc pergemus. Ducendi Famagustam è Creta quatuor
 naues cum militibus & commeatu negotium æstate supe-
 riori à Zanio datum erat Petro Trono: quo in ipso appa-
 ratu profectionis morte, sublato M. Ant. Quirinus ei succedere
 erat iussus. Is per desidem metum diu cunctatus cum Creta
 extrudi non posset, & iam exisset annus CIO. ID. LXX.

M. Quirinus Siëra
Famagustam magni
hostium damno
pœtrat.

rogatur M. Quirinus cognomento Stenta, vt cum delectis triremibus in Cyprum præsidio nauibus iret. Is cum Id. Ian. è Candia soluisset, decimo die secunda nauigatione in conspectu Famagustæ fuit. Erant in statione circa oppidum sex hostium triremes ad idipsum relictæ à Turcis, vt Famagustæ portum obsiderent. Quirinus longas naues ornatissimas XII ducebat: & quò Turcas longius in altum pelleret, onerarijs præmissis, imple quàm maximè potest occultus subsequitur. Turcæ simulac onerarias conspexere, ad inuadendas eas è statione euolant: sed visis procùl longis nostrorum nauibus celeriter ad terram refugiunt, seque tormentis in littore locatis tutantur. Insecutus Quirinus magnis bombardarum ictibus duas hostium triremes demersit: reliquæ beneficio noctis, cum Quirinus ad trahendas remulco in oppidum onerarias absecessisset, fuga euasere. Sequenti die egressus ad persequendas triremes, in Turcicam nauem ex his, quas illi Mahonas appellant, ab Nencurio Ciliciæ portu vestimenta ad exercitum ferentem incidit: quam non sine certamine expugnatam (trecentos enim prætorianos milites, in quem ordinem non nisi strenuissimus quisque Turcica disciplina legitur, vehēbat) Famagustam victor perduxit. Pari felicitate Gallicam nauem cepit, quam Turcæ abductam Alexandria, commeatus in Cyprum portare cōegerant. In ea cum CC. militibus Damasci præfectus erat, qui vnus parua elapsus scapha incolumis ad exercitum euasit: reliqui capti catenisque vincti remis ad mortem sunt. His actis Quirinus, neque tam præsentis ope (parum enim attulerat militum) quàm spe maiorum breui auxiliorum confirmatis Famagustanorum animis, protectus atque prospero cursu in Cretam redijt.

ET Mustapha nouis per hiemem traductis in Cyprum copijs exercitum suppleuerat, militesque labore ac vulneribus fessos ocio refecerat: & cum fama Nicosiensis prædæ, quam in omnes partes de industria dissiparat, supra LXM. voluntariorum (Acangios Turcæ vocant, qui more antiquitus tradito sine stipendio, vna rapiendi licentia militant) ad spem, capta Famagusta celebri per vicinas prouincias emporio, nouarum prædarum vndique conciuisset; principio veris ad intermissum bellum spe conatuque maiori ex hibernis mouit. Astor & Bragadinus, qui oppido præerant, cum tantum belli in ceruicibus esset, postquam hostis in hiberna abcessit, eam nacti relaxationem, mœnibus vbi opus esset sarcendis, augendisq. ac firmandis munimentis vrbis, & omnibus rebus instruendæ defensionis hiemem consumpserunt: animis ante omnia suis militumque ad vltima experienda audendaque pro fide erga Venetos, & pro gloria Christiani nominis obfirmatis. &, quod saluberrimum in tam dubijs rebus esse solet, & concordes inter se duces erant & ducibus egregiè obsequens miles. vt dubium non sit, quin defendi ac retineri id oppidum potuerit, nisi destinatis auxilijs, ignauia eorum qui curabant, obsessi frustrati essent. Quod ipse senserat Mustapha, cum ab expugnata Nicosia Famagustam accessit: contemplatus enim ex propinquo situm vrbis mœniaque ac genus munitionum, ea quidem eleuans verbis, haudquaquam Nicosiæ parem oppugnationem fore; suis pronunciauit. Ceterum animum eius tacita cura incendit, quod, quantum hæc murorum munimentis Nicosiæ cederet, tantum virtute ducum præstaret, quam ipso statim initio expertus erat. Nam tria millia militum, quæ obsidendis inter Famagustam & Nicosiam itineribus

Voluntarij milites apud Turcas Acangij

Astoria virtus.

miserat, ab Astore excepta insidijs, cæsa propè ad vnum atque deleta fuerant: atque abeuntium in hiberna Turcarum ita extremo agmini idem institit Astor, vt, suprà 10. eorum occisis, egregiam hosti fiduciam animorum ostentaret: atque opera ab ijs instituta, asportatis quæ relicta erant, destruxerit ac dissiparit; vt Mustapha, non cum Dandulo Rocasioque rem sibi futuram; intelligeret. eoque intentiori cura copias per hiemem auxerat, & omnia ad oppugnationem comparauerat, nihil actum sibi expugnatione Nicosiæ, existimans, si maritimam urbem, & loco ipso opportunam repetendæ insulæ Veneti retinuissent. Et quamquam ingentem spem animo fouebat tantarum copiarum succinctus viribus, tamen, quanta suorum eade necesse foret constare victoriam, quantumque laboris ac periculi exhauriendum ea oppugnatione, intelligens, nunquam destiterat Christianorum ad deditionem sollicitare animos nunc pollicendo vltro cuncta, quæ optare ipsi possent, nunc vltima supplicia & Nicosiæ casum intentando. Equè & minæ barbari & promissa à nostris reiecta sunt. Primo accessu ad urbem Hectorem Podocaterum & Iohannem Susominum è Cyprijs captiuus, qui suaderent obsessis, vt in Mustaphæ fidem se traderent, cupereque cum ciuitatis salutis consultum, ostenderent, in oppidum misit. Hæc quoque sprete legatio est; coacto remanere apud se Susomino, quòd munitionum operumque faciendorum peritus esset: Podocaterum, ne in coniugem filiosque, quos fidei pignus apud hostes reliquerat, barbari scirent, tristem sine responso dimisere. Et perstrinxerat animos hominum miseratio viri inter Cypriam nobilitatem nuper florentissimi. venerat enim veste seruili eaque squalore obsita rectus, aliqua

Hectoris
Podocateri
ca-
ptiuus
fuit.

quoque

quoque corporis parte nudata : barba capilloque horridus
mœstusque, vulnere etiam in capite vili fascia sordidaque
obligato : pallore macieque ita deformata specie oris, vt
vix noscicaretur ab amicis commemorantibus pristinam
viri fortunam ac principalem cultum. Mustapha redeuntem
ad se, cū, nihil sibi ab obsessis responsum esse, retulisset,
contumeliosè increpitum in conspectu exercitus, & captiuæ
coniugis liberorumque, quos barbari ad spectandam necem
patris produxerant, interfici abscisso ceruicibus capite im-
peravit. atque, omīssa spe per deditionem oppidi potiun-
di, vim atque arma expedit.

Podaca-
secus an-
ter faci-
tur.

FAMAGVSTA in ea parte sita insulæ, quæ Syriam
spectat, mari alluitur. Portum peramplum ac tutum
scopuli à paruo promontorio, quod est ad dexteram vrbis,
porrecti in pelagus efficiunt. Horum à postremo binæ
Syrtes oriuntur, quarum altera longiùs sese vltra urbem in
mare extendit; altera ad mœnia atq; arcem in ipso munitam
littore subiens, veluti de industria iacta moles sinum clau-
dit adeo angusto ore, vt vix spatium singulis nauibus relin-
quat. Huic in ipsis faucibus ab altera parte arx ita imminet,
vt naues nisi propter ipsa propugnacula intrare portum non
possint; ab altera castello ad id ipsum fabricato communitur.
Vrbs ad duo millia passuum in circuitu patet : præalta fossa,
muro quadrato ex lapide, crebris turribus vetustæ structuræ
opere cingitur, specie maiori quàm munimento aduersus
nostri seculi bombardas; quarum ictibus longè facillimè saxa
perfringuntur. Addiderant Veneti munitiones aliquot ex re-
centi vñ bellandi, prout tempus & ingenium loci patiebatur.

Famagu-
stæ situs.

MVSTAPHA, instituta ad Nicosiam ratione,
operibus alijs atque alijs claudere urbem, fossas age-

Oppugna-
tur a Tur-
cis, de-
fenditur
a nostris
Fossam
magis.

re & insinuare se ad mœnia institit. In his faciendis operibus supra XLM. hominum verlabantur: pâr numerus præsidio munientibus erat. Hoc modo cum vrbi appropinquasset, tormenta verberandis mœnibus prolata idoneis locis constituit. Veneri recentibus animis viribusque quotidie oppido ad impedienda opera hostium erumpebant, magnumque numerum eorum occidebant: auctaq; successu audacia, læpe sine ducum auctoritate pauci incompositiq; portis ad lerenda certamina egrediebantur, vt ægrè ab Astore ac Bragadino intra muros continerentur, intelligentibus, gloria maiori quàm fructu victores eos in oppidum redire, quòd neque Turcis in tanta multitudine ea iactura suorum magnopere nocebat, & in nostrorum paucitate ne singulorum quidem damna negligi poterant: donec CCC. ferme Græci oblongis clypeis gladijsque more eorum armati ad disturbandos hostes egredi ac temere in locum iniquum prouecti male à Turcis habiti, & ad L. eorum cæsis, pluribus vulneratis trepida fuga in oppidum compulsi sunt. Hic finis erumpendi fuit: & graui pœna à ducibus interdictum, nequis iniussu pugnandi causâ cum hoste extra portam exiret. Turcæ ex munitionibus, quas altiores mœnibus excitant, ferreos globos tormentis adaectos in oppidum iaculabantur, vt ne domus quidem viæque comitantibus per urbem ad suas quibusque res muniaque, nostris satis tutæ, cunctaque infesta periculo essent. Verùm, id maiori tectorum ac parietum damno quàm hominum fieri, cum animaduertissent, omnem inde oppugnationem in mœnia auerterunt. Quorum cum pars magnis quatefacta ictibus procidisset, non tamen ausi per ipsas succedere ruinas Turcæ, producendis assidue operibus ad crepidinem vsque fossæ illati

fossam

fossam ipsam implere aggrediuntur, ut inde veluti per patientem aditum integrę acies impetum in oppidum facerent. Cum super murorum stragem vim magnam terrę dies noctesque ingererent, ne ea ab obsessis pari ratione in oppidum auferretur, quod fieri cęptum erat, muro ad ipsam crepidinem pluribus locis perterebrato, inde missa maioribus sclopetis crebra plumbatarum glandium procella egredientes ad opus pugnamque incessabant nostros, multosque eorum occidebant; ut nemo paulum modò prodire extra munimenta posset, quin pluribus simul ictibus ex occulto collineantium appetitus vulneraretur. Ita, nequicquam contra pugnantibus Christianis, fossa potiti hostes eam humo repletam exæquarunt, lateraque fascibus ac magnis saccis lana refertis, ne transversis obsessorum ictibus paterent, regentes communiuerunt: ac penetrare inde in urbem tentabant. nec caruisset effectu res, nisi nostri, commento ignium lana sarmentisque incensis, hostes inde magna cum cæde expulissent.

SED barbari nulla clade suorum, nulla rerum asperitate deterriti incepto absistebant: iisdem iterum atque iterum resectis munimentis, quibus ab hostili ictu in fossa tegerentur, cuniculos fodere atque agere in urbem & eo & alijs locis instituunt. Quo intellecto obsessi, captantes auribus sonitum sub terra molientium, aduersis cuniculis occurrere hostibus satagunt. Aliquot exceptis aliquot tamen scellere: quibus Turcæ sulphureo immisso puluere atque igne admoto cum ad naualia, quā minimè obsessi sperauerant, disiectam terribili fragore turrim prostrauissent, multis oppressis militibus latè muros aperuere. Vix satis desierant ruere, cum hostes ad idipsum instructi paratique, edito

Turę
cunicu-
lis adi-
tum in
Urbem
tentant.

ingenti

Obstina-
ta Fama-
gustæ op-
pugna-
tio.

Incredi-
bilibi pro-
pugnato-
rum ro-
bur &
fortitudo

Femina-
rum vir-
tus in vr-
be tuen-
da.

ingenti clamore, per ipsam iacentis muri stragem scandentes in moenia euadunt, magno amittendæ urbis periculo, si, qui in ea parte curabant, repentina re territi paulum modò celsissent. sed illi corporibus animisque connixi impressionem hostium tantisper sustinuerunt, dum accursu ducum eò undique armatos rapientium restituta res est. Et ipse Astor cum se in mediam pugnam cum delectis intulisset, pepulit prius, mox præcipites ruinis egit hostes: qui ipsi à præfectis increpiti, quod à paucis plures semicapta vrbe arceri paterentur, quinquies frustra conatibus captis ut locum tenerent, pluribus semper cum vulneribus reiecti atque deturbati sunt. Obsesti eo admoniti casu nouum introrsus murum cum prominentibus propugnaculis, congesta ad id è priuatorum ædibus properè materia, extruunt, unde pugnare, anteriore deiecto atque amisso muro, possent. Tum iterum Turcæ cuniculo, quem ad portam quæ Imiui dicitur longè maximum suffoderant, ignem indiderunt, qui solito fragore atque impetu erumpens, data ingenti ruina cum superstantium clade militum, facilem hostibus ascensum in oppidum præbuit. nec illi cunctati sunt, sed dum hortatu hinc gloriam præmiaque spectatæ virtutis, hinc prædam prædiuitis urbis ostentantium incitati, magno impetu & clamore per stragem simul saxorum simul corporum vadunt: &, ad nostrorum distinendas vires, eodem tempore ad naualia pari conatu atque ardore moenia adoriuntur. Pugnatum utroque in loco est nunquam remisso certamine sex horas: & cum virorum fortium virtus urbem defendentium ea die insignis fuit, tum etiam fœminarum, quas supra sexus naturam audaces, non tela modò militibus ministrando, sed offerendo se periculis atque vulneribus,

saxaque

faxaque & feruentis aquæ vim in subiectos profundendo ,
 haud paruo pugnantis auxilio fuisse , constat . Præerat
 eis Imissensium Episcopus è Dominicanorum familia , qui
 sublatam pro signo Crucem gestans , quâ maximè tela
 glandesque tormentis actæ volabant , impavidus consistens
 pia aptaque oratione dimicantes accendebat . Mustapha
 magna suorum coactus clade receptui cani iussit: motusque
 numero tot prælijs interfectorum , cùm vis parum proce-
 deret , opera augere ac pluribus tormentis rem gerere &
 prosternere latius mœnia instituit . nec tamen interea vl-
 lam obsessis quietem dare : aut inuadens , quâ apertus ruina
 murus esset , aut inuasuri speciem præbens dies noctesque
 fessos fatigabat , vt , quos arinis non poterat , labore ac vi-
 gilijs conficeret . Prolatis deinde tormentis ita crebris ictibus
 verberare mœnia institit , vt vna die globos ferreos quin-
 quies mille maioribus emissos bombardis obsessi numerar-
 rint . Hac tanta tormentorum vi ac tempestate quassata
 mœnia cùm proruissent , etiam interior murus perfractus ac
 dirutus est: nec refici à Venetis poterat, quòd assidua glandiũ
 grandine ita infestus locus erat , vt magnus eorum nume-
 rus ingenti audacia ad restituendum opus propè certæ se
 morti offerentium ceciderit . Tum ipsi cuniculum sub pro-
 pugnaculo ad Imissi portam , de quo præcipua contentio-
 ne vtrinque certatum erat , perfodiunt , vt si , quod vere-
 bantur , defendi locus non posset , magna sua cum pernicie
 hostes eo potirentur .

I G I T V R Mustapha , cùm mœnia ingentibus ruinis
 multis in locis latè aperuisset , à quatuor partibus totius
 exercitus conatu urbem aggreditur . Atrox pugna obsessos
 excepit & vulneribus & vigilijs fessos , & tot prælijs attenua-

Bombar-
 darum
 tempe-
 stas quã-
 ta vno
 die .

Ingens
Turcarū
clader.

tos : sustinere tamen plures horas impetum inferentium se hostium , audaciaque maiori quàm viribus vndique à mœnibus repulere . Ceterum ad portæ propugnaculum , quod longè maior moles belli incubuerat , vbi Mustapha ipse hortator atque inspector aderat , locum Turcæ exactis è propugnaculo cum magno tumultu nostris occupauere ; mixtique Christianis in oppidum irrumpebant . Tum Astor animaduerso periculo , incendi cuniculum quem in hunc casum præparauerat , iubet : momentoque omnem Turcarum multitudinem , qui magna spe patrandæ victoriæ illò confertissimi ascenderant (ad tria millia fuisse tradunt) vis ignis absumpsit . Tanto enim impetu flamma erupit , vt , aperto disiectoque ingentibus fragminibus propugnaculo , cuncta circà hominum & saxorum strage compleuerit . Hausti eadem peste sunt ad centum ferme Christiani milites , atque in ijs aliquot notæ virtutis centuriones , qui turba cedentium impediti seriùs se in tutum receperant . Tantis affectum detrimentis Mustapham cùm obsessorum constantia virtusque de exitu rei dubitare interdum cogeret , & angeret trucem animum propè tertia pars copiarum varijs calibus absumpta , ne in nihilum sibi captæ Nicolix gloria recideret , aut etiam in inuidiam verteret apud regem , si inde irritò conatu abcessisset ; insistere acriùs capto , castigare nunc milites nunc præfectos : exprobrare ignauiam à patefacta ita vrbe , vt sub signis transcendendi vbique posset , toties repulsum : nunc spe incitare atque hortari , vt conuincerentur perrumpere , & , domita armis hostium pertinacia , laborum præmia victis extorquerent , nec paterentur trahi rem , dum nouis ad obessos aduectis auxilijs , ipsis quoque nouus de integro exudandus labor esset . Sic ac-

ensis

centis quadridui quiete data , pergit porro dispartita ex superiorum dierum instituto inter duces cura , quâ recentibus ruinis apertum patebat iter, magno tympanorum & tubarum strepitu ab omnibus partibus aggredi urbem . Ipse cum exercitus robore ad portam, quæ diruto propugnaculo opportunior oppugnationi iam erat, acerrimam impressionem dedit . Aloysius Martinengus in eo loco curabat : qui , excepto hostium impetu , summa vi in arcto obsistens strenuè locum est tutatus . Sed , instante Mustapha & maiori conatu redintegrante certamen, grauitur laborari est coëptum. Tum Astor cum virorum cuneo porta ingenti tumultu erumpens, perfractis hostium ordinibus ac magna edita cæde, illos terga dare atque in turpem verti fugam coëgit. Inde, quod ipse vi ex signiferi Turcæ manu eripuerat , præ se signum ferens in urbem rediit . Eadem alijs quoque locis fortuna Turcarum fuit : multis suorum desideratis , vndique à muris repulsi in castra rediere .

Nobilis
eruptio
ex Urbe.

CVM tam sæua oppugnatione, quæ sæpe dies noctesque nunquam intermissa continuabatur, Fama-gusta vrgeretur, tamen sustinebant adhuc oblessi vim barbarorum, ad omnia consilio atque audacia occurrentes : varijsque conatibus hostium varia ipsi arte ac vi obuiam ibant. Hieronymus Magius ab Anglario Hetruriæ oppido, erat bellicis operibus machinisque inueniendis solerti ingenio vir . Is cuniculis, ignibus vario artificio conflatiss, nouisque quotidie inuentis magna hostibus detrimenta attulit : & duodeuiginti muralia tormenta certis è muro petita ictibus diffracto ore corruptit : & magnos sæpe conatus eorum ac multorum dierum labores paruo ipse momento elusit . Astor & Bragadinus & Theupulus cum præfectis suam cuique mœ-

Hierony-
mus Ma-
gius arti-
fex ma-
chinarum.

Q

nium

nium partem defendendam assignassent, ipsi omnibus locis hortando imperandoque, quæ in rem essent & ubi res posceret, quæ plurimus labor periculumque vrgebat, sese hostibus obijciendo, aderant. Et, ne villo tempore ab statione atque custodia mœnium abessent, translatis in ipsas turres domicilijs ibi cibum ibi somnum capiebant. Præfidiarijs, villo metu aut periculo cedere loco aut commissum munus non impigrè exequi, pro ingenti flagitio erat. adeo non tam conseruandi vitam, quàm honestè mortem oppetendi legem sibi quisque indixisse videbatur. Ab his animis saepe pro muro sua pectora bombardarum ictibus opposuerunt: nec, qui ante se steterat, exanimatus terrebat proximum quò minùs eundem continuò subiret locum. Ne oppidanorum quidem studium atque opera in illo discrimine patriæ desiderata. Iuuentus armata haud segniter in mœnibus prælijsque versari: alij alia obire munera: non pueri, non senes, non fœminæ expertes laboris bellicue erant. pars, quod vsus posceret, ad opera ferre, pars ducibus militibusque, siquid iubendum petendumq. ex oppido foret, præstò esse. Cibus militi vinumque, ne vlla decedendi ab statione necessitas esset, matronæ ducentibus sacerdotibus afferebant, gratuitòque de publico præbebatur, conferentibus ad id libenter in medium omnibus, quod cuique priuatim domi esset. Ad illud quoque est itum ne pecunia in stipendium deesset, ut æs certi ponderis cum reip. signo cuderetur, quod deinde finito bello argenteum Veneti præstarent. Ut pro non dubio habitum fuerit, hac fide & alacritate Græcorum, hac militum virtute, & consilio constantiaq. ducum, hoc omnium non tam salutis tuendæ, quàm vitæ cum laude profundendæ consensu atque ardore, quo qua-

Pecunia
necessa-
ria quo-
modo sup-
pleta.

tuor ipsos menses, occisis LM. hostium propè continentem oppugnationem sustinuerunt, defendi oppidum magna cum clade atque ignominia Turcarum potuisse, nisi à Venetis in ferenda ope cessatum esset.

INITIO inde anni, Bragadini atque Astoris rogatu, elapsus noctu inter hostilium navium custodias Hieronymus Ragazonius Famagustæ Episcopus in Cretam atque inde Venetias venit, peculiari cura senatum ad consulendum ciuitati excitaturus: nec destitit ipse assiduis precibus fatigare Patres. Sed iam literæ quoque à Bragadino atque Astore afferebantur, quæ, in quanto discrimine res esset, docebant, nec sine nouo commeatus ac militum subsidio sustineri diu vim posse, nunciabant. Et Bragadinus desperabundus, desertum se ac destitutum, placatè ac modicè querens quàm adolescentulos filios senatui commendabat, quàm pueros ipsos ardentibus patria pietate literis solabatur, monebatque, vt, paternæ & in Deum & in patriam fidei & constantiæ exemplo, secundum Dei maiestatem remp. colerent: nullum laborem, nullum periculum esse vnquam tantum putarent, quod à senatu iniunctum non animo libenti fortique subirent. Hæ literæ multis cum lacrymis à cognatis Bragadini & in senatu recitatæ & primoribus Patrum sæpe lectæ sunt. Sed, fletu ambientibus Patres Bragadini necessarijs, qui plus miserationis quàm studij mouebant, longè acerrimè Geneura Saluiata Astoris vxor & suo pte ingenio vehemens, & efferata dolore ac periculo viri propè accusatorio spiritu vrgebat nunc segnitiam increpans, nunc exprobrans, fore posthac neminem qui se pro eorum rep. periculo obijceret, si vir ea virtute, ea fide, ijs in Venetum nomen meritis desertus ac proditus ab ijs esset. Atque hæc

Hier. Ragazonius
Venetias
clā adit.

Bragadi-
ni literæ
ad Rios.

Geneuræ
Saluiatæ
pro viro
ardori &
animus.

in senatu, hæc apud singulos principum quotidie ingerens coëgit magistratus de eo ad senatum referre. Cum, consultantibus Patribus nec facili rem expedientibus, quod quicquid militum ubique esset in classem ad spem naualis fortunæ imposuerant, & ne, quem mitterent, quidem satis constaret, nemine se in tam evidens discrimen offerre audente; Geneura, ut erat non virilis modò sed etiam militaris animi mulier, ipsam se cum subsidio ituram profitetur: nec spernerent sexum, cui periculi capax pro salute viri animus esset. Impatiens deinde moræ ac nimis lentæ consultationis Perusiam, ubi natus Astor è principe familia erat, centuriones ad scribendos milites, clientesque & amicos cogendos mittit, priuato consilio sumptuque, si senatus cunctetur, protinus ad ferendam viro opem itura. Senatus frustra lenire Geneuræ impetum conatus cessit tandem impotenti studio eius, ac septingentos milites, qui maximè ad classem mittebantur, cum Honorio Scotto præfecto deportandos Famagustam destinat. Duas ad id onerarias armari ornariq. iubet, impositisq. commeatibus omnis generis, Nicolao Donato ducendas tradit, monito, ut cautè atque exploratè nauiget: Cretam priùs adeat atq; ibi de hostium classe percunctetur. Geneuræ haud minus negocij in extrudendo Venetijs Donato, quàm in subsidio impetrando fuit; ita remisit ac tardè omnia administrata sunt. Itaque id quod accidit verita, conscendere ipsa vnà, perferreque opem viro cupiens senatus auctoritate retenta est. Haud celerius iter quàm profectio Donati fuit. peruenisset tamen, seruassetque urbem solà fama aduentus noui præsidij, si aut non adire Cretam, aut exterius insulæ latus tenere (quod & expeditius & à metu hostilis classis tutius iter erat) elegeret. Sed, cum ille interiora in-

Nicolaus
Donatus
eū sub-
sidio Fama-
gustā mī-
titur.

sulæ

ſula legens Candiam urbem petiſſet, quò certius cuncta de Venetis magiſtratibus præſectisque, qui tum ibi cum parte classiſ erant; exploraret, diu in Creta per alias atque alias cauſas à Marino Caballo retentus rem omiſit: cuius rei culpa nec omnis in Donato nec nulla fuit. Caballi priùs cupiditatem, deinde M. Quirini contumacem animum obſtiſſe memorant: Caballo nauium commeatui inhiantē, Quirino irato ſenatui, à quo ſibi parum gratiæ pro ſuperiore præſidio deducto atque in urbem illato habitum, indignabatur. Quare cùm à Venetis nauarchis, ne, deſertam perire Fama-guſtam, in qua retinenda propè ſumma totius belli vertetur, totque vnà inſignes virtute & fide erga remp. viros, ſineret, inchoatamque gloriam ſuam ſimul perficeret, ſimul datam obſeſſis fidem exſolueret, rogaretur; Sentiant, inquit, Patres, nonnihil & in nobis momenti eſſe: & diſcant, aliquid etiam militiæ laboribus & clafſicis viris tribuere, non omnia vrbanæ ambitioni indulgere. Sunt qui, Quirinum ex magna inopia ditatum eo bello, ſegniorem ad pericula factum, ferant, & frui partis opibus quàm eas nouis decorare meritis maluiſſe. Dum his deliberationibus tempus terunt, literæ à Venerio, Quirino redduntur, quibus in Siciliam ad ſe venire. omiſſis omnibus alijs rebus iubebatur. Ita iuſtam naſtus cauſam è Creta diſceſſit, Donato ſine ſpe perducendi auxilij relicto. Sed obſeſſis ferro, igne, operibus alijs ſuper alijs terra marique, nullo laboris laxamento oppugnatis (nam & naues nunc tormentis eminus rem gerentes, nunc ſubeuntes ad mœnia terrorem ab ea quoque parte admoueabant) diu pro ipſa re ſpes promiſſi auxilij fuit, ad vltimaque toleranda obſirmauit.

Quirinus
ſenatus
iratur.

Obsessorū
rū postre-
mū mis-
eris.

Oppida-
norū de
tradenda
Famagu-
sta ad
Bragadi-
num ora-
tio.

PRODVCTA in quantum mensem obsidione, ex-
hausti iam cædibus tam frequentium præliorum (ita
ut è IVM. Itolorum ad octingentos redacti essent) vulneri-
bus, vigilijs, & diurno nocturnoque labore confecti non
tamen antè animos despondere, quàm consumpro omni
bellico apparatu ne pulvis quidem ad explodendas bom-
bardas superesset. Huic malo fames quoque, cibarijs om-
nibus ablumptis, accesserat: eòque inopiæ ventum erat, ut
plures dies iumentis asinisque, deinde etiam canibus ac fe-
libus alijsque immundis animalibus vitam sustentarint. Iam
neque vis hostium à paucis labore ac fame enectis, nec fa-
mes ipsa vltra tolerari poterat. Itaque Bragadinus atq; Astor,
qui nullam antè orationem oppidanorum de portis aperiend-
is auribus admiserant, tum demum flecti cœperunt eorum
precibus, orantium maximè Bragadinum, ut expleta ad
vltimum fide, cum arma, viri, alimenta que & spes auxilij
defecisset, nec alia salutis via, quàm tradendi per honestam
aliquam pactionem urbem, cerneretur; antequam vltimam
oblessorum necessitatem hostis sentiret, conseruaret ciui-
tatem fidelem reip. tantis experimentis cognitam: nec con-
stantiæ gloria efferri se ita sineret, ut ipsos quoque præci-
pites super Nicosiæ casum daret: infestiores habituros ho-
stem, quòd maius fidei documentum erga Venetos dedis-
sent: cogitaret, quid vi atq; armis, captis ab iratis & Chri-
stiani sanguinis avidis barbaris patiendum foret: nec diripi
atque excindi urbem, atque omnia infanda atque acerba
in se liberosque ac coniuges videri ac pati eos veller, qui
pari studio virtuteque omnibus belli calamitatibus pro Ve-
neto nomine defuncti essent. Vera dicebant: eò magis
mouere Bragadinum; cui cum Astor quoque, sæpe testans

Deum,

Deum, non ab se deditam urbem sed se traditum hostibus à senatu esse, assentiretur, de omnium sententia Cal. Aug. candido è mœnibus vexillo signum Turcis faciunt, colloqui se cum ijs velle. Facta potestate legatos eisdem obsidesque ad Mustapham mittunt Herculem Martinengum & Mathæum Colcium Famagustanum, Quibus, obuiam progressio cum equitatu Mustaphæ filio, magnificè in castra acceptis; pari iure honoreque à Bragadino atque Astore duo Turcæ legati in urbem recipiuntur.

CVM ijs re actitata demum in has condiciones facta deditio est: Famagustanis saluæ res libertasque colendi Christiano ritu Deum maneret. Præsidium omne cum armis rebusque suis militari more sub signis oppido egrederetur. Quinque muralia tormenta, quæ duces elegerant, asportandi secum ius esset: item tres nobiles equos de hostibus captos: nauigia cum triremium præsidio à Turcis præberentur ad omnes in Cretam tutò transportandos. Mustapham, vltimæ necessitatis eam esse deditiorem, non fallebat: verum ne, si pacta abnuisset, duplicaretur inde hostibus virtus in desperationem versa, multoque sanguine suorum illam superbiam lucret, conuentas cum legatis condiciones ratas habuit, dolo ac perfidia, quæ armis nequisset, supplicia è deditis moratæque diu victoriæ pœnas expetiturus. Postera die tegendæ fraudi cibaria omnis generis dono Christianis in oppidum misit. Et iam militum magna pars impositis sarcinis naues ad id à Turcis in portum adductas conscenderat. Bragadinus ad tradendam urbem egressurus, ad Mustapham præmisit qui oraret, vt diligenti imperio milites haberet, nequa irruptio in oppidum iniuriæ oppidanis fieret. Responsum benignè nun-

Deditio-
nis con-
ditiones,

cio , tempusque statutum , quo in castra Bragadinus veniret . Egressus est cum Astore ac Theupulo , comitantibus Aloylio atque Hectore Martinengis ac ferme ducibus alijs cum CC.admodum militibus sclopetarijs . Mustapha, per speciem honoris armari copias frequentesque adesse circa tentorium , imperavit . Admissi in tabernaculum benignè ac læto vultu accepti confidere iubentur . Prima oratio barbari comis percunctantis multa super bello , virtute inque & constantiam ducum extollentis fuit, & tum maximè eorum contrectantis laudes , cùm in eos crudelitatis & perfidiæ exemplum editurus esset . Abituri iam erant , cùm ille monet Bragadinum , vt Turcas , quos bello captos in oppido custodiret , mitti iuberet . Negante eo , captiuorum quicquam esse Famagustæ , barbarus præparata ira incensus exiit , impudentissimæque calumnia , necatos per induciarum tempus captiuos à Christianis , exclamans , comprehendi vincirique omnes , productosque extra tabernaculum nequicquam fidem pactorum implorantes trucidari , se inspectante incitanteque suos vt ferirent , iussit .

Perfidia
Turcarum
nostriq;
Duces
trucidati

Infanda
in Braga
dini cru
ciatum
genera.

VNVS Bragadinus, non ad spem vitæ sed ad exfatiantem immanis animi rabiem turbæ exemptus . Atque cò quidem barbari crudelitas efferbuit , vt occidere semel haud contenta , cogere sæpius mori eum expetisse visa sit . Ter elato ad feriendum gladio præbere ceruicem iussus , ter acceptæ inuictò animo morti subtractus est . Sectis inde naribus auribusque indignè fœdatum in vincula tradit . Sequentibus diebus cùm dirutos restitueret muros , effossæ terræ ingentes cophinos ferre , & , quoties spectantem Mustapham præteriret , summittere se ac terram osculo contingere cogeatur . Ad naues inde ductus variè cruciatur :

& , quò


&, quo cunctis deformitas illa spectaculo esset, diu in summa antenna religatum classi ostentauere. In forum inde iussu Mustaphæ abstracto & pedibus patibulo, pecudis in morem, appenso, viuenti pellem detraxere. In his supplicijs, non gemitu non degeneri missa voce, increpans vltro atque exprobrans feritatem perfidiamque hostibus, vir cum vitam constantia mortis clarus inuictum spiritum edidit. Pellem Mustapha sale intus acetoque conditam paleis infarsit, ac aspiciendam per omnem Syriæ Aegyptique oram ab antenna pendentem misit. Hanc finito bello Byzantij in armamentaria relatum, Bragadini filij emptam à custode Venetias abstulere: domique pro insigni familiæ decore afferuant. Mustapha, expleta præstantis viri laceratione sanguinis, Christianos milites, quos in nauibus vrbeue deprehendit, donatos vita necti remigioque in nauibus addi iussit. Hoc maximè modo Famagusta pari pertinacia defensa, oppugnataque cum reliqua insula in Turcarum potestatem peruenit.

Bragadini
barbari
necis
genus.

FINIS LIBRI TERTII.



ANTONII MARIAE
GRATIANI
ABVRGO S. SEPVLCHRI.
DE BELLO CYPRIO
LIBER QVARTVS.



ODEM tempore, quo hæc in Cypro gerebantur, Columna & Venerius in Sicilia cladum Dalmatiæ spectatores Iohannem Austrium expectabant. Et Venerius temerè cum tota classe Tropeam ad com meatus petendos profectus, sæua tempestate in terram actus septem longas naues afflictas littori amisit: vna cui Franciscus Grittus præerat, sulphur eo puluere per imperitiam incenso, conflagrauit. Quod incommodum, super tot illius anni cladibus, magnum Venetis dolorem iniecit tota tum spe & cogitatione in nauale bellum intentis. Sed Pius moræ impatiens quotidianis propè nuncijs literisq. regem regiosque incusans, qui æstatem effluere sine vlllo effectu tanti apparatus paterentur, vrgebat. Atque, huc omnium expectatione intenta, cum Hispani siue insita ingenijs cunctatione, siue prolabi rem Veneram cupientes nequaquam erectis ad bellum ho-

minum

minum studijs responderent, sermones subiere tanquam initæ parum sincere societatis. Præterierat enim iam non solum præfinitum ex fœdere tempus, quo adducere in Italiam classem debebant, sed progressa ætate nonnisi spes incertæ afferebantur. Suspicionem onerabat, quòd non nauium apparatu attineri in Hispania Iohannem Austrium intelligebant, sed quia Hispanico fastu, nonnisi multa velle ac diuite instrumento & suo & suorum exire Hispania & exteras adire gentes regium iuuenem, nolebant. Præter hæc cum Maximiliani Cæsaris maiores natu filij Rodulfus & Ernestus, quos Maria mater, vt in fratris regia instituerentur, plures annos in Hispania habuerat, traijciendi in Italiam essent, alter eorum captus febris, multos dies dum conualesceret, dum tolerare nauigationem posset, classem ad Barcinonem tenuit: indignantibus in Italia cunctis, tam paruis de rebus tantam rem publicam omitti. Demum crebris Pij nuncijs, prodi socios & Christianam rem deferi, querentis acriter castigati, Barcinone profecti secundis tempestatibus Genuam exeunte Iulio applicuerunt. Inde egrediens naui Austrius Pleghium Romam misit, qui Pium de suo aduentu faceret certiozem, &, nullam se moram ad nauigandum sibi facturum, affirmaret. Genuæ tamen aliquot dies ab Auria, qui eum hospitio acceperat, per conuiuia & voluptates detentus est. Sed, cum Ant. Theupulus Venetorum legatus ad Philippum, qui, expectare eum Genuæ ac salutatam senatus verbis orare atque obtestari vt iter maturaret, erat iussus, saepe cum eo, ne diutius hominum spes frustraretur, egisset; Germanis regulis pedibus Mediolanum profectis, ipse Genua soluit, ac, præmi'so cum parte nauium Aluaro Bazano qui cuncta in

Austrius
Genuam
applicat.

aduen-

aduentum suum prapararet, Neapolim venit: acceptoq. ibi à Granuellano Cardinale, qui in eius vrbis regniq. procuracionem mortuo nuper Parafanio Riberio successerat, vexillo quod ad eum ab Vrbe Pius miserat, Melsanam ad XVI. Cal. Sept. venit. Columna & Venerius cum tota classe obuiam progressi, commemoratis fœderum pactis & cladibus, quas à Turcica classe, quia nemo defenderit, Veneri ea ætate accepissent, vehementer eum ad bellum, maturandamque in Græciam profectionem hortantur. & præstò fuit ab Vrbe missus à Pio Paulus Odescalcus Episcopus, qui idem exigeret.

AVSTRIVS, expositis moræ suæ causis atque in necessarios belli apparatus collatis, inuectus in quorundam plenos importunæ obrectationis sermones, qui, neque sibi neque regi fortunam prælij, si occasio detur, experiundi animum esse, iactarint; cum gratias Pontifici Max. Venetisque egisset, quòd ea iudicia de se fecissent, ut ne dum quidem satis maturè ærati suæ tantum imperium commisissent, alacre promptumque ad res gerendas studium & parandæ gloriæ cupidinem ostentare conatus est. Sed in priuato eius consilio, cui præter Auriam atque Hispanos Landrianus Siciliæ præses, Sfortia S. Florè Comes, Africanus Corneus, & Glabrio Serbellonus adhibebantur, longè alia sententia agitabatur: cum Requesensius, penes quem summa rerum omnium auctoritas erat, tuta disserens, fortia ac decora consilia atque omnem pugnæ mentionem respueret, neque eandem Venetorum, ac regis rationem esse ostenderet: illis enim ab imminente periculo ac desperata pace, qua nulla tolerabili conditione ab superbis barbaris impetrare quiuissent, ex metu audaciam esse, atque vitimas

Austrig.
Consilia-
rij,

Reques-
sij de bel-
lo senten-
tia.

spes desperatione tentari: Regi procul à tali periculo & necessitate res; & victoriæ instar esse, conseruari classem: Austriumque monebat, priùs Philippi fratrem se quàm fœderatorum imperatorem esse, meminisset. Aduersus hæc tendere cùm Itali duces non auderent, quòd quæ Requesensius diceret perinde accipiebantur, ac si regis ore missa essent, quòd arcanis Philippi mandatis vnus maximè instructus putaretur; id modò disserebant, cauendum esse, ne Veneti desperata sociorum ope pacem vel seruituti iunctam ab hoste acciperent, Piusque, quod futurum apparebat, penitus à rege abalienaretur. Itaque itur eò, vt in Græciam progredierentur, speciemque belli ostentantes tempus tererent, donec reducendæ classes in hiberna essent. In hanc ludificationem cùm iam Quirinus & Canalis Veneti præfecti LX. longas naues è Creta adducentes Messanam appulissent, & Auria & quæ præterea expectabantur naues, omnes aduenissent, consilium cogitur: in quo, Venerio & Columna vehementer postulantibus, iter in Græciam atque ad hostem decernitur. Lustrantur classes: &, quia Veneti plures, Austrius pauciores, quàm ex fœdere debebant, naues adduxerant, vt loco nauium milites darent, ab Hispanis petitum impetratumque. Ita IVM. Italarum è regijs copijs in Venetorum naues distributa, prouisi & abunde commeatus, onerarijsque impositi.

OMNIBVS igitur rebus ad nauigandum comparatis, cùm antè sacrificijs & solennibus precibus Deum placassent, & se quisque diuinæ hostiæ perceptione piè ac rite procurasset, naues conscendunt: & ad XVI. Cal. Oct. leni inuitati vento è portu soluerunt, multitudine ingenti lætis ac faustis clamoribus abeuntes prosequente. Con-

R

fluxerant

aduentum suum prępararet, Neapolim venit: acceptoq. ibi à Granuellano Cardinale, qui in eius vrbis regniq. procuracionem mortuo nuper Parasanio Riberio successerat, vexillo quod ad eum ab Vrbe Pius miserat, Messanam ad XVI. Cal. Sept. venit. Columna & Venerius cum tota classe obuiam progressi, commemoratis fęderum pactis & cladibus, quas à Turcica classe, quia nemo defenderit, Veneti ea æstate accepissent, vehementer eum ad bellum, maturandamque in Gręciam profectionem hortantur. & pręstò fuit ab Vrbe missus à Pio Paulus Odescalcus Episcopus, qui idem exigeret.

AVSTRIVS, expositis morę suę causis atque in necessarios belli apparatus collatis, inuectus in quorundam plenos importunę obtrectationis sermones, qui, neque sibi neque regi fortunam pręlij, si occasio detur, experiundi animum esse, iactarint; cùm gratias Pontifici Max. Venerisque egisset, quòd ea iudicia de se fecissent, vt ne dum quidem satis maturę ætati suę tantum imperium commisissent, alacre promptumque ad res gerendas studium & parandę glorię cupidinem ostentare conatus est. Sed in priuato eius consilio, cui pręter Auriam atque Hispanos Landrianus Sicilię pręses, Sfortia S. Florę Comes, Africanus Corneus, & Glabrio Serbellonus adhibebantur, longę alia sententia agitabatur: cùm Requesensius, penes quem summa rerum omnium auctoritas erat, tuta disserens, fortia ac decora consilia atque omnem pugnæ mentionem respiceret, neque eandem Venetorum, ac regis rationem esse ostenderet: illis enim ab imminente periculo ac desperata pace, qua nulla tolerabili conditione ab superbis barbaris impetrare quiuissent, ex metu audaciam esse, atque vřtimas

Austrię
Consilia-
rij,

Reques-
ensij de bel-
lo senten-
tia.

spes desperatione tentari: Regi procul à tali periculo & necessitate res; & victoriæ instar esse, conseruari classem: Austriumque monebat, priùs Philippi fratrem se quàm fœderatorum imperatorem esse, meminisset. Aduersus hæc tendere cùm Itali duces non auderent, quòd quæ Requesensius diceret perinde accipiebantur, ac si regis ore missa essent, quòd arcanis Philippi mandatis vnus maximè instructus putaretur; id modò differebant, cauendum esse, ne Veneti desperata sociorum ope pacem vel seruituti iunctam ab hoste acciperent, Piusque, quod futurum apparebat, penitus à rege abalienaretur. Itaque itur cò, vt in Græciam progredierentur, speciemque belli ostentantes tempus tererent, donec reducendæ classēs in hiberna essent. In hanc ludificationem cùm iam Quirinus & Canalis Veneti præfecti LX. longas naues è Creta adducentes Messanam appulissent, & Auria & quæ præterea expectabantur naues, omnes aduenissent, consilium cogitur: in quo, Venerio & Columna vehementer postulantibus, iter in Græciam atque ad hostem decernitur. Lustrantur classes: &, quia Veneti plures, Austrius pauciores, quàm ex fœdere debebant, naues adduxerant, vt loco nauium milites darent, ab Hispanis petitum impetratumque. Ita IVM. Itatorum è regijs copijs in Venetorum naues distributa. prouisi & abunde commeatus, onerarijsque impositi.

OMNIBVS igitur rebus ad nauigandum comparatis, cùm antè sacrificijs & solennibus precibus Deum placassent, & se quisque diuinæ hostiæ perceptione piè ac rite procurasset, naues conscendunt: & ad XVI. Cal. Oct. leni inuitati vento è portu soluerunt, multitudine ingenti lætis ac faustis clamoribus abeuntes prosequente. Con-

R

fluxerant

Illustres
Viri, qui
nostra
classe
veheba-
tur.

fluxerant enim ad spectaculum Melsanam tota insula v-
cinisque Italiae litoribus multi mortales, cum nunquam
antea Christiani tantam classem aduersus barbaros eduxisse
memorarentur: in qua viri nobilitate & militiae honoribus
insignes vehebantur, Sfortia S. Florae Comes, Andreas Au-
ria, Ascanius Corneus, Pompeius Columna, Paulus & Lati-
nus Vrsini, Glabrio Serbellonus, Paulus Sfortia, Honora-
tus Caietanus, Vincentius Vitellius, pluresque è Neapoli-
tano regno Principes: & Veneti, Augustinus Barbaricus,
M. Quirinus, Ant. Canalis, Paulus Duodus. Hispani quoque
clari viri, Aloysius Requesensis Austrij legatus, Aluarus
Bazanus Marchio S. Crucis, Iohannes Cardona, atque alij
primae nobilitatis iuuenes. Sed facile reliquos dignitate an-
teibant Franciscus Maria Rouereus & Alexander Farnesius
Ducum Urbini atque Parme filij, & Paulus Iordanus Vrsinae
familiae princeps, atque gener idem Cosmi Magni Hetru-
riae Ducis: quibus adiunxerat Pius Michaellem Bonellum
neptis suae filium, Alexandrini Cardinalis fratrem, ut sub ta-
libus magistris pie militiae ac bellicae disciplinae rudimenta
poneret. Hi nullo in exercitu munere, ut nobili bello interef-
sent piamque rei publicae operam nauarent, egregia quisque
cum manu sponte conscenderant. Pro ipso in primis impera-
tore vota fiebant, cui quemadmodum etas vixdum pubescen-
tis formaeque & animus ad bellum alacer fauorem in vul-
gus conciliabant, ita perstringebat multorum animos in-
gens cura, tantam rerum molem ac propè totius rei publicae
salutem adolescentis tirocinio commissam, cernentium, re-
putantiumque subitos fortunae casus, ad quos promptum &
expeditum ducis ipsius consilium esse oporteat. Erant lon-
gae naues CCX. quarum singulae, praeter nauales socios

Classisro-
bur, atque
appara-
tus.

haud

haud pauciores, centum & quinquaginta milites ferebant, sclopetarios quidem omnes, sed ad rem cominus gerendam gladio hastaque armatos: onerariae magnae duodetriginta; quae etsi aequare longarum nauium cursum nequirent, quod nullo remorum impulsu, velo ventoque aguntur, tamen & ipsae militibus atque omni bellico instrumento egregie erant instructae: praepositusque his erat Caesar Aualos nobilis Neapolitanus. naues praeterea longae sex Venetorum, quas, ut supra demonstrauius, ob magnitudinem galeatias vocant; eo robore, eo armorum & tormentorum apparatu, ut munitarum arcium instar neque hostium neque maris vim ullam extimescant.

HAC classe cum Messana multa luce soluissent, quarta hora ad D. Iohannis promontorium applicuerunt, ubi, ligna, aquam, lapides qui ferrent in naues, expositis, ibi reliquum diei atque eam noctem in anchoris fuerunt. Sequenti die haud ita multum viae progressi, ante noctem item aquandi ac lignandi causa appulerunt. Idem fere alio & sequentibus aliquot diebus est factum, aegre id ferente Venerio, qui tam lentae nauigationis moram suspectam iam habens, cum ad eum Austrius misisset monitum ut aliquot dierum aquam in naues importari iuberet, quod sine quotidiana applicatione cursum tendere possent, renunciari ei iussit, XV. dierum aquam lignaque sibi in nauibus esse: quin acceleraret ipse aliquando iter: subesse enim autumnum ac propè tempus praeterisse gerendae rei, atque hostem interea superbum toro potiri mari: se quidem, Austrium pugnae & gloriae cupidum, existimare, ceterum vereri, ut idem animi sit omnibus, quos in consilio haberet. Hac liberi senis voce excitatus Austrius iter paulo, quam

antea, magis intendit. Decimo demum die aduersis sepe reiecti ventis Corcyram tenere. Aduenientes à Paulo Vrsino obuiam egresso, Turcicam classem paucis antè diebus ab Corcyra, vastata insula, discessisse, & ad XVI. Cal. Oct. ex Ambraciæ sinu egressam Naupactum petijisse, cognouere.

Hispanorum sententia de ratione belli.

CORCYRÆ triduum reficiendis ex maritima iactatione militibus expectandisque nauibus, quæ adquare reliquarum cursum nequiuierant, statiuam habuere. suppletis deinde, siqua classi dèerant, & maximè aliquot maioribus tormentis impositis, in consilium duces de summa belli coeunt. Erat cum Austrio, vt docuimus, mixtum Italorum atque Hispanorum consilium; & cum, quid tacitè cuperet rex, quàm, quid palàm consuleretur, magis penderent homines, variè, perplexè, ac minimè explicatè sententiæ à regijs dicebantur, oratione inter id quod tempori conduceret, & quod placere regi arbitrantur moderata. Hispanorum sententia longinquiorem navigationem reijciebat, dubio anni tempore tantam classem obijciendam incertis ventorum ac tempestatum, negantium: in præsentia Sopotum aut Margaritium, aut, si mallent, Castellonouum oppugnandum, quod in potestatem redactum vniuersè potiundè Epiri spes secutura elset: & cum exasperari mare cepisset, domum inde se sine periculo recepturos, ac sequenti anno coniunctis maturè classibus ad vlciscendas clades ea èstate acceptas primo ineunte vere exituros. Venerium non fallabat, tergiversari Hispanos, vt instante autumnò, mox infestum mare, afferentes, promissis tantum ostentatis, nulla gesta re, quæ venerant, in Siciliam redirent. Itaque seditionem in Creta agrestium ac propè totius gentis con-

sterna-

iterationem iactans periculumque, ne, si hostis eò classem auertisset, concussa intestino motu insula graue aliquod detrimentum acciperet, omni aliquando abrupta mora, ne Venetis quorannis sine fructu comparatio classis esset, pergendum eique ante omnia subueniendum, etiam atque etiam censebat, satis sperans, aliquam pugnandi necessitatem superbiam hostium præbituram. At Columna, etsi quò spectarent Hispani sentiret, tamen memor, eo bello fidem suam Pio quàm regi obstrictiorem esse, vtramque sententiam refellebat, & sedatum in Creta montanorum tumultum, pacatamque insulam nullam præsentem opem desiderare, dicens: nec Sopotum ac Margaritium, vt prospere euentu oppugnarentur, satis dignam rem tantis apparatibus belli atque ea classe, qua flos Italiae atque Hispaniae veheretur, esse. Ergo quamdiu Turcae in ijs locis fuerint, in Sicilia se Christianam classem continuisse: vbi illi inde abscesserint, vix Corcyra progredi ausam in castellis Epiri consecretandis hæsuram? An non ridiculo hostibus, stomacho Christianis populis spe ac expectatione in eam nunc classem intentis fore? Num ad spectandas clades incendiaque sociorum ac veluti fruendam rem oculis eò e Sicilia processisse, vt ne aspicere quidem e longinquo hostes ausi e vestigio domum refugerent? Aut quiesce Melsanae oportuit, aut aliquid pro dignitate Christiani nominis audendum esse. Famæ in bellis grauissimam esse iacturam, pro qua retinenda vel iniquam pugnae conditionem saepe subiisse clarissimos imperatores. Cui dubium, si ipsi classem inde reduxerint, nulla memorabili gesta re, quin & nostris animi decedant, & Turcae discessum ignauiae timorique vertentes, audaciores inde ex contemptu nostri fiant? Sibi igitur place-

Colling
sententia.
& oratio

re, ut, quod Pius (ad quem summam consiliorum arbitriumque
 eius belli rex Venetique maximè referri velint) proficiscen-
 tes literis nunciisque obtestatus sit, pergerent porro ire ac
 Turcicam quærere classem, pugnamque, si locus detur,
 cum hoste conferere. Quibus si se barbari pro eorum arro-
 gantia obtulerint, haud dubiam victoriam fore: quippe
 Christianos integris ac recentibus viribus cum affecta cre-
 bris ætatis eius expeditionibus classe ac varijs casibus attri-
 ta dimicatu-
 4. tauros; ac ne cum pari quidem numero nauium
 congressuros, cum omnes idem exploratores referant, Tur-
 cas securos iam de Christianis multas naues alias aliò in va-
 rios usus ab classe dimisisse. Quòd si portu aliquo inclusi
 pugnam detrectauerint, satis gloriæ factum iri expressa ho-
 sti timoris confessione, & vaniloquentia barbarorum repres-
 sa, firmatisque ad reliqua militum animis. Tum, si usus
 fuerit, oppugnatione alicuius in Peloponneso opportuna
 urbis, inuitos, ut suis opem ferant, extrahi ad prælium pos-
 se: aut, si ne sic quidem se mouerint, ipsos concessa fortuna
 vsuros, Græcisque cupientibus animos ad rebellandum fa-
 cturos. Nec quisquam sibi nunc hiemem & procellas ven-
 tosque atque autumnales tempestates & varios terrores fin-
 gat: nam nec progressum adeo annum esse, ut idoneum
 tempus ad hæc conanda non supersit: & frequentes circa
 portus ampliosque ac tutos in omnes casus esse. Hæc pro-
 palam. at secretò Austrium Hispanosque monere, vide-
 rent, ne Venetos frustrata atque elusa quotannis eorum spe
 ad præcipitia consilia agerent. Tot belli incommotis fessos,
 tot afflictos cladibus quæ Cypri ademptæ quæ nauium amif-
 sarum, super tot oppida, tantum agri ab hostibus captum,
 singulasque direptas ac vastatas insulas, nisi re aliqua iue-

Colling
 ad Au-
 strium, Hi-
 spanosque
 monita.

rinc diffidentesque confirmarint, ignominiosam quidem ipsis, sed damnosam omnibus pacem pos cum hostibus facturum. Fortes etiam ac feroces viros hæc mala perturbarent, ubi nec in se satis virium, nec spei quicquam in socijs cererent; non solum negotiatores Venetos, nullius, nisi quod ipsi in foro atque curia suffragijs per ambitionem gerunt, belli gnaros. Si commissa res prælio plus periculi Philippi rebus quam emolumenti allatura videatur: at saltem, quod tutò facere possint, speciem non abhorrentis à pugna animi ferrent. Nam Turcas quis adeo nullius esse consilij putet, ut, quam quiescendo sedendoque in manibus victoriam habeant, eam temere dent in vnus pugnae fortunam, in quam ne viribus quidem æquis nunc essent descensuri? Scilicet illi ignorant, si paulum modò sustinendo rem distulerint, has collectitias Christianorum classes continuò hinc diuersas esse abituras, liberamque sibi maris possessionem relicturas. ita fore ut & Venetos in officio retineant, nec ipsi, quod nolint, vllum ex eo discrimen subire cogantur. Maxime ea opinio, non facturos potestatem sui Turcas, mouit: nam & idem ferè primores discebant, & commodum hæc agentibus, visas LX. Turcicas naues Methonem pctentes, nuncij Zacyntho missi attulere. Quò alacrius ire decretum: & plerique ducum feroces & magniloqui in hostem, quem non visuros putabant, arma præliaque iactantes exercitum in expectationem pugnae crexere. Profecti pr. Cal. Oct. magno repellente vento portum, cui Gomeniza est nomen, intrare coacti sunt. Hic Austrius simul lustranda clausi, quod intenta cura est ab eo reliquisque factum ducibus, simul recentioribus de hoste nuncijs expectandis biduum substitit. Tertia die Gildus Andrada Hispanus, quem cum Baptista

Delibe-
ratio Du-
cum.

Con-

Contareno & Catharino Malipiero cum singulis triremibus, quibus præerant, exploratum, ubi, & quanta, & quid consilij haberet hostium classis, miserat, ad eum redijt consentanea ceteris nuncians, ad LX. hostium naues vela in Orientem, incertum quò potissimum, facientes conspectas esse: reliquas cum ducibus ignaris Christianæ classis ad Nautopactum intra sinum Corinthiacum stare: non remigem, non milites frequentes habere, ijs supplendis duces operam per ocium dare: credi, Zacynthus ad oppugnandam arcem in insula redituros. His acceptis, minus discriminis, tenentibus se intra portum Turcis, apparebat fore: eo duces sermonibus vultuque maiorem pugnae cupiditatem ferre. Et Austrius veluti occasione lætus comiter appellans Venetos dictis amicis accendebat.

IAM iter nauesque moliebantur, cum ex re parua, quod sæpe fit, tanta moles periculi exorta est, ut classes illas, columen Christianæ rei, propè inter se exitiali bello commiserit. Commodatas ab Austrio in Sicilia aliquot militum cohortes Veneti suas in naues, prout usus erat, distribuerant. Ex his Mutius quidam à Cortona ordinum ductor in Creten si triremi, cui Andreas Calergius præerat, insolenter multa ac turbulentè egerat dixeratque contemptim in ipsum præfectum. Cum benignè admonitus finem non faceret, Calergius rem ad Venerium desert querens, vix iam nauem in sua potestate esse. Venerius castigaturus hominem verbis, acciri ad se Mutium iubet: vocanti nec paruit ille nec agnoscere se imperium eius, contumaciter respondit. Vexilli custodes quos appellant extemplo ad eum comprehendendum Venerius milit. Licetorum loco hi sunt, eisque præfecti iussa exequentibus dicto audientem non esse, ex disci-

Atrox in
classe ex
minimo
periculo
coorta
seditio.

plina

plina Venetorum capitale habetur: & ita ei cum Austrio conuenerat, vt capere atque in vincula tradere, siquid commodati milites deliquissent, liceret, vltima animaduersione Austrio pro iure maioris imperij reseruata. Mutius non repulit modò ab se ministros qui ad præhendendum eum accesserant, sed adiutus à suis, armis arreptis, impetum in apparitores fecit, vnoque interfecto, aliquot vulneratis, omnes naui exegit, probris in ipsum quoque Venerium iactis. Vel moderatum ingenium accendere tam superbe despecta atque obtrita maiestas potuit. Senex certè natura vehemens ac percitus, & iræ alioqui nunquam satis potens, ita exarsit, vt, ademptum ergo sibi in suam classem ius, exclamans, Mutium ac tres præterea audaciæ eius socios vi ad se pertractos, nihil Austrio consulto, ac Paulo Sfortia qui deprecator pro tribuno suæ legionis aderat repulso, prætorix navis antennæ protinus suspendi iusserit. Id factum adeo non modicè Austrius tulit, faces iræ eius subijcientibus quos insitum in Venetos odium vrebatur, vt, confestim suorum aduocato consilio, de imminuta maiestate imperij sui vindicanda retulerit. Hic adeo atroces quidam ex occasione in Venerium Venetosque coorti sunt, vt, idem supplicium ab furioso atque importuno sene expetendum, & exempli seueritate ius supremæ præfecturæ sancendum esse, contenderint: temerariè factum, in vnum hominem æquè præcipiti temeritate & in omnium caput recasura, vlti euntes. Apparebat, Austrium talibus consilijs obnoxium fore, nisi Columna rem aliorum improbitate, aliorum inconsulta ferocia prolapsam restituisset. Is nocte media certior de tribuni pœna deque Austrij decreto factus, nihil cunctatus (neque enim moram tanti discriminis momentum ferebat)

Columna
maximo
periculo
matutè
consult.

Columnæ
ad Au-
strum pla-
cendum
oratio.

ad Austrium adit. Quo Venerij arrogantiam, se violatum ab illo, iras suppliciaque iactante, insigne etiam posteris nequis talia posthac audeat, documentum in hunc daturum, minante; Columna nihil leuare, sed aggrauare potius verbis Venerij facinus, dignumque ob stolidam arrogantiam illa animaduersione ferre: miscendo inde consilia precibus, lenire paulatim iuuenis iram: hanc consilio inimicam, improuidam cæcamque procùl à magnarum rerum consultatione habendam: & cum fidei eius ac spectatæ indoli virtutisque & rex & Christiana resp. omnes spes suas ac maius, quàm capere ætas illa possit, imperium potestatemque permiserint, non corrumpenda impetu tanta iudicia, tantam de se expectationem esse: nec quid per concitatum iracundia animum, sed cuncta rationis pensata momentis agere eum debere. Delicta in castris non, ut in foro, ex præscripti iuris formula decernenda, sed consilio moderanda imperatoris esse. Facinus supplicio vindicandum Venerium admisisse, nemo, inquit, negarit: an ergo ad id persequendum facinus ita præceps ira ipse feraris, ut nihil quæ inde secutura sint cogites? Acie decernendum tibi, Aultri, cum Venetis est, si feroces istos audias, qui, meritas pœnas à Venerio repetendas, obliti rei publicæ, obliti fidei suadent. Centum & viginti naues sunt, quæ pro duce suo nihil discernentes, iure an perperam factum, stabunt: nec tu parem numerum es habiturus. Incertus igitur & haud dubiè cruentus rei euentus erit. Sed, ut superior ipse vindicata dignitate tua euadas, lætane tibi ea victoria futura est, quæ Christianum nomen præceps in quantum nunquam antea fuit periculum det? Inde perniciem feret, vnde maximum prælidium res publica sperarit? Huc, passurus es, tantarum re-

rum

rum initia, tantæ, tam exploratæ, tam propinquæ gloriæ spem recidere? Illa Principum iuxta ac populorum tot officijs obsequijsque testata in te studia, illam nominis tui per gentes celebrationem in sæuam inuidiam lacerationemque & odium inexpiabile vertes? Recipe, Austri, obsessum ab iracundia animum, quam vicisse, tibi haud minùs decorum fuerit, quàm expugnatam urbem hosti eripuisse. Non quid possis ipse, aut meritus ille videatur, sed quod præsentì temporì consultum sit reputa. Nam tanto maiorem laudem constantis & moderati animi feres, quanto ab iustiori causa ortam indignationem, cum vlcisci posses, rei publicæ remisseris. Cùm celsisset Columnæ monitis Austrius, eam cõditionem dixit, vt Venerius posthac in conspectum suum ne veniret. Præter recentem iram abhorrere à Venerio Austrius dicebatur, quod pro huius seculi proiecta in adulationem elegantia, qua Hispanorum ingenia maxime delectantur, parum apte ac minimè demissè ab eo salutari colique, iuuenis inflati spiritus quereretur. Nam senex antiqui moris apud omnia officiorum ac verborum momenta pendentes, cum ea integrè magis quàm scitè obiret, rudis ac tiro habebatur. Columna protinus ab Austrio ad Augustinum Barbaricum aduehitur, cuius in Veneta classe, vt non par cum præfecto imperium, ita auctoritas propè maior erat: nam & senatus rectorem hunc impotentix Venerij dederat, & ab ingenij commoditate constantiq. prudentia etiam gratia in exercitu excellebat. Cognitis quæ agitata erant, ante omnia Columnæ amplissimas pro merito gratias egit: deinde, consilio conuocato, de omnium sententia cum Venerio egit, vt congressu Austrij abstineret, ne tam leuibus de causis tantorum consiliorum apparatus & spes inchoata manus

cum

cum hoste conferendi cuerteretur : se , quoties communicato aut consulto opus esset , vicem eius impleturum . Cui superbè senex , Faciam , inquit , dum æquè puer iste quique ei in consilio sunt conspectu nostro absistant . Hac, Columnæ solerti studio curaque , sedata turba institutum iter indicitur . Processere instructa acie , cùm vt appropinquantes hosti nulla improuisa res imparatos turbare posset , tum vt quisque locum agnosceret suum & sine vlla trepidatione , cùm res posceret , explicaretur agmen . Ob id lenta navigatione prouecti sequenti die Cephaleniæ appulere , fretumque ingressi , portum qui Alexandriæ dicitur cepere . Eo in loco biduum cœpta hostium obseruantes manserunt . Intranti portum Venerio literæ à Creta à Marino Caballo redduntur , ex quibus , Famagustam Cal. Aug. in hostium potestatem peruenisse , est cognitum , Astorem & Bragadinum, quique cum eis superfuerant milites , contra fidem pactorum à Mustapha immaniter trucidatos . Vulgatus nuncius miseratione tot virorum fortium indignè peremptorum , & perfidiæ execratione irritauit militum iras : fremitus pugnam poscentium totam peruasit classem : detur modò facultas conferendi manus , facturos , vt barbaris non diu læta illa fraus atque crudelitas sit .

TURCIS ad Naupactum sedentibus trepidus nuncius , Christianam classem Corcyra profectam aduentare , affertur . Primò vix habita fides , mirantibus Turcis , vnde hosti tantum repentè animorum . Alsuetos per tot annos totum pro posseisso vagari mare , nemine se contrà offerre auso , tantus contemptus ceperat nostri , vt , nunquam descensuros in æquum & potestatem sui facturos Christianos , penitus persuasum haberent . Nec opinata res parumper

turba-

turbauit duces, sed, collecto celeriter animo circummissis nauibus, quæ omnibus intra sinum aditus oris, quod vbique militum remigumue esset, tollerent, tumultuaria manu maximè equitum, parum apto nauali militiæ genere, classem supplerunt. Paulisper inde disceptatio tenuit, faciedumne periculum naualis certaminis esset, cum Pertaus, ad quem summa imperij respiciebat, negaret nulla vi cogente rem certam dubio pugnae euentui committendam esse. sed idem, quia præceptum aliter à rege erat, siquid aduersæ aut famæ aut rei incidisset, omnem inde in se vnum versuram inuidiam, sentiens, pro ea sententia ita differebat, ut expectare aliorum consilium, non suum, quod poterat, exequi velle videretur. Nec vlli ferè prudentiorum placebat, fortunæ permitti quod regi tenerique ratione poterat; præsertim cum debilitatam classem ac multis egentem rebus, Christianis haud dubiè ab certa fiducia virium vltro se hosti offerentibus obiecturi essent. Ceterum inuidiam declinati certaminis certamque inde indignationem immaniter tumidi regis quisque ab se, ne in perniciem suam saperet, remotam volebat. Itaque tum Halyus ætate ac ingenio ferox & Selimi gratia elatus, secutique eum plerique ducum speciosæ sententiæ assentantes vociferantur: flagitium ingens fieri: Christianos (quod optatum semper Turcis, speratum nunquam fuerit) vltro se certamini offerre, Turcas ipsos, veluti iam in hostium ignauiam degenerarint, deliberare ac inanibus disputationibus verbisque disceptare, an cum inertissimis hominibus, & per tot annos terra marique fugatis congregi tutum sit. An nuper in Siciliam vsque peruasuri eramus, ut timidum ac refugientem hostem ad conferendam virtutem prodire in æquum

Pertaus
de naua-
li pugna
sententia.

Halyij
oratio.

cogeremus ; nunc , veluti alij repente homines facti aut aduerſa aliqua clade perculſi , victores hac ipſa æſtate , tot capris oppidis , tot direptis vaſtatiſq. inſulis , robore virorum , numero nauium , viribus , fortuna regis ſuperiores , hæremus ac formidamus , timoremque animi in neſcio quæ noua cautaque conſilia conferimus ? Quid igitur ? Si hoſtes pro-uocaturi huius ſinus fauces obſederint , Turcæ , haud ſecus quàm ſcæminæ , abditi intra portum trepidantesque ac torpentes metu nihil aliud quàm ludibrijs & contumelijs hoſtium expoſiti erimus , compreſſis manibus (quod aiunt) ſedentes ? Quid ſi aliquam inde in his oris urbem illi oppugnatum ierint , quod belli ratio poſtulare videtur , vt detrectantes nos ad pugnandi neceſſitatem trahant , paſſurine ſumus in oculis noſtris capi ac vexari vrbes , ne tum quidem ad ferendam ſocijs opem prodire auſi ? Terrarum orbis totus animis & expectatione in vnum hoc verſus bellum , conçeſſum à Turcis de virtute toties victis proſtigatiſque Chriſtianis , audiat ? Id ferri , id vulgari , exactos mari à Venetis Turcas ? haud Deus Maximus hoc , haud Mahumetes parens , haud Dijs proximus rex ſuerit . Si res hoc ipſo bello terra marique proſperè geſtas degeneri conſilio ſcædare non pudet , an etiam perpetuas tot ſeculorum de Chriſtianis victorias , tot parta decora , tot inſignes palmas Turcarum gentis tam turpi ignauix ac formidinis profeſſione deformaturi ſumus , & æterna Ottomanorum nomini (quod fas dicere non ſit) labe ignominiaque inſiſtæta , inuiæti regis felicitatem pauore noſtro obumbraturi ? An obliui ſumus , Pialeium ſuperioris anni ducem , quòd recipientem ſe Chriſtianam claſſem vel aduerſis reiectus ventis inſequi porro non perrexerit , vel in nulla vel in leui

culpa ignominia notatum imperioque amotum à magnanimo rege esse? Adeo ille omnia ad dignitatem, ad gloriam, ad splendorem sui ac Turcici nominis vult reuocari. Quem, certum est, pro excelsò eius animo ne hanc quidem dubitationem nostram sine pudore auditurum, rationemque à nobis minimè decoræ minimèque generosæ consultationis repetiturum. Neque enim, utrùm conferenda Turcis cum hoste Christiano sponte nos ad pugnam appetente manus sit, sed, quo maximè modo prælium ineundum, quo modo vincendum minima cum nostrorum iactura sit, relatum ad consilium oportuit. Per hæc territis qui contraria suafuri fuerant, Pertaus quoque parum in eo iuris sui potens, adulantium æstu abreptus, magnifica salubribus prætulit. Iam in Cephalemiam transisse Christianos auditum erat. Mittitur ad explorandum Caracossa notæ audaciæ ac solertiæ pirata. Is concubia nocte paruo nauigio euectus ita Christianorum stationi successit, vt omnibus circumlustratis singulas numerando percensuerit naues: ac paucioribus opinione sua repertis lætus se ad Bassas recepit, eisque, haud plures CLXX. naues habere hostes, pro comperto affirmans retulit. Cùm enim se nostra clauis in multos sinus, vt cuique commodum fuerat, diuersâ intulisset, verum inire nauium numerum speculator non potuit. Hoc nuncio elati Turcæ præcipientes iam victoriæ gaudia properè naues soluunt, solliciti ne antè hostes elabantur, quàm iter ipsi intercludant. Adeo enim nos contemplerant barbari, vt, descensuros in aciem Christianos, persuadere sibi non posse viderentur. CC. naues longas, LXX. ferme minora nauigia ducebant: nam & LX. quas abijisse Methonem supra memorauimus, noctu non conspectæ à nostris

Caracossa
na nostra
clauem
explorat.

ad classem redierant . Hoc numero Turcæ aduersus CLXX. ut rebantur , nostras naues pleni spei atque animorum ferebantur ,

EA D E M die , quæ fuit pr. Non. Oct. veluti ex conducto Christiana classis ostium sinus Corinthiaci aditura Alexandriæ portum exijt, non tam victoriæ (etenim copiam hostis fore nulla spes erat) quàm prouocatæ pugnæ gloriam petens. Ita mutuo errore illecti, trahente fato (quod diuina mente manans vitari non potest) in iactatum magis à ducibus quàm speratum certamen vtrinque rapiuntur. Ea nocte Turcæ haud multum extra sinum prouecti ad Galan- gum (id loco est nomen) applicuere . Christiani longiori confecto itinere inter Petalam & Echinadas insulas iactis anchoris sterere . Sequenti die prima luce vtraque classis ignara alterius è statione mouit . Nostri non ad iter magis quàm ad prælium instructi in hunc maximè modum quadripartita acie procedebant . Dexterum cornu quod in altum extendebatur , cum quatuor & quinquaginta nauibus Io. Andreas Auria ducebat : sinistrum ad terram versum Augustino Barbarico cum pari numero nauium est attributum : mediam aciem , quæ vna & sexaginta nauibus constabat . Austrius ipse cepit , eiusque latera laeuum Venerius alterum Columna tegebat : quibus proximi , huic Franciscus Maria Urbini, illi Alexander Parmæ Ducum filij erāt, Sabaudia alter, alter Genuensi prætoria vecti. Claudebant medium agmen hinc Petrus Iustinianus Venetus Melitenensium nauium præfectus , inde Paulus Iordanus Vrsinus , In subsidijs Aluarus Bazanus cum XXX. nauibus est collocatus, obseruare pugnantes , & , sicubi laborari vidisset , præstò ad opem ferendam esse , iussus . Iohannes Cardona cum octo nauibus

Mutuo
classium
error, &
opinio
de hosti-
bus .

Instructa
classium
stra-
gia .

bus antecedere & speculari late omnia iubetur: eidem ne longius ab classe abscederet quàm vt quatuor horis regredi posset, imperatum: si hostem conspexisset, missis qui celeriter imperatori nunciarent, ipse se in aciem reciperet. Quam equa fronte procedentem sex Venetę galeatię, quę tormentorum è longinquo iacientium procella turbarent primo occurſu hostes, anteibant. Naues non suę cuique nationi separatim tributę, necui priuatim sibi consilium capere liceret, sed promiscuę omnes alternęque locatę, vt exequato inter omnes labore validę infirmis cunctęque sibi mutuo auxilio exemploque ad virtutem essent. Minora nauigia, quorum magnus numerus in varios vſus classem sequebatur, omnia procùl sunt amota, vt quisque nullam effugij ac salutis viam sibi esse aliam, quàm nauem seruare in qua ad pugnam veheretur, sciret. Onerarijs, quanquam & ipsę egregijs bellatoribus instructę essent, assignatus in acie locus non est, quia idoneo non suppetente vento cursum reliquarum nauium, quę impulsu remorum aguntur, tenere & prælio interesse non potuerunt.

NAVIGANTIBVS multa iam luce interpositę Echinades, quę hodie Curzolaes appellantur, prospectum adimebant: quibus à nostra classe superatis & visi Christiani ab hostibus sunt, & ipsi eos videre eodem, quo nostri, ordine venientes, nisi quòd aciem, nullis ad subsidia subtractis nauibus, longius extenderant, cornuque ex instituto gentis lunauerant. In medio Halyus contra Austrium constiterat; &, quia ipsius propria præfectura maris erat, prætoria vehebatur. Proximum locum Pertaus tenebat. Aurie Vlucialim, Barbarico Sirocum in cornibus obiecerant. Ad XIIII. passuum distabant, cùm Au-

In nauibus in acie collo-
candis
pruden-
tia.

Turcię
classis in-
struētia.

Austris
pugne si-
gnum ex-
collit.

strius conspicatus hostem, pugnae signum, ingens è pratoria vexillum explicuit, quod ei Pius ab Vrbe Neapolim miserat, in quo imago IESV CHRISTI affixi Cruci conspiciebatur : quam tota classis venerata lato clamore consalutauit . Ferunt, ausos tum monere Austrum quosdam, ne spe incerta propositae gloriae cunctus se classemque in casum irreuocabilem tam dubij euentus daret : nec quicquam fratri victoria acquiri, & eadem, si penes hostes foret, in discrimen Italiae regnum barbaris patefactum adduci . Quibus, iuuenis, cum sero atque importuno consilio reiectis, curare corpora milites ac cibo firmatis viribus capere arma iubet, simul armamenta demi aptarique omnia ad pugnam . Atque hæc, quando spatij satis ad omnia superebat, vt sedate sine trepidatione vlla aut tumultu fierent, curæ ducibus fuit . Ipse actuario exceptus à tergo puppes singularum nauium cum Aloysijs Requesensio & Cardona adiit, singulosque euocans duces, ipsos militesque ad pugnam est adhortatus ; cunctis alacri clamore transeuntem prosequentibus . Regressus ad pratoriam suos allocuturus, CHRISTI in vexillo effigiem intuens, humilis precatur Deum, vt sibi classique & Christiano populo volens placatusque adesset : formidinem fugam clademque in impuros & numinis sui contemptores hostes verteret . Tum duces in singulis nauibus, vt conuenerat, accepto signo nixi genibus CHRISTI numen omnes adorant, militesque idem facere iubent . Videre fuit tantæ multitudinis copias arma telaque expedientis in media cogitatione certaminis, ad cædem ad sanguinem vadentis subito humiles procubuisse, & alios ad cælum, alios ad Dei simulacra oculos manusque tendentes, supplices veniam victoriamque orare .

Dice-

Diceres, metu perterritos ac diffidentes viribus ad diuinam opem confugisse, nisi pietatem mox virtute comprobassent.

DEVM rite venerati suos quisque oratione firmare: illum esse diem, quo aut deuictis hostibus gloriam propulsati in perpetuum à Christiana rep. periculi essent laturi, aut egregia pro Christi fide appetita morte in domicilia piorum, æternæ beatitudinis donati præmijs, migraturi. & barbaros quidem victos seruitio, cæcos sempiternis supplicijs deberi: Christianos (quæ benignitas Dei sit) victores diuitias, famam, lætitiā; extinctos etiam his omnibus potiorem sedem inter cælestes animas manere. Meminissent communis illius omnium populorum voti, ut aliquando nostri reges pium inuaderent bellum: quoties hanc societatem, in sermonibus, in circulis expetissent, quoties liberis vocibus regum ac principum discordias, modo vniuersos modò singulos inculando, detestati essent. En tandem optati compotes: stare acies classemque, & in ea, quicquid roboris, quicquid floris in Christiana iuuentute vsquam fuerit: ostenderent simul ciuibus, simul hostibus, non vires antea nobis non animum ad vincendum defuisse, sed obstitisse intestinum dissidium; barbarosque victores aliquot antea bellis discessisse, quia impeditissimum quemque aggrediendo nunquam ex equo arma nobiscum contulissent. Deum, qui mentem optimo Pontifici, socijsq. sese fœdere belloq. consociandi dedit, eundem perduelles, ac numinis sui contemptores profligaturum, vim victoriamq. militibus suis prosperaturum. Nam illos ab insita animis arrogantia ac temeritate, quam prosperi superiorum annorum successus fecere, in prælium raptim per summum contemptum no-

Oratio
Duch ad
milites.

stri .

stri descendisse, nulla re, præterquam animis stolidi fiducia sui elatis, nobis pares, cum quiescendo sedendoque bellum conficere posse viderentur. scilicet Deum eripuisse consilium, occæcasse mentes, ut, quo furore rapti in certamen essent, eo trucidandi fortibus viris, & animis & rebus omnibus ad victoriam præparatis obijciantur. Ut ad certam spem solutos imparatosque venire, numerum modò navium ostentantes, quas inanes milite, ac renige vacuas speciem tantum classis sine viribus esse. Ergo veluti ad non dubiam prædam temere proruentes ipsos haud dubiæ prædæ futuros. Si non aliud ex ea pugna, quàm decus famaue peteretur (quæ quidem maxima victores maneret, si tantum de virtute certamen esset, quod aliquando maioribus nostris fuit) quem tandem tam abiecti animi fore, qui non mori præoptet quàm fœdis illis mancipijs dignitate concedere? At eò rem adductam esse superiorum temporum erratis, ut nobis non pro laude iam, sed pro vltima spe, pro quicquid charum iucundumve homini esse potest, pugnandum sit. Proinde sic existimarent: libertatem Italiæ, salutem coniugum, parentum, liberorum in ipsorum sitam dextris esse: illa amissa classe, nullo reliquo perfugio, omnibus subeundam barbarorum servitutem: capi, vendi, distrahi se suosque visuros, nisi ipsi hanc perniciem sua virtute in hostem verterint.

INTER hæc appropinquabant clâses, leni flatu & hostibus secundo, cum sub ipsum congressum concidit repentè ventus, miraue tranquillitas secuta, veluti de industria æquante omnia fortuna, & pelago placatum æquor ad edendam nobilem pugnam præbente: quin tantum tenuis auræ, quantum à nostris ferret in Turcas, fumum, cuius

ingentes nubes explosæ bombardæ effudere, in hostes vertit. Id Christiani in miraculum vertere; & fauere suis Deum, augurabantur. Et sacerdotes, in quibus Cappucini aliquot, è summis puppibus imagines Dei Cruci affixi ostentantes, illius præsens adesse numen, illum imperasse ventis, illum sequerentur duce, multa adhortatione clamabant. His vocibus concionibusque instincti, religione atque impetu ardentes cupidè capessunt pugnam, pari & victoriæ fiducia & mortis contemptu, qui sunt acerrimi ad fortitudinem stimuli.

Turcæ, cum superantem Echinadas nostram classem tendere in se viderunt, primò mirari audaciam, propius deinde conspectus numerus nauium multo, quàm ipsi rati fuerant, maior tacito metu pulsauit pectora: ac præter ceteros Pertaum vehementer commotum, fatum suum seque incusasse, ferunt, quòd, paucorum adolescentium ferocia in tam dubij euentus aleam dari se præcipitem, passus esset. Sed eò progressis vertenda in audaciam necessitas erat. Itaque, cum successissent nec iam ampliùs mille passuum interuallo abessent, tormentum maximum, quod superbè prouocantium signum fuit, magno cum sonitu primi emisere. Quibus cum pariter ab Austrij prætoria responsum esset, Turcæ sublato ingenti clamore, quem vario cantu strepituq. tympanorum ac tubarum adiuuant, in galeatias, quæ binæ ante singulas nostrorum acies, vt dictum est, euectæ sese primæ obrulerunt, concitant naues. Sed eam minantium crebris tonitribus tormentorum tempestatem galeatiæ dedere, vt Turcæ vulneratis aliquot suis nauibus, quò pestem eam declinarent, coacti sint inhibere, & ordines interrumpere ac multis locis disijcere: quos inde dum arctiùs necessario restituunt, & non-

Vetus nostris miraculo fauet.

Finicij pugna.

nullæ

Certami
nis hor-
ror.

nullæ inter se naues implicitæ sunt, & in confertas minùs irritæ tormentis actæ e nostris nauibus ferreæ pilæ incidebant. Quòd si Christiani galeatias ipsas minùs longo intervallo subsecuti in turbatos primo incursum hostes impetum dedissent, opinio fuit, victoriam nequaquam diuturni aut ambigui certaminis futuram fuisse: sed, dum nostra acies, ut nauium ordo & frons æqua seruetur, lentè admodum procedit, galeatiæ longiùs paulo, quàm vtile fuit, agmen præuectæ sunt. Vbi classes in conspectu ac sub ictu fuere, tanta vis bombardarum vno tempore vtrinque est emissæ tanto fragore sonituque, ac fumo cælum ipsum densis nubibus obscurante, ut omni crepto oculorum atque aurium sensu propè alienauerit horrore hominum mentes, cum sine discrimine vllò aut generis aut honoris æquè omnes cæcis aperti ictibus nulla cauendi arte essent. In transgressos galeatias, & propius terram capto ambitu inuadere ab latere nostros conantes, & nonnihil in explicandis nauibus dirigendoque iterum agmine inter se trepidantes hostes primus ab sinistro Christianorum cornu Barbaricus factò impetu aggreditur, adnitentesque vim facere & ad circumueniendum erumpere, quantum potest, occupat claudere & ad terram vrgere. & erat locus, quò se Sirocus ductor dexteri hostium cornu ab littore in modum promontorij prætenso, cui Molosegni est nomen, ad Echinadas intulerat, perangustus, cingente hinc Molosegni atque insulis, hinc nostris ab alto obiectis. Sed connixæ remis aliquot naues hostium, nostrorum transuectæ cornu, obuersis inde proris in aduersas puppes Venetorum, qui maximè in ea parte pugnabant, negotium ab tergo adortæ faciebant. laboratumque non sine periculo foret, nisi claudæ quædam

Turcarum naues primo incurſu noſtrorum terræ , impulſæ in littus fugæ initium feciſſent. quæ res & hoſtium animos debilitauit , & adiecit fiduciam noſtris . Prima igitur in concuſſu vis maiorum tormentorum fuit , in quo & copia & uſu adminiſtrandi facilè Turcas Chriſtiani antecellunt : & tum nouo quoque inuento rem adiuuere . Teretem ligneum cadum haud ferme cubito longiorem , latum ad bombardæ modum in quam inferebatur , plumbeis glandibus globoliſſiue ſaxis oui maximè magnitudine replebant . Hæc tormento effuſa , veluti peſtifera grando , quocunq; incidſſent , ingentem ſtragem dabant . Maioribus exploſis tormentis , quorum tamen ipſorum prout ſpatium dabatur iectus repetiti ſunt , leuioribus miſſilibus accenſum certamen . Turcæ more ſuo ſpicula ingerunt , anceps multitudine ipta telum , ceterum vix ſatis efficax ſi teſto armis incidat corpori . Chriſtianus ſclopeto rem gerit , rariore ſed mortifero vulnere , quod non clypeo , non lamina , non vlla armatura arceas ; tanta vi ab igne excuſſum figitur telum . Ad id noſtræ naues pluteis inædificata latera habebant , quibus teſti milites tela in hoſtes , ignesque vario artificio compoſitos iaciebant : & milites ipta thorace galeaque armati tutiùs audentiùsq; pugnæ ſe offerebant . Turcis nihil horum erat : naues ſine vlllo pluteorum munimento : miles aut perleui aut nullo armatu nuda atq; aperta corpora noſtrorum iectibus præbebat . Super his id quoque noſtris velut extraordinarium ſubſidium acceſſerat . Pronunciari inde ante prælium de collegarum ſententia Auſtrius iuſſerat , quicunq; ob noxam damnati in nauibus vincti remis haberentur , ſi victrix Chriſtiana classiſ proſtigatiſ hoſtibus ea die à pugna rediſſet , vt liberi omnes ſine fraude mitterentur . Præ-

Bellicum
bombardarum
inuentum.

Propoſiti
tū remi-
gibus præ-
mium.

fecti

fecti nauium, demere catenas & traditis armis cohortari eos, iussi, vt, quando fortunam in dextris haberent, dignam ea mercede operam rei publicæ nauar ent. Horum libertatis studio alij, alij prædandi auiditate, vt est genus omne remigum furacissimum, per tela, per vulnera in hostium naues transiliebant: meritique manu sunt, vt promissum eis cum fide exolueretur. Nec tamen vndequaque id vtile consilium fuisse constitit: nam quemadmodum in certamine ipso & concursu res strenuè adiuta est nexorum opera, ita nudatæ remigibus naues ad insequendum hostem, vbi opus fuit, tardæ atque inhabiles fuere. Contrà hostibus repentinum ab eadem re malum est ortum. Remigium est Turcis omne ex Christianis ferè captiuus, quibus minima miseriarum est ipsa seruitus. adeo durè ac truculenter à barbaris habentur. Hi, vt quæque naus inter pugnandum laborare cœpisset, solutis aut fractis repente vinculis quibus erant nexi, prosliebant, & peremptorum armis aut quod cuique ad manus accidisset arreptis, haud magis cupidine libertatis quàm rabie vlciscendi crudeles dominos, vt missæ caueis feræ sanguine ac cædibus grassabantur. Ea veluti intestina fraude multæ oppressæ sunt Turcarum naues. Iam pugna ab omni parte conferta erat, permixtæque naues vt cuique hostis obuiam fuerat, conflixerant, variaque fortuna his aut illis aduersa multiplicem prælij faciem præbebat: alię congressum agilitate atque arte declinantes inferentesque, maiori nauium quàm virorum certamine agebant: contrà alię mutuis innexę ictibus cominus vires contulerant: alibi multę simul, alibi singulę inter se concurrerant: hinc proris hinc puppibus herere, implicari, obuerti: hinc Turcicam vnã à duabus Christianis premi, ibi vnã Chri-

Remigij
Christianorum
apud Turcas
faciunt
nora.

Pugnæ
species.

stianam

stianam à Turcis pluribus circumuentam cerneret: huic remos detergi, hanc rōstro obliquam peritū deprimi hanc, illam capi: elabi aliam, aliam teneri: denique aliam fugē, aliam spei incumbere. Iam fluctus sanguine rubentes volui, iam cuncta strage ac cēde misceri: egregia passim facinora audacię ac fortitudinis edi. Austrius cum Halyo congressus, Venerius Columnaque pariter in aduersas illati naues longē acerrimum in medio certamen miscuerant. Nam & bellatorum robur, & valentissimę nauium circa duces constiterant: & quisque eorum à tergo applicatas puppi trirēmes habebat, ē quibus noui assiduē milites submittebantur, qui vulneratis cēsisque succederent. Et cū in oculis ducum cuncta agerentur vt nullum egregium facinus obscurum esse posset, & euentus eorum fortunam omnium traheret, vtrinque summa vi gerebatur res. Initio Turcę toties ab se victos fugatosque Christianos, & nunquam ante eam diem armis consistere contrā & conferre secum signa ausos, vt imbelles ac timidos despexerant. idipsum, vbi & religione & animis accensos, & quia victis nihil reliquum spei esse persuaferant duces, ruere in pugnam nullius rei pręterquam victorię memores, cupideque petere hostem & magnis prosterne ictibus vidē, terruit barbaros. & audacia Turcę, quā perseverantia maiore, pręlia ineunt; vt, si primum imperum retundas, sensim resideant eorum vires: Itaque in multum diei extracto certamine languidiūs in negotio versari videbantur: eo nostri, qui haud dubiē militum robore superabant, instare acriūs & spēm suam fouere. Pugnatum tres ferme horas erat & vbique atrociter, necdum satis cernebatur, quā rem fortuna datura esset; adeo omnia, spes, animi, vires vtrinque paria fuerunt. Ab læuo

Turcas
in bellis
audacia
maxime
iuvat.

T

demum

Victoriæ
initium.

Turcarum
in loco
pugnæ de
ligendo
impru-
dentia.

Halyon
interfici-
tur, pre-
toria ca-
pitur.

demum cornu, vbi cœperat pugna, victoriæ quoque initium est ortum. Cùm enim, prementibus impigrè Christianis, ex pluribus nauibus Turcæ se trepidi in proximum litus eiecissent, nostri aucti animis instare percussis: & cum Barbaricus & cum eo Canalis & Quirinus Veneti legati Sirocum impigrè pugnantem suppressa eius naui interfecissent, turbatis, vt fit, ducis casu reliquis, tota ab ea parte inclinauit in fugam classis, & plerisque omnibus, instantibus vndique nostris, effugium in terram patuit haud parum ipsa propinquitate illectis, quæ haud dubiè magno & ad salutem Turcis in ea parte, & ad victoriam nostris adiumento fuit. Reprehendentes ego postea Turcarum consilium peritos homines sæpe audiui, quòd in libero maris spatio longius à terra aciem non statuere, cùm dicerent, eam rem duo incommoda secuta esse: nam & fugæ incitamentum militi tam propinquum & amicum litus fuisse, & nauium multitudine, qua illi superabant, in angusto se mutuò impediuisse. Iam latus inde pugnantis Christianis victorum clamor accidebat, & ad ipsum peruenerat Austrium diu cum Halyo ancipiti Marte luctatum, & tum meliori spe pugnam cientem. Gaudium quædam stimulauit inuidia, si priùs à Venetis sinistroque cornu pulsus hostis foret, securusque ipse potius, quàm dedisse victoriam videretur. Mouit & Hispanos milites æmulatio: mutua cohortatione se incitant, ac veluti tum primùm ad integram coorti pugnam sclopetis ingentem dant glandium procellam. Tum, ipso cadente Halyo dum ad accendendos suos in medium excurrit glande traiecto, in nauem eius transcendunt, regium vexillum prosternunt, momentoque expugnatam capiunt, & continuò, iubente Austrio, clamo-

rem

rem victoriæ indicem tollunt; quo & alacritas addita pugnantibus passim Christianis, & ipse magnopere fracta Turcis. Tum non iam pugna, sed cædes & strages vbique cedentium hostium erat.

In altero cornu, vbi egrægiū par ducum fortuna contulerat, Vlucialis & Auria, cum scientia maritimæ rei faciē reliquos antecellerent, ueluti præcipua inter se æmulatione accensi ad primum conspectum classis idem propè consilij agitarant, amplexu circumire hostem, atque inde in terga, aut latera impetum dare. Igitur Auria, vbi ab sua parte longè protensam in mare hostium aciem, neque ab se faciliè æquari cornu posse, cernit, sequi alijs iussis protinus altum petere intendit. Longè ab reliqua classe euectus cum porrò pergeret ire, octo Venetæ naues siue eum suspicantē subducere sese prælio, vt integrum consilium fortunę accommodaret (semper enim ei viro diffisi sunt Veneti) siue, ipsum ab cedere longiùs ab suis non placeret, sustinentes remos restitire, secutæque earum exemplum alię quinque naues ignarę consilij idem fecerunt. Iam nec sequi Auriam nec recipere se ad mediam aciem poterant. Quod vbi conspiciatus est Vlucialis, qui iam Auriam, suo intellecto consilio circummeundi dexterum Christianorum cornu, tendentem in altum seque conatui obijciente. n animaduenerat, repenti in eas versus magnoque impetu inuectus pluribus nauibus circumstitit, omnibusque aut deiectis aut cæsis propugnatoribus in potestatem redegit, ac temerarię suspitionis pœnas pendere coëgit: quanquam illæ quidem haudquaquam inultæ aut tegni certamine victæ, sed strenuè omnes atque enixè dimicantes periere. Ipsam inde aciem inuadenti obuius fuit Petrus Iustinianus cum duabus Melitenlibus nauibus, tum maximè

Vlucialis & Auria maritimæ rei scientia.

Suspicio Venerum de Auria magnæ cladis origo.

Petri Iustiniani virtus.

Portum
vices in
Iustinia-
no capti-
us.

victor quatuor hostilium nauium, cum quibus primo incursu conflixerat: quarum tres viatque armis expugnatas trucidarat, vnam in turpem coniectam fugam insequeretur: vir cum ipse egregie fortis, tum ex omni numero Melitensium Equitum delectam promptissimorum iuuenum manum vehens. Sed tum non magno negotio pauci à pluribus repente à tergo, à fronte, à lateribus circumuenti superantur, fortissimeque pugnantes ferè omnes ad vnum cæduntur: Iustinianum ipsum multis vulneribus saucium Turca, qui in deuictam eius nauim insilierat, cum forte antea virum agnouisset, dedentem sese liberaliter promissa salute ab iniuria prohibuit. Sed idem, versa haud ita multo post fortuna, dedititij sui captius cum eius se fidei ad pedes prouolutus commendasset, non seruatus modò ab Iustiniano est, sed in libertatem etiam restitutus. Ceterum Vlucialis victor pugnantibus in media acie imminebat, nisi & expugnata Halyj prætoria impetum eius inhibuisset, & Auria quamuis serò ac patrata propè victoria (longiùs enim abscellerat) reuectus cum integro nauium globo, vertentibus terga Turcis in latera inuadens terrorem addidisset, & Bazanus, cum discusso paulum fumo, quæ circa agebantur animaduertisset, quò res poscere est vita, se intulisset. Vlucialis, qui occasione intentus consilium, quò res atque ratio vocasset, flexurus nulla se propria pugna implicarat, vbi, vento fumum auferente, nullum regium vexillum, quod Halyo occiso deiectum erat, & non dubiam Christianorum victoriam, Auriamque in se reuertentem cernit, sublati velis capeffit fugam. Secutæ sunt eum ad XXX. naues suorum quæ proximè steterant: reliquæ aut captæ à nostris aut demersæ sunt. neque enim, occiso Halyjo, & Vluciali

pugnam

pugnam fuga deferente, qui vltra resisteret fuit. Pauci actis in terram nauibus euasere: in quibus fuit ipse Pertaus, qui perditis iam rebus cum se clam in actuariolum intulisset, per intervalla discurrentium nauium elapsus se in terram eripuit. Desertam ab eo nauim Paulus Iordanus Vrsinus cepit, quem suo certamine defunctum ab victa, quæ prima illi occurrerat, nauì locoque suo in medium ad ferendam Austrio opem attraxerat vox, quæ temere peruaferat aciem, premi imperatorem ac vinci regiam nauim. Sed, vbi ex propinquo id in hostem omen incubuisse cernit, in Pertai nauem quam proximam fugientem conspexit inuectus, cæsis qui pugnae supererant hostibus, in potestatem suam redegit. Quæ duos adolescentes Halyi filios ferebat nauis applicataque parentis lateri erat, cum principio in Columnæ nauim, magno impetu inuecta eam rostro grauiter ictam paulum repulisset, inter duas inde Christianas naues transcursu elapsa, multis in ipso transitu collapsa vulneribus cum ipsis adolescentibus in nostrum potestatem peruenit. Columnæ nauis, quanquam primo concursu icta vulnus acceperat, tamen acriter se in Halyi prætoriam & ipsa intulit: & Turcicam triremem à latere se infestè oppugnantem sustinuit primò, deinde etiam Turcis propè ad vnum occisis cepit, acerrimè rem administrante Ramagasio Sequano, vno è proceribus Melitonsum Equitum, viro naualis rei peritissimo, æquè & consilio & manu prompto. Venerius sæpe elato præ se scuto ac stricto gladio à puppi ad mediam nauim, vbi plurimum periculi ac laboris erat, processit, sua manu ferire hostem & congregi contrà gaudens: nec quisquam ducum audaciùs in ipsa pugna discrimina adiit. tanta in senili corpore vigeat vis animi.

Pertaus elabitur.

Nostrorū
Ducū facinora.

Pauli Iordanus.

Coling.

Ramagasij Sequani.

Venerij.

Interf-
torum
captorū
que nu-
merus.

Naues ca-
ptæ, &
fractæ.

Christia-
ni serui-
tuti exē-
pti.

Prædam
liti con-
cessa.

Adiacē
pugnæ
cum Ro-
mā com-
paratio.

CÆSAR eo die ad XXXM. Turcarum, quantum nul-
lo antè prælio, feruntur: capta millia quinque: in
quibus Halyij filij sorore Selimi geniti, argumentum, quàm
certa fiducia in certamen descenderit, qui pueros filios, quos
vel Naupacti deponere vel in terra spectatores statuere po-
tuit, secum habere veluti nullo impendente periculo ma-
luerit, quò Christianorum fugam (adeo rem pro non dubia
duxerant barbari) insultantemque fugæ patrem cernentes
eximio imbueret tirocinio. Venere in potestatem centum &
triginta naues, nonaginta ampliùs aut illis littori aut mer-
sæ fluctibus aut absumpæ ignibus sunt. Ad hæc (quod haud
minùs letum victoribus fuit) ingens multitudo propè XXXM.
Christianorum è varijs gentibus seruituti deterrimæ exem-
pta. Opulenta præda non ab direptis modò ea ætate op-
pidis populationibusque insularum, sed multa præterea
merce, quam barbari passim à negociatoribus Constanti-
nopolim deportandam sustulerant, ea omnis, præter captiuos
& naues & tormenta bellica, militi concessa. Præclara
victoria: nec, post Actiacam illam celebratam veterum
scriptorum monumentis Octauiani Cæsaris aduersus An-
tonium & Cleopatram eodem mari ac propè eodem vesti-
gio partam, nobilior vlla naualis pugna mille sexcentis
terme annis pugnata est: nec, si conferre libeat, sat scias,
veri alteram præferas. Numero illa nauium, hæc nauibus
ipsis præstitit: apparatu illa & concursu magna, sed trans-
acta breui est; hæc certamine ac contentione actior & diu-
turnior: plus ibi fugæ, hìc stragis fuit. Ceterum victoria
forsitan hæc, illius certè victoriæ fructus maior: minus
vulnerum apud victores in ea; hæc haudquaquam incruen-
ta fuit, vt prælio, quàm vnquam, maximè æquis viribus

animisque peracta. Cecidere nostrorum octo millia ex omni genere, & fortissimi quique militum: par sauciorum numerus fuit. E Veneta classe ad viginti navium præfecti desiderati, patritij omnes generis, cum quibus tres Cornelij fratres, Aloysij, cui Sobrio cognomen fuit, nepotes: qui naui ab Vluciali circumuenta cum effugere duorum possent, curatori admoventi scapham hortantique adolescentes vt se discrimini eriperent, fratrem, qui accepto vulnere iuxta dimicantes prolapsus sequi fugientes nequibat, negarunt deserturos, ita circa morientis corpus pugnantes publica priuataque pietate insignes occubere. Desiderati & alij pari nobilitate viri in ducum maxime nauibus, vbi plurima vtrinque cæde dimicatum est. In quibus Fabius Gratianus frater meus, acerrimi animi ac spei magnæ adolescens, qui in Columnæ naui audacissime dimicans, plumbea glande sclopeto adacta media in fronte lethaliter ictus, ante imperatoris pedes occubuit. Cuius præterire nomen, neque virtus ipsius me neque fraterna pietas est passa. Sed omnium damna vnus Barbarici clades æquauit: cui iam victori profliganti dexterum hostium cornu, dum adhortans suos incautiùs se ictibus aperit, oculus sagitta traicitur; sublatusque inde à proximis haud multo post inter manus extrahentium telum expirauit. Quæsisse morientem, aiunt, quæ fortuna Christianorum atque classis esset, vbi fusos hostes ingentemque partem victoriam, accepit, voce spiritusque deficientē sustulisse manus, signaque grates Deo reddentis ac læto decedentis animo dedisse. Dicerem dignum qui ea victoria viuus frueretur, cuius partem maximam ipse traxerat, siue consilij quibus rem ad pugnam perduxit, siue ipsa pugna quam primus & cæpit & exegit,

nisi

Desiderati ex nostris & saucij.

Corneliorum fratrum egregium facinus.

Fabij Gratiani mors.

Barbarici clades.

Huius morientis prælia.

Pugnæ
terminus
& consum-
mata vi-
ctoria.

nisi immori felicitati suæ ea demum vera & certa felicitatis possessio videri posset. Austrius expugnata hostium prætoria occisoque Halyo, quòcunque pugnae aliquid superesse viderat, circumagendo naudem, quam Venerius quoque & Columna pariter defuncti certamine, atque aliæ item multæ naues sequebantur, victoriam consummavit. Inde cum à quinta diei hora propè ad noctem prælium tenuisset, obtendentibus se iam tenebris ac intumescente ab ualido coorto vento fluctibus mari, cum tota classe captiuas trahentes naues in vicinos portus, quæ cuique proximum fuit, se recepere. Sauciorum prima est habita cura, magna ducum comitate adeuntium singulos, &, ecquid opus haberent, rogantium: cessum quoque ijs commodioribus locis in nauibus. Tota deinde nox ac sequens dies per gratulationem ac lætitiâ acta. Et Austrius simultatim oblitus venientem ad se Venerium perbenignè amplexus laudibus est prosecutus, non ducis modò sed strenui militis officijs senem id ætatis functum, ferens. nec tamen ea diuturna concordia atque gratia fuit.

Austrio
Venerius
redit in
gratiam.

Austrii
post vi-
ctoriam
consiliu.

POSTERÂ die cum ventum in consiliu esset, omnibus idem visum, instare victis nec spatium colligendi animos viresque hostibus dare. Itaque Austrius ipse alacrior ad omnia successu factus, & haud dubiè elatus dulcedine gloriæ, depositis saucijs atque Corcyram cum agmine impedito nauium missis, centum & viginti naues ex omni classe deligere easque supplere ex alijs ac protinus ad tentandum Naupactum contendere parabat: quam urbem recipi primo aduentu, aduersa re territis hostibus, posse non desperabatur: atque inde ex propinquo Græcos in Peloponneso sollicitare, & fama naualis pugnae atque præ-

sentis

lentis spe præsidij cupidos nouandi res ad arma concire. Totum id consilium, quo nihil eo bello cogitatum salubrius fuerat, impotens animi Venerius turbauit. Statuerant, ut nuncij victoriæ sequenti die cum literis communiter scriptis ad Pium mitterentur, à quo deinde reliquis nunciaretur, atque eos Baptista Contareus Hydruntum cum sua triremi deportaret: quibus expositis, Venetias ipse cursum intēderet. Venerius & itare consilij decreto velle & ægre eam sustinere moram, & senatum de rebus gestis docere & ciuitatem quamprimùm participem eius lætitiæ facere gestiebat, magnam gratiam fore, si anteuertisset ipse aliorum nuncios, ratus. Hæc voluentem animo fortē Onfredus Iustinianus adiit. erat is longē acerrimus iuuenum, nec quisquam magis impigrē, siquid iussum esset, exequeretur. Conspectus iuuenis subdidit Venerij cupiditati faces: occupat percunctari, paratā mne ad iter nauim, & an Venetias ire velit. Iustiniano, se verò extemplo profecturum si iubeat, proficenti Venerius literas tradit. Quibus ille acceptis, haud mora, regressus ad nauem moliri iubet vela, atque impulsis extemplo remis iter inuadit. Ægrius eam rem, quàm dignum erat, accepit Austrius; vsque adeo ut fastidio hominis rem ipsam publicam omiserit, reiectaque mentione Naupactum atque in Peloponnesum eundi, conuersis repentē proris velisque in altum datis Corcyram redierit, non improbantibus magis quàm cupientibus idem Venerio ipso & alijs quoque ducibus præfectisque, quorum animis insolita victoriæ lætitia dissolutis longius nihil videbatur, quàm ut ad iactanda sua quisque egregia facta, ostentandaque hostium spolia in Italiam atque domum redirent. scilicet victoria, qua uti nesciuerunt, frui properabant. Ne tamen nihil

Perturbatio maris salutaris consilij à Venerio.

Rursus Austrius Venetiam profectus, & Corcyram rediit.

actum

actum post rem tam prospere gestam videretur, de oppugnanda ex itinere Leucade, cui nunc insulae ab Christiano in ea templo S. Maurae est nomen, agitarunt, ac Prosperum Columnam iuuenem impigrum ad explorandum locum, situmque oppidi cognoscendum praemittunt. Hunc quoque conatum Venerius gloriam rei, ut ipse rebatur, factu haud difficilis vni sibi sine sociorum ope reseruans auertit, datis Prospero (nam is Venetis militabat) occultis mandatis, ut augendo negocij difficultatem ab eo incepto Austrium deterreret. Quo inde, permunitum natura atque opere & valido firmatum praesidio locum, referente, satis caulae praestinantibus domum, cur eam quoque rem omitterent, est visum.

Prædam
partem
ratio.

Captiui
nobilio-
res Ro-
mā addu-
cti, & a
Pio hu-
maniter
habiti.

Venerij
ab Au-
strio di-
gressus in
speciem
amicus.

Corcyram ubi ventum, partitæ inter sociorum duces nauēs tormentaue, singulis pro cuiusque impensis in bello factis data portione. de captiuis cum non conueniret, decimum quemque eorum iure maioris imperij sibi vendicante Austrio, res ad Pium reiecta est: qui selectos à vulgo nobiliores Romam adduci atque ibi custodiri ad redimendos, permutatione eorum, qui Christiani captiui apud hostes essent, iussit, reliquos eadem qua cetera ratione partiri; Venetorum abominatus consilium, qui omnes, ne vnquam dimissi infestius in Christianos saeuirent, necandos in carcere suadebant. Quin Romæ in honesta custodia atque liberaliter sunt habiti, cupiente Pio ea humanitate ad Christianæ religionis cultum allicere barbarorum animos. Columnæ admonitu non antè soluit Corcyra Austrius, quam aut deposita aut dissimulata simultate adiri se ac salu-
tari à Venerio est passus: quem subridens, manuque tenis humero imposita, magni spiritus virum & egregie sibi h-
dentem appellauit. Inde Messanam cum venisset, dimittit

Romam

Romam Columna , ipse in Sicilia hibernaturus Panormum ad audiendas legationes , quæ ad eum gratulatum vndique concurrebant , transijt .

ONFREDVS Iustinianus cum victoriæ nuncio à Venerio missus , accelerato quantum velis remisq. contendere potuit itinere , nono quàm à classe discesserat die Venetias venit . Gemini castelli ostium intrans (qui mos est nauium urbem adeuntium) omnes bombardas magno cum sonitu explosit . Auditus fragor multorum concursum , quos cupido cognoscendi liquid ab classe , traxerat in forum , fecit . Mox ipsam incedentem triremem captiuis circumornatam signis , quæ dimissa vt adempta hostibus viderentur aquam verrebant , videre : simul læti clamores ab naualibus socijs accepti . Erectis spe ingenti animis Iustinianus ipse applicans foro ex ipsa naui dexteram tollens , victoriam nunciat ; reiectoque inde pallio expeditus in terram exiliens , in curiam atque ad Principem , & ipsum tumultu & clamoribus præcurrentium excitum perrexit . Amplexum offerenti , pugnatum cum Turcis ad Echindas insulas , non victam modò sed deletam hostium classem esse , & quot deinde captæ naues , quot merse fluctibus , quantæ copię hostium occisæ essent , disseruit . Princeps , solito dignitatis suæ cultu insignibusque non expectatis , in templum ad agendas Deo gratias descendit : & totam momento ciuitatem nuncius victoriæ peruasit . Proripiunt se ædibus homines , clauduntur tabernæ , omnibus priuatis publicisque intermissis rebus in forum , in curiam vndique concurritur : tantaque non forum modò , sed omnes circà vias multitudo repleuit , vt multi senatorum iactati inter turbam adire templum nequiverint . Iustinianus literis in

Venerio
ingens le-
titia ob
victoriæ
nuncium .

templo

templo apud Principem collegiumque recitatis, ac paucis verbis edoctis Patribus, eorum iussu egressus ad populum eadem nunciat: collata cum Turcis signa, victos profligatosque hostes: omnem classem aut in potestatem venisse, aut absumptam in praelio esse: supra XXXM. Turcarum cæsa: Halyum ipsum occisum, poritosque prætoriam hostium Christianos: Pertaum parua abditum scapha inermem vno comite seruo dici euasisse: Sirocum, Caracosfam, multos præterea præstantes inter barbaros honore atque opibus duces in acie occidisse: captos Halyj filios sorore regis natos, & cum his Mehemetem Eubææ præfectum, aliosque pari dignitate viros. victoriam quantam optare aut capere mente ausus nemo esset, Deum dedisse. Irent ergo, eidem Deo Opt. Max. grates laudesque agerent, & ut ea res Christiano nomini, ac Venetæ reip. æternæ gloriæ atque amplitudini esset, precarentur. Tum, effundente se in omnium animos ingenti lætitia, amplecti inter se noti ignotique, gratulari, manare omnibus gaudio lacrymæ, recordantibus, quanto nuper in terrore atque cura fuissent, tot alijs super alijs nuntiatis cladibus, ut, ipsimet timeri vrbi, obsepique à mari ingressus ne hosti pateret, vidissent. & subibat, quæ fortuna ciuitatis futura fuisset, siquid aduersi euenisset Christianæ classi, à qua ut vnica spe omnium pendeat salus. Huius memoria metus, ut iucundio rem lætitiâ haurirent, faciebat. Patres ad Principem coguntur, alij ad templa: atque inde digressi ad communicandum cum coniugibus & liberis gaudium abeunt: pars maxima videre, audire narrantem Iustinianum, iungere dexteram atque amplecti gestientes, domum eius viasque ferentes in domum obsident; ut matri à sacris redeunti adi-

tus ad amplexum propè non patuerit: abijissetque inde exclu-
sa in cognatorum alicuius ædes, nisi verecundia maiestatis
eius moti qui proximi impediebant, admonentes alij alios
per confertam turbam precanti ac summouenti singulos
ægre viam dedissent. Sicubi & eo & sequentibus aliquot die-
bus Iustinianus constitisset, circumfundi illico omnis multi-
tudo: quacunque gressum tulisset, velut excitam sedibus ciui-
tatem secum trahebat: quantum antea nunquam mortalium
quisquam Venetijs cuiusvis honoris gratulatione, omnium
ordinum frequentia celebratus urbem incescit: & ipse iue-
nis ingenti corpore eminens longè inter omnes conspicie-
batur, multaue narrandi facilitate ingentem ciuitatis gra-
tiam traxit. Patribus, simulac animum ab effuso gaudio
recepere, nihil prius fuit, quàm vt datis ad legatos reip.
litteris, iussisque tabellarijs dies noctesque mutatis currere
equis, tam lætas res Pio quamprimum, Philippoque ac reli-
quis regibus nunciarent. Pòsterò deinde die vocato
senatu supplicationes ad omnia templa, nominatim ad
ædem Iustinæ, cui Diuæ Nonæ Oct. sacratæ Venetijs sunt,
decernunt: In ijs Didacus Guzmanus Siluius Philippi lega-
tus (idem fortè sacerdos erat) sacra fecit, & cum Principe
senatuque ac primoribus Patrum diuinam hostiam com-
municauit: Additum decreto est ad prodendam posteris
victoriæ memoriam, vñ populus diem Nonarum Oct. fe-
stum haberet seruaretque in perpetuum, & quotannis ad
idem templum eadem die Princeps senatusque cum populo
supplicatum irent, ibique solenni sacrificio interessent.
Publicum gaudium priuatorum secuta studia per plures dies
celebrarunt; atque actis supplicationibus ab cultu Dei tem-
plisque ad ludos spectaculaque itum: quæ varia sôdalitates

Gratias
Deo pro
victoria
Venetijs
actæ.

singulaque opificia magno inter se apparatusum certamine ediderunt. Cognitis inde interfectorum in acie nominibus, maximè Barbarici mors visa dolorem mouere: sed id quoque in gloriam viri vertit. Nec maius vllum specimen, descendisse ad omnium animos eius victoriæ gaudium, est datum, quàm quòd cæsorum funera laudibus non lacrymis celebrant, plulque gratulationis in ijs quàm fletus fuit: nec filium quifquam, vel fratrem, vel parentem aut luxur aut lugubrem vestem pro ciuitatis more sumpsisse sustinuit, ne cuius in communi patriæ læticia domesticus dolor tristitiæ conspiceretur, cauentes.

Romanæ
urbis gau-
dium ac-
cepit. vi-
Gorgi
nuncio.

PIO, vbi profectus in Græciam classes, assiduis votis supplicijsque populo Christiano Deum Diuosque propitiant, & magna singularum horarum atque anxia expectatione pendenti Venerus legatus, dimicatum ad Echindas, victos Turcas, captam demersamque hostium classem, nunciat. Tum ille, vt erat prisca vir pietatis, in grates laudesque Dei effunditur: pergit in templum, diuque genibus nixus immotus precibus hælit. occurrentibus inde cum gratulatione Patribus, quæ allata erant, exponit, exuperasse diuinam benignitatem vota hominum, disserens. Solennia sacra, quibus ipse operaretur, ad aram maximam Petri & Pauli in sequentem diem apparari iubet, omnesque qui haberi in tali re possent Deo honores, quibus accepti beneficij gratiam testaretur, decernit. Religionem Pontificis imitata ciuitas complet Diuorum templa: vbique preces, vbique sacrificia & gratiarum actiones pijs populi studijs celebrantur. Pij sanctitas in omnium ore: eius fletibus quotidianisque sacrificijs impetratam à Deo, quantam ne optare quidem quisquam lit ausus, victoriam esse.

Inter

Inter hæc Columna Neapoli profectus Vrbi appropinquabat . Eum Pius cum singulari honore pro magnitudine tam claræ victoriæ , & viri ipsius merito accipi à populo Rom. iussisset , aduersari Hispani , impedire , minui Austrij dignitatem , si alteri tributum esset quod imperatori deberetur , cauillari . Derisi reiectique à Pio , atque impudentiæ redarguti , qui , modum sibi decorandi ducem ab se præpositum bello , ac re bene gesta domum redeuntem præstituerent , æquum putarent . eò descenderunt inuidis animis , vt prohiberent , nequis Hispanus Hispanorumuè stipendijs obligatus , Columnæ aut occurreret venienti aut omnino spectatum prodiret ingressum eius in Urbem . Eo ciuitas propensius studijs in Columnam accendi . Romana plebs delecta ex suo numero sex hominum millia sub signis , ac splendido vestium atque armorum ornatu ducens aduenientem extra mœnia instructis ordinibus excepit . omnes vrbanæ magistratus cum suis insignibus pariter egrediuntur , comitante in equis nobilium iuuentute , populoque omni ad spectandam celebrandamque rem effuso . Exijt & à Pio missa Heluetiorum cohors , , quæ corporis & Vaticani custodiam agit : duæque ab eadem custodia equitum turmæ : & præter hos Pontificiæ domus dispensator cum turba togatorum & purpurato familiarium agmine . Cum hac pompa actis ante equum captiuus , atque veterum triumphantium imitatus morem Capitolium , atque inde digressus per mediam Urbem in Vaticanum ad Pium ascendit . Ab eo in Constantini aula , assidentibus aliquot Patrum , accipitur & magnificè verbis ornatur : verbaque secuta Pij liberalitas . ipsi LM. aureorum nummum numerari ex templo iussit : Alcanio filio admodum adolescenti bene-

Hispani
Columnæ
redeuntis
honori-
bus ad-
uersan-
tur.

Appara-
tus, & pō-
pa, quæ
Romæ Co-
luna ex-
ceptus
est.

Pij libe-
ralitase
g. Colu-
nam &
filium.

ficiū prædiuitis Abbatia apud Beneuentum dedit cum haud dubia spe Cardinalatus, vbi capere per ætatem eum honorem licuisset.

AVSTRIO & Columna in Siciliam Romanque profectis, Venerius veluti amoris socijs solus victoriæ lætitia fruebatur: cūmq. gratulantium assentationes vndique omnes in vnum incumberent, quem aduersæ res non fregerant, prosperę nimia elatum gloria incassum egere: ex eoq. breui omnis nobis victoriæ fructus luxuriauit. Primò, nihil iā difficile fore conanti, ferens, plenus spei ingentis persequi Vlcialim, ne ex fuga Byzantium se reciperet, tentare Peloponnesi oppida, inuadere Græciam, sollicitare Græcorum animos, ipsi minitari Constantinopolitanæ vrbi. Quæ dum spe atque animo vniuersa concipit simul, singulorum quoque, dubitando & prolato, tempus omisit. Philippus Bragadinus legatus, vir haud ignarus maris, qui Venerijs cum longis nauibus quindecim post prælium aduenerat, precibus ab eo contendit, vt traditis sibi quinquaginta nauibus protinus in hosticum excurrere pateretur: vt se res atque occasio aperuisset, ita rem gesturum, & omnem daturum operam, vt quàm maximè hosti noceret; magnamque spem habere, ex casu aduersi prælij perculsis barbaris imparatisque, occasionem bene gerendæ rei sibi non defuturam. Probare consilium Venerius, collaudare Bragadini studium; sed interim cunctari, differre, & velut sibi spatium fruendæ gloriæ suæ sumere: cuius in partem admittere quenquam, ita non sustinebat animus, vt nihil non ductu imperioque suo, nihil absente se ab alio geri, pati posse videretur, tanquam detrahi sibi, quicquid alteri accessisset gloriæ, existimans. Trahere igitur rem, dum

Venerij
vaua, &
gloriosa
consilia.

ipse

ipse vulnus curat, quod nauali prælio leue in dextero crure acceperat. Eam Venerij moram satis, creditur, magno Turcis emolumento fuisse: si enim, hoste tanta recenti clade perculso, populis per Græciam barbarorum crudeli ac superbo imperio fessis victricem classem ostendisset, paruo negotio magni victoriæ progressus fieri posse videbantur. Sed Venerius animum ad expugnationem Leucadis adiecerat, quam facilem ac propè nullius laboris fore, ei imperiti homines persuaferant, vsqueadeo vt, quod suprà tradidimus, ne cum Austrio quidem tentare eam rem voluerit, quò sibi vni gloriam patrati negocij vindicaret. Id consilium Iacobus Sorantius, qui successor Barbarico à senatu missus ad classem venerat, magnopere refutabat. Quid enim explorati aut prouisi satis ad eam rem esse? cur ipsi per se insulam temere aggrediantur concessio hosti spatio sese confirmandi, quam adiunctis sociorum classibus in ipso impetu victoriæ tentare ausi non sint? nec si alia quidem præuertenda non essent, periclitari de fama victis nuper hostibus parata, conatu dubiæ & haudquaquam dignæ rei deberi. Si vti tempore velint, vt quæque maximè longinqua, ita intuta, & opportuna inuadentibus fore; vbi nec subita nec opinata res imparatis pauorem esset additura, & facultatem bene gerendi negocij præbitura. Leucadem Corcyra obiectam, quoties velint satisque instructi ad vim faciendam fuerint, oppugnatuos; reliqua præsentis occasionis esse. Prius igitur potiusque esse, Naupactum nauigare, & incensus ibi quas inuenissent vacuas ac desertas ab hostibus naues, Peloponnesum ambire, & antè motos in ea ora montanos homines præsentis spe opis compellere ad rebelandum. Neminem omnium, fide: cunctos metu contineri;

Iacobus
ratiõ dis-
suasio de
Leucade
expugna-
da.

quem si ipsi appulsu classis dempserint, cupidisque animos adiecerint, opere haud magno acre in ipsa Græcia bellum excitari hostibus posse. Hoc facto placere, protinus cum classe Hellespontum peti, atque ex ipsis angustiis, si penetrare non possent, Byzantio terrorem ostentari. Haud parum ad summam belli totius referre, si, adeo fractas aduerso prælio Turcarum opes esse, fama distulerit, ut ex ipsis Constantinopolitanæ urbis mœnibus minitantem sibi Venetam classem trepidus prospectasse tyrannus prædicetur. ipsos inde, veluti adita concessu hostis maris possessione, redeuntibus passim exscensionibus factis populari maritima Græciæ, commeatus aliaque, quæ in usum classis Ægypto Alexandriaq. Constantinopolim conueherentur, impedire atque intercipere: materiam, cuius haud dubiè magnam vim ad mare comportatam ubique inuenient, incendio consumere; & ex omnibus insulis prædas, maxime hominum, agere, quibus & suppleturi ipsi remigio naves, & dempturi hostibus eam facultatem essent, ne his affecti difficultatibus incommodisq. classem in sequentem annum reparare queant: qua in re summum conficiendi belli momentum verteretur. Hanc magna pars eorum qui aderant probabat sententiam: sed contendere, & aduersari Venerio occupato spe Leucadem potiundi atque in eo perstanti, nemini magnopere opus fuit.

IMPOSITIS igitur duobus millibus Italorum, CCC. Græcis peditibus, Epirotis equitibus centum & quinquaginta, cum octo & quadraginta longis nauibus in insulam traiecit. Ea inter Cephalleniam & Acarnaniam interiecta, continenti, vnde exiguo admodum freto dirimitur, ponte coniuncta est, quò promptior hosti transitus ad opem fe-

rendam.

rendam. Sed, Turcis quanquam improuisa res fuit, qui Venetos nihil post naualem victoriam ausos, progressa iam hieme segnes Corcyrae quieturos putarant, tamen & ante accersita praesidia peditum equitumque habebant, & dimissis celeriter nuncijs noua vndique auxilia exciuerant. In egressos in terram nostros, & maiora tormenta sex quatiendis mœnibus admouentes ex multis locis infesti eruperunt magnisque detrimentis affecerunt, vt ipsū ante omnes Venerium statim desperatio conficiendi ex sententia negocij ceperit. Quem etiam cum quinquaginta equitibus ad explorandum progressum propiusque succedentem oppido conspicati Turcae, ac numero maiori adorti eo tumultu fugaque compulere ad naues, vt aliquot suorum interfectis parum abfuerit, quin ipse in hostium potestatem peruenerit. Eo territus periculo, suaque iam opinione deiectus rem temere coeptam, atque improspere tentatam satius habuit omittere. Receptis in naues tormentis, & Sorantio cum sex & triginta nauibus in Cretam proficisci atque ibi hiemare iussu, ipse vna in itinere trireme amissa Corcyram in hiberna redijt, nulla re post naualem pugnam gesta, nisi quod Sopotum expulsis Turcis recepit, & Margaritium munitum castellum in Epiro, quod Turcarum praesidio tenebatur, fuga eorum desertum per Paulum Vrsinum, quem eò cum quatuor millibus militum miserat, cepit, direptumque excindi atque solo æquari imperauit. Hoc modo deformatam prius inutili mora, deinde irrita oppugnatione Leucadis victoriae famam à Venerio esse, plerique Venetorum, qui nauarchi singulis nauibus praerant, querebantur, maximè quos inuidia gloriae eius vulnerabat.

Leucade
irrito eo
nauu Ve-
nerius
tentat.

Quid ge-
stum sit
post na-
uaem pu-
gnam.

Veneto-
rū Rep.
qualis.

Jacobus
Sorācius
Veneriū
infeda-
uit.

VENETIIS exclusa plebe patritij remp. habent. Inter hos (quod ferè malum magnas ciuitates vexat) factiones duæ ingentibus certant odijs; quæ tamen hæcenus non vltra suffragiorum certamina erupere, dum lux quisque parti in mandandis honoribus aduersatur, aut fauet, atque idipsum occultis studijs: nam legibus eorum contra remp. habetur, his de dissidijs loqui. Familiæ paulo plus viginti sunt, quæ vetustate originis & maiorum titulis elatæ contemnunt reliquos vt nouos atque reptitios. Pro contemptu odium redditur: id, vbi superbiam nouitas numero atque industria superauit, vtrinque auctum acrius, quia in abdito, aestuat. Venerius clara, & aduersa nobilium factioni familia erat natus. Ei legatus erat Iacobus Sorantius, cui præter vetustum genus domesticæ opes, & vitæ cultus splendidiùs ab illo, quàm pro ciuitatis more, institutus inflabant animum sua sponte gloriæ, potentiæ, imperij audum. Is præfecturæ classis, si Venerius amoueretur, spe & cupidine imminens, ambitione atque inuidia stimulante, asperè multa & criminose in eum Venetias scribebat: Hominem inanem & decoris insolentem, secundis rebus & fama aliena virtute parta obtorpuisse: & qua nullo suo merito gloriatur, victoriam vnum per socordiam corrupisse. Pugnatum cum Turcis diuini Numinis instinctu, non voluntate hominum: nam, quod ad Venetum præfectum attinet, non cum hoste, sed cum socijs exitiali bello manus esse consertas: quantum enim abfuisse, quin eius inconsulta seueritate resp. pessundata sit? An, si Barbaricus infantiæ eius se non obiecisset remq. consilio suo moderatus esset, eam victoriam Veneti consecuti fuissent? Satis iam illi contigisse laudis, satis felicem semel in eo fuisse remp.

vltra

vltrà experiri atque abuti fortuna, neutri vtile esse. Ne congressum quidem ut colloquium eius Austrium ferre: quâ igitur spe bellaturos eo infenso iratoque, in cuius manu summa imperij sit? Regiæ superbix iuuenem, Hispanis consultiorebus circumfessum ægre officijs atque arte captari, & ad res è communi vsu gerendas trahi: quid, si insuper Venerij importunitate peruicaciaq. quotidie magis alienetur, fore? Hæc Venetijs prius inter paucos factionis eiusdem agitari, mox vulgata in singulis circulis differebantur: postremò ausus est Bernardus Theupulus monere in senatu Patres, vt præuenterent Venerium per speciem honoris tanquam ætati eius parcentes Venetias reuocare, antequam, Pio Philippoque postulantibus, cum ignominia eius & indignitate reip. facere cogerentur. Id eo indignantiùs accipere Patres, quòd Paulus Bernardi frater, quem illis diebus legatum Romam ad Pium miserant, vir magna in ciuitate gratia virtuteque, idem quod Sorantius cupere existimabatur; aut certè, si Sorantius honore ætatis prælatus sibi esset in præfectura maris, eius se locum apud classem obtenturum sperabat. & erant Theupuli rationis ac partis eiusdem. Itaq. clamare Venerij fautores, inuidia & conspiratione iniquorum circumueniri clarissimum virum, vt pro honoribus & præmijs, quæ meritis erat, contumeliam ferret. Et Jacobus Sorianus vnus senatorum, Quid, inquit, Bernarde, acerbis in Venerium decreuisses, si victus amissa classe malè gestæ reip. conuinceretur? An, quia impotenti superbix vanitilimi adolescentis obuiam iit, & ius imperij sui fortiter & pro dignitate Veneri nominis vindicauit (quod ne Austrius quidem ipse faceret) nos grati ciues pœnam pro gratia irrogemus? Quid vos, si gloria viri & partum decus

exurit,

Soriani
pro Vene-
rio ora-
tio.

Pius vt
Veneriū
amoue-
rent, Ve-
nerio: mo-
uet.

Iacobus
Folcare-
us Vene-
rio suffi-
ciatur.

exurit, inuidiæ & dolori veltro temp. immiscetis? Per hæc senatus totius conuicio vt maligna & nimis astuta obrectationis explosa Bernardi oratio est. fortasse is ex studio factionis suæ, aut fratris cupiditati subseruiens illa disseruerat. sed, nequaquam absurdè sensisse eum, mox ipsa res ostendit: haud enim multo post, negante Austrio quicquam, si Venerius Venetæ clausi præesset, pro concordia gestum iri, & apertè illum imperij locum detrectante, cum regij legati apud Pium asperum atque odiosum senis ingenium criminarentur, & sententiæ eorum etiam Columna, gratificans in eo Austrio, suffragaretur; Pius (quem nihil non mouebat quod impedimentum bello ac gerendis rebus afferre posset) ne ij publico periculo dissiderent, senatui scripsit, Venerio successorem darent. vtrius eorum vitio ea orta dissensio esset, nimium abhorreere ab illo Austrium, cui vel parum æqua cupienti indulgere aliquid rei publicæ causa, præsentia sapienter pendendum esse: neque vllius magis, quam ipsorum interesse, id administrari vtiliter bellum. Id fieri, infensis & discordantibus inter se ducibus, qui posse? Antè igitur prouidendum, ne tam paruis inde ex rebus, quod superiore anno factum sit, laboraretur. Pupugit ea res grauitè Venetum senatum, non Venerij iam solum causa, sed etiam sua: cum turpe, & maiestate reip. indignum censerent, præfectum clauis, quod summæ potestatis magistratus est apud eos, abdicare ad alterius libidinem atque abducere. Itaque diu & sententijs inter se, & aduersus Austrij superbam postulationem cum pugnasent, ad extremum tempori simul & Pij auctoritati cessere, & Sorantio Theupuloq. præteritis, quorum ambitioni irascebantur, ex aduersa ijs factione Iacobum Folca-

renum

renum ei muneri præfecerunt, acrem virum, sed neque
 ijs honoribus functum, ex quibus pro ciuitatis instituto ad
 præfecturam maris est ascensus. Venerium, ne motus digni-
 tate videretur, manere in Dalmatia ac circum Adriatici si-
 nus oras curare res cum eodem imperio, iusserunt, addito
 honoris eius causa, vt Foscarenus quoque, siquando vnum
 in locum conuenissent, Venerio pareret. Hunc virum
 ad magnos honores gloriamque serò, sed magno impetu
 fortuna euexit, nec sperantem exacta ætate nec diffidentem,
 quippe iuuenilis in sene animus, & abstinens voluptatum
 etiam corpus labori atque spei firmabat. Prima ætas eius ex-
 pers honorum fuit: causas mercede actitauit, diligentia &
 fide maiori, quàm facundia: quam viam Venetijs e patritio
 ordine haud ferme sequitur quisquam, nisi quos angusta do-
 mi res subigit. Parta re, & priuatis ornissis causis magistratus
 vrbano cepit gessitque gratia fama que atque magis integra
 quàm notabili. Militari potiùs animo inter ciues, quàm peri-
 tus militiæ vfu aut scientia vlla. Concitus atque audax; ini-
 micitias rixasque & ipse exercuit, & alienis se miscuit: in
 quibus & accepit vulnèra haud indecora, & fecit: neque
 hanc ferociam ingenij fregerant anni, vix honores atque
 imperium mitigarunt. Bello Cyprio ardente mitti se in-
 genti periculo in insulam; cum reculare per ætatem posset,
 etiam vltro postulauit. Quæ res eum ad classis præfecturam
 extulit, Zanio prioris anni imperatore ob rem male admi-
 nistratam ad dicendam causam Venetias auocato. Parta
 victoria, tantam apud suos gloriam studiaque hominum
 est adeptus: (& erat quoque gratiosa familia ortus) vt pau-
 cis post annis mortuo Mocenigo, cedentibus eius dignita-
 tionibus ciuitatis principibus, quod antè acciderat ne-

Venerij
 fortuna
 & agra
 niam

mini, primo comitiorum die Ducem eum reip. cunctis suffragiis crearent. cui magistratui regius honos Venetijs habetur, quanquam nulla nisi circumscripta legibus potestas tribuatur.

Constantinopolis
trepidatio post
cladis
necium.

AT Constantinopoli, quanquam initio oculere aduersæ pugnae famam, qui mos est barbaris sua impudentibus mendacijs (prout est usus) minuere vel augere rumoribus, conarentur; tamen, cum dissimulari res nequisset, tumultus & comploratio similis captae urbis fuerat. & regiam ipsam (quod antè non meminerant) ea clades attigerat, regis sorore pro viro caeso natisque captis lugente. Plures trepidatum dies ab sollicitis, ne Christianæ classes protinus ex ipsa pugna arcem ipsam imperij Constantinopolim inuaderent. Itaque milii statim à Mahomete, qui Hellesponti fauces oppidaque imposita faucibus nouis praesidijs firmarent, nequid ignominiae vlla repentina vi metuque acciperetur: nam populi ea consternatio fuerat, ut nec auctoritate sedari, & ægre edictis poenisque ab effusa fuga coerceri potuerint. Ac, nisi rex, qui tum Adrianopoli erat ædificationi, quæ magna huius belli causa fuerat, intentus, graui excitatus nuncio Byzantium accurrisset, haud aberat periculo res, ne per molliem ac turbam de tradenda Christianis urbe consulerent. Tanta enim ignarum atque imbelles vulgus desperatio inceserat, ut se Turcæ Christianis incolis, quos alioqui pro despectissimis habent, commendarent, preciosa rerum ijs seruanda traderent, trepidique & abiecti percunctarentur, an Christiani Byzantio potius Turcas accepto tributo suis legibus viuere passuri essent? Aduentu regis tumultus paulum conquieuit, suppliciorum metu magis quam spe. Ita Byzantio, vnde nuper tanta vis belli

Vulgi
consternatio &
pauor.

in Venetos ingruerat, vt fractos atque ipsis timentes Venetijs superbus atque insultans hostis viderit, vicem reddidit fortuna: eo maiori metu percussis barbaris, quo belli secutiores fuerant. adeo nihil stabile certumque est in rebus humanis; &, qui in ancipiti est bellorum euentus, vbi aduersus incidit, grauius concutit quos certiores spes firmabant. Rex Pertaum, vt vnus culpa acceptum incommodum, non virtute superati Turcæ viderentur, spoliatum omni dignitate fortunisque, ægre concessa vita, Byzantio expulit: Vlucialim, qui cum XXX. ferme nauibus (nec plures secutæ eum fuerant) Constantinopolim se ex fuga cum recepit, intrans urbem captiuas aliquot Venetorum naues, quas primo incurſu, vt traditum à nobis est, expugnauerat, remulco trahens victoris animum ac speciem ferre est visus, collaudatum atque aurea donatum veste in Halyj locum nauali rei cum imperio præposuit. Hic, expetiuerat Pius, vt per idoneos homines ad prodicionem sollicitaretur, non impunitate solum sed magnis quoque præmijs, & nobilis vrbs in Neapolitano regno, vnde ortus Vlucialis erat, dominatu propositis, si operæpretium præstitisset, & ad Christianæ Ecclesiæ fidem rediens hostium classem, cuius dux atque vnicus imperator futurus erat, Christianis tradidisset: deque ea re per Alexandrinum Cardinalem cum Philippo magnopere egerat, in eamque ipse curam vehementer incubuerat. Verùm & Philippus, cum Pij animum studiumque tam intencè nigrantis pro communi salute laudibus extulisset, diligentiam pollicitus rem omisit: & Pium paulo post mors importuna rei publicæ eripuit.

Percui
exilium.

Cura Pij
ad Vlucialim
reducendū
ad fidē

Turci
reparan-
de classi
animum
adijunt

T V R C Æ , postquam collegere ab aduersa re anim-
um, primò è mediterraneis locis euocato milite
tueri præsidijß maritima statuerant, rati, Christianos va-
cuam maris possessionem nactos occasione non defuturos.
Sed, vbi ex speculatorijs nauigijs quæ in omnes partes
dimiserant, & Austrium iu Siciliam contentum vnus se-
cundi prælij gloria abijsse, & Venetos haudquaquam pares
fortunæ animos gerentes semirutis Epiri castellis expu-
gnandis, neque ipsum satis prosperè, occupari, Vene-
riumque Corcyræ lægna statiuā habere, didicerunt; ho-
stium inscitia læti omnem curam reparandæ classi intende-
runt, verti in eo dignitatem regis gentisque, & salutem tot
maritimarum circā vrbium, in quas nisi clāssis obijceretur
omnia impunè conari hostis posset, satis intelligentes;
plurimumque ad animos atque opinionem populorum
interesse, si tantæ viderentur Turcarum opes, vt non
resarcire solū breuī tempore acceptum detrimentum,
sed pluribus adaugere copijs possent. Et Vlucialis quanto
& res ipsa & nouus sibi à rege tributus honor poscebat stu-
dio diligentiaque rem naualem administrabat. Naues lon-
gas quatuor & viginti, quæ custodiæ causa in Cypro relictæ
erant, prælio intactas ad se Byzantium accersit: quæ post
pugnam passim desertæ fuga fuerant, colligi cum cura iubet,
easque & quas præterea secum ipse adduxerat restituit in-
struitque: veteres, quot est in naualibus nactus, reficit ornatq;
nouas & ipse instituit, & præfecturis ciuitatibusque, quā
plurimas posent, imperat & omnibus locis edificari iubet.
Breuius, quā quisquam putarat, deductas CC. longas naues
lēto tantis suis facultatibus regi ostendit. Sed erant omnes
& nouo & raro remige tardè claudēque, & magna nauta-

rum inopia laborabant. Atque Turcæ ita se nouo certamini comparabant.

CHRISTIANORVM principum ne res quidem communibus armis feliciter gestæ praua æmulatione imbutis animis mederi poterant : quanquam naturalis prælij fama per Christianas prouincias delata mirè animos ad belli cupiditatem erexerat, quòd, tanto affecto vulnere atque mari expulso hosti si instaretur, ingentes animo spes vulgò homines concipiebant, omnibusque celebrabant sermonibus, quæ non ex vano videbantur fore, si populorum ardorem corrupta ambitione atque inuidia principum studia non fefellissent. Inter Venetos Hispanosque cum palàm amicitia societasque esset, secretò acrioribus, quàm cum hoste, odijs certabatur; irritaueratque iras ipsa victoria. Nam Hispani, suopte ingenio inflatum genus & gloriosum, despiciere Venetos, ac suo milite, sua classe patratum negotium deuictosque hostes, iactare, minimumque communicare cum socijs laudis. Acerbissimè hanc ferre arrogantiam Veneri : & ipsi non contenti, suorum memorare egregia facta, ab ijsque & initam prius pugnam & ad spem inclinatam, prædicare, Hispanos malignitatis accusabant, qui, cum subuenire circumuentis ab hoste aliquot Venetis nauibus possent, expugnari eas capique ante oculos, passi essent : & Auriam ante omnes præne prodicionis insimulabant, quòd longiùs in altum, quàm res posceret, extento agmine speciem abituri his qui sequebantur præbuerit, seriusque inde profligato iam bello atque integer regressus persequi Vlucialim fugientem, cum posset & ex disciplina deberet, noluerit, sed victas captasque à nostris hostium naues ipse aut diripuerit, aut abstulerit inte-

Hispanorum, ac Venetorum interstina discordia.

Inter re-
gios lega-
tos inui-
dia.

gras , prædator quàm bellator haud paulo cupidior .
Initio hiemis & Veneti Paulum Theupulum Romam
miserant , qui cum Iohanne Sorantio remp. procura-
ret : & rex suis Aloysium Requesentium addiderat :
quanquam is quidem morari in Vrbe diu non potuit . Cùm
enim ei Pontifex , quòd præfectus Mediolanensium esset
charusque priuatim Pio , maiorem quàm legato honorem
habuisset , Ferratius regis Galliæ legatus , homo præcipitis
ac præfracti ingenij , adeo acri impetu huic rei sese obiecit ,
labefactari in eo dignitatem Galliæ , clamitans , cuius lega-
ti Hispaniæ legatis semper honore prælati essent , vt Re-
quesentius veritus , nequa inde flamma inimicitarum inter
ipsos reges alieno tempore accenderetur , Roma discesserit .
Veneti igitur regijque legati de ratione belli inlequenti an-
no gerendi quotidianis contentionibus apud Pium Cardina-
lesque ab eo huic negotio præpositos disceptabant , nulla
de re conuenturi , nisi apud vtrosque interposita Pij aucto-
ritas valuisset . Postularunt Veneti , vt ante omnia rationes
impenarum putarentur : magnam se pecuniam , vltra quàm
ex fœdere deberent , insumpsisse ; eam , verum esse , sibi à
socijs reponi acceptamque referri . At Pius expediendo bel-
lo intentus , ne , Venetis negociatorum more exiliter cun-
cta ac minutè ad calculum exigentibus , Hispanis callida
interpretatione multa interuertere conantibus , disceptatio
de præteritis futura atque instantia impediret , vetuit quic-
quam priùs agi quàm , quibus copijs quauè in parte gerendæ
res essent , constitueretur . Cùm obtemperatum Pontifici
esset , Venetis placebat , vt omnibus , quantas in fœdere
conferri à socijs scriptum erat , copijs terrestribus nauali-
busq. bellum in Græcia gereretur . Erant hæc peditum LM:

qua-

quatuor millia & quingenti equites, præter nauales milites, & classem CC. longarum nauium, quam onerariæ centum cum com meatibus & reliquo apparatu belli sequerentur. Ex his, siue Maximilianus Cæsar, vt Commendono Cardinali pollicitus fuerat, ab Vngaria arma moueret, sociumque belli Christianis adiungeret, ei numerum quem petiisset peditum equitumque tribui: siue ille cunctando dicta eluderet, exercitum omnem in Illyricum traijci atque inde per Epirum in Macedoniam atque interiora hostium induci. Fractos enervatosque nauali clade, si terra marique vrgerentur, vires ad sustentanda vno tempore duo bella Turcas non esse habituros. Ita pelli eos Europa, & in perpetuum Italiam Christianasque tot nationes barbarorum metu liberari posse. Regij veteri suo insistere consilio: & sustineri Turcas, satis habentes, atteri & debilitari rem Venetam, præoptabant; bellumque auertere in Africam moliebantur, quò propius Hispaniæ fructus victoriæ foret. Id palàm ferre, quia inuidiosum videbatur, cum non auderent, non probabant solum vt omni ratione Maximilianum, quem nunquam implicaturum se eo bello sciebant, traducere in partes conarentur, sed frustra fore, aiebant, sine ipso terrestre tentare bellum: quin, classis quoque ipsius vllum satis magnum operæ precium futurum negabant, nisi Maximilianus in cauam descendisset, qui hostem ancipiti bello distineret, & maximè abstraheret à mari, cuius vt possessione concederent Turcæ, tamen, ad quamcunque se urbem oppugnandam nostra clas sis intulisset, magnas extemplo copias è finitimis locis ad ferendam opem concursuras: ita omnes inanes nec sine periculo conatus fore. Optimum igitur esse, donec Maximilianus adiungitur, onerarijs omis-

Hispano-
rum cou-
lisa.

sis (quod genus auxiliij vt inane ac plerumque fallax spre-
uere semper nauticæ rei periti) classem robore militum ex-
peditam ornare, vt, quò res poscere visa fuerit, circumagi
ac repentina vi opprimere hostem posset: eam placere CC.
longarum nauium esse, quarum singulæ centum & quin-
quaginta milites ferant: ita XXXM. peditum momento
in terram esse exposituros, qua copia vel validas vrbes ino-
pinato terrore concussas capi atque expugnari, antequam
ab hoste subueniatur, posse. Sed, quid prius potissimumque
agendum aggrediendumue esset, non Romæ ab ignaris
rerum locorumque decerni, sed arbitrio permitti ducum
oportere, qui, prout res atque tempus postulassent, face-
rent statuerent quæ è re publica fideque eorum viderentur.
Adiecere ad hæc, vt, honoris causa Austrij, classes in Sici-
liam conuenirent, vbietiam copia maior ad alendas tot
naues, instruendasque necessarijs rebus esset futura.

APPAREBAT, ducum sententijs subijci sum-
mam consiliorum, quia, impelli Columnam quò re-
gis utilitas ostenderetur, non diffidebant, posse Siciliamque
deligi, vt inde breuissimo traiectu totum ab Græcia in Afri-
cam transferretur bellum. Respuentibus ea Venetis le-
gatis cum haud dubio Cardinalium assensu, apertius re-
gij, non adeo indulgendum esse Venetis, dicere, vt nulla Hi-
spaniæ ratio habeatur, quam, cum vna maximam vim pe-
cuniæ regi ad id bellum contribuat, æquum esse, eius quoque
fructum sentire. Perinde infesta prædonum latrocinij Hi-
spaniæ littora nunc esse, ac si nullam rex classem, nullum
ipsi tributum in classem penderent. Nec aliud prædonibus
receptaculum, quàm Africam esse; è qua si partem illam
detraxissent, non Hispaniam solum eo deuinctum beneficio

Regiori
ad aucten-
dum in
Africam
bellum
oratio.

enixius

enixius omnia ad id bellum præbituram, sed ab ipsa quoque Italia eandem prohibitum iri pestem, cui haud minus ferme quam Hispania obnoxia atque exposita pateat. Nec longi temporis nec magni laboris eam fore expeditionem; quippe Algerium, quod tutissimum perfugium piratæ haberent, nudatum nunc omni præsidio vel solo conspectu atque fama Christianæ classis in potestatem venturum: atque eo sine vlla longiori mora recepto tantum super futurum ætatis, ut nihilominus transiri cum classe in Græciam ad res gerendas posset, victoria atque fama Africæ successu aucta. Se tamen nihil statuere, arbitrium omnium rerum ad duces reijcere, qui temporis rebusque consilia accommodarent sua.

Tum Paulus Theupulus, nihil attinere, ait, quæ antè expressè pacta atque decreta essent, ea in disceptationem vocare. Esse in fœdere, ut classes singulis annis veris initio Corcyram conueniant, bellumque ut in Græcia aduersus Turcas geratur. Quid opus esse nunc de eo permittere ducibus, quod, præterquam quòd ita fieri ex legibus fœderis debet, etiam rei expediat, & consentaneum rationi sit? Hostem cominus petere & conficere, atque ipsa imperij præcordia fodere cum possint, cur velut è longinquo inania & nihil nocitura, ac ne hærentia quidem corpori iaciant tela? Esto, expellas Africa piratas, liberes vexatione ac metu Hispaniæ atque Italiæ littora: at patere interea, recolligere vires Turcas & spatium ad reparandam habere classem, cum qua iterum se summa belli periclitare; tum non piratarum paucis lembis prædas furtim atque ex occasione rapientium, sed iustis classibus vastari Siciliæ atque Italiæ oras, minorique negotio restitui in Africa prædonum manus, quam inde ciecti fuerint, cernas. Qui toto corpore est ager,

Theupuli
de bello
in Græcia
gerendo
oratio.

non singulos digitos aut extremas curando partes, sed veris remedijs fusam intus vim morbi extinguendo depellendoque salutem assequatur. Quid ex Africa atque Algeria detractis prædonibus ad summam huius belli, quo de Christiani nominis dignitate decernitur, profectum erit? Vbi verus hostis & discriminis caput atque arx esset, eò arma intendenda. Nam, si Turcarum in Græcia opes affligerint, aut afflicta iam vno prælio resurgere ac valescere iterum passi non fuerint, Africam sine vlllo certamine in manum venturam, quæ nunc in tam dispari fructu propè par periculum atque laborem ostendat, vbi cum viris longè fortissimis, & diuturna duratis militia pro vita atque spe vltima pugnantibus futurum negotium sit; vbi non, vt in Græcia, Christiani populi sæuo dominatui infensi, cupidi paratique nouandis rebus sint: sed omnia fida atque opportuna hosti, aspera ac difficilia inuadentibus. Adde, quòd si in Maximiliano Cæsare tantum ad omnia momenti sit quantum ipsimet nuper regij legati differebant, vt sine eius ope vix vllum huic bello exitum inuenirent; vtrùm tandem ille, in Africam procùl à communi hoste abduci bellum, an in Græcia atque in visceribus regni Turcarum geri cupit, quòd illi vim à mari repellere coacti distrahant vires, non liberi tota mole in se vnum ab Vngaria irrumpe ntem conuerti atque incumbere possint? An is timens atque circumspiciens omnia, cùm, Africam spectari, priuatum Hispaniæ non publicum omnium agitari bellum sentiet, ab voluntate siquam habet iungendi se huic fœderi non longe refugiet? Terra inde marique collatis omnibus, quæ scriptæ in fœdere essent, viribus ac summo conatu premendum hostem, antequam spatio sumpto & vires & animos resceret, censuit.

CVM hæ contentiones LX. ipsos dies tenuissent, & neutri sua sententia mouerentur, res ad Pium delata est, atque ex auctoritate eius ita conuentum: Classes ante Cal. Apr. ornatae instructaeque Corcyram conueniant, bellumque in Græcia Turcis, vbi maximè ducibus visum fuerit, faciant. Veneti ad sex galeatias, quas in prælio habuerant, nouas tres addant: item naues longas quot deducere atque armare possent: suraptus in eas à socijs proportionem cuiusque præstetur. Pius Philippusque haud pauciores quàm superiore anno adducant naues. In classẽ equi 12. duo & triginta millia peditum imponantur. Duodecim præterea militum millia scribantur: eos præfecti Hydruntum adducant, paratosque traijei, siue in supplementum clavis siue aliò quo duces censuissent, habeant. Maiora tormenta triginta, quæ cannones appellant, & mille pro vnoquoque eorum, ferrei globi, puluerisque sulphurei quantum opus sit ad singula millies explodenda. sclopetorum viginti millia, XXXM. gladiatorum, quindecim sarissarum, breuiorum hastarum duo millia, armaturæ quingentæ: & præter hæc magnus ad opera faciendâ feramentorum apparatus. atque hæc omnia in naues imponi iussit.

Et Pius interea non solum Maximilianum in societatem sollicitabat, sed Ant. Mariam Saluiatum & Paulum Odescalcum (vterque erat Episcopus) circumire Italiæ Principes iusserat adhortarique, vt pro suis quisque facultatibus auxilia ad bellum mitterent, quod pro omnium incolumitate & pro Christiana religione aduersus barbaros gereretur. Ab omnibus benignè in speciem responsum, facturos quod Pius imperasset. Et Gulielmus quidem Gonzaga Mantuanorum Dux CC. equites, mille pedites

offerebat:

Belli gerendi ratio auctoritate Pigdiceria.

Studia Principum in bellis.

offerebat: tantundem Octavius Farnesius Dux Parmensium: Guidobaldus quoque Vrbinatium Dux CC. equites. Lucensium ciuitas pecuniam pro milite dabat quotannis sex aureorum nummum millia. Genuenses, quatuor triremes, quas publicè habebant, accommodasse Philippo atque in eius militare classe, responderunt. Ceterum Filibertus Dux Sabaudia CCC. equites, duo peditum millia pollicitus adiecit, vt statueret Pius, vtine ijs militibus Turcico bello, an retineri ad custodiam regni sui mallet, cui imminere Gallos hæreticos ducemque eorum Gasparem Colignium aiebat, cuius tum terribiles erant opes: suspectumque Filiberto fecerat, quòd illis ipsis diebus Sabaudam nobilem ac prædiuitem matronam & ipsam animo illa opinionum prauitate imbutam, spreto ac nihil consulto Filiberto, matrimonio sibi iunxerat, intra cuius ditionem illa oppidis aliquot imperitabat. Cosmus Medices VIM. peditum, 10. equites pollicebatur cum eo, vt à Maximiliano socijsq. fœderis eius Magnus Dux Heturix appellaretur. Alphonſus Dux Ferrariensium nihil diffinito numero, quantum Pius imperasset offerebat. Sed idem ab æmulatione Cosmi, quocum ei magnæ similitudines & perpetua de dignitate contentio intercedebat, promissis eius territus, ne per hæc, cuncta ab socijs atque Maximiliano impetraret, in Germaniam ad eum profectus erat. Quæ res adeo alienauit ab Alfonso Pium timentem, ne Cæsarem à fœderis consilijs deterreret, vt non tacitus eam offensam tulerit, & cum Alfonso acerrimis verbis nec sine minis expostularit.

MULTIS auctoritate ac diligentia Pontificis victis atque oppressis difficultatibus, rebusque constitutis, redierant hominibus spes gerendi prospere in barbaros

belli.

belli. & iam Columna omnibus paratis profecturus ab Vr-
 be erat, cum nostris contracta peccatis ira cælestis Numi-
 nis in nos infesta erupit, Pio Pont. intra paucos dies bonis
 ac rei publicæ erepto. Calculi doloribus tentari est cœptus,
 nec ipso nec medicis morbum intelligentibus. Neque verò
 ille medicorum arti satis vnquam tribuerat, vnā esse me-
 dicinā, temperare à noxijs, ratus, & victu vti modico
 ac salubri; vt, vno excepto medico cui multo antè assueue-
 rat, neminem magnopere adhiberet. Ac ne huic quidem
 ipsi, quod ad rem dignoscendam necesse erat, pudenda cor-
 poris ad inspiciendum præbere vnquam sustinuit, ab insita
 moribus verecundia nimis religioso pudore deterritus. Igi-
 tur medicamenta leniendo tantum dolori quæsitā, latentis
 morbi neglecta cura: qui vbi supra remedia inualuit, aucti
 cruciatus; & Pius sensit insuperabilem esse. Tum, facessere
 omnibus alijs iussis, nullum nisi de diuinis rebus sermonem
 ad nittens expiandæ Christianis sacris animæ, non iam cu-
 rando corpori, intendere. Sic rotus in Deum versus, frustra
 deterrentibus suis, septem Urbis templa, quæ antè religio-
 nis causa visere frequenter consueuerat, propè vnius diei iter,
 pedibus obire victis patientia doloribus voluit, in quibus
 singulis Deum Diuosq; ad omnes aras piè veneratus domum
 se recepit, magnopere, vt medicorum opinio fuit, motu ni-
 mto infirmi & imbecilli corporis exasperato morbo dolo-
 ribusque: quibus aliquot dies vehementissimè conflictatus,
 cum in eorum patientia nihil à superioris vitæ constantia
 discrepasset, demum Cal. Maij maiori rei publicæ damno,
 quam tuo, è vita migravit, vir innocentia morum, ma-
 gnitudine animi, & Christianæ pietatis studijs cum antiquis
 illis Pontificibus comparandus, quos veræ virtutis &

sancti-

Pius in
morbum
incidit.Quænam
optima
medicinaPij mo-
dicia, in-
dicit,
aque pa-
tientia.Mors, &
elogium.

Bius fa-
milia, &
res gest.

sanctitatis opinio ad posteritatis famam commendauit.

BVSCO Alexandrini agri oppido, humili ac tenui fortuna, sed honestis parentibus est ortus anno CID ID. IV. quanquam genus Bononia ab vetere atque honorata Ghislieriorum gente duxisse eum ferunt. A puero in Dominicanorum familiam est traditus, habitusque dura atque inopi disciplina, in qua ad quinquagesimum ætatis annum permansit integra fidei & probitatis fama. Munerum sodalitatis nullo præcepto esse functus fertur, nisi quòd aliquot locis monasterijs præfuit; quem illi magistratum, Priorem vocant: & is ipse non solum non cupide petenti, sed plerumque ob modestiam abnuenti est delatus. Iohannes Petrus Carafa Cardinalis, qui quæstionibus de his, qui à Christianis sacris desciscerent, à Pont. Max. præpositus erat, cognita fide atque integritate hominis, quærere eum de hæreticis apud Bergomates iussit. quippe erat quoque prudentia diuinarum literarum minimè vulgari præditus; quarum etiam, vt mos illis, doctor multos annos in societate extiterat. Atque in eo obeundo munere Cardinalis nauum fidelemque & maximè fortem expertus, & aduersus omnem gratiam metumque pariter firinum Romam euocauit: atque ibi quoque utili ac diligenti eius opera iisdem quæstionibus vsus, cum haud magno interiecto tempore mortuis Iulio III. & Marcello II. Pont. Max. Iohannes Petrus ipse Pontifex creatus esset, Pium, cui tum Michaëli erat nomen, Nepesinorum Episcopum fecit, & biennio post Cardinalium comitijs, vel aduersante Carolo Carafa Cardinale Pontificis fratris filio, in summum ordinem cooptauit, quæstionibusque de hæreticis habendis (quam curationem cum pari imperio crediderat antea ne-

mini) collaudata in senatu amplissimis verbis fide atque industria eius, sibi substituit. Eo quoque in munere honoreq. acerrimum se vindicem pietatis cum præstitisset, minimum gratiæ, nihil ambitioni tribuens, multorumque inde obnoxius inuidiæ esset, tamen anno CIO. ID. LXVI. postquam in senatum peruenerat, VIII. Id. Ian. admirabili Patrum consensu Pontifex Max. ab his inprimis adiutus, quibus maxime suspectus esse poterat, est renunciatus. Qua ipsa in re adeo expertem ipse omnis ambitionis & cupiditatis animum gessit, ut, cum ab creato iam eo concordibus suffragijs suam ipsius approbationem de more exposcerent Patres, hæsisse atque addubitasse dicatur, magisq. aliorum consensu quàm sua sponte Pontificatum, maximum velut onus (neque ipse vnquam aliter appellauit) subiisse; prorsus ut videretur eadem moderatione suscipere summum honorem, qua non concupierat. Ceterum haud facile dictu sit, adeptus supremum inter mortales magistratum maiori in Deum pietate, an auctoritate inter homines ipso statim initio apparuerit, homo non nouus modò, sed humilis quoque & obscurus, nec propinquitatibus, nec amicitijs, nec opibus ullis fultus. tantum in se ipso vna fretus mentis innocentia præsidij est nactus. Prolapsam, iniuria & licentia superiorum temporum, morum & sacrorum disciplinam vsque eò intentè corrigendam ac restituendam aggressus est, ut rem vel cœptu difficillimam (cum in quæ alios adigebat ipse exemplo anteiret, atque ingenti seueritate non parentes & praua consuetudine solutos pœnis metuque contineret: & cum vni religioni studioque virtutis proposita præmia esse vellent) diligentia & constantia, veluti deuictis atque fugatis quæ Romanam aulam deformarant vitijs, quantum

Pij inre-
gritas.

In susci-
piendis
honoribus
moderatio.

Autori-
tas in Pon-
tificatu.

In resti-
tuenda dis-
ciplinâ
seueritas.

vix multi eiusdem animi atque consilij Pontifices facturi fuisse videbantur, perficere breui vnus potuerit; assecutus (tanta eius reuerentia ceperat omnes) vt non expectatis legibus homines earum iussu prauenterent, sponte, siue in moribus siue in vitæ disciplina quid corruptum videretur, corrigentes. Denique beneficium illius sit, quod flagitia dedecori, modestia atque religio honori habeantur: ad id enim ventum corruptelarum erat, vt impuritas elegantia, pudor simplicitas appellarentur. Facinorosos & rerum capitalium damnatos, qui municipijs ac ciuitatibus suis pulsī tota Romanæ Ecclesiæ ditione passim latrocinijs cēdibusq. grassabantur, ipsis iam vrbibus infesti ac metuendi, adeo inexorabili pœnæ seueritate acribusque supplicijs coërcuit, vt nihil vsquam tota Italia fuerit pacatius. In suos ita non indulgens fuit, vt Michaëlem Bonellum sororis suæ filia ortum, educatum habitumque ab se in eadem Dominicanorum familia, ægre, & vix totius senatus precibus expugnatus Cardinalem creauerit, quamuis ob modestiam & spectatos mores percharum sibi, & ingenio atque ætateabilem. A quo ipso, delatam ab se paulo antè procurationem publici ærarij (Romæ Camerarium appellant) ex qua vberimum vectigal prope XM. aureorum nummum ad illum perueniebat, reddi sibi orto bello voluit: tradiditque Aloysio Cornelio Cardinali, acceptis ab eo septuaginta aureorum millibus; quam pecuniam in sumptus classis statim erogauit. magnamque eius gratiam iniit Bonellus, quod non solum non grauare pro re publica, sed libenti ac studio animo & eo magistratu cessit, & reliquas fortunas suas vltro in tam pij belli vltus Pontifici obtulit. Paulum Ghislerium gentilem ac propinquum suum iuuenem in militiæ studijs haud dubiæ spei,

In exulibus puniendis seueritas

Temperantia in suis dicandis.

In isdem coercendis constantia.

men-

mendacij compertum domo atque Vrbe expulit, pensionibus, quas ei in victum honestumque inter priuatos cultum tribuerat, adempnis: nec fatigatus summorum virorum precibus postea in gratiam recepit, aut redire Romam permisit. Per hæc magna viri veneratio regum quoque animos incescit: quanquam ijs memoria nostra nullus Pontificum Maximorum minus indulgit, aut ius imperij sui minus labefactari est passus, eorumuè cupiditatibus plerumque parum æquis maiori animo obuiam iit: illa semper aspernatus consilia, quæ, ad Pontificum maiestatem ditionemque regendam, hominum quoque callidam quandam prudentiam adhiberi oportere, suadebant: Pontificem Max. Deo fidemtem, & ad Deum cuncta referentem vel inscium humanarum artium cælesti adiuuari Numine, dictitans. Hinc fides dictis, hinc auctoritas, & iungendo fœderi gerendisque rebus tantum in vno pondus.

In impo-
rio cele-
stis pru-
dentia.

FINIS LIBRI QVARTI.



ANTONII MARIAE
 GRATIANI
 A BV RG O S. SEPVLCHRI.
 DE BELLO CYPRIO
 LIBER QVINTVS.



II morbus primò, & deinde excelsus cuncta ancipiti expectatione suspenderat: paratisque ad profectio- nem rebus Columnam in Vrbe retinebat. qui enim plura Romanæ Ecclesiæ subiuncta oppida obtineret, negabat, deserti ab se comitia, cùm tanti sua interesset quis potissimum Pontifex crearetur, posse. donec Patres accitum ad se cohortati, vt rei publicæ tam necessario tempore ne deesset, proficisci extemplo ad classem bellumque iusserunt, prompta ex Adriani arce pecunia, quam ei in stipendia militum numerarent, nec ipse senatus auctoritatem detrectare ausus, se suisque rebus Patrum fidei commendatis, protinus centum cellas ad classem est profectus. Ibi quoque ei ex nec opinato obiecta mora est, quòd Cosmus incertus, quem euentum comitia essent habitura, XII. naues longas ab se antea mercede locatas Pio, tradere Columnæ differebat.

Quam

Quam rem cum inuidiæ plenam apud senatum animaduertitlet Ferdinandus Medices Cardinalis, Cosmi filius, eius rei culpam à patre in præfectos nauium auertens recepit Patribus, nihil Cosmum ex pactis cum Pio mutaturum: ac præstitit. Ita Columna consensu nauibus Neapolim, ut inde in Siciliam traiceret, petijt. Cardinales, nouendialibus sacris Pio de more perolutis, ad IV. Id. Maij sepra in Vaticano conclauia comitijs habendis intrarunt, ac postera die, Alexandro Farnesio magnis opibus ambiente summum honorem repulso, Vgonem Boncompagnum, adnitente ingenti studio ac circumeunte pro eo singulos M. Sirico ab Altaempsia Cardinale, Pontificem Max. crearunt, & mutato nomine Gregorium XIII. appellarunt. Erat is Bononiensis ciuis, loco natus haud ita claro. Patrem habuit frugi adeo hominem atque industrium, ut vel ex tenui fortuna copiosos filios reliquerit. & quo anno Carolus V. Bononiæ Imperij diadema atque insignia à Clemente VII. Pont. Max. accepit, in illa frequentia & conuentu tot nationum magna mercium vi haud parui pretij diuendita cum se egregie locupletasset, ædes Bononiæ inferna via, non pro sua fortuna aut suorum, laxas magnificasque ædificauit. Filios ingenuis artibus instituit: quorum Vgo solenni ritu factus Iuriconsultus diu in turba publicè docentium Bononiæ & ipse ius ciuile docuit. XL. ampliùs natus annos patre amisso Romam se contulit, & honorum & lucri vberioris actitandis causis spem secutus. Hic publicis quoque muneribus admotus, parta iustitiæ atq; fidei fama (fuit enim cum æqui rectique amans, tum communis iuris obseruantissimus) inde per cunctos ferme gradus vrbanos paulatim succreuit: & quanquam diu in infimis hæsit, tamen medios

Vgo Bon-
compa-
gnus Pôti-
fex max.
creatur.

Grego-
rij XIII.
Pont. ge-
nus, &
antecessor
viii.

breui transgressus tandem septuagenario maior ad summum altissimumque peruenit . ad omnia austeri durique, sed incorrupti atque integri animi opinione magis quàm gratia vlla prouectus : pro difficili seuerus & constans , pro parco sermonis cautus & grauis ferè habitus .

Austrij in
Sicilia
commo-
tatio .

COLVMNA, nuntijs in itinere de creato Pontifice acceptis, Romam cum celeriter recurrisset, gratulatus Gregorio acceptisque ab eo mandatis extemplo ad classem redire est iussus. Austrius, per spectacula ludosque transacta hieme, celebri quàm vtili victoria magis gaudens, expeditionem in Africam parauerat, ab pristina Hispanorum fiducia pervinci posse, sperans, vt Veneti ac Pontifex haud inuiti paterentur, quando, per breui transigi Africum bellum posse, ostenderetur. Verùm accepto decreto, quod Romæ factum erat vt bellum in Græcia atque in Turcas fieret, Panormo Messanam cum tota classe transijt, ac præmissis aliquot Corcyram onerarijs Columnæ moram inculabat, adeo speciem properantis ferens, vt Leonardo Contareno Venetorum legato, quem senatus, nisi postquam soluissent cum classibus è Sicilia duces, ab Austrio vetuerat discedere, persuaserit, vt protectionis suæ nuntius Venetias rediret: se enim, vbi Columna aduenisset qui in singulas horas expectaretur, eodem momento vela facturum. Iam Columna pridem aduenerat, Venerique cum vt Austrio honos haberetur, tum vt esset qui calcar ei ad proficiscendum adderet, Iacobum Sorantium cum XXV. nauibus è Corcyra in Siciliam trajcere iusserant. Ab his iuuenis assidue stimulabatur, neu rei publicæ neu gloriæ suæ vltà deesse vellet. Ille nunc studium eundi ingens præferre, nunc res nondum paratas ad protectionem causari. Eo So-

rantius

rantius acrius instare . sed frustra : nam ei , vt classem in Sicilia contineret , Græciamque & Turcarum bellum ea æstate omitteret , imperatum à rege fuerat . Quod ille secretò Columnæ aperuerat , ac petierat ab eo , vt , quòd regis interesset , verba Veneto daret . Id Sorantius magno vir eruditus vsu senserat , quanquam moram ex mora nectendo Austrius spem eius alere conaretur . Fit de eo certior Gregorius nouus Pontifex , à quo appellati Hispani literas regis ad ipsum scriptas Gregorium proferunt : in quibus erat , magnum in Gallia armorum motum esse , intimisque consilijs à rege Gasparem Colignium Hugonotorum atque omnium tumultuum in Gallia ducem adhiberi . Hoc auctore societatem inter Gallos Britannosque iunctam , vt eodem hostes atque amicos habeant : sollicitari à Colignio Belgas , Germanosque ingenti pecunia conciri . Credere , hæc omnia , decepto adolescente rege ab homine callidissimo & cuncta turbare seditionibus cupiente , aduersus se parari . Itaque suam se classem ea æstate ad custodiam rerum suarum habiturum : rogare vehementer Pontificem , vt suum factum probeat , quando haud minùs sua , quàm totius rei publicæ intersit , compesci , non crescere exitiabilis sectæ opes .

Comperta res erat , instituisse hunc Colignium Carolo regi omnique ope connixum , vt eum ad inferendum Philippo bellum impelleret , eaque de re sæpe verba in consilio fecisse , tempus , opportunitatem , & minimè dubiam nec magni operis victoriam fore , ostendendo . Homo enim vasser , ex dissidio duorum regum , quibus ipse aequè infensus infestusque erat , suam in immensum aucturum potentiam sibi inde præbitum iri occupandæ Galliæ facultatem , haud ineptè spem ceperat . Sed satis constabat , nec fessellif-

Litteræ
Philippi
Regis ad
Grego-
rium .

Gaspar
Colignij
frendia
in et Re-
ges bel-
lis consi-
lium .

se Carolum , & magis palsum , disseri illa apud se , esse eum , ne aspernari dicta inimici nulla re sibi tum irritandi videretur , quàm talibus consilijs ex parte animum vnquam accommodasse , quæ in perniciem atque in caput tuum componere ac machinari Colignium , non ad Philippum euertendum , & ipse & sui præclarè intelligebant. Et sunt , qui , agitata hæc consilia à rege atque Colignio reginæ matris artibus , tradidere , quibus illa Colignij spes fouebat vt hominem callidum pari astutia in fraudem ac laqueos pelliceret , quando eum à vi satis tutum experta erat .

CETERVM his lectis Philippi literis , concidere omnibus animi , tremere homines in regem Hispanosque : & Veneti cuncta querelis miscebant , non iuuare hoc , sed prodere hosti rem Christianam esse , clamitantes : confictos Gallicos metus , vt , dato Turcis spatio , victoriæ navalis fructum Veneti nullum perciperent , qui futurus maximus esset , si victis institissent . Idem testabantur Galli qui Romæ erant : & Carolus Lotharingius Cardinalis , & Feratius regis legatus hinc calumniam Hispanorum acerrimis confutare dictis , hinc , eos egregios artifices occulendæ in aliena culpa fraudis , qua Venetos circumuenire studerent , dicere . Fuere qui , non metum à Gallis , sed tentationem eam patientiæ Pontificis fuisse , crederent , ausuro maiora Philippo , si his non succensuisset . Gregorius , seu veræ suspiciones illæ , siue cogitatis suis ab Hispanis obtenderentur , nequid ea res regum animos exulceraret , duos Episcopos ad eos misit , Ant. Mariam Saluiatum , & Nicolaum Ormanetum . Atque Saluiatus quidem , nullum turbandæ rei publicæ vestigium deprehensum ab se , renunciauit , apud Gallos esse , deridente rege proceribusque causam

Ant. Ma-
ria Sal-
uiatus in
Galliam,
& Nico-
laus Or-
manetus
in Hispa-
niam mis-
si.

ab Hispanis deferendi socios tam callidè scilicet excogitaram. Ceterum ferebat iniquè Gregorius, initio Pontificatus sui falli apertè fœderis leges. Et cum aliquot antè annis Pius IV. Pont. Max. Regi, vt ad quadringenta & quinquaginta nummum aureorum millia à sacerdotibus Hispaniæ quorannis exigeret, concessisset, cum eo, vt LX. longas naues ex illa pecunia aleret, quæ aduersus Turcas militarent, eas naues Gregorius tradi sibi ex pacto postulauit. Regij, nihil de eo sibi mandatum, cum respondissent, Gregorius Austrium appellauit. is XX. triremes se daturum ait, si sibi legatus regis & Granuellanus Cardinalis auctores essent. qui consilio inter se habito statuunt, nec omnem classem, ne victoriam darent, esse mittendam, nec nullam, ne necessitatem deponendi belli Venetis facerent. Traduntur tandem, assentientibus his, duæ & viginti triremes M. Ant. Columnæ, qui statim cum Veneta Pontificiaque classe ab Sicilia velis in altum datis Corcyram transmisit, vt ibi se reliquæ Venetorum classi coniungeret. Erat in summa inuidia apud omnes non Italiæ modò, sed reliquarum quoque gentium populos Philippi Hispanorumque nomen, quòd nullo fidei pudore contra fœderum pacta non tam Venetos, quàm publicam Christianæ reip. causam tempore tam iniquo dereliquisse viderentur. Id cum Austrij multorumque præterea literis vndique ad regem perferretur, qui suoapte ingenio ab honestis consilijs, & studio Christianæ pietatis minimè abhorrebat, mutato repentè consilio Austrio imperauit, vt bello cum tota classe interesset, gereretque, vt è sua fide & è re fratris esse intelligeret. His acceptis mandatis Austrius extemplo literas dat ad Columnam: quarum exemplum, quia in manus incidit nostras, & de eo ambigi

Exem-
plar li-
terarum
Austrij
ad Co-
lumnæ

sape audiuius, huc totidem pæne verbis transferre est vi-
sum. Iohannes Austrius M. Ant. Columnæ. Recepta in
Belgis Valentiana hostibusque inde expulsis, quanquam
Montes in Hannonia adhuc illi tenent, plurimumque ne-
gocij in illis locis superfit, rex tamen, quò nullam in par-
tem pactis fœderum defuisse vnquam videri possit, remque
publicam rebus suis potiorẽ sibi esse, omnibus constet,
nuncio ad me misso mihi mandauit, vt omissis alijs cum
tota classe in Græciam transeam, tecumque & cum Venetis
quàm acerrimum Turcis bellum faciam. Hinc igitur Cor-
cyram cogitabam ante triduum, lætus hoc imperio regis, de
quo visum est mihi te statim facere certiorẽ, vt ex eo, tibi
quæ agenda sint, statuas. Mihi placebat, vulgari inter Græ-
cos meum classisque aduentum, quo illi confirmati in fide
maneant: interea nihil à vobis maioris rei absente me inci-
pi. Tantum date operam, vt populatione insularum ho-
stem cohibeatis: ad reliqua me classemque expectate, vt
coniuncti maiori mole simul bello incumbamus. Aluaro
Bazano scripsi, vbicunque eum meæ literæ inuenerint, vt
inde cum omnibus nauibus, quas secum habet, Corcyram
traijciat, vt, vbi ego aduenero, nihil moræ nobis sit ad res
gerendas. Te oro, vt milites disciplina contineas, maxi-
mèque Italos atque Hispanos à rixis prohibeas: nihil enim
me molestum æquè haberet, ac dissidia inter se nationum.
Ego, nisi me Messanæ nauium expectatio teneat, quas vñ
omnes mecum velim transmittere, summam in discessu ce-
leritatem adhibebo. Hæc cum Venetis communia habe-
to, quibus, ne hos vltra morer tabellarios, nihil scripsi.
Tu ijs hoc nouum piumque regis consilium gratulabere
meis verbis.

CEPHALENIAM ab Corcyra petentibus hæ litteræ redduntur; quibus lectis in consilium ad Columnam conueniunt omnes. Veneti non tam accessione magna virium ex aduentu Austrij gaudere, quàm nouam frustrationem timentes vehementer tendere, vt cœptum non intermitteretur iter: se enim necessitate rerum suarum coactos, denunciant, solos, si socij deserant, esse ituros. Cùm & Austrius confirmari in fide Græcos, & Venetis finibus vim hostium prohiberi iussisset, quorum neutrum præstari poterat si Corcyram regrederentur, Columna quoque & Gildus Andrada regiarum nauium præfectus Venetorum sententiæ assensi sunt. Aditis Cephalenia Zacynthoque, & confirmatis sociorum animis Turcicæ classis metu trepidis, pergunt protinus nauigare Peloponnesum, montanosque Græcos antea sollicitatos ac tum metu quiescentes in nouam spem per idoneos nuncios erigunt. Inde ad Cytheram insulam (Cerigum hodiè appellant) perueniunt. I luc appulsis obuiam facti Leonius & Sorianus Veneti nauarchi, cum singulis tririmibus antè ad explorandum præmissi, nunciare, hostes statim haud longè inde sub Maluagiæ vrbs mœnibus (hanc Epidaurum Laconicè terræ oppidum veteribus fuisse tradunt) habere; supra CC. longas naues ac multa minora nauigia, maiorem quàm quantum fama antè acceperant numerum, ducere, sed nequaquam pares vllare Christianis nauibus: nec credi, Turcas in æquum se commissuros. In nostra classè erant centum & quadraginta longæ naues, galeatiæ Venetorum sex, naues onerariæ magnæ vna & viginti, quibus non commeatus modò reliquæ classis vehabatur, sed erant ipsæ omni bellico apparatu instructæ. Decreuerunt ergo duces, vt sequenti die ad hostem

Turcicæ
classis æ
postq̃ na
merus ac
robur.

iretur,

iretur, atque ei potestas pugnandi fieret. Verum consilium mutavit Columna veritus, ne, si Turcæ suo se loco tenerent, haud tutus inde receptus nostris onerarijs foret: genus enim anceps id est auxilij navalibus bellis; quod, sicut apto innixum vento insuperabile habetur, ita, si, quibus inferri circumagique possit, ventis destituatur, inutile fuerit. neque verò propinquo ac imminente hoste retrahi remulco facile posse videbantur: & nostris numero triremium longè inferioribus sine harum præsidio nauium, quæ veluti arces à lateribus aciem tegerent, abstinere prælio statutum erat. Id ut fieri posset, transeunt sequenti die in aliud insule latus, quod Orientem aspicit, atq; ad Dragonaras (id scopulis est nomen contra Maleæ promontorium sitis) prouocabundi aciem instruunt, onerarijs ita sinistrum claudentibus cornu, ut à frecto, si ventus suppeteret, vrgerent atque circumuenirent prodeuntem è Maleæ promontorio hostem, dextero cornu galeatijs firmato. Turcarum classis longarum quidem numero nauium longè nostram anteibat, ceterum raro remigio ac nautarum inopia, quos nauale absumpserat prælium, pleræque earum tardè inhabilesque, ac ne milite quidem validè satis habebantur. Ea igitur summa consiliorum erat Vluciali, fiduciam virium speciemque ostentare magis hosti, quàm experiri: temere se pugnae non offerre, oblatam arte atque consilio declinare: famam existimationemque tueri, occasionem nec hosti præbere, nec suæ deesse. Id satis ad retinendam maris possessionem, ducendumque bellum rebatur: ex eo victoriam vitro obuenturam. Posteaquam, stare ad Dragonaras Christianam classem paratam prælio, audiuit, ne ipse quidem cunctatus, ne metu cessare putaretur, naues educit: egressusq.

Vlucialis
prudencia
bellica.

Maleæ

Maleæ promontorio dextrorsum longo agmine terram legens prouehabatur intentus, nec detrectantis certamen, nec prouocantis speciem ferens, ut & fidere viribus suis, & non spernere hostem videretur. Fortè & ventus verterat in Austrum, quantus impellere onerarias posse videretur: quæ conspiciatæ agmen Turcarum in Occidentem iter extendentium, abire eos arbitrata protinus sese obiecturæ hosti expansis velis inuehi cœperant, pugnaq. initium haud dubia cum clade hostium fecissent, nisi medio in impetu destitutæ vento immotæ restitissent. Vlucialis ubi animaduertit, nudatum alterum nostrorum cornu, illò rostra atque aciem conuerterat. Sed Columna missis properè triremibus retraxerat puppibus iam, locoque idoneo locauerat onerarias. Stetere diu pene ad iactum maioris bombardæ aduersæ acies, neutris prælium incipientibus. nam neque Christiani ab onerarijs atque galeatijs discedere, ne circumuenire nuntur multitudine hostilium nauium, volebant, & gnarus eorum consilij hostis ob id audaciùs sese pugnae paratum ostendebat. Sub noctem Turcæ, explosis vno tempore omnibus tormentis, fumo eorum tecti abire: Christiani in mari mansere. ac sequenti die classis aquandi causa ad Cythera appulit. nulla disciplina. nam pleræque naues ab neglectu ducum, quæ cuique visum fuit, longè ab alijs non per insulam modò, sed etiam continentem diuersæ petierant: nec reuocantium imperio paruere. Eam contumaciam Deus periculo non clade castigauit. Ignaris, quò se potissimùm Turcæ recepissent, repentè, aduentare eos, trepidus attulit nuntius, nec octo inde milliaria abesse. Tumultus primò conscendentium fuit, deinde terror, ut in re subita nec opinata, incescit animos. Columna, missis ex-

templo qui dispersas palatasque ad classem cogerent naues ,
 dato prælij signo , ipse celeriter cum LX. triremibus quas
 circa se habuit in altum euehitur , atque singulas inde ut
 quæque veniebat excipiens instruxit aciem . Quæ longius
 abierant naues , nec nuncijs nec signo fidem habentes , sin-
 gique ea ad colligendum dispersas opinata , ægre seròque
 aduenere . Idque præfectis earum impune fuit , Columna
 Gildoque , quia in his nobiles aliquot Hispani fuerant , ani-
 maduertere in eos non ausis , etsi confessione omnium in-
 gentem cladem accepturi fuerint , si eò Vlucialim fortuna
 auertisset ; quanquam haud parua clades , neglecta solutaq.
 militiæ disciplina peritis belli videbatur . Sed ille procùl inde
 præteruectus Occidentem versus vela faciens à nostris tre-
 pidis adhuc , & ab ingenti metu vix animis receptis , est
 conspectus , creditusque in Venetæ ditionis insulas ferri ,
 illaræ ultro finibus nostris populationis , nihil remorante
 Christianorum classe , gloriam petens . Nostris haud du-
 bium fuit , quin ad prohibendam eam ignominiam hostem
 sequerentur . id quia tam impedito agmine ægre facturi vi-
 debantur , statuit Columna , ut , minuto longarum nauium
 numero , atque ex ijs quæ infirmiores viderentur detracto
 remigio militeque , atque eo suppletis affatim instructisque
 alijs nauibus , illæ cum onerarijs & galeatijs in Cretam haud
 longo inde traiectu mitterentur : atque ipsi classe expedita
 ac supplemento firmata transgressi hostem Zacynthum pe-
 terent , ibi aut inuenturi Austrium aut commodè expecta-
 turi : atque inde auctos illius classe ductuque , siue persequi
 Vlucialim , siue aliquam tentare in Peloponneso urbem ma-
 gis placeret , iustas ad omnem conatum vires esse habituros .
 Idem Hispanus præfectus censuit . At Veneti inter se collo-

Columnæ
 consiliū .

cuti

cuti adeo id consilium non probarunt, ut iunimis precibus quando quæ pro sententia disseruerat Foscarenus parum valuerant, ab Columna contenderint, ne in eo decreto, quod & exequi iam cœperat, perseveraret. eoque impetrato, haud dissimulata gratia amplissimis verbis de eo Columnam in consilio ducum Sorantius collaudavit. Causæ, cur tantopere tetenderint, id Venetij ferebant, quòd classem galeatijis onerarijsque detractis neque prælio neque fugæ satis aptam, si se hostis in itinere obieciisset, essent habituri. Sed illa magis mouebat cura, ne, Austrio Hispanisque qui cùm eo erant, cupientibus, locus tergiuerlandi frustrandique rursus eius anni spes præberetur.

NOCTE insequenti de secunda vigilia profecti manè orto sole hostium classem prospexere. Vlucialis, haud aliter quàm si consilio nostrorum interesset, ita cognita omnia explorataque admirabili solertia studioque habebat. Vniuersa dimicatione, ab conscientia virium, abstinendum sibi statuerat: ceterùm variè nostros captare, modò à fronte modò à tergo illis apparere, nusquam longè ab hoste discedere, omni occasione, siquam sibi aut imperitia aut discordia ducum, aut ducibus parum obsequentes minores præfecti, aut mare ipsum ventique ac fors daret, intentus imminere. Ad Tænarum promontorium, quod Metapanum vocant, substiterat: Christianisque non ausis tam graui agmine iter medio mari capeßere, quàm tutum esset longè à terra venientibus, se aduersum ostendit. Nostri ex superiori instituto, locatis ante vtrumque cornu onerarijs, galeatijis quæ primam excepturæ pugnam erant præcedentibus, aciem direxere. Vluciali quoque suus in componenda acie seruatus ordo.

Inter hæc ab vtrisque oneraria

Onerarij
Venetijs
adueniens
erepta
pericul.

magna naus ab alto tendens è longinquo conspicitur .
Ea Venetijs profecta signati argenti auriq. magnum pon-
dus in stipendia militum classisque, com meatum præterea,
ac tormentarij pulueris vim ferens Cretam petebat . Tur-
carum conspicata classem , Christianos credens , ad eos in-
tenderat cursum . & Turcæ aliquot longas naues ad inua-
dendum onerariam mittere parabant : sed nostri haud du-
bij , Venetam nauem eam esse atque errore ferri in ho-
stes, anteuenterant, Quirinumque cum delectis è tota classe
quinque maximè expeditis celeribusque triremibus ad eam
periculo erroreque eripiendam miserant : qui , ablata
omni publica pecunia , receptisque in triremes duobus
nobilibus adolescentibus Germanico & Mario Sauor-
nianiis , qui vt interessent bello eam nauem conscen-
derant , nauique ipsa abire in Cretam iussa , incolumis
se ad classem recepit , Vluciali rem omittente , ne-
qua sibi necessitas pugnandi ex eo oriretur . Classes
paulatim interea appropinquabant . Turcæ extende-
rant latè cornua : quod & à nostris necessariò fieri est
cœptum , vt æquarent ordinem nauium , ne hostis aut
à latere , aut à tergo inuaderet . Cum Christiani pri-
stino innixi consilio nihil ab onerarijs abscederent ,
quæ in lauo Turcarum cornu erant naues , sua celeritate
fretæ nostrarumque pigro incessu , per summum contem-
ptum propius , quàm consultum erat , dexterum Christia-
norum cornu subiere . Effusa confestim in eas ingens ab
onerarijs galeatijsque ferreorum globorum procella adeo
turbauit temere prouectas , vt metu perterritæ terga dare
& in haud dubiam conijci fugam cœperint . Sorantius in dex-
tero cornu curabat . is trepidatione fugaque hostium atque

ex eo animis elatus, signo sequendi alijs dato, suam ipse quantum potest remis concitat nauim. Sequitur impigrè Angelus Sorianus, mixtusque hostium agmini Turcicam adeptus nauem magna spe oppugnabat. Nec dubia ab illa parte victoria futura fuit, si vno impetu ab nostrorum dextero cornu in fugientes perturbatosque incubuissent. Sorantium quinque admodum naues sequutæ sunt; reliquæ nec minis nec exemplo motæ, loco se atq; ordine suo continuere. In illo hostium tumultu Columna ardore militum victoriæ clamorem ante pugnam cientium accensus mediam promouit aciem; ac vniuersâ classis impulsis remis inferre se, immemor præsidij, quod maximum sibi in onerarijs atque galeatijs ponebant, cœpit. Et Foscarenus prouectus paulum ante alios magna voce, vt omnes audirent, Columnam monuit, ne dubitaret prælium committere: turbatam hostium aciem, occasionem Deumque pro Christianis stare. Columna, sicut ad primum aspectum tumultuantium Turcarum raptus & ipse impetu animi impigrè se, relictis onerarijs, intulerat; ita eo deinde residente impetu haudquaquam pari audacia in vltimi discriminis aleam descendere videbatur. Sed anceps consilij modò remorum impulsu prouchi, modò sustinere, interdum etiam inhibere: hinc spe hinc metu agitari: horrere aduersum pugnae euentum, nec minùs timere prosperum: quippe Austrij ductu superiori anno partam victoriam fuisse, se tamen, quia particeps illius fuerit, quia redeunti domum honor sibi à Pontifice habitus sit, propè eius rei inuidia apud regem, criminantibus Hispanis, deflagrasse. quòd si suo imperio, aduersus Austrij literas vetantis quid rerum se absente geri, collatis cum hoste signis conflixisset, parem

Angeli
Soriani
virtus.

Columna
eius præ-
lio absti-
nuit.

profecto secundæ aduersæque rei suam inuidiam fore: nec ullum esse nunc Pium, cuius auctoritate gratiaque tegeretur. Hæc Columnæ animum versabat cura, hæc prælio coëgit abstinere. Palàm, callidi hostis vereri insidias, ferebat, ab eoque simulari fugam, si Christianos elicere atque abducere longiùs ab onerarijs posset. Iam Sorantius iratus infensusque suis, à quibus turpiter desertum se querebatur, receperat se in aciem, quòd Turcæ collectis animis in eum verterant ora. Nam Vlucialis turbato sinistro suæ classis cornu, Christianisque se inuehentibus nihil territus, & fugam respicientibus suis vltima supplicia, nisi proris in hostem versis sterissent, comminatus, ministerio ducum tumultum sedarat, ac tandem cunctatione nostrorum ordines aciemque restituerat: ipse, cùm in ea trepidatione retrò sibi cedendum, ne suo tempore Christianus pugnam confere-ret, statuisset, ne quam timoris speciem aut suis aut hosti præberet, versam semper in hostem prætoriam ab tergo retrahi remulco sensim iubebat: magnamque in eo prouidi ac fortis ducis est laudem assecutus. Nostris procùl onerariæ erant: nec Canalis, qui sinistrum cornu ductabat in quo debiles pleræque naues erant, æquare cursum reliquæ classis potuerat, trahendoque puppibus onerarias ægre iter explicabat, solutique eo metu in reliquis quoque aciebus ordines erant; & hostes compositi ordinatique cernebantur. Vertit igitur momento in Christianos pavor: ex summa alacritate defixerant silentio animos, & haud dubia instare clades videbatur: multæ naues locum metu deserebant, seque subducere ad subsidia coeperant, quòd in fronte periculo magis expositæ patebant; eaque re tota extenuabatur acies. Huic incommodo vt mederetur Columna, actuario exceptus

Vlucialis
bellica
virtus.

Emagna
spe ingēs
pavor in
nostris
ortus.

singu-

lingulas à tergo adiens naues quà oratione hortatuque ,
 quâ imperio cogebat redire in suum quamque locum , nul-
 lam timendi causam esse , differens : eosdem esse hostes , de
 quibus superiore anno nobilissimam victoriam reportas-
 sent , quorum supra XXXM. cecidissent , parem propè ce-
 pissent numerum : ac tum egregios in classe duces , inte-
 gras vires , feroces tot secundis rebus animos barbarorum
 fuisse ; nunc prædonem ducem , vilissimum tyranni man-
 cipium , tumultuariam classem cum tirone milite extirpescerent ?
 Starent modò aduersi suosque seruarent ordines , aut abi-
 turum hostem , aut pugnam nouum decus , nouam gloriam
 Christianis , si viri fuerint , allaturam . His Columnia suo-
 rum pauentia pectora ad spem virtutemque reuocare con-
 tendebat . Sed Vluciali nec ipsi satis animi ad inuadendum
 Christianos territos dissipatosque & ab onerarijs abstractos
 fuit . Dum cunctatur suamq. victoriam , non vinci , putat , Ca-
 nalis superuenit onerariæque : & acies & animi restituti sunt
 nostris . Ita neuter dux ea die sua occasione est vsus . Vbi satis
 diu minabundi stetissent sub ictum propè bombardæ , inclina-
 ta in vespertum die , primi hostes vnde egressi manè fuerant
 Metapanum se recepere : Christiani quoque Cythera , alij
 alios accusantes , redire . Sorantius ante omnes questus ,
 præfectos nauium in dextero cornu sibi dicto audientes
 non fuisse , eaque contumacia exploratam ab illa parte de
 hostibus victoriam sibi è manibus ereptam esse , postulauit ,
 vt in eius flagitij reos animaduerteteretur . Foscarenius peten-
 te Sorantio de Veneris quæstionem decreuit . sed ea quoque
 per ambitionem omissa res est , maiori ducum flagitio quam
 militum , qui , non vindicandis delictis , peccandi licen-
 tiam impunitate faciebant . militaris certè disciplina , sine

Columnia
 oratio ad
 pauidos .

Veriusque
 Ducis a-
 nimas &
 pugna d-
 licuit .

Militaris
 discipli-
 na negli-
 gentia in-
 gens ma-
 lum .

qua

qua administrari prospere bellicæ res non possunt, retineri postea eo bello nunquam potuit.

CHRISTIANI ab Cytheris nacti idoneam tempestatem secundo cursu Zacynthum cum tota classe transmisere, contendente Columna, ut Austrio occurreretur, receptoque imperatore, maiore inde virium mole in hostem redirent. Zacynthi Aluarum Bazanum inuenere præmissum ab Austrio, qui iuberet, Zacynthum adduci classem atque ibi aduentum suum expectari. Latè igitur, præuertisse se imperatoris voluntatem, ipsumque mox adiuturum sperantes redire confestim ad eum Bazanum iussere, rogareque atque obtestari, ut maturaret ad classem venire. Discesserat ab classe missu Columnæ aliquot antè diebus Petrus Pardus Hispanus, iussus, ubi & quanta esset hostium classis, quæque ad eam diem acta apud nostros essent, imperatorem edocere. Is proxima ab insula plurium horarum continentem bombardarum fragorem, quem congressæ classes variè explosis tormentis ediderant, exaudierat, coniecturaque ex nostrorum paucitate, deprauatoque militiæ more, atque hostium viribus quas multo validiores rebatur, facta, commissam pugnam profligatosque Christianos, adeo sibi persuaserat, ut rem Bazano primùm, deinde etiam Austrio pro certa affirmarit. Austrius eo nuncio Corcyræ accepto minuere nauium suarum numerum, classeque expedita proficisci ad Christianorum naues dispersas, ut rebatur, è prælio colligendas parabat. Profecturo certiores superuenere nunciij, classem ad Zacynthum iam esse, vanumque Pardum quæ incomperta habebat pro veris nunciasse. Mutato itaque consilio Columna scribit, ut sibi Cephaleniæ præstò esset: se armatis relictisque quas exue-

Palus ru
mor de
nostræ
classis o-
ratio.

rae nauibus Corcyra subito discessurum. Quò maior ei honos haberetur, placuit cum tota classe Cephaleniam ire haud dubia spe, ipsum iam eò applicuisse. Ibi, à conspectu insulae reiectum eum aduersis ventis Corcyram repetiisse, cognouere. Et ab ipsis habita temere haud satis certo nuncio fides propè, ut exitiabilis rei error admitteretur, fecit. Profecti Zacyntho ibi onerarias sine vlllo trirremium praesidio, ut longè inde absente hoste, reliquerant. Allatum repente est, Turcicam classem haud procul insula visam esse, signumque eius rei Zacynthienses fumo ex arce dedisse. Haud simile vero videbatur, ubi reliqua Christiana classis esset, obseruantem ex proximo nauigantemque illac Vlucialim fugiturum. deploratae igitur onerariae sunt: cumque subueniri eis nulla ratione posset, ne illa integra praeda hostis potiretur, mittunt celeriter qui incendi subito omnes onerarias iubeat. Saluti eis fuit, quòd imperio non est obtemperatum. Mox detectus error, nullusque in propinquo hostis contumaciam in gratiam vertit.

AVSTRIVS regressus Corcyram, totam eò adduci classem ducesque venire ad se, imperauit, ibi commodulimè consilium de bello capturos, dicens. Non Veneti modò indignabantur, ab Cytheris tantum viâ Zacynthum reductos, inde Cephaleniam, nunc Corcyram quoque euocari, fessisque ac enectis remigibus, quibus ferè trahendæ remulco onerariae fuerint, semperque nouis interponendis moris gerendarum rerum tempus consumi; sed ne Columna quidem dolorem continebat, in cuius contumeliam fieri id ab Austrio ferebatur, iratumque ac insensum iuuenem esse sibi, certior à suis fiebat, querique, primis suis literis, expectari se Corcyrae, iubentibus eum imperij honore ina-

Columna
Austrium
iratum
sibi cre-
di,

niter delectatum non paruiffe: Venetorumque reip. quàm Philippi studiofioſiorem toto illo bello fuiſſe. His irritatus Columnna, cùm apud eum Veneti ſtomachantes tam ſuperbum adoleſcentis imperium execrarentur, & cuius ne præſentis quidem plus valeret ſententia, quàm reliquorum duorum ducum, eum abſentem quoque, tanquam vni parendum eſſet, abducere à bello, & quò libido ferret euocare duces claſſemque audere, indignarentur, monuiſſe ſecrètò eos dicitur, vt rebus ſuis alia via conſulerent, nec ſibi in Hiſpaniæ præſidij aut ſpei quicquam ponerent, quibus non victore, ſed attrito conſectoque Turciciſ armis Veneto opus eſſet. Eſſi ægre illam deuorare indignitatem poterant, tempori tamen parere eſt viſum. Aduenientem claſſem in honorem eius veluti prælio inſtructam, & ex nautico more exploſis omnium nauium tormentis ſalutantem imperatorem, per ſuperbiam accepit, nulla obuiam itione, nullo è nauibus ſuis lætitiæ, nullo, quod aſolet, honoris reddito ſigno. Duces tamen in ſuam tranſgreſſos nauim comiter accepit, quanquam alienatum à Columnna animum adeo non diſſimulauit, vt priuato colloquio purgare ſe cupientem diu ſit aſpernatus: arcano trium ducum conſilio, admiſſo Sorantio, Pompeium Columnnam antè adhiberi ſolitum in M. Antonij contumeliam prohibuerit. palàm tamen ſua Columnnæ dignitas atque honor manſit. At ne ipſe quidem Columnna ſatis temperabat linguæ, non auertens modò abſe quod ſibi crimini dari ab Auſtro ſciebat, ſed pleraque in ipſum retorquens: poſtremò abire inde in Italiam & abeſſe bello tentauit. id verò Auſtrius in ſuam verſurum inuidiam ratus vetuit. manereque & priſtinum amicitia locum apud ſe habere iuſſit. Contentio inde orta in-

Duci va-
riſimul-
cates.

ter Venetos atque Austrium est, cùm ille supplere militibus suis Venetas naues diceret velle, Veneti, supplemento indigere suam classem, aut in eam alienum militem accepturos se, negarent, experti, seminarium illud altercationum atque rixarum esse: contrà Austrio stare sententia, nisi bellatorum numerus in eorum nauibus augeretur, vltèrius ad hostem non procedere. Hunc quoque nodum Columna explicuit: traditis in Venetam classem militibus suis, ipse nouos ab Austrio accepit ac suis nauibus imposuit.

ORANTIBVS inde Venetis, ne affecta belli claudibus insula, ac ne paucos quidem dies præbendis com meatibus tot in vnum coactis classibus suffectura penitus ex hauriretur, consilio habito Non. Sept. Corcyra discessere. Tardiùs, quàm Veneti vellent, nauigantes octauo die Cephaleniam tenuere. inde Zacynthum petentes audiunt ab exploratoribus, Turcicam classem ad Nauarinum esse, ad propulsandam quàm ad inferendam vim paratiorem. Ea est Peloponnesi vrbs in sinu maris sita, portu maximè opportuna. Nauarinum petere, in consilio duces decernunt aut dimicaturi cum hoste, si in æquum se dederit, aut in ipso portu classem oppugnaturi, cuius eam esse naturam periti locorum referebant, vt ab arce imminente faucibus portus haud magnopere noceri intransantibus ab alto nauibus posse videretur. Lustrata classe onerarijsque Zacynthi relictis, ad Strophades paruas insulas, quæ medio in itinere Nauarinum Zacyntho petentibus occurrunt, appulere, noctemq. ibi expectarunt, ne aduentum eorum hostis sentiret. Consilium erat, trajicere inde aliam in insulam, cui Sapientia nomen est inditum, haud longiùs tribus milliaribus à Methone sitam, atque ex eo loco hostem, ne se Methonem

Opeima
occafio
noſtris
manibus
elapſa.

tutum munitumque in portum reciperet, intercludere. Id ſapienter cogitatum, ſi par cura in exequendo adhibita fuiſſet, magnam partem Turcicæ claſſis (ad LXX. enim naues fuiſſe dicuntur quæ in eo portu ſubſtiterant) ſine certamine in manus noſtris dediffet. Sed & tardius ab ijs iter eſt factum, & deſtinatum antea locum non tenuere: multaque luce Prothenum XM. paſſuum ab Nauarino diſtanti inſulam deferuntur. Ita Turcis, qui multo antè Chriſtianam claſſem conſpexerant, ſpatium fuit Methonem tutò tranſeundi. Eius rei culpam in gubernatorem prætorix Auſtrij naus conferebant, qui timuiſſe ſe aciebat tam celeri curſu noctu ad hoſtile littus appellere, atque ideo demiſſis velis nauem ſuſtinuiſſe. Sed ſiue gubernatoris error hic fuerit, ſiue inſenſum Chriſtianis Numen, egregia, quod omnes fatentur, delendi hoſtis occaſio elapſa eſt manibus eſt.

Cùm à Protheno Turcicæ naues velis remisque abeuntes cernerentur, admonuit Columna Auſtrium, poſſe, ſi cum parte claſſis aliquis mitteretur, carpi poſtremum agmen, aliquasque hoſtium intercipi naues: ſuamque in id operam eſt profeſſus. Re probata traditis ſex & viginti nauibus, ipſe in eam expeditionem ire Columna eſt iuſſus. Partem iam viæ progreſſum magna ſpe hoſtem aſſequendi Auſtrius e medio curſu reuocauit, atque ea omiſſa re redire conſeſtim ad claſſem iuſſit. Cauſam mutati repente conſilij ferebat, quòd hoſtium claſſis verti in Chriſtianos videretur: ſi congregiendum eſſet, coniunctas ſimul omnes vires haberi oportere. Plerique inſtinctu inimicorum Columnæ, nequa laus ex re proſperè geſta ad eum rediret, factum, crediderunt. Euehitur inde Columna ad explorandum hoſtium motus, vno ſocio aſſumpto M. Quirino cum ſua quin-

queremi,

queremi, adeptiq. duas Turcicas naues, quæ tardius agmen
 sequebantur, oppugnare eas insistant. Subsidio his sex alias
 naues Turcæ misere: Austrius item decem è suis nauibus au-
 xilio Columnę misit. quod conspiciatus Vlucialis, ne in ocu-
 lis suis ignominia acciperetur, magna parte classis eò con-
 uersa coëgit nostros, antequam Austrius subueniret, omitte-
 re pugnam, tum quoque bene gerendæ rei, vt plerisque vi-
 debatur, occasione amissa. Si enim ipse in tempore Austrius
 ad ferendam suis opem sese intulisset, deprehensos in alto
 hostes aut deserere turpiter immissas antea naues, aut for-
 tunam prælij subire, minimè ad id animis rebusque præ-
 paratis; adigi posse non dubitabatur. Ita nostrorum tar-
 ditate factum est, vt naues omnes Methonem illi incolu-
 mēs reciperent. Austrius interea regresso Columna
 aciem direxerat, prouectusq. ante fauces portus, æquam ho-
 sti pugnae potestatem fecit. Cum diu expectans atque ex-
 probrans metum sterisset, præcipiti iam die abire seruatis
 ordinibus cœpit. Tum demum Vlucialis, ne detrectatum
 ab se certamen argui posset, classem educit; atque sub vr-
 bis mœnibus constitit. Austrius conuersis iterum nauibus
 in hostem rediit, signisque canere iussis prouocat ad præ-
 lium barbaros. Vlucialis ab oppido non discedebat, loco
 quàm viribus magis fidens: nostri, ne sub ictu è mœni-
 bus iaculantium essent, subire non audebant. Multis vtrin-
 que tormento excussis telis, sole occidente hostis in portum
 naues reduxit. Christiani iactis in alto anchoris mansere.
 Postera die eodem est reditum, instructaque ante portum
 acie, cum nemo hostium prodiret, veluti expressa tandem
 confessione concessi maris, fractaque arrogantia barbaris,
 haud longè Corona aquatum inde concessere. Vlucialis

Nostri
 prouocant
 Turcas: il-
 li pugna
 detrectant.
 Gaudent.

terrestri itinere ad nostros aquatione prohibendos quatuor armatorum millia misit. In hos prementes primò iniquitate loci nostros aquatores immittitur ab Austrio cum egregia iuuenum manu Paulus Sfortia, qui impetu in hostes dato CC.eorum interfectis reliquos in turpem fugam præcipientes egit. Biduo insequenti eadem ratione & Christiani prouocantes hosti se obtulere, & Vlucialis extensis propter oppidum nauibus suo se loco tenuit.

CVM intra portum recipientibus classem Turcis nostri quoque retrò ad Sapientiam concessissent, momentibus peritis, quid vitij locus ubi se continebat hostis haberet, Austrius ipse cum Foscareno alijsq. Ducibus transgressus in Columnæ nauim exploratum Methonis situm portusque, ad oppidum nulla comite alia naui successit. Omnibus satis lustratis regressi statuunt, hostium classem sinu quoque inclusam tentare. Ab Zacyntho onerarias accerunt, quas pro muro aduersus missa è mœnibus tela obijcerent: exarmatisque duabus longis nauibus, tabulis superstratis turrim inædificari, multaue humo repleti iubent, queis latera subeuntium nostrarum nauium tegerentur, satis credentes, barbaros terros metu, & tantum fuga latebrisque se defendentes, vim acriter inferentes Christianos non esse laturos, sed ad primum impetum nostrorum trepidantes, in tam prompto effugio se desertis nauibus, quod superiori anno fecissent, in terram eiekturos. Quæ non vana illis spes futura fuit, si, salubriter cogitata æquè impigrè qui exequerentur, extitissent. Dum onerariæ adducuntur institutumque opus perficitur, Nauatinum Austrius transijt aut oppidum ipsum per occasionem oppugnaturus, quanquam in eo nullum esse operæ pretium

in ipse
paru ho
stem ag
grediendi
nostroru
cœlium.

at.

A.

in sua.

Veneti dicerent, aut commodè vberique ex fluuiò aquam in naues petiturus. Idipsum prohibitori hostes cum magna manu equitum peditumque opportunos ad fluuium aditus infederant. Nostri tormentis è nauibus petitos iniecta trepidatione summo vere priùs, deinde expositis in terram eodem Sfortia duce VM. militum in fugam auertere barbaros, aquationeque potiti sunt: Nauarinum frustra tentatum. Ei negotio Austrius Alexandrum Farnesium Parmensium principem præfecerat, traditis sex militum millibus, atq; aliquot maioribus tormentis ad muros aperiendos expositis. Sed tantæ subito copiæ Turcarum ad opem ferendam ex omnibus locis concurrere, vt, trepidè se recipientibus nostris ad naues, tantum muralia tormenta non amissa sint. Classis quoq; Turcicæ in Methonis portu oppugnandæ consilium, quanquam & onerariæ aderant & effecta opera erant, Austrio rem omittente, ac nihil iam tendentibus Venetis ancipiti periculo deterritis, sua sponte effluxerat. Disputatum & de ipsa vrbe Methone oppugnanda: sed ne huic quidem consilio exitus inuentus. Apparebat, omnes in irritum conatus abituros, cum neque Hispani instante autumno diu in Græcia mansuri viderentur, neque Turcæ sui copiam facturi.

IAM propè Idus Octob. erant, cum Austrius, instantibus Hispanis, vt se iam in Siciliam reciperet, ac, satis datum socijs, dicentibus, nunciari Venetis iubet, se consumptis omnibus com meatibus, quorum vix in iter copia superesset, statuisse in Italiam redire: anno insequenti maturius maiorque rerum omnium apparatu bellum esse aggressurum: tum satis profectum ad opinionem hominum esse, quòd hostes, cedere mari, portuque inclusos iu-

Nauari-
na frustra
tentatur.

Austrius
in Sicilia
cogitat.

Veneti
Austrium
retinere
conatur.

Conque-
rionos
Veneto-
rū apud
exercitus
primores

stam propè pati obsidionem compulissent. Id verò Vene-
tis longè grauissimum, quanquam haud planè inopinatum
accidit: scilicet totam expectatum aetatem, ex fertilissima
Europæ insula profectum vix quindecim dierum cibaria
secum attulisse. orant omnibus precibus Austrium, ne sese
in tanta ac tam propinqua spe delendæ Turcicæ clasis, ma-
risque imperij Christiano nomini stabiliendi, deserere, ac
nulla digna re gesta abire à socijs communique bello vellet.
demonstrant, breui hostem aut ingruentibus austris, queis
maximè infestus expositusque sit linus quo se abdiderant,
collisa inter se contractaque classe periturum, aut fame ipsa
impellente, consumptis ab tot naualibus ac terrestribus co-
pijs, quæ in ea loca confluxerant, omnibus circà frumentis,
imparem decernere armis, non dubia Christianorum victo-
ria, coactum iri, aut fuga conantem elabi adeptos ipsos sine
vulnere esse deleturos. Commeatum & ipsos præbituros, &
multas scire Siculas naues in itinere esse expectarique in dies
necessarijs rebus onustas; multas item sibi Venerijs aduen-
turas: sustineret modò paulum moram, ingens decus do-
mum parta victoria relaturum, æternoque beneficio sibi
Venerum nomen deuincturum. His ita cum Austrio
actis, apud primores exercitus vehementer Veneti querun-
tur, victoriam è manibus mitti, studioque prodi rem
Christianam, ne Venerorum ciuitas prosperis belli succes-
sibus ab acceptis incommodis erigatur: debellari sedendo
expectandoque, nullo aut à mari aut ab hoste periculo,
cùm possit, per fictam consumpti commeatus causam ab-
scedi ab hoste, quem inclusum ac propè captum teneant,
nec audentem congredi, nec in ijs locis diu mansurum,
vbi nihil prouisi ad tantam classem euocatosque vndique è

mediterraneis præsidij milites alendos eſet. Hæc apud Austrium in id modò valere, ne è veſtigio abiret: cupiebat enim lenire commotos animos Venetorum eosque inſocietate retinere. Biduum ob id immoratus, tertia die aſſumpto Columna in Foſcareni nauem tranſcendit, omniq. humanitatis officio demulſum, ipſo quoque in gratiam Auſtrij adiuuante & contendente Columna, neceſſitati iam parendum eſſe cernentem perpulit, vt diſceſſum approbaret ſuum, pollicitus, ſi ſibi è Sicilia comineatus occuriſſent, Venetis ſc̃ eo autumno, ſiquid in Adriatici maris ora aggredi vellent, auxilio futurum. Nec mora ſoluendi fuit: ſecundaque nauigatione Gomenizas è regione Corcyræ portum tenere. Hic Auſtrio obuiam fuere Sueſſanorum princeps & Io. Andreas Auria, qui cum XIV. longis nauibus ad eum iter habebant. His auctoribus immorandum ſibi in ijs locis nihil ſtatuit, veritus, ne contendente Pontifice hyemare cum tota claſſe in Græcia iuberetur: id enim clàm moliri Venetos apud Gregorium, haud aliter vllum belli fore emolumentum docentes, illi ſenſerant. & egerat ea de re cum Philippo Antonius Theupulus, quem Veneti ad eum poſt victoriam miſerant, nihil ad res vtiliter gerendas tanto impedimento fuiſſe, oſtendens, quàm ſeram & nunquam tempeſtiuam claſſium coniunctionem. Sed id conſilium conſtanter reſpuerat rex, claſſem, qua ſalus tot regnorum ſuorum contineretur, per hyemem mille expoſitam caſibus tam procùl à rebus ſuis habiturum, negans. Auſtrius igitur, ad res in ſinu Adriatico gerendas, ne fallere promiſſum videretur, quatuor Hiſpanorum millibus Veneto oblaris, ipſe in Siciliam iter intendit. Eam Veneti copiam non acceperè, ne plus inde ſibi odiorum conten-

Auſtrius
ſoluit è
Græcia.

Clasſem
hyemare
in Græcia
cur Ve-
neti cu-
piebant.

tionumque , quàm opis , in Hispano milite eſſet . Statuerat Auſtrius è Sicilia protinus in Hispaniam ad Philippum nauigare : ſed Veneti , quo longiùs abeſſet , eo ſeriùs rediturum inſequenti anno ad bellum rati , Gregorium orarunt , vt eum in Italia retineret . & Auſtrius quidem in Pontificis auctoritate fuit , qui , ea de re Claudium Gonzagam magnæ nobilitatis atque indiſtriæ iuuenem ad eum miſerat .

Columna
in Hispaniam
proſeſſatur

Columna , Pontifice Venetiſque libentibus , ad Philippum eſt proſeſſus communibùs cum mandatis incitandi ad bellum regem : cui conſilio multi amicorum Philippi aduerſabantur , tædio alij diuturni longinquique belli : alij Auſtrij opes tractandis armis æquo plus creſcere volebant . Philippus inuidioſum ratus , obſistere bello quod ex Pontificis Max. auctoritate pro dignitate Chriſtiani nominis gereretur , liberaliter Columnæ reſpondit . Ita ad diſceptandum de his , quæ inſequenti anno agenda eſſent , Romam eſt reditum .

VLVCIALIS , qui adeo res ſuas deplorauerat , vt ad ſummam neceſſariarum rerum inopiam redactus conſeruandæ claiſis rationem ac viam nullam inueniret , cui parem cladem atque exitium & manſio & fuga & pugna ostendebant , qui de ſeſe clàm cum paucis ab imminente aut ab hoſte aut à rege pernicie in Africam propriiſſimo conſilio agitabat , repente præter omnem ſpem ſuam Chriſtianorum diſceſſu liberum nactus mare , lætus atque oſtans Byzantium redierat . Et , quem ad Methonem obſeſſum euocati abuſquè Macedonia ad præſidium eius oræ Turcæ probris minisque inſectati fuerant , quòd ijs ſe locis includi paſſus eſſet , regiasque naues in extremum ac non euitabile diſcrimen aduxiſſet , atque adeo aſperè acerbèq.

incre-

inceptum terruerant , vt de deferenda classe turpique consciscenda fuga cogitarit ; ei mox vecordia nostra non in salutem modum , sed in tantam gloriam vertit , vt , euentu rei facile acculantium atq; obrectantium voces refellente , & hilari à rege vultu sit acceptus & magnificè collaudatus , quòd defenſa Turcici nominis maiestate classem inualidam viribus , & ab superiori clade trepidam animi egregiè conseruasset , neque temere se periculo obijciens , & nusquam dimittens hostem , nulla gesta re abire Græcia ingloriam cœgisſet . Id magnæ victoriæ instar barbari prædicabant : adeo enim perculerat animos aduersa ad Echinadas naualis pugna , vt , cum victores Christianos sustineri iam à suis posse non sperarent , non acceptam ignominiam , pro gloria ducerent , & non victi pro victoribus se haberent . Quæ res ab successu superioris victoriæ accensis expectatione Christianorum animis eo acerbior accidit , quod paucis antè diebus Romam magna celeritate miles quidam ab classe redierat nuncians , depugnatum nauali prælio ad Nauarinum esse , victoresque Christianos toto positos mari omnia tumultu in Peloponneso miscuisse , erectis in spem nouarum rerum omnibus Græciæ populis . Huic nuncio , qui , se pugna interfuisse , absceuratione ingenti prædicabat , cupide creditum ; fama , rei in omnes Christianas prouincias dilata acceptaque , vt fœdior ille exitus rerum videretur , fecit : paulo enim post nec ille vquam inuentus est , qui ea commentus atque ementitus erat vt nummorum aliquid à Pontifice auferret , & Aultrium in Siciliam rediſſe eſt nunciatum .

Falsus rumor disse-
minatus
Romæ .

AT Veneti , qui conceptas ante animo de Hispanis socijs suspiciones & reliqua belli incommoda , quæ
magna

Vencio-
rum de
pace co-
gratium
sermo-
nes.

magna publicè priuatimq. pariebantur, illius maximiè ani-
ni spe sustentarant, quo, victo semel hoste deiecto que fi-
ducia maritimarum virium, magnas in Græcia res gestu-
ram Christianam classem, penitus persuasum animis habe-
bant; vbi nihil actum sibi tanto impendio conatuque, ac
nullum victoriæ emolumentum esse sentire, mœsti diffi-
dentesque inter infensum & in perniciem eorum incum-
bentem barbarum regem, atque infideles & haud dubiè
vrbibus, quas in continente resp. possideret, inhiantes Hi-
spanos accipiti cura torquebantur. Et seniores, qui inde
ab initio aduersati bello fœderique fuerant, nihil vltra spei
in armis ponendum esse, talibus socijs, diserebant: cui
enim dubium iam esse, Hispanos non solum vincere aut
retundere vim opesque validissimi hostis nolle, sed ipsam
Venetis inuidere victoriam, quam, ijs inuitis & retractan-
tibus, Deus dedisset Christianis? quippe eos non sponte
sua, sed impulsu cælestis Numinis in pugnandi necessita-
tem imprudentes tum esse delapsos: nunc id agere, nequem
fructum ex ea victoria Veneti capiant. Hinc illæ de singulis
rebus contentiones, hinc dilati in extremam æstatem clas-
sis & belli apparatus, hinc ab certis negandi auxilia falsæ
oblata spes, quibus ducti ne suo quidem Marte Veneti va-
stanti maritima insularum hosti se opponerent: hinc deni-
que, cum diu per varias artes frustrati socios locum iam
vltra tergiuersandi non haberent, primùm Gallicis me-
tus commentos esse, deinde, per simulationem gerendi pa-
riter res, nulla satis iusta causâ Corcyram vsque ab vltima
propè Græcia euocasse classes, plusque inde in itinere tem-
poris quàm in bello triuisse: postremò vix paucos dies per
inanem prælij ostentationem moratos, imparem defugien-

temque

temque pugnam hostem, cum opprimi sola perseverantia posset, intactum dimisisse: oppressam Cyprum, direptas vexatasque omnes insulas, amissa in Epiro oppida, in Dalmatia vix agri, quantum telis à muris tueri possent, relictum, atque hæc omnia fraude perfidiaque Hispanorum accepta incommoda esse, qui singulorum annorum conatus apparatusque belli per varias artes eluserint. Ecquando enim forderis leges adimplesse, ecquando classem in tempore eduxisse? Multas in Hispania naues ociosas habuisse, suas Venetòs naues commodare ijs coactos esse. Quin ea ipsa astate Auriam cum XIV longis nauibus in Sicilia relictum vix redeunti domum Austrio occurrisse. Atque vnus primorum, Ecquid sentitis, inquit, nostram classem, nostros duces, imperium Venetæ reip. Hispanorum arbitrij potestatisque totum fieri, Austriumque paulatim sibi cuncta vnum arrogare? Nunc Columna multis modis Philippo obnoxius metu respectuque suarum rerum trahitur in sententiam, nunc Venetus præfectus, vt aliquid dare dignitati regij iuuenis videatur, de suo iure decedit, nunc alia ipsa pugnando aduerlandoque peruincit. Ita vnus omnia potest, & tanquam solutus legibus fœderis omnia agit, omnia audet. Iam ne consultis quidem collegis imperia edit, edicta proponit, publica munera quibus vult tribuit, &, qui Venerium vindicantem trium hominum pœna præfecturæ suæ maiestatem non tulerit, ipse, ne appellatis quidem socijs ducibus, in quos libitum fuerit, in aliena etiam classe pro imperio animaduertit. Hunc fructum habemus ablati clarissimo viro in illius gratiam honoris, vt eius territi exemplo omnes vni aut assentiantur, aut certè aduersari voluntati eius non audeant. Duces classesque deprecantes, ne frustra

Aleerius
oratio,
atq; sen-
tentia.

tempus

tempus cundo redeundoque inaniter consumeretur, ad se Corcyram venire iussit: aduenientibus nihil honoris ex nautico more tribuit, ut vnum in locum coacta tot hominum millia ex omnibus orbis terrarum populis, illum vnum agnoscere, vnum obseruari, ad vnum omnia referri, vni obtemperari, existimarent.

Decemviri
summa
reip. con-
sultatio.

ATQVE hæc in seniorum cœtibus concilijsque cum execratione infausta societatis agitata conuertere ad consultationem de summa reip. decemvirum animos (cui magistratui legibus Venetorum omne pacis bellicque arbitrium est permissum) arcanoque consilio inter se habito, primò, Pium aduerso tempore sublatum, queruntur, cuius auctoritatem ac vim ingentis animi Hispani reuerbantur: Gregorio nouo Pontifici nequaquam tantum roboris esse, ut eo niti posse resp. videretur. Sua deinde vulnera recensent: exhaustam ciuitatem sumptibus belli, quos tolerare diutius non possit: fessos tributis conferendis continentis populos, querelisq. eorum quotidie obstrepi Patrum auribus: &, quò hæc grauiora sint, sublati rerum commercijs portoria, vectigalia, publicam priuatamque rem angustiores tenuioresque in dies fieri: tantum his tribus annis remigum esse absumptum, ut deserti multis locis agri aratorum inopia non colantur: in Dalmatia obsideri propè singulas vrbes hostium excursionibus, inclusosque tot populos in singulos propè dies viuere subiectis ab vrbe comitatibus: in eadem annonæ difficultate omnes insulas vastatas direptasque versari, atque agre, nec nisi in singulos modios magnis solutis portorijs, ex fœderatorum terris frumenta in hos vsus asportari: ad id, quod urbana multitudo, tot præterea classes copiarque quotidie absumerent. His tot ma-

lis,

lis, quibus propè circumuenta resp. sit, remedia exquiri magis quotidianis consultationibus, quàm inueniri. Vt enim omnes difficultates constantia animi ac virtute superarent, pecuniæ, quantum res poscat, rem frumentariam, ceteros belli apparatus expedirent, ecquem inde fructum, ecquam spem ostendi, si Hispani nunc tempus in autumnum extrahant, nunc puerilibus commentis metum à Gallis prætendant, nunc hostem per varias causas omitant? Nimirum parcere eos Turcis, Venetos nouo genere insidiarum circumuenire, ac ducendo bello enervare atque euertere, propositum habere. An sponte eorum factum esse, quòd semel res fortunæ commissæ prosperè gesta sit? An, vt reliqua prætermittantur, obliuisci possent, quod tum senatui legatus reip. ex Hispania arcanis notis perscripsit? in consilio amicorum regis quod primum, post victoriæ nuntium, habuere, adeo incusatum Austrium, quòd contrà quàm præceptum ei à rege fuerat prælio decertasset, regiamque classem in casum tam dubij euentus dedisset, vt eorum vnus ferens laudibus veterem illum Manlium, qui filium victorem, quia aduersus edictum patris imperatoris cum hoste pugnasset, securi percuti iussit; reuocandam exempli illius seueritatem, dicere sit ausus. Ne illud quidem ignorare aut ad se non pertinere existimandum, Auriam, quòd minimè dissimulanter aduersarium se omnibus Venetorum consilijs præstiterit, in summo honore gratiaque haberi, Columnam, quia aliquid Veneris pro sua fide indulgisset, in nullo precio apud eos esse? Sed quid singula interpretando argumentandoque quasi de re dubia fatigamur, inquit Nicolaus Pontius vnus decemviri: & quid hæc nostra tam frequens accusatio alienæ fidei aliud, quàm simplicitatis & stultitiæ nostræ con-

Venetorum
legati ad
suos ex
Hispania
litteræ.

Nicolaus
Pontij
oratio.

fessionem habet; qui toties falsi deceptiq. fallendos iterum
 ludificandosq. ijsdem nos præbuimus, & nunc maximè præ-
 bebimus? Sed quid tandem est, quàm obrem eis tantopere suc-
 censeamus? An, quia illi rem suam præclare norunt sapien-
 terque rationibus suis consulunt, ac nostram incertam ad
 suam vtilitatem vertunt, illis irascimur? Dimicationem &
 periculum in neutram partem vtile sibi esse, Hispani exi-
 stimant: & qui Venetos haud aliter quàm præualidos affe-
 ctantibus res Italiae aduersarios reputant, eos diuturno at-
 teri bello, non victoria augeri cupiunt. Nam, siue Turcæ
 vincantur, confirmati ac fulciti nostras opes, Philippo
 nihil acquiri: siue victoribus barbaris Christiani profligen-
 tur, magnam partem cladis Hispanos ipsos fore. Hæc illi in-
 telligentes, si nunc hoc nunc illo obtentu rem trahunt, alunt
 bellum non gerunt; nos inani spe ludunt, ipsi suas interea
 spes struunt ac muniunt, reprehendendi vobis videntur: an
 imitandi? Hanc à nobis perfidiam vocari faciliè patiuntur,
 dum ipsi sibi fideles & sapientes sint. Nam religio, pietas,
 fides, studium Christiani nominis; hæc quidem pulchra
 dictu vocabula, sed haudquaquam perinde ac res sunt æsti-
 mantur ab occupatis cupidine dominandi animis. Certam-
 en cum Turcis non esse nostrarum virium, non semel ex-
 perti sumus: sociorum auxilijs fidere quàm inane sit, nunc
 quoque experimur: & Turcarum eas facultates esse viden-
 mus, ut tanta accepta clade, omni propè exuti classe, re-
 centi adhuc vulnere, non ausi modò sint occurrere Christia-
 nis, sed, quia victi iterum non sint, haud ineptè se pro vi-
 ctoribus gerentes cum lætitia & gratulatione Byzantium re-
 dierint. Quid insequenti anno futurum putemus, dato spa-
 tio vires animosque reparandi? Nos interea exinanimur &

conterimur ex Hispanorum voto, opportunique eorum cupiditati inuadendi regnum Italiæ efficiamur. Verum id aut non sentimus, aut per locordiam & vanitatem ab vtilibus ad speciosa & inania flecti, & ab callidis & insidiosis hominibus imponi nobis atque illudi diutius patimur? Quovsq; tandem salutis nostræ indormiemus? An tot acceptis incommodis, tot aduersis imminuti rebus, tot malis prope circumuenti non expergiscimur? Vim Turcarum, si tempore, si arte aggrediamur, declinare atq; auertere, quam Hispanorum alijs super alijs fraudibus explicari atque elabi, facilius fuerit. His habitis sermonibus, de totius collegij sententia statuunt spem pacis tentare, quando victoriæ ipsius, nedum dubij belli, nullus prouentus ostenderetur: &, ne res pluribus credita efferri posset, ne senatum quidem participem consilij habent. M. Antonio Barbaro, qui Byzantij, vt dictum initio est, asseruabatur, rem permittunt: Mahometis tentare animum, ac, si tolerabiles condiciones impetret, exitum rei imponere iubent. ipsi interim cum senatu de bello consultant.

M. Ant.
Barbarū
de pace
agere De
cemur
iubent.

IN Dalmatia vrbiū quidem mœnia Veneti præsidij tutabantur: agro hostis potiebatur, clausosque inopia vrgebat. Turrim ad ostium Salonæ fluminis Turcæ inuaserant: tradentibusque quos Astor Vicecomes in eius loci custodia locauerat, recepere: paruam inde arcem, sed magnæ opportunitatis, Saxum, ab scopulo cui est imposta nomen habentem, pari custodum timore perfidiaque occuparunt: inde Spalatum maximè premebant. Quorum culpa ea amissa sunt loca, in eos animaduertum, seuerè est à Venetis: auctores altero pede, proditorum supplicio, suspenderunt, reliqui vincti catenis ad remos in naues dati.

Turri po-
tiantur
Turcæ.

Trè arco
magnè op-
portunita-
tis.

Supplicia
auctori.

Cliffa per
prodicio-
nem Vene-
ti potun-
tur.

Eandem
stulce de-
serunt,

Ceterum, quod morte in suis vindicarant, ad id Turcam ultro pollicentem operam spe præmijsque sollicitabant. Is religionis studium præferens, initiari abluique Christiano ritu velle professus, de tradenda Clissa cum Venetis in colloquium venerat. nec absuit barbari dicto fides. Ea est vrbs longè munitissima regionis eius, frequens cultoribus validaeque; qua si Venetus esset potitus, circumiecta quoque loca in potestate videbatur habiturus. Illam Turcæ multis antè annis de Vngaris ceperant, diligentique custodia habebant, tum pestilentia vastabatur: eoque metu dilabentibus qui in præsidio erant, opportuna proditori fuit. Agendæ rei negotium Hæctori Trono est datum: qui cum mille quingentis peditibus diei medio ad oppidum cum accessisset, per apertam, ut conuenerat, à Turca portam ingressus, paucis trucidatis qui ad primum tumultum armati se obtulerunt, urbem cepit. Nec parum ad summam rei in illa parte belli profectum erat, si data fortuna uti Tronus sciuisset. sed ille tanquam ad rapinam faciendam, non ad redigendam in potestatem urbem missus esset, direptam exhaustamque atque ingenti ablata præda deseruit, causatus, non tantum se militum adduxisse, ut, si hostes ad recipiendam urbem, quod facturos apparebat, cum magnis copijs concurrissent, defendi ab se mœnia eo præsidio posse sperares. Ægre id passi Veneti Tronum Venetias euocatum in vincula coniecere; quanquam haud ita multo post iram superante ambitione, quod ferè fit in patritij generis reis, est dimissus. Turcæ, recuperata Clissa irrisaque stultitia Venetorum, gentis mercaturæ foroque atque ambitioni, non armis bellisque gerendis apræ; deuastatis passim agris, in multasque manus diuisis copijs, equitatu in omnes par-

tes per summum hostis contemptum excurrerant, terrorem ad portas singularum propè vrbium quotidie inferentes.

Catara præcipuè insidiati sunt. illo oppido expulsi Venetis, totam pacaturi Epirum erant: sæpe vi, sæpius dolo tentatum, neutro succedente, arte atque opere aggrediuntur. Id oppidum in intimo sinu maris, quem veteres Rizonicum appellarunt, est situm: adiri à Venetis nisi mari non solet, ac ne potest quidem, omnia circà tenentibus Turcis: ad sinistram intransibis situm est Castellonouum Turcarum oppidum. Haud longè ab eo, quà maximè in arctum fauces illius sinus coeunt, Turcæ munitionem excitant, aggere valloque firmatam duodeuiginti maioribus tormentis instruunt. Horum verberatione (totum enim spatium ad aduersum vsque littus sub ictu habebant) Venetas naues intrare sinum conantes aditu arcebant. Eò Catarense in magnum metum rerum suarum coniecti inopiam primò sentire, deinde, cum haud longè fame abessent, legatos de suo periculo ad Venetos mittunt. haud neglecta res est à Venetis, quibus omnia intra maris Adriatici fretum cordi erant. quia Venerius Venetias redierat, Iacobum Sorantium cum XX. nauibus longis Corcyram ad Cataram obsidione eximendum transire iubent. Illum impigrè iussa facientem etiam fortuna iuuat. Qui à Turcis, Epiroticis rebus præpositus erat, cum fortè, quòd nullus in propinquo hostis esset, in vltimos prouinciæ fines, CC. militum præsidio ad nouam munitionem relicto, cum omnibus copijs profectus erat. Sorantius, expositis quatuor armatorum millibus, haud sine acri tamen certamine deiectis caesisque propugnatoribus, locum tenuit, tormentisque ablati totum destruxit ac disiecit opus, liberumque Catarensibus red-

Cataram
oppidum
tur.

Iacobus
Sorantius
Cataram
inuenit.

didit mare. Atque hæc anno CID. ID. LXXII. gesta sunt.

POST reditum in Siciliam Austrij reductasque è Græcia classes, Romæ Veneti multa apud Pontificem de Hispanis conquesti perebant, vt tandem aliquando bellum ex communi vsu nauiter ac strenuè & pro dignitate Christiani nominis gereretur: Quid enim attinere fœdus feriri, fœderis leges scribi ac iureiurando sanciri; si eas eludere, immutare, ad arbitrium commodumque vnus detorquere liceat? Esse in fœdere, vt classes instructæ vere ineuente in Græciam transmittant: vix exacta ætate ventum ad hostem esse, &, tanquam ostentari tantùm arma non inferri placeret, reditum continuò domum. deleri Turcicam classem potuisse, expellique maris possessione barbaros, si diutius in bello perseueratum eo anno fuisset: militare imperium, quod ex fœderis pacto æquè ad tres fœderatorum duces pertineret, omne sibi Austrium vsurpare; & non præsentem modò ex sua vnus libidine cuncta administrare, sed absentem quoque eadem impotentia nutum obseruari suum velle. Id verò nec pati Venetos posse, nec esse ex vsu communium rerum. Atque hæc seorsum apud Pontificem liberiùs. In concilio legatorum Cardinaliumque, quod primum Gregorius habuit, eadem de maturanda protectione in Græciam Paulus Theupulus Venetorum legatus disseruit, ac præterea, vt centum longæ naues ad eas quas superiori anno habuissent adderentur, postulauit. nam, & hostem, credibile esse, maiorem classem comparaturum, dicique, intensissimè rem naualem Byzantij administrari: & Christianis adauctis ita viribus cuncta procliui ad conandum fore (famam magnorum apparatusum quotannis captarat Venetus, quòd ea, seu bellandum foret seu de pace agen-

dum,

214-154-15
Veneto-
rum ad
Pontifi-
cem ver-
ba.

Calidum
Veneto-
rum consi-
lium.

dum, ad vtrumque sibi apta consilium videbatur). Addebat, vt ex ijs classibus, quas quisque fœderatorum paratas iam haberet, cùm primùm nauigabile mare tempus prœbuisset, centum naues ad prœdas, maximè hominum ex Turcarum terra agendas, tutandasque ab simili hostium consilio Venetorum insulas prœmitterentur: vt Maximilianus Cæsar nouis stimulis promissisque ad capeffendum bellum incitaretur: reges quoque Galliæ ac Lusitanix sollicitarentur: ad Moscum, ad Persas legati mitterentur, quando Poloni mortuo, vt suprà tradidimus, Sigismundo Augusto de nouo deligendo rege tum maximè studijs inter se decertabant: omnes denique gentes regesque aduersus immanem illam pestem literis legationibusq. concirentur. Hæc omnia vt ita fierent, quemadmodum Veneti postulabant, conuenit. Interea scribi ad fœderatos placuit ac dare operam, vt quàm amplissimam illi legatis suis potestatem de omnibus rebus permitterent, nequa mora decretis inde exequendis fieret. Relatum quoque est à Cardinalibus de addendo fœderi, vt eosdem hostes atque amicos fœderati haberent. Accipiebatur id à regijs, qui eo se capite permuniri sentiebant. Sed Theupulus mentionem huius rei penitus respuit negans, temp. nouo fœdere velle illigari, idque multos à societate Turcici belli auersurum, edisserens. Secundum hæc Veneti impensarum rationes duci cupiebant, eaque de re iam diu fatigantes Pontificem magna contentione agebant. Eam ipsè disceptationem inter captiuos & cauillatores Hispanos, & morose nimis atque minutè omnia expendentes atque exigentes Venetos fugiebat, qui, ad quingenta millia nummum aureorum ferri sibi accepta æquum censebant, quæ insumpta à se supra id quod ex fœdere deberent, aiebant. Con-

Li. inter
fœdera-
tes com-
posita.

Classis e-
ducenda
robur, &
ratio.

trā contendebant regij. neque Pontifici, ab initio initi fœderis sumptus singularum rerum, rerumque ipsarum pretia statuere (de utroque enim ambigebatur) ac omnino totam hanc decernere ac dijudicare controuersiam, facile erat: constabat tamen, Venetos maiores, quā pro sua portione, sumptus fecisse. Itaque Gregorius prætatus, sibi de reliquis dum satis non liquere, decreuit, ut, quæ frumenta Veneti de Neapolitanis mercatoribus cepissent, pro his Philippus mercatoribus ipsis duo & sexaginta nummum aureorum millia (tanti enim æstimata sunt) persolueret, ita ea tum lis paulum conqueiuit. Actum inde de bello, & tentata ab regij expeditio in Africam, & ut classes Hydruntum congregarentur. Sed, resutante Veneto, necessitatemque ostendente obijciendi se primo quoque tempore Turcicæ classi, quæ non solum reliquarum insularum fœdæ populationi immineret, sed Cretam ipsam aggressura esset, nisi iustis viribus ei occurreretur; cessere. Ita statutum, ut numerus nauium longarum ad CCC. augetetur, rotaque Corcyram classis conueniret. Sed, petentibus Hispanis, ut Veneti, quibus maior promptiorque facultas esset, naues classi augendæ præstarent, regem milites, frumenta, pecuniam pro ijs daturum, negauit Theupulus, æquum esse, Venetis exhaustis confectisque perpetuis belli sumptibus alienum quoque onus imponi: nec regi, in tantis opibus ac tam lato maritimarum urbium imperio, aut nauium ipsarum aut rerum ad naues ornandas copiam esse defuturam: nondum redditos Venetis, quos superiori anno fecissent pro rege, sumptus, & postulari, ut nouis se rationibus implicent nouisque impendijs consumant. Et, nequis locus querendi prætermitteretur, non debere regem, Veneti aiebant, nu-

merare

merare cum suis quatuor Genuensium, totidem Melitensium naues, sed eas pati extra sortem fœderis esse, atque sponte sua reliquis addi Christianorum classibus. Ac ne Pontifici quidem Hetruscas & Sabaudienfes militare naues æquo animo ferre videbantur, quas, verum esse, eadem ratione adiungi ceteris, dictitabant. Et longum molestumque nec necessarium mihi sit, concertationes de singulis rebus regionum Venetorumque recensendo exequi: quorum illi superbia, atque arrogantia cuncta indulgeri sibi æquum censebant, identidem, pro Venetis susceptum id bellum iisque vnis geri, ad regem nihil magnopere pertinere, nisi quòd ab eo patrociniū eorum reip. susceptum esset, iactantes. Venetorum hæc plerumque deliciae erant, vt querendo de minimis quoque rebus sæpe sui fastidium Pontifici Cardinalibusque atque adeo omnibus hominibus facerent. Longior inde difficiliorque disceptatio excepit: cū enim Venetis datum esset, vt numerus nauium augeretur, quia Turcas quoque conatu maximo instruere bellum fama erat, de tempore quo classes in Græciam adducendæ essent non conueniebat. Tendeabant Veneti, vt maturaretur, ac vere primo parati in hostem ducerent, summam in eo rem verti, docentes: Hispani totum Iunium mensem in apparatu tot nauium rerumque poscebant. Quod cū Venetijs ex Theupuli literis cognitum esset, indignantibus ceteris gaudere decemuiro, locum sibi extrahendi per has contentiones temporis datum: interim à M. Antonio Barbaro, quid spe, ad pacem afferretur, scituros, consiliūque fortunæ accommodaturos. Theupulo edocto, quid ageretur, dare eum operam iubent, nequid interea Romæ decernatur: ac non solum de tempore co-

gendi classes nihil remittat, sed, Venetos plures naues, quàm quot ex fœdere deberent, dare posse eo anno, neget. Id verò ubi à Theupulo in consilio dictum est, qui antea de classe augenda tanto studio laborarat, sciretque, si Veneti dare ijs conditionibus naues recusarent, quibus anno superiori dedissent, pares Christianos Turcis esse non posse, suspicio est ingens incussa, nequid illi occulti consilij pacificandi cum hoste coquerent. Itaque utrisque iam de contentione remittentibus, sua sponte res frigide lenteque agi sunt cœptæ. Nunciatur decemuiris, ex sententia eorum nihil Romæ appropere: collaudantibus alijs Theupulum & nihil tempori cogitatisque eorum aptius potuisse accidere, existimantibus, exurgens vnus senatorum magistratum gerens, cui ius est sanctiori consilio interesse, Etiam atque etiam, inquit, decemuiri, aduertite animum, ne ante socios alienetis, fœdusque dissoluatis, quàm, de pace vobis quæ spes, quæ leges sint, exploratum habeatis. Hæc vox, vt de integro tota res ad collegium referretur, fecit; metuque percussis, ne eodem tempore & spe pacis & societate Pontificis Hispanorumque deciderent, in medioque destituti prædæ omnibus essent, Theupulo scribunt, vt de conditionibus eius anni transigeret.

CONSUMPTA per hunc maximè modum hieme, tandem ex auctoritate Gregorij ita decretum: Pontificia regiaque classis ante Cal. Apr. Messaniam conueniret, atque inde nulla sibi facta mora Coreyram traiceret: ibi adiunctis Venetis Græciam inuaderent, atque cum hoste, si se obuiam dedisset, confligerent; facerentque, quod ex publica Christianorum fœderatorumque re præfectis classium videretur. Naues longæ haud pauciores

suspicio
Romæ
orta.

sapient
consilio.

Decretum
de classe
augenda.

CCC. educerentur: onerariæ XL. galeatiæ, quot armare Veneti possent. Peditum LXM. scriberentur, quorum singulæ naues longæ haud minus centum & quinquaginta tollerent: quatuor millia & quingentos equites præparatos haberent, si quem sociorum hostis terrestri bello inuaderet. Tempus ducibus ad conueniendum Corcyram indictum nullo modo proferretur, sed cum quot quisque paratas haberet naues diem seruatet; reliquis, ut quæque expedirentur, sequi classem iussis: cetera, ut anno superiori statuta erant, ita fierent. Additum ex Venetorum sententia, ut nulli fœderatorum suas vires à Turcico bello auertere aliò fas esset, ne si proprio quidem bello ab quouis hoste, etiam nouo nec opinato, occuparetur. His ita conuentis pactisque, instare Theupulus, ut naues centum ad tuendas à populatione insulas, prædasque ex hostico agendas præmitterentur: nec regij, quia rem probabat Pontifex, abnuere, sed reijcere ad Austrium: ipsi de eo à rege imperatum.

INTEREA Veneti egere cum Pontifice de captiuis commutandis. Nobiles aliquot Turcæ navali prælio capti Romæ in custodia detinebantur. Eos initio Veneti in carcere necandos censuerant: quod cum Pius ut crudele aspernatus consilium esset, redimi permutatione eorum notos Christianorum centuriones, qui varijs casibus in potestatem venerant, cupiebant: nam, si pax conuenisset, facturum id Pontificem nulla cum eorum gratia; præuidebant. Inter captiuos Turcas vnus erat adolescens Halyj filius, sorore genitus regis: nam alter vnà captus, morbo interierat. Huius mater, muneribus literisque & muliebribus precibus Austrium fatigans, delinierat iuuenis animum,

qui

Halyi si-
lus ex-
prius
reddider
suis.

Meheme-
tes Eu-
bææ præ-
fectus ca-
pitius Ro-
mæ.

Eius de
nauali
nostrâ
victoria
sententia.

Eiusdem
per iheru-
salem di-
ctam.

qui regiæ stirpis adolescentem matri sororique, cuius eximiam esse formam fama erat, pæne amatorijs literis salutem libertatemque puero orantibus restituere, nomini suo amplum nec alienum ætate ratus, id extraordinarium munus dari sibi à Pontifice magno studio petierat: impetratoque adolescentem propè regio cultu habitum donatumque Byzantium remisit. Reliquos retineri in eadem custodia, differrique permutationem eorum in aliud tempus placuit.

In his præcipuæ dignitatis fuit Mehemetes quidam Eubææ præfectus, vir nequaquam, ut visus est, ingenij rudis, ac ne nostrarum quidem ignarus rerum morumque. Hunc, quia non inconditè Italicè loquebatur, ab studio serendi cum homine Turca sermones, visabant interdum aliqui è nostris, qui bello rebusque in Græcia interfuerant. De nauali prælio narrare solebat, duas maximè res victoriæ causam Christianis fuisse, sclopetariorum multitudinem, quos longè præstare Turcis sagittarijs, ea pugna compertum esset: & munimentum tabulationemque illam, qua Christiani latera suarum nauium construxerant; quòd ea milites nostri & ab hostili ictu tegebantur, & certius ipsi sclopetis telum in hostem mittebant. Vtramque rem hoc doctos experimento correcturos in sua classe Turcas, aiebat, ac ne ijs quidem posthac superiores Christianos fore. Et cum nostri magnitudinem victoriæ verbis extollentes, Turcarum vires ea clade obtritas, nec, Cyprum ademisse nobis, tanti esse, dicerent; subridens ille, Barbam, inquit, abraistis nobis, quæ citius opinione vestra renascetur: at Cyprum, quam Turcæ veluti membrum à corpore præcidimus, quando Christiani recuperabunt? Post naualem pugnam, cum Columna captiuos reuifens curam custodiamque eorum

suis mandaret, liberaliterque haberi præciperet, ad hunc
 ipsum Mehemetem versus, Discite, inquit, à nobis humani-
 tatem, qui tam acerbè ac tam crudeliter sœuire, atque ha-
 bere Christianos captiuos soletis. Cui non barbarè barbar-
 us, Ignoscere, inquit, nobis, imperator, debes: neque
 enim, capi & in hostium potestatem venire, hætenus no-
 strorum fuit: & tantum facere captiuos, non etiam ef-
 se, Turcæ didicimus. Non cessarat interea Pontifex
 Christianos reges ad iungenda in barbaros arma sollicitare.
 Et Carolus Lotharingius Cardinalis, qui mortuo Pio Ro-
 mam paulo antè ad comitia venerat, spem mouerat,
 regem quoque Galliæ posse ab amicitia Turcarum auerti.
 Et quia is erat Carolus vir inter Galliæ principes summæ
 auctoritatis, cognitosque habere & regis ipsius sensus, &
 gentis Gallorum putabatur, haud vano auctore rem ince-
 pturus Gregorius videbatur. Rex appellatus à Pontifice ita
 respondit vt opinionem faceret, sœdus eum non asperna-
 turum. Eo tempore atrox in Gallia res ac digna me-
 moratu accidit; quam percurrere breui, quando in hunc
 locum incidimus, & paulo altiùs ab origine repetere, operæ
 pretium est visum. Regnum Galliæ multæ latæq. prouinciæ
 situ, armis, viris, rebus omnibus opulentæ, non mari, non ter-
 ris discretæ, in vnum veluti coniunctæ corpus: & gens ipsa
 armis & maximè equitatu studens, & super hæc omnia
 summa in regem & fides & pietas, ac propè vt in Deum cul-
 tus; præualidum atque formidabile, & inexhaustæ potentia
 planèque iniunctum ac longè ceteris Christianis regnis cla-
 rius & nobilius effecerant. Has tantas opes naturæ ac disci-
 plina, quas nullæ antè ciuiles discordiæ, nulla externa bel-
 la, non multarum simul nationum conspirationes infrege-

Aliud a-
cutissimè

Pontifex
Galliæ re-
gem sœd-
deratis
tærat ad-
iungere.

Galliæ po-
tetta vi-
dens sit.

Eiusdem
calami -
tas quam
causa ha-
buerit.

rant,

rant, perturbata religio prauæque de diuinis rebus opinio-
 nes paucorum inuictæ scelere funditus memoria nostra
 euertere. Tanta enim rabie ex dissidio sacrorum omnes in-
 ter se ordines debacchati cædibus sunt, vt nulla ferme do-
 mus tota Gallia, nedum ciuitas ulla expers cladium fuerit :
 quæque gens terrori vicinis populis erat, ea intestinis ob-
 trita bellis miseratione sui, quàm metu, finitimos magis
 moueat. Germanus ignobilis, nomine Martinus, patrum
 memoria primus ausus est Christianorum sacra ritusque
 non religione magis, quàm vetustate sanctos arbitrio sub-
 iicere, polluere damnareq. Et nactus nouitatis fautores ma-
 gnæ viros potentix breui totam opinionibus oppleuit Ger-
 maniam. Et, vbi res etiam quæstui atque honori esse cœpit,
 vt quisque ingenio pollens, præcipuam inde famam affe-
 ctare, addere, immutare, totam conturbare sacrorum ratio-
 nem. Licentia inde crescere malum, ac velut incendium
 in proxima quæque adhærescere. Maximè Heluetios cor-
 ruperat Zuinglius quidam ipso scelestior Martino, cuius
 pestiferis inuentis maius adiecerat nefas, diuinæ hostiæ sa-
 crati panis vinique, quam, accepta à Deo religione rituque,
 immolamus, negans vllum inesse Numen. Ab hoc deinde
 Iohannes Caluinus manauit, callidæ vir doctrinæ, & quò
 facilius & plures illiceret, ad sensus cupiditatesque homi-
 num diuina adaptans. atque hic maximus sacerdos, magi-
 sterque nouorum sacrorum apud Gallos postea fuit. Bel-
 lis, quæ Franciscus I. rex Galliæ cum Carolo V. gessit, ma-
 gna sæpe Heluetiorum Germanorumque auxilia mercede
 conducta in Galliam transiere : horum commercijs & con-
 suetudine, animis Gallorum supersticio adhæsit. Primò pau-
 ci atque secretò nec mentem prodentes, deinde aucta au-

dacia

Martinus
 Lutherus
 heretico-
 rum supe-
 rioris æ-
 tatis ca-
 put.

Zuinglius
 Heluetio-
 rum corra-
 ptor.

Iohannes
 Caluinus
 in Galliâ
 heresim
 inuexit.

dacia plures nec dissimulante antiquas contemnere ceremonias, atque etiam sacrificare peregrino ritu domi quisque suæ non veriti. Reprehsit gliscentem magnopere illam pestem Franciscus seueritate suppliciorum, multosque mortales ea prauitate imbutos damnatos palam combussit. oppida etiam quadam, quia aliter reuocari à nefaria superstitione nequibant, excidit: capitibusque rerum morte mulctatis reliquam multitudinem per regnum, ne coire usquam posset, dissipauit, professus, dexteram se suam, si sciret eius affinem noxæ esse, igne absumpturum. Mortuo Francisco reuixit ea labe, assumpsitque iterum vires: & Margarita Francisci soror, Nauarræ regina, quam ante fratris metus continuerat, tum licentiùs in erroris eius prauitate versabatur, totaque in eo erat, vt in quamplurimos id venenum in Gallia funderetur. Hæc mulier literarum studijs magis, quàm necesse est scæminæ, dedita dum eius rei non tam fructum quàm inanem laudem muliebriter affectat, à Caluino talia ingenia, & maximè scæminarum captante facile est in fraudem inducta, ex nouitate rei, doctrinæ & sapientiæ opinionem magnam sibi facturam sperans. Et Gallorum vxores etiam virorum muneribus regendisque rebus miscere se (quod gentis fert consuetudo) solent, ac plerumque summa est earum in rep. auctoritas. Harum imbecillitatem quâ simulatione pietatis, quâ legibus, quibus ex Christiana disciplina frænum voluptatibus iniicitur, dissoluendis abolendisque, maximè aucupati sunt, quibus ea cura fuit externam nouamque propagare doctrinam: atque hoc fonte latissimè hoc malum dimanauit, Henrico Francisci filio bellorum occupationibus distento non, vt oportuit, initio eam licentiam coercente; adeo vt singulas regni sui partes

Francisci
regis in
hæreticos
pia
seueritas

Hæc reli
giolum
dictum.

Margarita
ex decessu
regis regina
hæreticos
fauit.

Femina-
rum aucto-
ritas a-
pud Gal-
los.

Hæretico-
rum con-
iurationes in re-
gem Hen-
ricum.

Pax & af-
finitas il-
la inter
Henricum
& Philip-
pū reges.

Infelix
Henrici
mors.

corruptas, coniurationes passim factas, ingentem mul-
titudinem, capita quoque multitudinis haud spernen-
da, sibi quoque inde periculum vel maximum imminere,
pæne serius quàm tutum erat senserit. Iam enim cum
Britannis Germanisque communicata ab ijs consilia com-
perit, prodicionem regni paciscentibus, si ius nouo-
rum sacrorum lege ijs sanciretur, singulisque ex aduer-
sariis bonis duplicarentur fortunæ. Is terror Hen-
rici animum ab externi belli cura ad vindictam intestinæ
coniurationis auertit, pacemque cum Philippo, quibus ille
voluit conditionibus, facere subegit. Cui paci cum affini-
tas quoque addita esset, Henrici filia in matrimonium Phi-
lippo tradita, nuptiæque apud Parisios regia opulentia ce-
lebrarentur, festis ludorum diebus dum se rex cum iuueni-
bus more Gallorum princeps in armis exercet, à Mongo-
merio, nobili ex Scotia viro & fortissimo bellatore, infe-
lici ac luctuoso Galliarum casu interficitur, in concursu equo-
rum fragmine hastæ per galeam in frontem adactæ.

MORTE Henrici eversæ Gallorum opes. non solum
ipsæ purgandi præuis religionibus regnum est inter-
rupta, sed iustulere adeo animos hæretici, ut nulla legum re-
uerentia, nullo regis metu & palam nouis sacris operarentur,
& per omnes passim vrbes conciones haberent, venenatosque
libellos ad deprauandos illicitendosque imperitorum animos
toto regno dispergerent. Successit Henrico Franciscus
quindecim annorum puer, vixdum sui nedum imperij po-
tens: penes Catharinam matrem & Carolum Lotharin-
gium Cardinalem, de quo supra mentionem fecimus
(cuius neprem Scotia reginam Franciscus in matrimonio
habeat) rerum regimen erat; ne ipsos quidem satis inter se

concordes, cùm Carolus ab elato ingenio spretis fœminæ consilijs vnus sibi cuncta arrogaret: Catharinæ animum maior, quàm pro suo sexu, regnandi libido sollicitaret; adeo vt ad Caroli infringendas opes, religionis posthabita cura, aduersæ factionis principes, à quibus postea ipsa filijque eius oppugnati sunt, fouerit, ignemque eum aluerit, cuius incendio vniuersam deflagrasse videmus Galliam. Contemptu ætatis regis; crescere in dies seditiosorum audacia, quos Hugonotos siue ab Hugone quodam primo nouarum religionum in Gallia disseminatore, seu qua alia re appellant: quibus se coniunxerant facinorosissimus quisque, & quibus aut malæ in regia spes, aut inopia domi, aut inuidia potentia Caroli, regis quoque odium fecerat. Erat in Carolo magna nobilitas: maioresque eius Hierosolimis in Iudæa, Neapoli in Italia regnum tenuerant, ac tum quoque Lotharingæ, multisque in Gallia oppidis latè imperitabant: vetustum genus clarumque, sed nouum in Gallia, nec dum satis altè radicibus actis: Eo indignantiùs Galliæ procures & propinqui regis, gratiam, honores, diuitias, dominationem in peregrina domo cernebant. Cardinali ipsi magnæ animi ingenijque virtutes, promptum consilium, plurimum vsus, haud minus eloquentiæ industriæque inerat: graues atque in speciem integri mores, ac multæ vt in viro principe literæ: alijs tamen minùs sincerum videri, auaritiâ ambitionemque exagitare; imo ne industriæ quidem bona aliter, quàm instrumenta potentia ac diuitiarum haberi: ad hæc inuidiosæ opes, & elatio animi, quantam tot congestæ in vnum fortunæ naturæque dona efficere poterant; vt illius odio plures ab rege alienati transfuerisque acti, quàm cupiditate nouarum rerum aut stu-

Cathari-
næ & Ca-
roli Car-
din. diffi-
dia.

Caroli
Card. Lo-
tharingi
mores.

dio malarum partium abducti fuisse dicantur.

IN huius igitur regisque caput coniuratur Ambrosia anno CIO.D.LX. atque agre rex detectis in tempore consilij periculum euasit. Captis aliquot, ac per tormenta fateri conscios coactis, ubi validiores duces comperit, quam quos comprehendi statim iuberet, occultat in praesentia indicium, sed eo edoctus discrimine cum se validis praesidijs circummunisset, vocatos ad se Antonium regem Navarrae & fratrem eius Condæi regulum, auctores nouarum rerum, custodia circumdedit, haud dubie Condæi morte suam vlturus maiestatem. Verum, dum peragitur de coniuratis quaestio, territique omnes, qui sibi consilij facinoris essent, veniam vitamque a rege impetrare laborant, rex ipse repentino morbo extinguitur. Regnum Carolo fratri, qui aliquot annis minor nequaquam maturus imperio erat, deferitur, ac, legibus regni Cardinale fratribusque eius summis viris amotis, tutor ei Antonius ipse, qui sanguine proximior erat, datur. Ita ex reo capitis potens rerum factus augendis partium opibus intendit: quanquam id ipsum parum constanter, quod spes iniecta erat ei à Guisijis fratribus, per Pont. Max. recuperandi autem regnum Navarrae, quod Hispaniae adiunctum Philippus tenet. Et ab hac cogitatione legatos Romam miserat, qui Pontifici ac Romanae Ecclesiae de more obedientiam deferrent, in eiusque fide & auctoritate perpetuo se Iohannamque uxorem futuros pollicerentur. Iohanna (Margaritæ filia erat) Antonio Borbonio regij sanguinis iuueni dotale regnum secum ferens nupsit, à matre ita instituta, ut contaminatus animus nouæ superstitionis studio, & gloria delati ad eam ab his, qui sectam illam sequebantur, summi omnium rerum arbitrij, omnes

Coniuratio in Frânciscu Regē, & Carola Carolū.

Franciscus Rex moritur: Carolus frater regni accipit, cui Antonius Navarrae rex tutor datur.

Regis Navarrae ad Pont. Legati.

regni facultates huc impenderet, vt aſciti ius ſacri conſtitueretur, atque in omnes quàm latiffimè vulgaretur. Sed Antonium fortunę prouentu elatum cupido inceſſerat nuptijs potiundi reginę Scotię, viduę nuper Franciſci morte: nec aberat ſpes, annuente Pontifice ſeſe Iohannę coniugio exoluendi. Hinc graue inter eum Iohannamque, nec præſentibus rebus inutile diſſidium. Ceterùm Catharina regis mater impotens ſui, quò rerum potentiam ac ius potiretur, regniq. procurationem ex auctoritate Ordinum vna obtineret, reiecto Caroli Cardinalis fratrumque conſilio Condæum parricidij manifeſtum extemplo occidendi, amplecti aduerſæ factionis proceres, in quos inclinare tum multitudinis fauor videbatur: & Condæo è cuſtodia educto, per eum reliquosque factionis eiufdem, gubernatricis nomen aſſequitur: &, Antonio amoribus & voluptatibus, qui primus imbecillis ingenijs magnę fortunę fructus quæritur, indulgente; paulatim omnem ad ſe vim regni, attrahere. Hugonoti quoque, dum ſcæminę cupiditati ſuffragantur eiꝯ ſpeciem imperij conciliant, ſuas ipſi muniunt opes.

ATQVE his fractum labefactatumq. diſcordijs Gallia regnum in partes ac diuerſa ſtudia abiit, & mox Germanis ac finitimis prædæ fuit. Guiſij fratres, & optimus quiſque, vt, cuncta impotentibus agi conſilijs & aut ſcæminæ imperio parendum, aut Antonio ſeruiendum & ipſi muliebrem animum gerenti, & vaſtas atque vanas ſpes affectanti, ad quas ſuorum aſſentatione efferebatur, animaduertere, in domus ſuas ab aula atque à rep. ſeceſſerunt. Verùm non multo poſt ijdem, reconciliata cum Anneo Momorantio magiſtro equitum gratia conſociatisque conſilijs, & ipſo Antonio noua ſpe cum Philippo de regno

Catharina Gallie gubernatrix.

Guiſij C6 dno, ſu- eiꝯq. ad- uerſarij.

Nauarræ commoda aliqua pactione transigendi in partes traducto, simul vt Catharinæ præcipiti ambitioni obuiam irent, simul vt Condæi potentiam periculofam rei publicæ, & exitio ipſorum maximè imminentem reprimerent, frequenti clientum comitatu Lutetiam intrant, atque aduerſarios occupare regiam conantes ſummouent.

Tum verò Condæus atque Hugonoti, cùm ſibi ſatis validi ad vim quoque faciendam iam viderentur; non vt antè dolis inſidijsque, ſed aperta defectione, adiuti Anglorum ac Germanorum ope, arma in regem capiunt. Sic bellum funeſtum Gallix accenditur, quo non in caſtris acieque plus cedis quàm in ſingulis oppidis eſt editum. Sacrorum diſidia nuſquam verbis ne inter propinquos quidem ac priuatis in domibus, vbique ferro ac ſanguine tranſacta ſunt. Ipſe rex ſepe paruis momentis vim fraudesque hoſtium euitauit: ſed ſentiente matre, quàm peccatum ab ſe medijs muliebribusque conſilijs eſſet. Primo prælio, quo iuſtis viribus concurſum eſt apud Aurelianum, ducibus ab Hugonotis Condæo & Ammiralio, à regijs Anneo & Franciſco Guiſiæ regulo Cardinalis fratre, pari propè clade inde Condæus, hinc Anneus capiuntur. Is Anneus, quemadmodum initio, ad Guiſiorum frangendas opes, Caſtiliones ſororis ſuæ filios omni ſtudio produxerat foueratque; ita ſe Regi bonisque iunxit, poſtquam, ſuos coniuraſſe contra remp. & pollui euerſitque auctoribus ijs auitam religionem, ſatis perſpexit. Verùm Guiſius obſidione cinctos premebat hoſtes, victoriamque in manibus habere videbatur, cùm ſpecie transfuge ab Ammiralio ſummiſſus percuffor Guiſium cum tribus equitibus ab explorando in caſtra ſub noctem redeuntem ex occulto collineans ſelopeti glande traiecit. Ne Henrici

quidem

Cedant,
& Hugo-
noti ar-
ma in re-
gem ca-
piunt.

Primo præ-
lio, eua-
ſus.

Guiſius
interfici-
tur.

quidem regis casu tantum cladis regia Gallię accepit. Nam Guisij, præter militares virtutes quibus omnes ferè ætatis suæ Gallorum duces anteisse exultimabatur, magna erat in vulgus ab insigni liberalitate, apertoque ac simplici ingenio & fides & gratia: magnæ & suæ & familiæ opes, quæ patre cum ipso conciderunt. Hoc mortuo, omnis inde fortuna in Hugonotos vertit. Pax, ut spatium utrisque parandi belli esset, componitur. Dimissus Condæus excitis Germanorum magnis auxilijs exercitum parat. De repente ad fanum Dionysij adortus regem, prope fuit, ut incautum interciperet. Helvetiæ legionis virtute est repulsus. Paulo post collectis utrinque viribus, Anneus ira in suos ac dolore incensus, quod, quos ipse aluisset & ad illam extulisset fortunam, eorum scelere rex regnumque in ultimum coniectum discrimen esset, ad idem Dionysij fanum, vnde Hugonoti inclusum Luteriæ mœnibus regem obsidebant, impetu in eos dato, acri prælio victos fudit. Ceterum adeo enixè gesta res est, ut Anneus ipse tanti nominis dux, atque exacta ætate senex illo tumultuario prælio ceciderit. Victi Hugonoti tamen legis pacis dedere; quas regina, externis exercitibus & suis & hostium plenum regnum cernens, accipere coacta est. Pacis opus extitit, ut antè, noui & maioris belli instructio. Collatis iterum signis, iterum Hugonoti vincuntur ab Henrico regis fratre, admodum adolescente: atque ipse Condæus in acie circumuentus occiditur. Sublato eo regij sanguinis duce, incisi seditioni nerui videbantur. sed breui apparuit, ciuiles discordias in ipsis modò initijs auctore egere: ubi inualuerunt, capita ipsæ efficiunt.

GA S P A R erat Colignius, qui Guisium per emissarium suum occiderat, mediæ vir nobilitatis, sed

Condæus
prope Rē
gē intercī-
pīpī.

Anneus
Hugonō-
tos fudit.

Ipse ca-
dit in a-
cie.

Iterū Hu-
gonoti
vincuntur;
Condæus
occiditur.

Caspar
Colignius.

Eius mo-
res.Landelotus in cu-
stodiam
traditus
ob reli-
gionem.

forore Annei ortus, qui, cum apud Henricum ob egregiam virtutem principem gratiæ & auctoritatis locum haberet, Gasparem ad maris præfecturam, quæ nisi principibus Galliæ mandari non consuevit, prouexit: Galli Ammirallium vocant. Is omnibus ferme bellis, quæ reges Galliæ Franciscus & Henricus gesserant, sub Anneo meruerat, & cum pacis quoque consilijs inter primores adhiberetur, magnum sibi vsum comparauerat: & callidus ipse vir tectusq. & oratione & industria promptus, æquè bonus belli pacisq. artibus habebatur: quanquam haud dubiè cautior quàm pugnacior fuisse dicatur. In magna vi animi atque consilij malum ingenium prauumque inerat, & ingens famè atq; opum cupiditas: ad quas per fanda nefandaque, quibuscunque poterat modis, subdolus, & vastus animus nitebatur. Et cui nullus Dei metus esset, ad noua sacra nouamq. de diuinis rebus doctrinam applicare se statim, nihil penitus habuit, occasionem eam sibi iuuadendę potentię ac res nouandi futuram, ratus: quo nomine, si Henricus vixisset, ipse in primis fratresque eius pænę destinabantur, quorum Landelotus etiam in custodiam traditus fuerat. Cum enim regem ad sacra deducens, ad fores templi progressus inde ferè abscederet, veluti si introire religiosum haberet, admonitus de eo Henricus reuocauit abeuntem, quid ita limine templi absisteret, ab eo querens. Qui cum bonitate fretus regis, prohiberi se religione, respondere non esset veritus, adeo ira commotus est Henricus, vt, conuicio increpitum, gladij capulum tenens, confossurum se eum manibus suis fuisse, diceret, nisi maiestati suę indecorum existimaret, probrosi heretici sanguine fœderi. In vincula raptus luisset capite eam temeritatem, nisi & Annei auunculi gratia atque

aucto-

auctoritate, quæ apud Henricum summa erat, rectus fuisset, & in cœtu principum, rege coram, omni eiurata hæresi sanctissimo se iureiurando, tactis sacratis libris, obstrinxisset, à Catholica pietatis fide, in qua & ipse educatus & maiores sui fuissent, nunquam discessurum. Sed Gasparem, opinio erat, omnium ipsum auctorem insidiarum coniurationumque, quibus sæpe appetitus rex fuerat, atque omnium Galliarum motuum vnum architectum fuisse: nec dubium, Condarum regi eius consilij solitum. Ad hunc igitur summum rerum ius arbitriumque Hugonoti deferunt: nec vllius alterius ductu plus negocij regiarum domui est factum. Sæpe regem in eas compulit necessitates, vt ad arbitrium eius & deposuerit arma & sumpserit: nec ipse vnquam infestior hostis, quàm cum pacem agigaret. sæpe ac te victus cuncta ingenio atque astu sarfit.

ANNO CID. ID. LXXII. fessa malis Gallia, ac rege propè inopia circumuento, iterum conciliata concordia est; & regis soror Henrico Antonij filio regi Nauarræ, Ammiralianæ factionis adolescenti, auctore Ammiralio, nupsit. (Antonius ipse aliquot antè annis ad Rhotomagum accepto vulnere interierat). Ad quas celebrandas nuptias ipse Lutetiam cum partium principibus ac magna clientum manu, maiori propè, quàm rex ipse traheret, comitatu venit, adeo comiter à rege acceptus, vt cum nemine familiarius versaretur, neminem frequentius consilij adhiberet: in quibus de bello Belgico aduersum Hispanos agitasse eum, non ignorabatur; quæ causa Philippo fuit, vt traditum à nobis est, retinendæ cum fratre in Italia classis, nequid Galli impulsore Ammiralio aduersum se molirentur. Prodiit inde rumor (sive indicium eius rei ali-

quod extiterit, siue reginæ commentum id fuerit, quò minus inuidiæ haberet dolus, quem ipsa Ammiralio struebat) tam frequentes Hugonotos Parisios conuenisse, non inuitatu regis, sed clam inita coniuratione, regis ipsius reginæque domus, nullo tum satis firmo præsidio septæ, per nuptiarum occasionem opprimendæ. Et regina, seu vero metu siue quò ipsa ad omnes casus paratior esset, regiam opportunis militarium hominum stationibus dissimulanter, nequam suspicionem præberet, muniebat. Id dum fieret, euenit vt rediens à regia domum Ammiralio à latente insidiatore, qui in prætereuntem sclopetum excussit, graue in dextera manu vulnus acciperet. Duplex exinde fama est: alij id totum Guisio facinus assignant, ipsiusque insidijs appetitum Ammiralium esse, contendunt, ex cuius clientis domo, quæ tum vacua de industria habebatur, adactum telum fuisse constat: & cum inexpiabiles inter ipsos inimicitia atque hostile odium intercederet, quanquam regi vterque receperat, donec Lutetiæ essent nihil pro pristina similitudine acturos; tamen paternæ caris stimulis agitatam adolescentem temperare sibi nequiuisse, quin ipsorum Ammiralium peteret dolis, quibus parentem suum ab eo meminerat interfectum. Alij, Catharinæ regis matris instinctu consilioque eas compositas insidias fuisse, pro non dubio affirmant: eam infensam iam tantis Ammiralij opibus, quas ipsa initio aluerat, esse cœpisse, nimiamque potentiam eius formidare, nec eo viuo quietum vnquam habituram regnum, credere: & super tot clades, quibus conuulsa Gallia est, tot pericula, quibus ipsa rexque & filij agre euaserant, priuatim quoque iratam illi fuisse, quòd, de se contumeliosè & parum pudicè locutum, acceperat. His accensam, tollere tam infestum

Ammiralio
sclopeto vul-
neratur.

domui

domui suæ hostem, stituisse, & quem armis atque vi palam absumere nequiuerat, dolo atque insidijs opprimere: neque enim non antea eam talium facinorum consciam participemque fuisse, aut audacia astutæ & artificio struendæ fraudis ipso minùs vāfram solertemque Ammiralio. Ab ea igitur per nuptiarum occasionem falsum, ac spe Hispaniensis belli, cuius cupidine ille flagrabat, captatum, cum factionis principibus in Parisios perductum esse, & quò incautiorem exciperet, omni genere comitatus honorisque permulsum. Ab eadem appellatum Guisium, indignaque patris eius nece commemorata adolescentem ad vitionem incitatum compulsūque, cupidum quidem & nihil non ausurum, quò paterni sanguinis pœnas ab intestabili inimico expereret: sed, datam regi fidem, obijcientem, negantemque fallere promissum velle, quòd vereretur, ne inde & regem ipsum ab se, & omnem Galliæ nobilitatem alienaret, si deceptæ fidei crimine argueretur. Sed, cùm regina, status Galliæ regisque interesse, ferens, id ab eo pro iure imperij ac pro fide, quam regi rei que publicæ deberet, exigeret, paruissè iuuenom, acceptis tamen antea literis reginæ manu scriptis signoque impressis, quibus voluntas eius auctoritasque continebatur: ac tum deinum ab eo percussorem summissum. Sed, siue reginæ iussum id siue Guisij ausum fuerit, ad Ammiralium inter suorum manus domum sublatum fit subito vndique ab Hugonotis concursus: ira, indignatione, clamore omnia miscent, non Guisium magis quàm regem ipsum inerepant. nisi ipse facinori anauisset, neminem id ausurum fuisse, fremunt. Renunciantur ea regi, vt multorum opinio fert, ignaro adhuc matris consilij, qui statim matre ipsa assumpta ad visendum Ammi-

Rex Am-
miralium
& socios
tollere
cōstituit,

Agenda
rei nego-
cium Gui-
sio datur,

ralium in eius domum venit, ultionem quaestionemque ea de re acerrimam habiturum se, pollicitus: ac stipatores corporis sui, qui Ammiralij domum à vi custodirent, in honorem eius reliquit. sed Hugonotorum minacibus dictis ipsum quoque suspicione aspergentibus vehementer offensus cum discessisset, instigante iramque eius accendente matre, à qua ille regi se regnumque patiebatur, nec posthac tantam habiturum occasionem omnes vno tempore inimicos opprimendi, ostendente; tollere vexatorem illum regni sui, nec insensum immitemque hostem viuum relinquere, capitaque seditionum velut vno ictu omnia praecidere, constituit. Neque enim dubitabatur, si inde multi forent; quin bellum renouaturi atrocius, quam vnquam antea, atque infestius caede, direptionibus, odijs internecinis grassaturi, iterumque regnum ferocissimis nationibus aperturi essent. Nam ne Ammiralium quidem ipse aculeis minisque temperauerat: qui consolanti se regi, & (ut assolet) spem facienti leue & curatu facile vulnustore, Non magni, inquit, refert, si sauciam ac debilitatam manum habeam: caput enim mensque vigent, ad reliquaque vigeant. Consilio habito, matre ac fidissimis amicorum adhibitis, agenda rei negotium maximè Guisio datur. Is, quò securiores Hugonotos atq; cò incautos aggrediretur, simulata regis in se ira Luteria cum omnibus suis discedit. Idem noctu, quæ X. Cal. Sept. antecessit, in urbem regressus, ut constitutum erat, socio sibi assumpto regis fratre ex concubina nato, lætus, in vindicanda regis maiestate capiendæ de patris nec vindictæ præclaram sibi datam esse facultatem, Ammiralij domum inuadit.

H A V D saniora apud Ammiralium consilia agitata interea fuisse dicuntur, ipso ad ultionem sui reli-

quos

quos oratione accendente : & Tilinium generum eius , non consulto sed facto opus esse in tali re , clamantem : eundem in regiam , & prodicionem ac perfidiam , regis atque inimicorum sanguine expiandam , contendentem ; vt quisque vehemens animo , aut manu promptus erat , sequebantur , cuncta vi atque armis agenda , censentes . Cùm vna omnium sententia fuisset , eadem fieri , regem fratresque & quicumque officere conatibus possent , tolli : modum agendæ rei Admiralij artibus regendum permittunt . Eum ita orsum rem esse ferunt . medio diei (quo tempore infrequentia in regia esse consuevit , & cibo atque æstu graues plerique omnes aut inermes somnum quietemque agitant , aut domum quique suam dilabuntur) ipsi diuersi alius alio itinere recta palijs arma gerentes , & maximè paruis instructi scloperis certo tempore regiam intrarent , acceptoque signo suum quisque negocium exequeretur . Diuiserat autem ita partes : Rocafocorius regem tanquam de magnis rebus acturus adiret , atque interficeret : Tilinius adolescentulam reginam , & Mongomerius regis matrem necarent : Briomorus Henricum , & Vidamius Alenconium regis fratres opprimerent : Piles Guisium & Niuersium aggredieretur , & Basciauanes Nauarræ regem occideret . Hunc tollere adolescentem , quanquam factionis eiusdem , decreuisse dicuntur , siue elato ac minimè obnoxio eius ingenio non fideret Admiralius , siue quia Condæo regnum destinantes veriti sunt , nequo diffidio inter eos aduersariorum partes suscitarentur . Condæi enim opportunius Admiralii consilij ingenium erat : nam regium nomen penes adolescentem , imperium penes se esse ille volebat . Dum in alium diem dubitando circumspectandoque omnia Admiralius rem

Regis , &
altorum
interim
doru tra-
ditus ab
Admira-
lis ordo.

Admiralij occi-

Cadauer præcipiatur & se-
nebra .

Atrociter vexatur, laceraturq.

differt, suum eum occupat fatum. Hæc enim ipsa indicata regi, vt maturaretur res, effecere. Quanquam, hæc quoque sic vulgata confictaque ab regina, sunt qui existimant, vt inuidia occisi Admiralij, atrocitate sceleris eius, aliorumque qui cum ipso interfecti sunt, leniretur. Sed Guisus paulo ante lucem aggressus vi atq; ferro Admiralij domum expugnat, atque eum immisso milite obruncat. Deprecantem mortem, & ætati suæ parci orantem adolescens Germanus, qui Francisco Guisij patri inter nobiles pueros domestica ministeria præstare principibus solitos deseruierat, idque sibi munus depoposcerat, cum exprobratione perfidiæ atque impietatis, multis vulneribus confecit, & ad Guisum aditum in ædes obseruantem, è fenestra in viam præcipitavit. Ferunt, Admiralium primis vulneribus prolapsum vt mortuum iacuisse: vbi Guisum clamantem de via, & ad se deuolui præcipientem de fenestra iubentem audiuit, tollentibus se obnixum manibus, nouisque precibus, ne in extremam iam agentem animam vltra sæuirent, per fidem eorum obtestatum iuuenes esse: tum ab eodem Germano repetitis vulneribus confossum proiectumque. Guisus, cum mortuo perfidiosam patris necem, ac tot scelera, tot patriæ clades, tot ciuium cædes obiectasset; seram sed debitam tandem Deo hominibusq. penam parricidam soluisse, ferens, corpus vrbane plebi ad arma vocatæ tradidit. Illi abreptum pedibus trahere, vexare, vti in sentientem probra contumeliasq. iacere. Squireq. Multitudinis ipsam se concursu impediens, lacerare, contingere, ac participem fieri certantis partem Parisiensis iuuenis ab scisso capite, & conto infixio abiens in se auertit. Ita bifariam cadaueri per vias, per fora, per totam raptato urbem est illudum: postremò ad carnificinam extractum altero pede su-

spenderunt, proditoris patriæ & parricidæ pœnam eam esse, clamantes. Hunc demum vitæ finem est nactus Admiralius, postquam se ex equestri loco in eam fortunam opesque extulerat, ut propè alteram in Gallia regiâ habuerit, duobusque maximis regibus Galliæ, atque Hispaniæ formidini ac terrori fuerit. Nam Philippo quidem etsi arma ipse nondum intulerat, tamen & Belgas ab eo alienauit, compulitque ad defectionem; & confirmando inde Aurgio, concitandisque Germanis magno ac difficili bello implicuit: regem Galliæ sæpe in regni ac vitæ discrimen adductum, quoties armorum pigrit, accipere ab se, non dare leges pacis coëgit. Id omnino mirandum in eo virò fuisse videtur, quòd & externis bellis, quæ Galli cum Hispanis gessere, bis captus, & hoc ipso intestino Galliæ dissidio, cuius caput concitatorque fuerit, ter acie victus profligatusque; nusquam ipse victor, tamen ita voluntates suorum studiaque non amisit, ut ex cladibus suis validior semper ac maior emerferit, tanta vni auctoritas, tanta in reparandis rebus industria fuit. Et satis constar, callidiorẽ quàm fortiorẽ ducem eum fuisse: in conferenda pugna adeo timidum ac diffidentem, ut neque dimicationis ultimæ discrimen subierit vnquam nisi coactus: &, in magna peritiâ deligendi locum, collocandique aciem, qua euaderet victus quàm quòd vinceret hostem, solertiùs solitum prouidere, atque exquirere, tradant. Trucidati eodem impetu sunt Rocafocorius, Tilinius, Pardilionus, Ambosius, Piles & alij factionis principes: Mongomerium adeo concupiuit Guisus, ut fugientem aliquot passuum millia sit insecutus. sed ille cognita in tempore Admirali mortẽ se periculo proripuerat; continentique inde fuga in Angliam traiecerat. Atque hæc

Admirali
elij elo-
gium.

in 18
- 1724 240
- 1724 100
- 1724 100
- 1724 100
- 1724 100
- 1724 100

Trucidatorum eũ
Admirali Prin-
cipũ nomina.

Mongomerius fuga
sibi con-
saluit.

in vnunt Admiralium paucosque principes. Quæ inde, passim cædes editæ ab irato populo sint, haud facile quisquam pro rei magnitudine enarrabit.

PARISIORVM ciuitas præter ceteras Galliæ ciuitates Hugonotorum odio flagrabat, nunquam sectæ illius contagione contaminari se passa. Quæ res nobis causam non cernentibus miraculo esse solet. Ibi enim regia Galliæ atque caput rerum est: quanta hæc ex concursu tot hominum ianua ad nouas res importandas? In eandem urbem ex omnibus gentibus nationibusque literarum causa: ingens multitudo, altera propè ciuitas, confluit. Urbis ipsius magnitudo tanta, vt quingenta millia hominum capita censeri in ea dicantur. Cui monstri simile non videatur, in tanta omnis generis colluione, in tanta licentia atq; impunitate, quò tot quotidie viri principes ea inquinati labe, tanto veneni fundendi in alios studio, conueniunt, incorruptam ab illo morbo ciuitatem conseruari potuisse? Adde, quòd ei mater regis Momorantium Annei filium præfecerat, magna ambitione id ab ipsa petentem non ob aliud, quàm vt ciuitatis iram in Hugonotos leniret, populique partem aliquam ad studium nouorum sacrorum attraheret. Captans omnibus inde blanditijs plebis animos, grauius, quia suspecta indulgentia erat, offendit: coactusque est periculo vitæ, cui sæpe comperit vim parari, excedere vrbe. Ab ijs enim & placitis & hominibus vt à peste ciuitas abhorrebat: vsque adeo vt, nisi rex edictis pœnisque odium compescuisset, nunquam manus ab auctoribus abstinuisset: ac ne sic quidem contineri potuerunt, quin multos eorum sæpe occiderent. Tum verò eam nacti licentiam, atque insuper à Guisio incitati, vt rabida feræ arreptis armis irruunt, primorum domos expugnant,

cadunt,

Mirum
cur Parisi
Hugonotorum
peste nū
quā contami
nati
sunt.

cadunt, laniant, cruore, cadaveribus luctu omnia complent: omnia capta urbis similia faciunt: quicumque obuiam datur noxæ eius suspectus, sine vlllo iuris, amicitia, hospitij discrimine pro hoste trucidant. Fugientes nulli recessus, nullæ tegunt latebræ: vbique pestis, vbique interfectores adsunt: omnia infesti scrutantes turpibus quoque atque obscœnis abditos locis eruunt, tractosque in apertum iugulant. Briomorvm vnum è coniuratis capillo barbaque abraſa, ſeruiliveste indutum in Anglorum legati stabulo strigili tergentem equos inuenere, abreptumque in forum supplicio affecere: non generi, non etati, non formæ, non sexui parcunt. Multæ fœminæ iuxta illustres humilesque aut ferro necatæ, aut præcipitatæ in flumen periere. Haud ferè accidit, vt ab hoste inteso, irato, internecino in vrbe diu obſeſſa, magno labore atque vi capta auidius atrociusque in victos ſequitum ſit, quàm tum illi non ſolùm hominum eiusdem gentis, moris, sermonis, cultus, ſed neceſſariorum, contubernalium, hoſpitum, amicorum ſanguinem hauſerunt. adeo in hominum animis omni affectui religio præpoller: & multitudo, vbi concita fuerit, modum tenere vilum neſcit. Regem Nauarræ, & Condeum adoleſcentes propinquos ſuos rex initio tumultus ſomno excitatos penes ſe habuit, ſeruauitque: eorum domus capte à plebe, occiſisque omnibus direpte ſunt. Aegre quarto poſt die, magis quia non ſupererant in quos ſeuirent quàm auctoritate regis, à fœda trucidatione reuocari potuerunt. Nam poſtquam ſatiati cædibus ſunt, vna diſcurrentis ac laſciuentis plebis vox audiebatur; Aut templum adi, aut mergere ſumine. Hac moniti voce, quos formido imminens vrgebat, ruere ad ſacra, & rei diuinæ magna

Hugono-
roru ce-
des maxi-
ma.

et alio
et alio
et alio

plebis ad
Hugono-
ros ver-
ba.

Toto re-
gno Hu-
gonoti
trucidā-
tur.

cum simulatione religionis interesse; eaque res salutē per-
multis fuit. Sed non hīc mactandi atque occidendi
finis, Peruasit celeriter vniuersum regnum non famā ma-
gis, quā exemplum Luterianæ cardis: atque, interfecto
Admiralio principibusque alijs, accisas perditasque partium
illarum res, rati, singulis oppidis vrbibusque veluti ad ex-
tinguendas reliquias coniuratorum exurgunt, arreptisque
armis sanguine ac cæde grassantur. Hugonotos territos
principum suorum casu, nec vsquam valida manu coeuntes
cadunt, fugant, spoliant, diripiunt. Haud vllō vnquam
bello tot millia hominum vno tempore Gallia amisit, quot
tum vno propē impetu à ciuibz toto regno interfecta di-
cuntur. In his octingenti milites fuere, quos Admiralius in
Belgas Aurangio aduersus Philippum auxilio miserat, à
bello tum fortē redeuntes, qui ad vnum in Picardia truci-
dati sunt.

Regis ad
senatū,
& popu-
lū oratio.

REX. conuocatis in maiorem curiam senatu Pari-
sienſi proceribusque, populo item admiſſo; à matre
ita inſtructus, quò rei infamiam in ipſos qui perierant auer-
teret, literas atque indicia protulit, quibus, coniuratum
in ſe ſtirpemque ſuam ab nefarijs hominibus, compertum
eſſe ſibi, aiebat. Commemorauit inde ſuperiorum anno-
rum bella, quibus regnum toties in vltimum adductum
diſcrimen vna Dei benignitate ſtetiſſet: item dolos atque
inſidias vitæ ſuæ factas. Quid ſe tam crudeliter de ijs meri-
tum, vt, viuere & communi ſpiritu frui, pati non poſſe vi-
derentur, quibus ipſe tam ſæpe, tam clementer ignouiſſet,
& dignitatibus ac honoribus ſuis reſtitutos auctosque pla-
care beneficijs conatus eſſet? Et vt dignus ipſe, in quem
tam ſcleratam coniurationem conciperent; quid matrem,

quid

quid fratres suos commeruisse, quid verò nouam nuptam prægnantem & partui proximam: quos omnes pariter occidere & contrucidare statuerant? Cum sub hanc orationem abortæ lacrymæ fletusque miserantium regis pericula, regnique mala essent; rex, illos quique sectam eorum sequerentur omnes, tam qui Lutetiæ quàm qui alibi cæli essent, iure cæsos: qui aufugissent, parricidij damnatos, eorumque pecunias, res, bona, publica esse, pronunciauit. Id verò facinus & liberauerat suspicione Hispanos aut suspicionis obtentu, & motam à Lotharingio Cardinale spem de Turcici belli societate auxerat. Nam & Cardinalis fratris filius Humenæ Dux: eo anno cum egregia Gallicæ iuuentutis manu voluntarius miles in Veneta classe bello interfuerat: & Guisium ipsum vel priuato consilio cum haud spernendis Gallorum copijs militaturum Pontifici, idem Cardinalis pollicebatur. Qua excitatus oratione Gregorius, simul vt regi Admiralij interitum, quo tum demum potens regni sui factus videbatur, gratularetur; simul ad explorandum eius de Turcico bello animum, legatum in Galliam misit Flauium Vrsinum Cardinalem, magnaue celeritate proficisci ab Vrbe iussit. Sed breui apparuit, & Gallos longè ab ea cogitatione abesse, & Lotharingium ea locutum ad permulcendum alliciendumque Gregorij animum, à quo ipse Galliarum legatus creari impensissime cupiebat. Nam Iohannes Michaelius, quem Veneti post eadem Admiralij in Galliam miserant, à rege postulauerat, vt pacificatorem se arbitrumque componendæ cum Turca concordia interponeret. eamque rem auidè susceperat rex, cuius conducere rebus videbatur, non opprimi Venetos, ab Hispanisque disiungi. Qua de re, occulta consilia Michaë-

lium

Imo. 2.
E. d. 11. 11.
A. 11. 11. 11.
11. 11. 11.

Flauius
Vrsinus
Card. in
Galliam
legatus.
11. 11. 11.
11. 11. 11.
11. 11. 11.
11. 11. 11.

lium cum Gallis habere senserat Saluiatus, quem suprà missum in Galliam à Pontifice docuimus; vir ingenij magni, magnæque industriæ, & regi, matricque, quam propinqua affinitate contingebat, ab ijsdem laudibus percharus perque familiaris: deque eo Gregorium per literas monuerat. Sed tùm, vrgentibus maximè Venetis socios ad armorum atque belli apparatus, intentissimèque ipsis in eam curam incumbentibus, creditum parum est Saluiati literis; quibus non multo post rei exitus fidem affirmavit.

Maximilianus alienus à fœdere.

A MAXIMILIANO Cæsare nouæ spes ostentabantur. Is, vt suprà tradidimus, abhorrens ab armis, certusq. pacem quanquam ex barbarorum fluxa nec vnquam sancta fide pendentem non abrumpere, spem tamen ducere Pontificis Venetorumque vehementer optabat. ac tum alienior à consilijs belli erat, quòd, mortuo rege Poloniæ nemine superstitè regiæ stirpis, Maximilianus Ernesto filio summis studijs regnum petebat, quod adeptus, ingenti incremento communiturum se res suas, sperabat. Ea res magnam pecuniæ vim conciliandis principum gentis animis postulabat: & Poloni pace Turcarum gaudebant. sed regis comitia, vt antea diximus, cum euentum habuere, vt filio Cæsaris graui repulsa posthabito Henricum regis Galliæ fratrem Poloni prætulerint. Ceterùm Maximilianus de fœdere ac societate cum Pontifice eo studiosius agitabat, quo certior abstinendi armis erat. Ad id, quod à Commendono Cardinale petierat, quinque peditum millia addi sibi impetrauerat à fœderatis nihil ei negaturis, vt ipsum Germanosque in partem traherent belli. Conuenerat igitur inter ipsum & Iohannem Delphinum Episcopum Torcellanum, legatum apud eum Gregorij, vt ei XXVM. peditum, quatuor

Henricus Galliæ rex, Poloniæ rex, repulso Ernesto Cæsaris filio.

millia

Ceditio.
nes fede
ris cum
Maximi
liano.

וְהָיָה
וְהָיָה
וְהָיָה
וְהָיָה
וְהָיָה

וְהָיָה
וְהָיָה
וְהָיָה
וְהָיָה

mille & quingenti equites darentur; quorum pars tertia ex
Italica reliquæ duæ partes æquæ ex Hispanis Germanisque scri
berentur. Maximilianus ipse haud minores, quam quantas à
socijs acciperet, copias haberet. Hunc exercitum menses
continuos sex foederati præstarent: ac per hiemem quoque
parem, ac ipse Maximilianus haberet, militum numerum
in præsidia, ut belli usus posceret, distribuerent: atque id fœ
dus perpetuum esset. Optarat Cæsar, addi in fœdere, ut
qui eorum à societate descivisset, is ab alijs pro hoste habe
retur, eique Pontifex dira nunciaret ac solenni carmine exe
crationeque, communione piorum interdiceret. Hac absti
nere tum pœna est visum: concessum, ut tertio quoque
mense pecunia in stipendium militum Augustam Vindeli
corum mitteretur: inuentique in ea urbe locupletes & pe
cuniosi mercatores, qui se sponsores darent. His conditio
nibus Cæsar, quò bellum spe sui foueret, arma in Turcas
ab Vngaria eo anno moturum, Pontifici profitebatur: quip
pe defutura illi causa, tempus consiliaque prolatandi, nun
quam erant, dum Germanorum conventus agit, dum mi
lites, dum pecuniam ab ijs auferre contendit. Eius rei
nuntio ad Gregorium perlato acciri extemplo ad se Theu
pulum Venetorum legatum iubet, latusque ei, perductum
in societatem belli Maximilianum, ait: iubetque de eo se
natum facere certiorum. Rex quoque Lusitanix, classem
suam eo anno in Græciam missurum se, pollicebatur: & ipse
Pontifex, quò adderet Venetis ac reliquis animos, augere
suarum nauium numerum parabat. Hæ spes, quanquam in
vanum euasuræ, &, quod Venetos non latebat, tantum nu
triendo bello à Cæsare ostentatæ, ut grauius pax ab ijs cum
Turcis facta acciperetur, fecere.

Litteræ de
pace cū
Turcis
cōposita
Romam
perferū-
tur.

Salomon
Iudæus
medicus
paci com-
ponenda
adhibe-
tus.

IA M^{us} appetebat aestas, & Veneti pacta exigentes, vt clas-
ses Cōcreyram transirent instando orandoque, Pontifi-
cem atque Hispanos fatigabant, cū ad pr. Non. Apr. liti-
ræ ē senatu Theupulo redduntur, pacem cum Turcis com-
positam esse. M. Ant. Barbarus Byzantij literis decem-
uirum acceptis, quibus finem graui bello imponendi arbi-
trium sibi permittebatur, præterquam quod & parere de-
cemuiris oportebat, & ipse ita conducere tempori reip, ar-
bitrabatur, suam quoque in eo libertatem & salutem verti-
cernens, in eam cogitationem curamque omni studio in-
tendit. Regis Galliarum legatus, qui Byzantij erat, seruen-
ter se ex regis sui literis in eam rem interposuerat, cū Maho-
metem sæpe urgendo sollicitans, tum percupidum se nauan-
dæ Veneto operæ ostendens. Eo Mahometes difficiliorem se
magisque auersum à pacis consilijs præferebat: illum enim
pacificatorem aspernabatur, sociumque eius rei, quam totam
deberi sibi, suumque vnus opus efficere velle videbatur, ne-
minem admittebat. Sensit M. Antonius, Gallum minimè
idoneum ad eam rem ministrum esse. Itaque, cū ipse do-
mi clausus teneretur, appositis post nauale prælium custodi-
bus, nequis adire egredire ab eo nisi de voluntate Turcarum
posset, simulato morbo impetrat, vt idem Salomon Iudæus
medicus, cuius opera in eadem re antea vsum, quemque
Mahometi ab eadem arte perfamiliarē fuisse, suprā tradi-
dimus, ad se visendum veniret. Huic donis ac promissis
accenso cū ostendisset, & patriæ quieti se, & saluti suæ
consultum cupere, neque in illa tabescere custodia velle,
proflentem vltro ad omnia studium fidemque suam orat,
vt perficiendæ pacis inter Turcas Venetosque, quod ei &
in præsentia fructui, & gloriæ ad posteros futurum esset,

negocium

negocium suscipiat. Haud cunctanter Iudæus digressus à M. Antonio, opportunè adiens ad Mahometem rem desert, & ipsum in idem consilium propensum, & magnas tum in paranda classe belloque difficultates experientem. Ceterum ubi de conditionibus est agi cœptum, Mahometes, Corcyram, Catarum, Buduam tradi regi, magnamque auri vim in belli sumptum pendi, postulabat. M. Antonius, quæ resp. ante bellum possedisset, eorum nihil daturus Venetos, præcisè constanterque respondit. LXM. nummum aureorum honoris atque muneris loco regi offerebat, & præterea Sopotum, quod de Turcis Veneti cepissent, dabat: sed ita, ut pro eo Turcæ agros Dalmatiæ urbibus ademptos restituerent. Mahometes de Corcyra remisit: Catarum utique ac Budua nisi traderentur, negat, mentionem pacis auribus admittiturum: & pro insito tumore ac superbia barbaris, iratus supplicium minatur Iudæo, si ad se his non extortis oppidis reddisset: An igitur, inquit, anno CID. ID. XXXIX. ut pacem à Solimano impetrarent, Nauplia Epidauoque munitissimis urbibus, ac omni inde Peloponneso abiectis Veneti; Selimo non magnam alteram, ac pestilentia cladibusque belli vastatam urbem, alteram semirutam ac pæne desertam cultoribus dedere grauarentur? Simul, ut magis tereretur Venetum legatum, rumores spargit, trecentas longas naues, parem minorum nauigiorum numerum, quantum nullus ante eum rex Turcarum habuisset classem, effecturum, regetque ipsum ingentibus non Europæ solum, sed totius Orientis subnixum viribus bello interfuturum, terras exercitibus, maria classibus implendum. Sed Venetum haud ignarum barbarorum vanitatis magis suæ reip. angustiarum necessitatesque, quam hæc terricula, mouebant.

Cōditio-
nes pacis,
de quibus
ag. cœ-
ptum.

R E S diu actitata . postremò , cùm ad Mahometem de ijs , quæ decreta Romæ in eum annum , fama peruenisset , ne obstinatiùs tendendo rem cœptam interromperet , grauioriquè quàm antea bello implicaretur , iussu venire ad se M. Antonio , ita pax inter eos conuenit : Veneti Sopotum in Epiro restituant Turcis cum omnibus tormentis bellicis , quæ in eo ceperant : oppidanis , qui manere nollent , potestas fiat abeundi cum rebus , quas secum ferre possent . Oppida , quæ quisque possideat , ea habeat sibi , singulisque ager finesque iidem , qui ante bellum fuissent , remaneant , atque eo quod quisque occupasset agri cedat . Pro insula Zacynthi nummos mille quingentos tributum nomine singulis annis Veneti regi pendant : cùm ante bellum quingentos pendere iidem conlueissent . Nummum item aureorum tercenta & quinquaginta millia præsentia persoluant regi : Mahometi pacis conciliatori LM. data . Additum , vt mercatoribus vtrunque libertas resque redderentur , quæ non comparerent , pro his æstimatione facta pecunia reponeretur : in ceteris antiquum fœdus cum Solimano ictum seruaretur . Hæ pacis leges fuere . Quas M. Antonius cùm scriptas regi obtulisset , vt præsens ab eo iusiurandum exigeret , ferunt , barbarum , minaci obtutu accepto legato . ac ne verbo quidem compellato , iurasse , ita se eas leges sanctas esse habiturum , si nihil Veneti commisissent , quo maiestas imperij Turcici violaretur , hostesque suos non re , non consilio iuuissent . Hæc qui Venetias perferret , Franciscum filium M. Antonius misit . Is iuuenis haud ignarus , quanta de re nuncius iret , quanta nemo ante eum celeritate , vigesimo die . postquam Byzantio discessit , Venetias venit : & , vt erat ornatu Turcico indutus ,

Leges
quibus fir-
mata pax
est.

Franciscus
Barbarus
M. Anto-
nij filius
Pacis nũ-
cius Ve-
netias ad-
iolar.

ad principem perrexit, ad quem fortè tum decemviri de
 summa reip. consultantes conuenerant. Lectis M. An-
 tonij literis placuit, iuuenem retineri in curia, occultarique
 in sequentem diem eius aduentum, quò non antè efferretur
 res, quàm de ea relatum ad senatum esset: prouidebant enim,
 magnum motum animorum ad inexpectatum nuncium fu-
 turum. sed in senatu, decemviris causas sui consilij difficul-
 tesque, quibus resp. premeretur, exponentibus, relata acce-
 praque pax est. Eadem edita vulgataque per ciuitatem inten-
 tam. tum maximè in armorum cogitationem, quanquam
 grati onere collationum ac tributorum, & cura metuque an-
 cipitis belli leuaretur, multisque priuatim ex mercaturæ com-
 mercio pristini redituri quæstus essent; tamen ita defixit stu-
 pore ac silentio animos hominum, vt, tanquam detectis tum
 demum reip. plagis, ac veluti si clades, non pax publica, nun-
 ciata esset, mæsti silentesque homines, nec damnantes quod
 necessitate expressum putabant, nec probantes. Inter se pluri-
 res per dies egerint: & ciuitas à primordio sui pacis stu-
 diola; quæque pacis artibus in eam amplitudinem per-
 uenerat (adeo ignara sui est omnis multitudo): lætata antè
 belli nuncio, tristis tum pacis nomen acceperit. At
 ceteris in ciuitatibus regnisq. vbi nec sensus idem, nec scien-
 tia præsentis rerum status erat, tanta indignatione accepta res
 est, vt nusquam Veneti ciues, ac ne legati quidem iure gen-
 tium inter barbaras quoque atque immanes nationes tuti, pe-
 riculo caruerint. Nam Viennæ Cæsar, tanquam non ma-
 ximam ipse causam ei paci cunctatione ac frustratione sua
 præbuisset, cum, cogitaturum, quid sibi aduersus fidei pu-
 blicæ ruptores statuendum esset, Iohanni Corario Veneto
 legato respondisset; nulla res legatum ipsum ab hominum

q. i. d. q.
 e. u. q.
 u. o. d.
 Venetij
 quo motu
 animorū
 pax ac-
 cepta.

In reli-
 quis urb-
 bus quæ
 cum indi-
 gnatione
 audita
 sit.

q. i. d. q.
 i. d. q.
 q. d. i. q.
 2. d. q.
 Quid ego
 vix Cæsar
 es cogni-
 ta.

iniuria magis protexit, quàm quòd inclusus domi opportunum se iratis, & Venetum nomen per summam contumeliam passim vsurpantibus non præbuit. Quanquam Maximilianus haud multo post, denunciante Veneto, se è Germania abiturum renunciaturumque ei amicitiam esse; cùm, Hispanos ipsos nihil ea pace moueri ac ne indignari quidem magnopere, accepisset, Venetum benignè appellatum in pristino honore & ipse habuit, & haberi a suis iussit. Nam Philippus legato Veneto, ciuitatem suam, cùm diutius grauis & dubij belli onus ferre non posset, coactam necessitatibus pacem cum hoste composuisse, nuncianti, nihil commotus, & in armorum societatem venisse se auctoritate Pontificis, ac religionis studio, respondit, & Veneti senatus eam, scire, prudentiam esse, vt nihil temere factum ab ijs credere possit: sat habere se, quòd intelligant homines, neque in suscipiendo bello animum sibi, neque in gerendo constantiam defuisse: deponendi autem eius arbitrium, pati, penes eos esse, quorum causa ceptum fuisset.

AT Roma: Paulus Theupulus acceptis circiter meridiem senatus literis, quia tum Gregorius animi cauta seceserat Vrbe in Altaëmpsiānam villam Tusculani agri duodecimo ab Vrbe lapide; eò celeriter contendit, admissusq. ad Pontificem, cequid lati nuncij eo diei afferret, quærenti mandata senatus exponit: Ad primam pacis mentionem ictus interpellat loquentem Pontifex, atque fari plura prohibitum è conspectu. tuo abire: confestim iubet: Humilibus precibus dictisque conantem lenire iram, exurgens ipse atq; inde aliud in cubiculum transiens deseruit, denunciatiq. illi iussit, vt properè inde abscederet. Regressus Romam Theupulus domi se, nequa vis aut à plebe, aut à militibus (quorū ma-

Philippus rex
moderate mun-
cium pa-
cit acci-
pit.

de reg
a. p. 120

Gregorius
Pontifex
Venerabilis
Pater
et
c.

Gregorius
Pontifex
Venerabilis
Pater
et
c.

gnus in Vrbe numerus erat Neapolim, vt ibi naues conscenderent, euntium, fieret, praesidio amicorum communit. Militum plerosque in Vrbem rediens obuiam habuerat, ingenti periculo siquid illi de pace perlensissent; cuius etiam emanasse Romae rumore inuenit. Patauinus enim quidam familiaris eius, cum redditas sibi à senatu literas perlegeret, stans post tergum illius animaduertenter in epistola factae pacis mentionem, profectoque Theupulo, rem Cardinali Cornelio indicauerat.

At Pontifex vehementer eo nuntio conturbatus eadem nocte in Vrbem redijt, indicij in sequentem diem senatum iussit, Nouitas rei, vt causa quoque statim vulgaretur, effecit: adeoque mouit hominum iras vt, si animis concitatis qui se praeberet ducem inuentus esset, impetum in legati domum facturi viderentur. quin plerique ne interdiu fenestras adium foresque lapidibus incescerent, contineri non potuere. Venetos certe tota Vrbe, haud aliter quam publicae rei proditores, omnibus contumelijs infestantes appellabant; multis etiam priuatum iniuriae factae. nec quicquam per plures inde dies inuisius aut execrabilius apud mortales Veneto nomine fuit. Philippi legati ceteris moderatius rem accipere visi sunt. Postera die, cum in curia Cardinales omnes conuenissent, Gregorius, quò inuidia maiori factum oneraret, exposuit ijs, sollicitante atque agente se, paulo antè Maximilianum Caesarem pertractum in societatem Turcici belli fuisse, & regem Lusitaniae nunciari sibi per legatos suos iussisse, velle se foederi adscribi: nec desperare, regem quoque Galliae certis conditionibus abduci ab amicitia Turcarum potuisse: & (quod felicitatis Christianorum fuerat) haud vanis auctoribus perlatum ad se esse, Tammaso regi Persarum mortuo successisse

Romae
vulgata
pax ma-
gno cum
Veneto-
rum re-
ticulo.

Gregorius
ad Car-
dinales
verba.

Grego-
rius ira-
tus Ve-
netis mul-
ta contra
illos de-
creuit.

filium, bellicosissimum virum acerrimumque Turcarum hostem, & statim inito regno bellum aduersus eos ingenti conatu apparare; ut, validissimorum fegum populorumque totius penè orbis terrarum conspiratione, euerendi barbarorum opes, tollendique ceruicibus nostris imminentem tyrannidem, haud dubia lux affulisse videretur. Verùm has tantas spes, tantos consiliorum apparatus, Venetos ignauia atque perfidia corrupisse, pacemque fidem illis, detestabilem omnibus clam eum Turcis fecisset. Inuectusque multis inde in eos verbis, fractores foederum, desertores Christianæ reip. appellans, quæcunque ijs belli huius causa publice aut ipse aut Pius concesserat, antiquauit: quæque eo anno exacta pecunia esset ex certis sacerdotum bonis, quæ permissu eius in belli usum Veneti vendebant, restitui dominis iussit: quod est ab eis obedienter factum. Militare quenquam imperio suo subiectum alteri principi, aut reip. iniussu suo, vetuit: quique conducti abessent, edicto domum reuocauit: frumenta ex agro Piceno, aut omnino vlla parte Romanæ ditionis aliò exportari, prohibuit. Item alia aduersa Venetis sanxit. Quæ omnia, quanquam graui, opinione tamen Theupuli cæterorumque leuiora fuisse, qui ab ira Pontificis publica que omnium infestatione, ut Veneti hostes iudicarentur sacrisque accerentur, expectarant.

THEVPVLVS, vbi non vltra verba processum, & quod verebatur, nihil à recenti ira atrocius aut præcipitanter consultum in Venetos esse audiuit, haud ignarus ingenij Pontificis, amplectentis magis seueritatis laudem quam in ea perseverantis; primò per Cardinales ciuitatis Venetorum amicos nunc depretari, nunc mitigare ac fle-

tere

Theopuli
ad placandum
Pontificem
actos.

Atque animum eius, nunc etiam monere, ne pergeret ei reip. irasci, quæ, nisi Italiæ exitio ruere non posset: cuius casu motuue Pontificium maximè Imperium concuti ac labefactari, necesse esset: Romanæ rei æquè interesse, & non minui Venetorum vires, & non crescere supra modum externorum in Italia opes, quæ opprimendæ communi libertati essent futuræ. Motum his Pontificis animum Theopulus sensit: & quanquam orantem, ut ad purgandam remp. exponendasque, quibus de causis ad pacis consilium descendisset admitteretur, reijceret Pontifex negans, alibi quàm in senatu coram Patribus auditurum; ut, ubi iuncta sanctissimo iureiurando societas esset, ibi rationem falsæ fidei Veneti redderent; tamen, residere quotidie ac deferuere indignationem eius, & vacui animi quietisque amicum non diu eam curam toleraturum, cernebat. Igitur satis sperans, placatum iri, si ignoscendi & animum ad pristinam lenitatem reuocandi aditum Veneti ipsi cupienti aperuissent; senatui auctor fuit, ut nouum ad id oratorem Romam mitterent, quò Pontifex nonnisi magnis precibus expugnatus veniam illis dēdisse videri posset: id satis ei ad opinionem seueritatis retinendam futurum. Mittitur continuo è principibus ciuitatis Nicolaus Pontius. Qui tertium & octuagesimum agens annum, festinantius quàm pro sua ætate itinere factò, Romam cum venisset, et si, Pontificem sermonibus quorundam incitari ut nisi præsentibus Patribus Venetos non audiret, comperit; tamen Theopulus priuatim conuentis aliquot Cardinalibus, quorum magna apud Pontificem erat auctoritas, per eos rem confecit, ut nihil de pristino more immutaretur. Ita legati ad Gregorium introducti, cum Pontius multa dicendi

Nicolaus
Pontius
Roman
Venetijs
mittitur
ad Pont.

Idem Pontificem
& Card.
Veneris
reconnet-
lit.

arte accuratè causam reip. egisset, & qua spe, quibus necessitatibus adducta pacem cum hoste facere coacta esset, aptè dilucidèque explicasset, ipsa quoque etate, qua Pontificem decem annis anteibat, fouenti inde senectutis suæ spem, magnopere illi conciliatus, non auditi modò benignè & ipse & collegæ eius sunt; sed rationibus eorum non magnopere aduerſatus Gregorius; tantum questus, quòd non ea secum antè communicata essent, haud dubijs reconciliatæ gratiæ datis argumentis dimisit. Pontius non multo post, singulis domi conuentis Patribus ubi disertè eadem apud omnes disseruiſet, Theupulo Romæ manente ad muneris sui functionem, ipse rep. bene administrata Venetias redijt.

FINIS LIBRI QVINTI.



I N D E X

R E R U M N O B I L I U M

Q V A E T O T O I N O P E R E

C O N T I N E N T U R.

A



BRAHIMVS

e Strassorum fa-
milia. pag. 40.Legatus à Turcis
Venetias mitti-tur. ibid. Venetias ingredi-
tur. pag. 44Acangij sunt voluntarij mili-
tes apud Turcas. pag. 173Acomates ad tutandum Epi-
ram à Turcis mittitur. 162Pertao deditionem Olechini
inuidet. 163. eius vino-

lencia. pag. 12.

Actiaca pugna cum nostra com-
paratio. pag. 222

Aegypti reges Cypri domini. 4.

Aegypti regibus veltigalis
Cyprus. pag. 7

Atto Armenia rex. pag. 5.

Albertus Scottus. 82, interfici-
tur. pag. 84Aleksander Farnesius Parme-
Ducis filius Christianam
conscendit classem. pag. 44Alexandri Donati leuare Sea-
lara non capitur à Venetis.160. Antiburj deditur ho-
stibus. 163. ipsa voluntatioexilio damnatione se eximunt
ibid. etiam adunabAlexandrinus Card. in Hispa-
niam. pag. 137. etiam ad Philippumregem oratio. ibid. ad Seba-
stianum Lusitanie regemadhortatio. 137. Gallie re-
gem adi. 140. Romanum re-

dit. notuudo. illud dicitur. 42

Aloysii Martinenski in bello
Famagustano virtus. 181.

trucidatur. pag. 188

Aloy.

I N D E X.

<i>Aloysius Bonricius.</i>	41	<i>virtus.</i>	269
<i>Aloysius Mocenicus Dux Venetiarum.</i>	48	<i>Annaus Memorantius magister equitum.</i>	305. vera religionis amantiſſimus. 306
<i>Aloysius Requesentius Mediolanensium præfectus Pio percharus.</i>	244	<i>Hugonotos pralio fundit.</i>	307. ipse cadit in acie. ibid.
<i>Aluarus Bazanus trirremium Neapolitanarum præfectus. pag.</i>	58	<i>Annona ingens in Italia caritas.</i>	31. eius subleuanda ratio Venetorum. 32
<i>Amboſius Ammiralij comes occiditur.</i>	315	<i>Antibaris urbs Turcis deditur.</i>	163
<i>Ammiralius. vide, Gaspar Colineus.</i>		<i>Antonij Roſonei. ſacerdotis in defendenda Curzola inuentum.</i>	165
<i>Amurates Selimi filius.</i>	15	<i>Antonius Borbonius Nauarra rex in custodia habetur à Francisco Gallie rege.</i>	304.
<i>Amutus Turcarum legatus Venetijs comprehenſus.</i>	117	<i>tutor Carolo Franciſci ſucceſſori datur. ibid. eius ad Pontificem legati. ibidem.</i>	mors. 309
<i>Andima Cypri regio.</i>	2	<i>Antonius Canalis. 56. eius de Cyprio adeunda ſententia.</i>	57
<i>Andreas Auriæ. 55. eius de non adeunda tum Cyprio ſententia. 59. ſuſpectus Venetis. 60. 97. Columna æmulus. 61. cum eodem altercatur. 99. claſſem in Siciliam reſert. ipſe Hiſpaniam petit. ibid. maritima rei peritia. 219. Conſilij Vlucialis in pugna nauali occurrens immerito Venetis ſuſpicionem facit. ibid.</i>		<i>Antonius Maria Saluatiſ Ep. in Gallias proſciſcitur legatus à Pontifice. 260. magni ingenij vir.</i>	320
<i>Angelus Sorianus. 102. eius</i>		<i>Antonius Perenotus. vide, Granuellanus Card.</i>	
		<i>Arabum à Turcis deſectio.</i>	37

Ascanius Corneus Austrij consiliarius. 192

Astor Balionus militum dux.

63. *Famagustam defendere iussus.* 66. *Turcis aduenientibus occurrendum fortiter censet.* 67. *Nicosiam ab obsessis postulatur.* 86. *Famagusta discedere prohibetur.*

87. *tria millia Turcarum ad internecionem delet.* 174. *eosdem in hiberna abeuntes mire vexat.* *ibid.* *incenso cuniculo Famagusta ingentem hostium cladem edit.* 180. *eruptione facta hostem fugat; vexillum rapit.* 181. *trucidatur.* 188

Audacia quàm perseuerantia Turcarum magis propria. pag. 217

Augustus Barbaricus Venerio legatus additur. 105. *interimitur in pugna nauali.* 223. *morientis præclara vox.* *ibid.* *primus pugnam capit & exegit.* *ibid.*

Auria. *vide, Andreas.*

B

B *Aiazetus Solimani filius proditus à rege Persarum necatur à patre.* 12

Balionus. *vide, Astor.*

Baptista Scolumbanus. 86

Barbaricus. *vide, Augustus.*

Barbarus. *vide, M. Antonius, & Franciscus.*

Bernardi Theupuli de amouendo Venerio suasio. 237. *responsio.* *ibid.*

Bombardarum tempestas quantà uno die in oppugnatione Famagustæ. 179. *bellicum inuentum in nauali certamine.* 215

Boncompagnus. *vide, Gregorius XIII.*

Bragadenus. *vide, M. Antonius.*

Budua diruitur à Pertao. 164

C

C *Aesar Aualos onerariarum in classe ductor.* pag. 195

Cesar

- Cæsar Ptolemaeus*. 82. in Turcas erumpit. 83. interficitur. 84
- Calvinus*. vide, *Ioannes*.
- Canalis*. vide, *Antonius*.
- Candia insula caput*. 60
- Caracossa archipirata*. 155. notu classem nostram explorat. 207
- Caramanus Bassa*. 89
- Carolus Gallie rex*. 304. Ammiralium & socios de medio tollere constituit. 312. eius occisis hostibus ad senatum, & populum oratio. 318
- Carpascea Cypri regio*. 2
- Catarensiū animi per legatum frustra tentantur à Pertao*. 164. *Catari praesidiaria triremes capiuntur à Turcis*. 101. oppidum vehementer vexatur ab eisdem. ibid. proditione penè capitur. 161. pœna proditoris. ibid. obsidetur. 291. laboratur à *Iacobo Soransio*. ibid.
- Catharina Cornelia Veneta Cypri regina*. 8. regnum Veneticis relinquit. ibid. obit. ibidem.
- Catharina Francisci Gallie regis mater*. 302. Gallie gubernatrix. 305. Ammiralio insensa. 310. ad eum perdendum artes. ibid.
- Celsus*. vide, *Iacobus*.
- Cerigum veteribus Cythera dicebatur*. 158
- Cerinea Cypri regio*. 2
- Cerines oppidum*. 66. se Turcis dedit. 95
- Classes nostrae lustrantur, & suppleantur*. 193. solunt in Graciam. ibid. illustres viri qui Christiana classe utebantur. 194. *Corcyram* perueniunt. 196
- Classis Christianae numerus, robur, & apparatus*. 194. instructa ad praelium forma. 208. in navibus collocandis in acie prudentia. 209. minora nauigia ad spem fugae tollendam amosa. ibid. bellicorum ante praelium pietas. 210
- Classis nouae apparatus*. 249. summa. 263. nostri provocant Turcas; illi detrectant pugnam. 277. in ipso por-

tu hostem aggredi statunt .
 pag. 278 . clubra 278
 Classis noue educenda robur, &
 ratio. 294. de classe cogenda
 decretum. 296
 Classis Turcarum ad Cyprum
 accedit. 72. milites in ter-
 ram exponit. ibid. eius ma-
 gistrudo. 73
 Classis Veneta apparatus. 43
 lues. 295 . 295
 Classium mutui error, & opi-
 nio de hostibus. 208
 Claudius Gonzaga. 282
 Clisiam urbem Veneti per pro-
 ditionem accipiunt. 290.
 eandem stultie deserunt. ibid.
 Colineus. vide, Gaspar.
 Columna. vide, Marcus An-
 tonius, Pompeius, & Prosper.
 Commendonus Card. Granuel-
 lano pro Venetis respondet.
 53. Pio auctor, ut Colum-
 nam Venetias mittat. 118.
 ipse in Germaniam & Po-
 loniam legatur. 137. eius ad
 Maximilianum Casarem
 oratio. 146. Caesaris respon-
 sioni subiectio. 149
 Condei regulus habetur in cu-

stodia. 304. dimittitur. 305.
 Guisij eius aduersarij. ibid.
 arma in regem capit. 306.
 euentus praelij. ibid. capitur.
 ibid. dimissus exercitus pa-
 rat. 307. regem propè inter-
 cipit. ibid. occiditur. ibid.
 Constantinopolis tropidatio post
 naualis cladis nuncium, &
 vulgi consuetudo. 240
 Constantinopolitani Imperato-
 res Cypro domini. 4
 Contarenius. vide, Franciscus.
 Corneliorum fratrum pium, &
 egregium facinus in pugna
 navali. 223
 Cosmi Medicis fortuna & ma-
 gna indoles. 143
 Senas ur-
 bem capit. 144. Magni Du-
 cis appellationem qua ratio-
 ne a Pio impetravit. ibidem.
 Casarem ea appellatione of-
 fendit. ibid. milites in Tur-
 cicum bellum qua conditione
 pollicitus sit. 250. inter eum
 & Alphonsum Ferraria Du-
 cem de dignitate contentio.
 ibidem.
 Cretensium agrestium seditio,
 secutumq. supplicium. 157

Crusocum Cypri regio. 2
Curzola insula miro casu, & mulierum virtute seruata. pag. 165
Cypri insule situs. 1. A continente abscissam creditum est. ibid. eius regna, urbes, magnitudo: ibid. incolarum frequentia. 2. antiquitus maior, ibid. affluentia, habitus corporis, deliciae. ibid. mulierum lasciuia. 3. terra siccitas & feracitas. ibid. decē & septem annos aliquando nunquam pluit. 3. Cyprus quarum rerum ferax. 3. cælum graue, ac pestilens. ibid. eius domini. 4. ad Venetos transit. 8. defectionem saepe à Venetis meditatur. 62. tota in Turcarum potestatem peruenit. pag. 189
Cypria femina ad coniurandum impellens facinus. 6
Cypria femina memorabili facinore omnis Nicosiensis praeda incenditur. 95. 96
Cypria matrona atrox factum in expugnatione Nicosia. 93
Cyprij equites erumpere in

Turcas cupientes, prohibentur à Dandulo. 82. egredi tentant occultè. 83
Cythera insula, hodie Cerigum. pag. 263
D Andulus Cypri prator. 63. imperitia militaris. 72. Nicosiensi excidio natus. 83. ira impotens. ibid. trucidatur. capta Nicosia. 94. eius caput à Mustapha ad terrendos Famagustanos duces mittitur. 96
Decemvirum Venetorum de summa reipub. consultatio. 186. Ad Antonium Barbarum de pace agere Byzantij iubent. 289. sapiens consilium. 296
Decretum de classe cogenda. 296
Didascalus Cyprij prodicionis se caput prabet. 62
Disciplina in classe neglecta. hand parua est clades. 265
Disciplina item neglecta, ingens malum. 271
Discordia Christianorum Tur-

cis opportuna. 27

Donatus. vide, Alexander, & Nicolaus.

*Dragonarum scopuli contra Ma-
lea promontorium.* 249

*Ducum oratio ad milites ante
navalem pugnam.* 211. *in
ipsa pugna vis & animus.*
217. *varia similitudines.* 274

*Dyrrhachium à Venerio frustra
tentatur.* 136

E

Emericus Lusignanus pri-
mus Cypri rex à Ponti-
fice appellatus. 4

*Epirota equites Siroccum fu-
gant.* 71. *Nicosia erumpe-
re soli permittuntur.* 82. *ij-
dem tamen ab irato Dandu-
lo retinentur.* 83

*Eugenius Syncliticus Rocasij
Comes.* 64. *malè pro pa-
tria legatione fungitur.* *ibid.*
*nudata ab eo statione Turca
Nicosiam capiunt.* 91. *serò
pugnans interficitur.* 92.
*Turca eius cadaueri illu-
dunt.* *ibid.*

Eufcochi. 27

F

Fabius Gratianus navali
prelio interficitur. 223
Famagusta mercatus. 5. *à Ge-
nuensibus capitur.* 7. *eisdem
eripitur.* *ibid.* *diffidium cum
Nicosia.* 65. *scitus.* 175. *obsi-
detur à Mustapha.* 175. &
*seq. audax, sed incòsulta Ve-
netorum, & Gracorum eru-
ptio.* 176. *operum & muni-
tionū hostis ratio.* *ibid.* & *seq.*
fossa potiuntur Turca. 177.
*commēto igniū à nostris pel-
luntur.* *ibid.* *cuniculos in ur-
bē agunt.* *ibid.* *per ruinas in
mœnia sexies euadunt.* 177.
178. *pellūtur à nostris.* 178.
180. *urbem nostri interiori
muro muniūt.* *ibid.* *fœmina-
rū in propugnatione virtus.*
178. 179. 182. *Imisessium
Episcopus prelata cruce pro-
pugnatores accendit.* 179. *tē-
tatur denuo oppugnatio.* *ibid.*
& 181. *quæ tormentorū tē-
pestas.* 179. *Balionus Turcis
magā cladem infert.* 180.
181. *Mustapha de euentu
anxius suos ad acriter oppu-*

I N D E X.

gnādū hortatur. *ibid.* ducū op-
pidanorūq; in propugnatione
solertia & uigilia. 181. 182.
misso Venetijs subsidio desti-
tuentur. 184. 185. extrema
miseria. 186. de urbe de-
denda oratio. *ibid.* cum ho-
ste colloquiū. 187. dedenda
urbis conditiones. *ibid.* dedi-
tio. 189. captæ fama no-
stros ad pugna accendit. 204
Farnesius. vide, *Alexander.*
Ferrariensium Dux Hetruria
Ducis amulus. 250. in Ger-
maniam proficiscitur. *ibid.*
Finica urbis portum reficit *Se-*
limus. 23.
Flavius Card. Vrsinus legatur
in Galliam. 319.
Fæderis ab Hispanis ineundi
cum Venetis dissuasio. 108.
suasio. *ibid.* eius consiendi
negocium sex Cardinalibus
datur. 110. leges à Pio la-
ta. 131. lis inter fæderatos
composita. 293. cum Ma-
ximiliano Cesare fæderis
conditiones. 152. & 321.
Fæminarum in Gallia aucto-
ritas. 301.

Franciscus Barbarus pacis nun-
cius Venetias aduolat. 324
Franciscus Commendonus. vi
de, *Commendonus Card.*
Franciscus Contarenus Paphi
Episcopus. 92
Franciscus Gallie rex post Hen-
ricū. 302. in eū coniuratur
+ 304. moritur. *ibid.*
Franciscus Guisæ regulus in-
terficitur. 306. laus. 307
Franciscus Maria Rouereus
Urbini Ducis filius in classe
Christiana militat. 194
Franciscus Priolus. 8. 102
eius virtus, & mors. *ibid.*
Franciscus Tronus Abrahi-
mum Venetias deuehit. 44
Francomati Cyprij, qui. 2

G

G Aleatie, quid sint. 43.
nauali prælio prima
hostem affligunt. 214
Gallie potentia undenam oria-
tur. 299. calamitas quem
ortum habuerit. *ibid.* fæmi-
narum auctoritas. 301
Gallie regis ad Alexandri-

num

- num. Card. in bellum impel-
 lentem responsio. 142. de
 Henrico Nauarra rege iu-
 dicium. ibid. regis legatus
 Hispanum maiori in hono-
 re haberi egre fert. 244
 Gallia regis. Francisci in hære-
 ticos pia seueritas. 301. re-
 ligiosum dictum. ibid.
 Gaspar Colineus Admiralius
 Hugonotorum caput. 141.
 nobilem Sabaudam uxorem
 ducit. 250. Sabaudia. insi-
 diari putatur. ibid. eius
 consilium. ferendis inter re-
 ges dissidijs. 259. Guisum
 per emissariū interficit. 306.
 eius mores. 308. vulne-
 ratur sclopeto. 310. eius in-
 terimendi cum socijs, ne-
 gocium Guisio datur. 312.
 regis, & aliorum interfici-
 endorum ordinem tradit
 suis. 313. ipse obtrunca-
 tur. 314. cadauer præcipi-
 tatur ex fenestra. ibid. atro-
 citer dilaniatur. ibid. eius
 elogium. 315. cum eo tru-
 cidatorum nomina. ibid.
 Geneura Saluata uxoris Ba-
 lionis ardor. & animus. 183.
 Perusiam ad scribendos mi-
 lites mittit, ut viro opem
 ferat. 184
 Ghengbirus Salimani filius se
 interficit. 182
 Genuēsēs à Petrino rege Cypri
 & Venetis posthabetur. 6. cū Ve-
 netis de dignitate contendūt.
 ibid. coniurant in regem ac-
 detecti trucidantur. ibid.
 bellum Cypro mouent. 7. Fa-
 magusta potiti vectigalem
 regem faciunt. ibid. trire-
 mes quatuor bello nauali Hi-
 spanis accommodant. 250.
 Georgius Panteo. 182
 Ghabrio Sorbeltonus Austrij
 consiliarius. 192.
 Greci transfuge duo ad Nico-
 siam prius oppugnandam
 & Mustapham impellunt. 74.
 Granuellani Card. genus, &
 mores. 52. Venetos iuuari
 debere negat. ibid. responde-
 tur ei à Card. Cominendone.
 53. fedus iamiam ferien-
 dum impedit. 115. 116.
 eam ob causam Pium vehe-
 menter offendit. 116. Nea-

I N D E X.

politani regni prorex. 192.
Gratia Deo acta, & decreta
Venetis sancita pro naua-
 li victoria. 229
Gregorius XIII. Pont. creatus.
 1257. genus, & antea acta
 vita. *ibid.* Gallie regem se-
 deratis tentat adiungere. 299
 cum *Cæsarem*, 321. ira-
 scitur *Venetis* ob pacem cū
Turcis initam. 326. inue-
 hitur in eosdē in senatu. 327.
 & seq. quæ contra eosdē de-
 creuerit. 328. placatur à
Venetorū legatis. *ibid.*
Grimanus. vide, *Hieronymus.*
Guido Lusignanus Hierosoly-
ma rex. pulsus à *Sara-*
cenis *Cyprum* emit. 1404.
Guisij Condæo. aduersarij. 308
Guisio Francisci filio interim
di Admirali cum socijs nego-
 cium datur à rege. 312
Guisius. vide, *franciscus*
 H
H *Alynus Turcice* classis præ-
 fectus. 73. insulas *Ve-*
netorū vastat. 154. eiusde
 pugna cōmittēda oratio. 205
 mors. 218. filiarū captorū al-

ter *Roma* moritur, alter ab
Austrio matri redditur. 298
Hector Martinengus interfici-
 tur, dedita *Famagusta*. 188
Hector Podocaterus à Musta-
pha legatus *Famagustam*
 mittitur. 174. eius misera-
 bilis species. *ibid.* re infecta
 rediens interficitur. 175
Hector Tronus ob *Clissam* de-
 sertam coniectus in vincula
 absoluitur. 290
Henrici Gallie regis cum *Phi-*
lippo Hispanie rege pax, &
 affinitas. 302. miserabilis
 mors. *ibid.*
Henricus Gallie regis frater,
Polonia rex creatur. 320
Henricus Navarra rex Hu-
 gonotus. 141. miti ingenio
 pag. 142
Hermolaus Theupulus. 42.
 101. *Scardonem* urbem in-
 cendit. 160. naues aliquot
 capit. *ibid.*
Hieronymi Grimani morien-
 tis oratio de sedere. 107
Hieronymus Magius artifex
 machinarum egregius variè
Turcas affligit. 188

- Hieronymus Martinengus cū
 & praesidio in Cyprum mittitur
 41. Bauorniano amulus. 42.
 moritur. 69.*
- Hieronymus Ragazonius Fa-
 magista Episcopus Venetias
 petitem auxilium mittitur.
 pag. 183*
- Hieronymus Venerius Olchini
 praefectus oppido capto ar-
 mis a Turcis exiit. 163*
- Hieronymus Zanius classima-
 riq. praeficitur. 42*
- Hispani Romae Columnae redē-
 untis a pugna nauali. hono-
 ribus aduersantur. 231. bel-
 lum transferre in Africam
 conantur 246. eorum in ge-
 rēdo bello consilia. 245. cun-
 Etatio suspicionem facit in
 ea parum sincere societatis.
 191. sententia de ratione bel-
 li. 196. cum Venetis inte-
 stina dissidia. 243. Hispani
 nomen in summa in-
 uidia apud omnes. 261.*
- Honoratus Caietanus inter il-
 lustres viros, qui Christia-
 na classe vehebantur. 194.*
- Hugo Apulia regis filius rex
 Cypri. 5. Lusignani cogno-
 man asciscit. ibid.
 Hugonoti Gallie haeretici. Lus-
 taniam infestant. 149. in
 Gallie regem Henricum cō-
 iurant. 302. semel atq. iterum
 praelio fusi. 307. Pari-
 sis eorum cades maxima.
 317. plebis ad Hugonotos
 verba. ibid. toto regno Gal-
 liae trucidantur. 318*
- Iacobus Celsus. 56.*
- Iacobus Foscarenus Vene-
 rio in maris praefectura sus-
 ceptus. 238*
- Iacobus Malatesta audaciū
 Turcas infecutus capitur.
 161. biennio post dimittitur
 pag. 162.*
- Iacobus Nores Comes Tripolis
 Rocasio amulus. 65*
- Iacobus Ragazonius Byzantiū
 mittitur ad agendum de pa-
 ce. 117*
- Iacobus Sorantius Venetorum
 legatus ad Casarem. 145.
 Barbarico successor Leuca-*

dem non tentandam esse
censet contra Venerium. 233.
Venerium criminose infe-
tatur. 236. Catarum ob-
sidione eximit. 291
Iacobus Sorianus pro Venerio
respondet adversariis. 237
Iannizari in bello Cyprio. 73
Imissa Cypri regio. 718 2
Ioannes Austrius. 113. co-
tius belli. imperator à Pio
creatur. 114. Genuam ex
Hispania applicat. 191.
Neapoli imperatorium ve-
xillum accipit. 192. eius
consiliarij. ibid. navalis præ-
lij signum extollit. 210. mi-
lites adhortatur. ibid. Ve-
nerio irascitur. 225. in
Sicilia commoratio. 238.
exemplar literarum ad Co-
lumniam. 262. in Siciliam
redire statuit. 279. frustra
à Venetis oratur, ne disce-
dat. 280. soluit è Græcia.
281. incusatur apud regem,
quod contra preceptum regis
cum Turcis depugnasset.
pag. 287
Ioannes Brunus Antibaren-

sum Archiepiscopus. interfi-
citur. 163
Ioannes Cabuinus in Galliam
heresim inuehit. 300
Ioannes Falerius. 83. captus à
Turcis, se pretio redimit. 92
Ioannes Legius Dalmatiae le-
gatus in vincula conjicitur
Venetijs. 103
Ioannes Soranius disturbando
fœderi Venetijs. Romam
mittitur. 112. Pio Pont.
ingratus. ibid.
Ioannes Susominus vir indu-
strius. 66
Isahacius Cypri Ricardum
Britanniae regem prohibet.
4. bello superatur ab eodem.
ibidem
Ismaël Persarum rex ab Seli-
mo Solimani patre supera-
tur. 125
Ismaël Tammasi Persarum re-
gis filius cur à patre in custo-
dia habitus. 140
Italorum principum in bellum
studia. 249
Iudai vagi. 19 eorum sedes.
ibid. Hispania expelluntur.
20. in Lusitanam pergunt.

I N D E X.

ibid. libertatem amittunt.

ibid. eijciuntur Lusitania.

Christianos se simulant.

ibidem.

Iulius Sannorianus Nicosiam

munire aggreditur minimo

cum sumptu Venetorum. 9.

10: Dalmatiam curat. 41.

Venetis muniendis prefe-

Justinianus vide, Petrus, &

Onfredus. 61.

Andelotius ab Henrico

Gallia rege penè interfici-

itur. 308

Landrianus Scilie pates Au-

strii consiliarius. 192

Latinus Ursinus inter illustres

viros, qui Christiana clas-

se vehabantur. 194

Lauredani Ducis Venetiarum

obitus. 47

Laurentius Theupulus Fama-

gusta cum Bragadino prepo-

situs. 63

Legati Veneti apud Hispanos

litera ad senatum. 287

Leiparum pagus Turcis se de-

dit: à Nicosiensibus incen-

ditur. 77

Lesina insula à Turcis incen-

ditur. 65

Leucadis situs. 34. irrita co-

natio tentatur à Venerio.

pag. 235

Litera de pace cum Turcis com-

posita Romam perferuntur.

pag. 322

Litera nostrorum intercepta ab

hostibus. 86

Lotharingia Card. Carolus.

302. eius Catharina re-

gina discidia. 303. mores.

ibid. in eum coniuratio. 304

Lucas Michaëlius Canea ma-

gistratus Turcarum impe-

ram reprimis. 156

Lucensium resp. pecuniam in

bellum Turcicum offert. 250

Lusignana familia. 4

M

M Abometes Seghetū, mor-

tuo ibi Solimano, ca-

pit. 14. Solimani mortem

mire occultat. 15. Selimi

gener, & Bassa Visirius.

ibid. eius calliditas, & po-

tentia. ibid. Pialeium, et Mu-

stapha euertere conatur. 18.

- bellum à Venetis studet
 auertere. 29. Hispanicum
 bellum suadet. 30. acriter
 à rege accipitur. 36. eius ar-
 res ad Venetos fallendos. 37
 Cyprum à legato tradi regi
 postulat. 39. litera de eu-
 dem re. 45
 Malatesta. vide, Iacobus.
 Muluagia urbs, antiquis Epi-
 daurum Laconiae. 263
 Mamaluci Ianum Cypri re-
 gem bello captum in Aegyp-
 tum abducunt. 7
 Manolius Marmorius. 48. à
 Turcis captus in expugna-
 tione Sopotì. 159
 Mantua Dux Gulielmus Gon-
 zaga milites in Turcicum
 bellum offert. 249
 M. Antonius Barbarus Ve-
 netorum legatus apud Tur-
 cam. 38. de Cypro munien-
 da admonet Venetos. ibid.
 Litera eius multa intercipi-
 untur à Turcis. 39. instan-
 ti seruituti filium eripit. 41.
 eius uxor Abrahamum
 muneratur. 46. de captiuis
 commutandis cum Maho-
 mete agit. 117. de pace a-
 gere iubetur à Decemuiris.
 289. pacem cum Turcis
 componit. 322
 M. Antonius Bragadinus Fa-
 magusta praefectus. 63. egre-
 giè Famagustam defendit.
 182. eius litera ad senatum
 & filios. 183. infanda in
 eum cruciatu genera. 188.
 eius maximè barbarum ne-
 cis genus. 189. pellit infar-
 ta paleis Venetijs asserua-
 tur. ibid.
 M. Antonius Columna Pon-
 tificia classis praefectus. 54.
 Pio percharus. ibid. init
 gratiam apud Venetos. ibid.
 Austriosis à bello abesse, pa-
 ri cum imperio sufficitur.
 114. Venotias à Pio mitti-
 tur. 118. eius ad Venetos
 qualis oratio. 119. virtus.
 122. Romanè re bene gesta
 reuertitur. 131. cum Pon-
 tificia classe soluit è centum
 cellis. 135. eius de bello ge-
 rendo sententia, & oratio.
 197. secreta ad Austrium
 Hispanosq. monita. 198.

I N D E X.

- perniciosa rixam inter
dutes mature sedat. 201.
eius oratio ad Austrium
placandum, 202. facta in
pugna nauali, 221. honor
redeunti Romam à Pio, &
Pop. Rom. habitus. 231.
liberaliter, & munificè
ipse & filius à Pio tracta-
tur. ibid. Pio mortuo Nea-
polim nauigat. 256. eius
consilium ad prohibendas po-
pulatione Venetorum insu-
las. 266. cur omissum. 267.
prælio cur abstinuerit. 269.
oratio ad pauidos. 271.
Austrium sibi iratum opi-
natur. 273. in Hispaniam
profiscitur. 282
M. Cato in Cyprum missus ad
provinciam ordinandam.
4. Romæ Cypriorum regum
thesauros asportat. ibid.
Marcus Quirinus. 49. eius
ignavia. 171
Marcus Quirinus cognomen-
to Stenta Famagustam cum
classe penetrat, 172. Tur-
cicas triremes duas demer-
git, alias capit. ibid. Ve-
neto senarui iratus Fama-
gusta subsidium impedit.
185. ipse Siciliam adit. ibid.
Margarita Gallie regis soror
Henrico Nauarra regi de-
sponsa. 142
Margarita Nauarra regina
hæreseos faulrix. 301
Margaritum oppidum Epi-
ri. 50. desertum à Turcis
nostri excindunt. 235
Marrani, qui sint. 21
Martinengus. vide, Hiero-
nymus, Sciarra, Aloysius,
& Hector.
Martinus Lutherus heretico-
rum superioris ætatis caput.
pag. 300
Massora Cypri regio. 2
Maurorum in Hispania vi-
res & copia. 30
Maximilianus Cæsar Cosmo
Medici, Magni Ducis ho-
norem abrogat. 144. redar-
guitur ac lenitur à Com-
mendono Card. 145. à fæ-
dere iungendo alienus. ibid.
& 320. arte quàm armis
melior, ibid. ad Commen-
donum responsio. 149. ad

eundem epistola. *ibid.* deliberatio de bello Turcis inferendo. 152. disceptatio altera cū Comendono, & postulata. *ibid.* conditiones fœderis cum ipso. *ibid.* & 321 eius in Venetos indignatio ob pacem cū Turcis factā. 325. 326
Mehemetes Eubæe præfectus navali pralio captus Romæ afferuatur. 298. eius de victoria nostrorum sententia. *ibid.* pulcrum dictum. *ibid.* & 299
Memorantius. vide, *Anneus.*
Mercatores Veneti Byzantij; Turca Venetij belli tempore in custodia habiti. 116
Mesarea Cypri regio. 2
Methonis portus. 275
Michesius Iudeus *Mustapha* familiaris. 19. inuadenda Cypri *Selimo* suaser. 22. destinatus. ut creditum est, Cypri rex. 23. incendij Venetij excitari auctor. 33
Mocenicus. vide, *Aloysius.*
Mongomerius occiso *Admiratio* fuga sibi consulit. 315
Mulas nutrire Cyprij vetan-

tur.

3

Muphtius Turcarum Sacerdos. 29

Musaferus. 86

Mustapha nutritius *Selimi.*

14. eius virtute *Selimus*

Baiazetem superat. *ibid.* in-

fensus *Mahometi.* 18. *Ma-*

hometis artibus necari iube-

tur à rege. *ibid.* ipse sibi con-

sulit. 19. Cypriam expedi-

tionem regi suadet. 25. 35.

terrestrium copiarum dux.

73. *Nicosiam* primò aggre-

di statuit. 76. eius literæ ad

Cyprios. *ibid.* *Nicosiam* ob-

sidet. 78. puteis veneno in-

fectis, novos fieri iubet. *ibid.*

Nicosiam totis viribus, etiā

clāssariorum, oppugnare de-

cernit. 88. eius ad oppugnan-

dum acriter suasio. *ibid.* ur-

bem expugnat. 92. eius cru-

delitas in ciues. 95. ad oppu-

gnandam *Famagustā* pro-

fisciscitur. 96. de urbis oppu-

gnatione cura. 173. ciues ad

deditionem sollicitat. 174.

dubitatio de rei exitu. 180.

arctis ad milites incitandos.

ibid.

ibid. doli ac perfidia . 187.
impudentissima ad nostros
interficiendos contra fidem
calumnia . 188

N

N *Analys praelij initium* .
 213. *certaminis hor-*
ror . 214. *Varia species, &*
fortuna . 216. *Victoria prin-*
cipium . 218. *consummatio* .
 221. *caforum, & captiuo-*
rum Turcarum numerus .
 222. *naues capte, & fra-*
cte, Christiani seruituti ex-
empti, praeda militi conces-
sa. ibid. desiderati ex nostris
& saucij . 223. *post victo-*
riam quid gestum sit . 235
Naugarinum vrbs . 275. *fru-*
stra tētatur à Farnesio . 279
Nicolai Pontij pacem fœderi
preferentis ad senatum ora-
tio . 129. *de pace componen-*
da oratio . 287. *Romam*
missus Gregorium Venetis
iratum placat . 329. 330
Nicolaus Dandulus. vide,
Dandulus .

Nicolaus Donatus cū subsidio
Famagustam mittitur 185
eius pernicioſa cūctatio . 184
Nicolaus Gradenicus . 182
Nicosia vrbs . 9. *eius cum Fa-*
magusta diffidium de fru-
mento . 65. *praſidiariorum*
numerus . 77. *obsidetur* .
 78. & *seq. oppugnatur acē-*
rimē . 90. *expugnatur* 92.
capte miserabilis facies . 93.
caſorum numerus . 95. *ca-*
ptiuorum miseria. ibid. pra-
da ſama infinitam vim
Turcarum ad Cyprium bel-
lum trahit . 173

O

O *Casio maxima delē-*
di hostis neglecta à
nostris . 276
Olchinienſium virtus . 162. *a-*
criter oppugnati à Turcis ſe
dedunt . 163
Oneraria naues, anceps auxilij
genus . 264 *oneraria Vene-*
tijſ adueniens erepta periculo
pag . 268
Onfredus Iuſtinianus Venetias

naualis victoria nuncius à
Venerio mittitur . 225. e-
ius in urbem ingressus, &
relatio victoria. 227
Ottomanica mensa parcitas. 12

P

PAcis conditiones, de qui-
bus inter Venetos Tur-
casque agi ceptum. 323. le-
ges, quibus firmata est. 324.
eius nuncius quomodo accep-
tus Venetijs. 325. Vien-
na. ibid. & seq. in Hispa-
nia. 326. quomodo Roma
diuulgatus. 327. quo lega-
ti Veneti odio, & periculo.
326. & seq. quàm molestè à
Pontifice acceptus. ibid. à
ciuitate Veneta. 325. mo-
deratè acceptus à Philippo,
& Hispanis, ibid. & seq.
Palatius Fanensis tribunus. 7
interficitur. 92
Pallaucinus, vide, Sfortia.
Paphia Cypri regio. 2
Pardilonus Admiralijs comes
occiditur. 215
Parisijs ciuitas nunquam

Hugonorum peste conta-
minari se passa. 316
Parma Dux Octavius Farne-
sius milites in Turcicum
bellum offert. 259
Paraci in Cypro, qui sint. 2
Paulus Iordanus Ursinus in
Christiana classe militat.
194. eius virtus in pugna
nauali. 221
Paulus Sfortia unus ex viris
principibus in classe. 194
Paulus Theopulus decemui-
ris auctor referendi ad sena-
tum consilia de pace, & ea
de re disceptatio. 123. eius
pacem dissuadentis ad sena-
tum oratio. 124. praefectu-
ram classis ambit. 237. le-
gatus ad Pium una cum
Sorantio. 244. eius de bel-
lo in Gracia gerendo oratio.
247. ob nuncium pacis Ve-
netorum cum Turcis priua-
tim factæ Gregorio inuisus.
326. & seq. in eum & Ve-
netos plebis Rom. pericu-
losum odium. 327. eius
ad placandum Pont. artes.
pag. 328. 329

I N D E X.

- Paulus Ursinus inter illustres viros, qui Christiana classe vehabantur.* 194. *Margaritum castellum capit, & diruit.* 235
- Pecunie necessitas qua ratione suppleta in bello Famagustano.* 182
- Pentagya Cypri regio.* 2
- Pertaus Pialeio suffectus.* 155. *eius in deditioe Olchinienfi perfilia.* 163. *Catarensum animos frustra per legatum tentat.* 164. *Olchinio oriundus. ibid.* *Corcyram vexat.* 166. *eius de vitanda pugna sententia.* 205. *ante pugna naualis initium sibi timet.* 213. *vincentibus Christianis actuario elabatur.* 221. *ab Selimo pellitur in exilium.* 241
- Pestis classem Venetam populat.* 51
- Petri Iustiniani, & Meliten- sium equitum in nauali praelio virtus.* 220. *in eo primum captiuo, deinde victore fortuna vices.* ibid.
- Petrus Cypri rex.* 5. *Alexan-*
- dria potitur. ibid.* *Romam ad Pontificem proficiscitur. ibid.* *in Cyprios seuit.* 6. *à coniuratis femina hortatu interficitur.* ibid.
- Petrus Fulgosius Genuensium dux.* 7. *Cyprum vectigalem Genuensibus reddit.* ibid.
- Petrus Pardus falsum rumorem de nostra classis exitio spargit.* 272
- Petrus Strotius à Cosmo Medice fusus.* 143
- Philippi II. de fœdere incundo responsio ad legatum Pontificis.* 109. *altera ad Card. Alexandrinum.* 139. *littera ad Greg. XIII.* 257. *Venectorum cum Turca pacis nuncium moderatè accipit.* pag. 326
- Philippus Bragadinus Turcas nauali clade perterritos insequi cupiens non adiuuatur à Venerio.* 232
- Pialeius infans in sulco repertus* 14. *Selimi gener. ibid.* *in- sensus Mahometi.* 18. *dignitate exutus, & in eam restitutus. ibid.* *classi mariq.*

I N D E X.

- praefectus.* 73. *Famagustam*
primo oppugnandam censet.
75. increpatur à rege Tur-
caram : 100. *ei sufficitur*
Pertaus. 155
Piles Admiraliſſi comes occidi-
tur. 315
Pius V. Pont. Venetis è Pice-
no frumenta exportandi po-
teſtatè facit. 43. *initio Pon-*
tificatus alienus à Venetis.
51. Venetis in bello auxili-
atur. 54. *Hispania regem*
ad bellũ hortatur. 55. *fæderi*
Christianorum iugendo ſtu-
det. 107. *ea de cauſa Card.*
legatos alloquitur. 110.
magna conſtantia rem pro-
ſequitur. 112. *dat ſuper hoc*
acres ad Philippum regem li-
teras. 113. *M. Ant. Co-*
lumniam Venetias mittit.
118. leges fæderis iubet. 131
à Coſmo Medice longas na-
ves conducit. 134. *Marga-*
ritam Gallie regis ſororem
Sebaſtiano Luſitania regi
coniugem tradere, cur optarit
141. religioſè gratias pro na-
uali victoria Deo agit. 230.
redeuntem Columniam ſin-
gulari honore excipi iubet.
231. eius munificentia erga
eundem, & Aſcanium filium.
ibid. ut Venerium amoue-
rent, Venetos mouet. 238.
rationem belli gerendi præ-
ſcribit. 249. *in morbum in-*
cidit. 251. *quam medici-*
nam optimam duxerit. *ibid.*
ſanctiſſima mors, & elogiũ.
ibid. eius familia, & res
geſtæ. 252. *Hispaniarum*
regi poteſtatem facit exigen-
di aliquot aureorum millia
ab ſacerdotibus Hispanis.
pag. 261
Pizanum caſtellum excindi-
tur à Turcis. 164
Podocateri propagnaculum. 78
Podocaterus. vide Hector.
Polonia rex Auguſtus diuortio
ſtudet. 153. *corripitur à*
Commendono. *ibid. reginae*
obitus. *ibid. regis miſera*
mors. 154. *ſufficitur Hen-*
ricus regis Gallie frater.
pag. *ibid.*
Pompeius Columna. 58. *in Hi-*
ſpaniã mittitur à Pont. 115

I N D E X.

<i>Pontificia classis itineris ratio .</i>	<i>Equitis maritima rei sci-</i>
<i>pag. 135</i>	<i>tia & virtus. 221</i>
<i>Pontificis in Venetos ira, & in</i>	<i>Remigibus damnatis ad trire-</i>
<i>Senatu insectatio. 327. 328</i>	<i>mes promissa libertas, si na-</i>
<i>329. decreta. 328. placarur à Theupulo, & Nicolao Pontio Venetis legatis.</i>	<i>uali pralio nostri victores euasissent. 215</i>
<i>329. & seq.</i>	<i>Remigum Christianorū in Tur-</i>
<i>Pontius. vide, Nicolaus.</i>	<i>carum nauibus nauali pugna facinora. 216</i>
<i>Prædam partiendi ratio post naualem victoriam. 226</i>	<i>Requesentij de bello sententia. pag. 192</i>
<i>Priolus. vide, Franciscus.</i>	<i>Rhetimatū insignis pavor. 156</i>
<i>Prodentium Turcis arces in Dalmatia supplicia. 289</i>	<i>Ricardus Britannie rex vi Cypro potitur. 4</i>
<i>Prosper Columna. 226</i>	<i>Rocafocorius occiditur. 315</i>
<i>Prothenus insula. 276</i>	<i>Rocasij Comes pro rege Petro absente Cyprum curat. s. regiam potentiam inuadit. ibid. accusatur, absoluitur. ibid. de alio vide, Eugenius Syncliticus.</i>
<i>Ptolemæus Aegypti rex, Cypri dominus se interficit. 4</i>	<i>Rocasij culpa Turce in muros Nicosie euadunt. 91. eius cades. 92. cadaueri illudunt Turce. ibid.</i>
<i>Pub. Clodius captus à piratis. 4. dimissus gratuito. ibid. Cyprum in prouinciam populi Rom. redigit. ibid.</i>	<i>Romana Urbis gratulatio, & gratiarum actio, accepto victorie naualis nuncio. 230</i>
<i>Putei à Cyprijs veneno infecti. pag. 78</i>	<i>Rouereus. vide, Franciscus Maria.</i>

R

R Agazonius. vide, Iacobus, & Hieronymus.
Ramagasij Sequani. Melitensis

S

Sabaudia Ducis filius Ludouicus, Cypri rex. 7. expellitur à Mamalucis. ibid.
 Sabaudia Dux Filibertus ad Turcicum bellum auxilia offert. 250. cur ei imperium belli demandatum non sit. pag. 114
 Salinae, Cypri regio. 2
 Salis Cyprij ingens vectigal. pag. 3
 Salomonus Iudaus medicus paci inter Venetos, & Turcas componenda adhibitus. 322
 Saluiata. vide, Geneva.
 Saluiatus. vide, Antonius Maria.
 Sapientiae insula. 275
 Sauornianus. vide, Iulius.
 Sciarra Martinenghus Catari procurator. 162. capto Olchinio exutus armis abire permittitur. 163
 Siroccus cum XXV. nauibus in Cyprum à Turcis premittitur. 70.
 Scotiae regina, Francisci Galliae regis uxor. 305.
 Scutara capiendae occasio à Ve-

netis omiſſa. 160

Sebastiani Lusitaniae regis responsio ad Card. Alexandrinum de sedere. 139. pietas ac religio. 141
 Sebastianus Venerius Sopotum capit. 49. Zanio in classis praefectura successus. 104.
 Dyrrhachium frustra tentat. 136. septem naues amittit. 180. Austrium de celeritate liberè admonet. 195. Austrij congressu ut abstineat, admonetur. 203. virtus in pugna nauali. 22. apud Austrium redit in gratiam. 224. consilium salutare turbat, rursusq. Austrium offendit. 225. ab Austrio in speciem amicus digreditur. 226. eius post. victoriam vana consilia. 232. Leucadem frustra tentat. 235. praefectura classis mouetur. 238. oras maris Adriatici in speciem honoris curare iubetur. 239. eius fortuna & acta etas. ibid.
 Seditio ingens in classe ex minimo penè coorta. 200

- Selimus solimani filius, & Imperij heres.* 12. *Adrianopoli, & Cilicia praefectus.* ibid. *mores pessimi.* ibid. *Violentia.* ibid. *intemperantia in voluptatibus.* 13. *cōtempus eius apud milites.* 15. *Iudeis fauet.* ibid. *iubet Mustaphā occidi.* 18. *invadere Cyprum cur maximè decreuerit.* 25. *eius animi Vanitas.* 29. *Mahometem acriter accipit.* 36. *litterae eius ad Venetos, quibus Cyprum petit.* 44
- Sepulcrale Templum regū Turcarum.* 24. *hospocomia, & hospitia prope templum.* ibid. *ex hostium manubijs adificari solitum.* 25
- Sfortia Pallauicinus terrestrium copiarum dux.* 50. *legatis Zanij additus.* 56. *eius de non occurrendo hostibus sententia.* 68
- Sfortia S. Flora Comes Austrij consiliarius.* 192
- Sinamus Aegypti praefectus.* 18. *accusator Mustaphae.* ibid.
- Solimanus agre fert, muniri Cyprum à Venetis.* 11. *eius filij.* ibid. *Mustaphā natu maximum necari iubet.* ibid. *Belgradum expugnat, Rhodopotitur, Venetis multa eripit.* 26. *eisdem minatur.* ibid.
- Sopotum oppidum capitur à nostris.* 44. *Turcae recipiunt.* 159. *iterum capitur à nostris.* 235. *redditur Turcis.* 324
- Sorantius.* vide, *Iohannes & Iacobus.*
- Sorbellonus.* vide, *Glabrio*
- Sorianus.* vide, *Angelus, & Iacobus.*
- Sorianus Venetorum legatus.* *Pio percurrit.* 112. *eius laudes.* ibid.
- Strophades insula.* 275
- Suda incenditur à Pertao.* 156
- Suessanorum Princeps.* 281
- Sulphurei pulueris incendium fraude Turearum excitatum Venetijs.* 32. *quam stragem, & fragorem ediderit.* ibid.

T.

T Aenarus promontorium,
hodie Metapanum. 267
Tammasi. Persarum regis in-
ertia. 140
Templariorum societas Cyprū
emit 4. vendit. ibid.
Thenpulus. Vide, Lauren-
tius, Hermolaus, & Pau-
lus.
Tilinus Admiralijs comes occi-
ditur. 315
Triumviri Venetijs creati.
104. Zanium in vincula
coniiciunt. 105
Turce eruptione Nicosensium
magnam cladem accipiunt.
84. cautiùs agunt. 85.
Varijs nostrorum navibus
potiuntur. 102. captivi
nobiliores post navalem pu-
gnam Romam abducti, &
à Pio humaniter habiti.
226. reparande classi ani-
mum adiiciunt. 142. in
Dalmatia aliquot locis po-
tuntur. 289. eorum pro-
missis nulla fides. 94. in

oppugnatione Famagusta o-
pera, progressus, & clades.
175. casorum numerus eo
bello. 183. in loco navali
pugna deligendo impruden-
tia. 218. obedientia. 18.
militum numerus in Cyprū
expositus, & apparatus.
73. Turcica classis summa.
155. contemptus Christia-
norum. 204. instructio ad
praelium. 209. novae post
cladem classis celerrimus ap-
paratus. 242. eius sum-
ma, & vis. 263

V

V Alachi Bogdanum regē
expellunt. 153
Venerius. Vide, Sebastianus,
& Hieronymus.
Venetias falsus perlatus rumor
de Cypro liberata periculo.
103. de capta Famagusta.
171. magnum Venetijs sul-
phurei pulveris incendium
32. ex eo coniurationis suspi-
cio. 33. quis auctor credi-
tus. ibid. Venetia metu

I N D E X.

Turcica classis muniuntur.
 170. *triumviri habendis de*
rep. administrata quæstio-
nibus creantur. 104. *ingens*
lætitiæ ex navalis victoriæ
nuncio. 227. *gratiæ pro vi-*
ctoriæ Deo actæ. 229
Veneti Cypro à Catharina re-
gina donantur. 8. *eorum*
responsio ad legatum Selimi
Cyprum petentis. 45. *eis in*
bello decernitur à Pontifice
auxilium. 54. *servos, bel-*
lo ingruente, libertate do-
nant. 72. *supplenda classi*
capitales, & exules adhibet.
 104. *de pace componenda de-*
liberant. 116. *Auriam*
penè proditiõis accusant.
 243. *classẽ biemare in*
Græciâ vehementer cupiunt
 281. *ne pacem secretò coque-*
rent, ingens Roma suspicio.
 296. *pacem cum Turcis*
componunt. 322. *eorum in-*
gerendo bello consilia. 111.
classis itineris ratio. 130. *le-*
gatio ad regem Persarum.
 140. *ad Curzolanorum le-*
gatos apta responsio. 165. *in*

conficienda pecunia ad bellũ
duplex ratio. 167. *ad ur-*
bium suarum legatos oratio.
 168. *eorum naues suspicio-*
nis de Auria conceptæ pœ-
nas luunt. 219. *de Turcis*
captivis necandis consilium.
 226. *reip. forma.* 236. *cũ*
Hispanis intestina dissidia.
 243. *oratio ad retinendũ*
Austriũ, ne se ipsos desereret.
 280. *conquestiones apud pri-*
mos exercitus. *ibid.* *apud*
Pontificem, & alios Roma.
 292. *sermões de pace cogi-*
tantium. 284. *callidum*
consilium. 292. *cum regijs*
varia altercationes. 295.
eorum legati apud Hispanos
literæ ad senatum. 287.
unius è primoribus in Hi-
spanos oratio. 285. 286. *se-*
natus decretum de fœdere
accipiendo. 131. *patriciorũ*
due factiones. 236. *Vene-*
ti, eorumq. legati ob initam
privatim cũ Turcis pacem,
apud externos summe exosi.
 325. & seqq. *Venetorum*
potentiâ pacis artibus ac-

qui-

I N D E X.


- quisita.* 325
Ventus nostra classi prope mi-
raculo fauet. 213
Vgo Boncompagnus. vide,
Gregorius XIII.
Victoria naualis principii. 218
Vincentius Alexandrius Ve-
netijs missus ad Tammāsū
Persarum regem. 140
Vincentius Vitellius, unus ex
insignibus viris Christiana
classis. 194
Vini Cyprij excellentia, & co-
pia. 3
Viscontia Cypri regio. 2
Vlucialis archipirata. 155
eius res gesta in Creta. 156.
Rhetimatū illudit ignauia.
157. maritima rei peritia.
219. consiliū in pugna na-
uali deprehensum ab Auria.
ibid. inclinatis rebus fugit.
ibid. Halyo sufficitur. 241.
classe nouā apparat. 242.
audito nostrorū aduentu con-
siliū. 264. *mira sagacitas.*
267. bellica virtus. 270.
reditus ad Turcam post eui-
tatū periculū gloriosus. 282
Urbini Dux Guidobaldus se ad
Turcicum bellū offert. 250
Urbium Venetis subditarum
conquestiones de nouis Ve-
etigalibus. 167. *legati ea de*
re Venetias missi. 168. *tri-*
butum ab ijs belli tempore
quotannis collatum. 169
Ursinus. vide, Flavius.

Z

- Z** *Acharia Salomonij fides*
& virtus. 164.
Zanetius Dandulus. 83
Zanius classi mariq. praeficitur.
42. successorem mitti sibi
prudenter postulat. 104. *in*
vincula conijcitur. 105.
crimina, quae illi obijcieban-
tur. ibid.
Zuinglius Heluetiorum corru-
ptor. 300

F I N I S.





<i>Pag. lin.</i>		<i>die</i>	<i>Pag. lin.</i>		<i>die</i>
1. 3.	ezpisse	cepisse	137. 14.	misso	missu
23.	Bombicis	Bombycis	138. 6.	cludi	cludi
25.	spartho	spartho	148. 22.	longum	longarum
4. 7.	querebatur	querebatur	156. 29.	sine	vt sine
27.	premioq.	præmioq.	190. 10.	sulphureo	sulphureo
5. 1.	diende	deinde	192. 29.	qua	quam
20.	ezpit	cepit	217. 1.	Turcis	Turcicis
7. 8.	Visilopota-	Visilopota-	26.	principiem	principem
	num	num	333. 21.	vbi nec subita	vbi subita
8. 7.	regi	rege	263. 16.	Cytheram	Cythera
12. 14.	Andriano--	Adrianopo.	276. 11.	aciebat	aiebat
	poli	li	278. 1.	nostros	nostros
22.	Ootomano-	Ottomano-	283. 9.	ingloriam	inglorium
	rum	rum	300. 1.	per turbata	perturbata
	mensa	mensæ	304. 17.	proximior	coniunctior
16. 3.	ipsiq.	ijsq.	308. 29.	fæderi	fædari
7.	Habraimum	Abrahamū	312. 24.	noctu	nocte
24. 3.	offerti	offerri	313. 14.	palijs	pallijs
26. 16.	Peloponeso	Peloponneso	314. 22.	penam	pnam
55. 11.	duce	duci	137. & 139.	SECUNDVS TERTIVS	
62. 3.	pto	pro		<i>in margine,</i>	
65. 8.	Dandalus	Dandulus	22.	Mahometes	Michesius
71. 4.	Epriotarum	Epirotarum	309.	Condeus	Colinius
73. 8.	pene	penē		<i>in Indice</i>	
29.	Basarum	Basarum		<i>in fine vocis (Pius V.) ante illa ver-</i>	
110. 24.	presentia	presentia		<i>ba (Hispaniarū Regi) adde Pius IV.</i>	



E R R A T A

S I C C O R R I G E .

<i>Pag. lin.</i>		<i>dic</i>	<i>Pag. lin.</i>		<i>dic</i>
1. 3.	czpisse	cepisse	137.14.	misso	misu
23.	Bombicis	Bombycis	138.6.	cludi	cludi
25.	spārtho	sparto	148.22.	lonrum	longarum
4. 7.	quzrebatur	queriebatur	156.29.	sine	ut sine
27.	premioq.	przmioq.	190.10.	sulphureo	sulphureo
5. 1.	diende	deinde	192.29.	qua	quam
20.	capit	cepit	217.1.	Turcis	Turcicis
7. 8.	Visilopota-	Visilopota-	26.	principiem	principem
	num	mum	333.21.	vbi nec subita	vbi subita
8. 7.	regi	rege	263.16.	Cytheram	Cythera
12. 14.	Andriano--	Adrianopo-	276.11.	aciebat	aiebat
	poli	li	278.1.	nostros	nostros
22.	Ottomano-	Ottomano-	283.9.	ingloriam	inglorium
	rum	rum	300.1.	per turbata	perturbata
	mensa	mensa	304.17.	proximior	coniunctior
16. 3.	ipsiq.	ijsq.	308.29.	fzderi	fzdari
7.	Habraimū	Abrahimū	312.24.	noctu	nocte
24. 3.	offerti	offerri	313.14.	palijs	pallijs
26. 16.	Peloponeso	Peloponneso	314.22.	penam	pænam
55. 11.	duce	duci	137.&139.	SECUNDVS TERTIVS	
62. 3.	pto	pro		<i>in margine.</i>	
65. 8.	Dandalus	Dandulus	22.	Mahometes	Michesius
71. 4.	Epriotarum	Epirotarum	309.	Condzus	Colinius
73. 8.	pæne	penè		<i>in Indice</i>	
119. 29.	Basarum	Bassarum		<i>in fine voiti (Pius V.) ante illa vr-</i>	
119. 24.	prszentia	præsentia		<i>ba (Hispaniarū Rēgi) adde Pius IV.</i>	



REGESTVM.

† A B C D E F G H I K L M N O P Q R S
T V X Y Z.

Aa Bb Cc Dd Ee Ff Gg.

Omnes sunt Terniones, præter † Duernio.



ROMÆ, Typis Alexandri Zannetti. MDCXXIV.

SVPERIORVM PERMISSV.









See - Cat - f-5

